


XXI АСР ЎЗБЕК  
ДЕТЕКТИВИ

# Темурийлар кутубхонаси нинг **СИРИ**



Детектив  
кисса

КОМИЛ  
СИНДАРОВ

84  
C-58

54/2

Маев фур сар  
кыт жөхөн асекүнүз  
сарыр

2019 й 18000

Kitob shu erda ko'rsatilgan muddatdan  
kechiktirilmagan holda topshirilishi shart

ilgari berilmalar miqdori \_\_\_\_\_


7/12-894/202  
24/09·30·202  
18/11-1142·212






84  
C-58

# ТЕМУРИИЛАР КУТУБХОНАСИННИГ **СИРИ**



Детектив  
кисса **КОМИЛ  
СИНДАРОВ**



Тошкент  
2019

**УЎК: 821.512.133-3**

**КБК: 84(5Ў)7**

**С – 58**

**Синдаров, Комил**

Темурийлар кутубхонасининг сири: қисса / Комил Синдаров. – Тошкент: Янги аср авлоди, 2019. – 320 б.

ISBN 978-9943-27-651-2

Қўлингиздаги китоб тарихнинг бизга маълум бўлган, аммо ҳалигача очилмаган сир-синоати ҳақида. Ҳазрати Башир қишлоғидаги оддий бир чўпоннинг ўлдирилиб кетиши воқеаси, жиноятни фош этишга бел боғлаган терговчиларнинг уддабуронлиги, бу жиноят атрофига жуда кўпчилик нинг ўралашиб қолиши, бир жиноят ортидан бошқа жиноят изларининг топилиши...

Қизиқ, қадим Темурийлар кутубхонаси билан оддий чўпоннинг ўлдирилиб кетиши ўртасида қандай борлиқдик бўлиши мумкин? Вақт ва замон ўртасидаги мувофиқлик бир-бирига қай дараҷада боғлиқ?..

Саволларга жавобни очиқ қолдирамиз. Яхшиси, мутолаадан сўнг сизни баҳсга чорлаймиз.

**УЎК: 821.512.133-3**

**КБК: 84(5Ў)7**

ISBN 978-9943-27-651-2

© Комил Синдаров, «Темурийлар кутубхонасининг сири». «Янги аср авлоди», 2019 йил.

## **СҮЗ БОШИ ЎРНИДА**

Кўлингиздаги детектив қисса 2013 йилда чоп этилган «Қимматга тушган хато» (Ёки қасоскор қалб исёни) номли китобимизнинг мантиқий давомидир. Гарчанд асарлардаги воқеалар бир-бирдан тубдан фарқдансанса-да, асосий қаҳрамонлар яна ўша прокуратура терговчилари Фахриддин ва Санжарбеклардир.

«Қимматга тушган хато»да прокуратура ходими-нинг тўсатдан йўқолиб қолиши билан боғлиқ мурракаб ва ўта оғир жиноятни ўзларининг профессионал маҳорати, билими, тиришқоқлиги ҳамда зукколиги билан фош этган терговчилар «Темурийлар кутубхонасининг сири»да энди Ҳазрати Башир қишлоғига яқин тоғ этагидаги қўтонда содир бўлган чўпоннинг ўлими билан боғлиқ антиқа жиноят ишини тергов қилишга киришадилар.

Бир қараашда оддийгина туюлган қотиллик жинояти бора-бора чигаллашиб, бошқа бир тарихий воқеага – XV асрларда йўқолиб кетганлиги гумон қилинаётга ған Темурийлар ёки Мирзо Улуғбек кутубхонаси билан боғлиқ ажойиб ва гаройиб ҳодисаларга уланиб, аср жинояти даражасига кўтарилади.

Сир эмаски, бугунги ўзбек адабиётида детектив асарлар салмоғи жуда кам. Китобхон эса бундай асарларга муҳтож. Айниқса, прокуратура терговчиларнинг сермаشاққат ва шарафли меҳнатларини акс эттирувчи, ўқувчини жiddий мулоҳаза қилишга ундовчи, уларнинг ҳуқуқий маданиятини оширишга хизмат қилувчи бадиий асарлар бармоқ билан санаюли.

«Темурийлар кутубхонасиning сири»ни ёзар эканмиз биз ўз оддимга уч муштарак мақсадни кўйган эдик:

Одамлар онгида узоқ йиллар давомида сақлашиб келаётган «прокуратура қораловчи, жазоловчи орган, унда ишловчи ходимлар эса қаҳри қаттиқ, қўпол ва бемеҳр инсонлар» деган нотўғри тушунчаларга барҳам бериб, Фахриддин ва Санжарбеклар мисолида прокуратура терговчиларининг ғоят машиққатли, шу билан бирга шарафли ишларини ҳаққоний ёритиш, уларнинг «қилини қирқ ёриб» адолат, ҳақиқат ва қонун устуворлигини таъминлаш борасидаги серқирра ва ўта нозик фаолиятларини ҳаётий мисоллар ва бадиий бўёкларда акс эттириш ва шу билан китобхон қалбида бундай шарафли юксак касб эгаларига нисбатан муҳаббат ҳисларини уйғотиш – бош мақсадимиз эди.

Аҳолининг ҳуқуқий саводхонлиги, ҳуқуқий маданиятини оширишда детектив асарларнинг ўрни муҳимдир. Шу нақтани назардан оддий китобхоннинг онгига жиноят учун жазонинг муқаррарлиги, айбсиз шахсни жазога тортиш мумкин эмаслиги, суднинг ҳукмисиз ҳеч кимни айбдор деб ҳисоблаб бўлмаслиги, жиноятчи шохида юрса, баргида юрадиган терговчилар фаолиятининг асосий мезони адолат ва қонун устуворлиги тамойили эканлиги каби тушунчаларни сингдириш мақсадини кўзладик.

Бундан ташқари мазкур асар баҳонасида узоқ йиллар оғриқ нуқтамиз бўлиб ётган бир тарихий воқеликни қаламга олишга журъат этдик.

Маълумки, Соҳибқирон Амир Темурнинг илмга, китобга меҳри бошқача бўлган. Қайга бормасин, қай юртни забт этмасин, зебу зардан кўра китобларга қўпроқ аҳамият берган, нодир қўлёзмаларни сақлаб қолиш, илмий меросни янада бойитиш, илм аҳдини ардоқлаб, улар учун зарур шарт-шароитларни яратишни ўйлаган. Фирдавсмонанд

Самарқандда замонасининг энг катта кутубхонасини ташкил этган. Бу даргоҳда Турон заминда асрлар давомида улуг аждодларимиз томонидан яратилган илмий меросдан ташқари, Ҳиндистону Хуресон, Озору Арман, Боғододу Дамашқ, Қоҳираю Анқара, Ироқу Румдан келтирилган нодир қўлёзмалар тўпланган. Темурийлар кутубхонаси ёки Улуғбек кутубхонаси номи билан машҳур бу илм даргоҳи Мирзо Улуғбек вафотидан кейин таҳт тепасига келган хурофот ва жаҳолат кучлари таъсирида сирли равишда йўқ қилинган. Тарихий манбалар мазкур кутубхонанинг мавжуд бўлганлигини тасдиқлади. Унинг ёндириб, куйдириб юборилганлиги, четга олиб кетилганлиги ёки бошқа табиий оғатлар таъсирида йўқ қилинганлиги ҳақида манбаларда бир оғиз ҳам гап йўқ. Агарда шундай бўлганда, тарихчилар бу ҳақда албатта ёзиб қолдирган бўларди. Демак, бу улкан кутубхона юртимизда! Қайсиdir горда, қайсиdir тоғда ёки Самарқанднинг қайсиdir замини қаърида бизни кутиб ётибди. Бу ҳақда бир қанча илмий фаразлар ҳам мавжуд. Бундан қарийб икки аср муқаддам амалга оширилган Европа ва рус олимларининг Темурийлар кутубхонасини топиш борасидаги изланишларидан сўнг ҳозирга қадар бу масала билан ҳеч ким жiddий шуғулланган эмас...

Шуларни ўйлаб, анча йиллардан бўён бу ҳақда бирор нарса ёзиш ва шу орқали масалага жамоатчилик эътиборини қаратишни ўйлаб юраддим. Самарқандлик тарихчи олим Камолхон Каттаев, академик Бакир Зарипов, математик олим Абду самат Мамаюсупов, тадбиркор Ҳолиқул Зайдуллаевлар билан бамаслаҳат сирли кутубхонани топиш мақсадида илмий экспедиция уюштиришни ҳам ўйлаб кўйгандик.

Детектив жанрдаги асар мазмунига тарихий  
воқеликни сингдиришдан кўзланган мақсад шу эди.

Ўта нозик жанрдаги иккинчи китобимизни  
Сиз азиз ўқувчига тақдим этар эканман, сизлар-  
дан асар ҳақидаги ўз фикр-мулоҳазаларингизни  
билидишишингизни кутиб қоламан. Зоро, Фахрид-  
дин ва Санжарбекларнинг янада мураккаб, янада  
қизиқарли жиноятларни фош этиш борасидаги  
кейинги фаолиятларини реал воқеликлар, бадиий  
безакларда акс эттирувчи бўлажак асарларимиз  
тақдири Сиз мұхтарам китобхонларнинг холисона  
баҳоси, мухлисларимиз қўллаб-куватлашидан  
оладиган илҳомга боғлиқдир.

Эҳтиром ила,

**Комил СИНДАРОВ**

Электрон манзилимиз:  
[sindarov60@gmail.com](mailto:sindarov60@gmail.com)

Фахриддин хизмат хонасига кириб келиши билан ички телефон жиринглаб қолди. У «эрталабдан ким бўлдийкин?» деган ўйда гўшакни кўтарди:

– Лаббай, эшитаман.

– Фахриддин Каримович, салом! Яхши дам олдингизми? Тезда хонамга чиқинг! – Тоҳир Фофурович гапни қисқа қилди.

Терговчи қоғоз, қалам олиб, прокурор ўринbosарининг хонасига шошилди.

– Фахриддинжон, чарчоқлар ёзилдими? Уйдагилар қалай? Келин, болалар... яхшими? – прокурор ўринbosари тавозе билан гап бошлиди.

– Раҳмат, Тоҳир ака. Ўзингиз яхшимисиз? – Фахриддин гап оҳангидан муҳим топшириқ борлигини англади. Одатда, бошлиқ бирор жиддий иш топширмоқчи бўлганда унга «жон» деб мурожаат этарди.

– Мен ҳозиргина Қашқадарё вилоят прокурори билан гаплашдим. Китоб туманида рўй берган бир қотиллик жинояти бўйича хизмат сафарига боришингизга тўғри келмоқда.

– Қанақа қотиллик экан?

– Ҳазрати Башир қишлоғи атрофидан бир чўпоннинг жасади топилган. Қизиги шундаки, унинг чўнтагидан ўн тўртинчи асрга мансуб тила танга чиққан. Бу ҳам ҳали ҳаммаси эмас... – Тоҳир Фофурович пахта гулли пиёладаги чойдан ҳўплаб, гапида давом этди. – Чўпоннинг қўтонидан бир талай қадимий китоб ҳам топилган...

– Яна қанақа китоб? – Фахриддиннинг таажжу-би ошди.

– Самарқандлик олим Камолхон Каттаевнинг хуросасига кўра бу китоб X-XI асрларда яшаб ўтган аллома... – прокурор ўринбосари олдида турган қоғозга қараб дудукланиб ўқишига тушди. – А-б-у За-йд Да-бу-сийнинг «Ал-Ан-вор фи у-су-лил-фикҳ» номли асари экан. Гап шундаки, мазкур асар шу пайтга қадар бизгача етиб келмаган деб ҳисобланар экан.

– Ўзи асар нима ҳақда экан? Шунчалик кўҳна китобмикан?

– Ахир ўн аср олдин ёзилган... Таржимасини ҳам ёзib олган эдим мана... – Тоҳир Фофурович кўзойнагини қўндириб, яна қоғозга тикилди. – Ўзбекчада китобнинг номи «Фикҳ асосларини очувчи нурлар» бўларкан. Дабусий замонасининг машҳур ҳукуқшунос олимларидан бўлган экан.

– Буни қаранг-а, эшитмаган эканман!

– Сиз билан биз мактабда, институтда ўқиган кезлар «шўролар» даврига тўғри келган. Шу боис улуғ аждодларимизнинг маънавий меросини ўрганиш у ёқда турсин, номини ҳам тилга олиш мумкин эмасди! Аксинча, ўша давр мафкураси Соҳибқирон Амур Темурни қонхўр, Бобурни босқинчи дейищдан тап тортмаган... Майли гапираман десанг гап кўп. Вилоят прокурори қотилликнинг мотиви шу тилла танга ва китоб билан борлиқ бўлиши мумкин деган фикрни билдиримоқда. Хуллас, жойига чиқиб, масалага ойдинлик киритишга тўғри келади. Агар прокурорнинг хуросаси тўғри чиқса, ишни ўз иш юритувингизга оласиз. Вазиятга қараб иш тутинг. Терговчилардан бирини, яхшиси Санжар Раҳмоновни ўзингиз билан олишингиз мумкин.

– Қачон йўлга чиқсан бўлади?

– Кечки рейсга чиптага буюртма берилган. Ҳужжатларни расмийлаштириш, сафар тайёргарлигини күриш учун сизларда вақт етарли бўлади, – Тоҳир Фофурович ўрнидан қўзғалди. – Бизга савол бўлмаса, ишингизга омад.

– Раҳмат, ҳаммаси тушунарли! Жойига етиб боргач, Сизга ахборот бераман. – Фахриддин шаҳд билан ортига бурилди...

\* \* \*

Самолёт белгиланган вақтда ҳавога кўтарилиди. Фахриддин ўринидигини сал ётқизиб, кўзини юмиб олди. Санжарбек ўриндиқ ортидаги газета, журналларни олиб, варақлашга тушди. Сўнг сумкасидан ручкасини чиқариб, кроосворд ечишга тушшиб кетди:

- Беш ҳарф «қовун нави», «а» билан бошланади.
- «Амири», – деди ўзини ухлаганга солиб кетаётган Фахриддин ҳозиржавоблик билан.
- Тўғри... кейингиси – Сайд Аҳмад асари, уч ҳарф.
- Уфқ.
- Буниси ҳам тўғри. Америкадаги штат, «а» дан бошланади.
- «Аризона».
- А-р-и-з-о-н-а, тўппа-тўғри. Энг оғир жиноят.
- Қотиллик.
- Есть... Дарвоқе «қотиллик» дегандай, Фахриддин ака боя гапингизга унчалик тушунмаган эдим. Кейин гаплашамиз дегандингиз. Ўзи Қашқадарёга нима мақсадда кетаяпмиз? – деди Санжарбек қўлидаги журнални ўриндиқ ортига жойлай туриб.
- Бир чўпонни ўлдириб кетишиби, – бамайли хотир жавоб берди Фахриддин.
- Вилоятда шу оддийгина қотилликни тергов қиласиган терговчи куриб кетибдими? Шунча йўлдан бизни овора қилиб...

Фахриддин кўзини очиб, шеригига кулимсираб қаради:

– Лекин бу сиз ўйлаганчалик оддий қотиллик-ка ўхшамаяпти. Мархумнинг чўнтағидан қадимий тилла танга топилган, қўтондан қанақадир антиқа китоблар чиққан.

– Ростданми? Нима бало чўпон бирор хазина топиб олганмикин? – Санжарбек хulosा қилишга ошиқди.

– Бўлса бордир. Ҳар нарса бўлиши мумкин. Олдиндан бирор нарса деб бўлмайди. Борсак кўрамиз! Абу Зайд Дабусий ҳақида эшитганмисиз?

– Қанақа Дабусий?

– Эшитганмисиз ё йўқми? – Фахриддин саволни қайтарди.

– Менимча арабларнинг «Ал-иттифоқ»дами ёки Эроннинг қайсиdir футбол жамоасида ўйнаса керак, – Санжар таваккал қилди.

Фахриддин хандон отиб кулди. Сўнг базур ўзини тўхтатиб, «футболчи денг!» деди.

– Ёки бирор давлатнинг раҳбарими? – Санжарбек устозининг «шуни ҳам билмайсанми?» деб таъна қилишидан чўчиб, таваккал қилишда давом этди.

– Нуфузли идоранинг маъсул ходими, малакали ҳуқуқшунос бўла туриб, наҳотки шундай улуф зотни танимасангиз! – ҳамон кулгидан ўзини боса олмаётган Фахриддин атайлаб шогирдининг жигига тегди. – Ҳа қишлоқи-я!

– Устоз кўп қийнаманг, айта қолинг, ким у? – деди Санжарбек хуноби чиқиб.

– Ахир у ўнинчи асрларда яшаб, Турон заминда фикҳ илмини ривожлантирган буюк аждодимиз-ку! Наҳотки унинг машҳур «Ал-Анвор фи усули-л-фиқҳ» асарини ўқимаган бўлсангиз? – деди устоз билагонлик қилиб.

– Йўқ, ўқимаган эканман! Талабалик йиллари ўқиган бўлсам, балки ёдимдан чиққандир... – жовдиради шогирд.

– «Балки ўқиганман» денг! – деди устоз жилмайиб. Сўнг бир оз жиддийлашиб, гап бошлади:

– Рости мен ҳам у ҳақда эрталаб Тоҳир акадан эшийтдим.

– Ана холос! Бизни «қишлоқ» дейдилар, ўзлари ҳам...

Устоз босиқдик билан Дабусий ва Китобдаги қотиллик ҳақида билганларини гапириб берди. Шу пайтгача «оддийгина қотилликни ўзлари тергов қиласа бўлмасмиди, бизни безовта қилишнинг нима кераги бор эди!» деган хаёлда кетаётган Санжарбек сафар мақсадини тушунгандай, бу галги хизмат сафари ҳам икки-уч кунлик эмаслигини фаҳмлагандай бўлди...

Фахриддин Каримович ўриндиқقا бошини кўйиб, яна кўзларини юмиб олди. Шу тобда унинг нималарнидир ўйлаб, эртанги кун режаларини бошида «пишириб» кетаётгани аниқ эди. Санжарбек шуни ўйлаб, ортиқча саволлар бериб, уни чалғитишдан ўзини тийди. Ойнадан ташқарига қараб, борлиқни кузата бошлади. Тепадан қараганда ҳамма нарса худди кафтдагидек аниқ кўринади. Ястаниб ётган Қарши чўллари... илон изли йўллар... тўда-тўда сурувлар... гутурт қутисидак уйлар... машиналар... қанақа ажойиб манзара...

– Хурматли йўловчилар! Камарларингизни тақиб олинг! Бир оздан сўнг сомалётимиз Қарши шаҳрига қўнади. Ҳавонинг илиқдиги 24 градус... – стюардессанинг ёқимли овози эшитилди.

Ҳамма камарларини тақишига шошилди.

– Бирпасда етиб келдик-а! Техниканинг қудратини қаранг! Ота-боболаримиз бу масофани отда бир ҳафта-ўн кунда босишган бўлса ажабмас, – деди Санжарбек ойнадан кўзини узмай.

– Ҳа, бизга шунақа ажиб замонда яшаш насиб этди Санжарбек! Техниканинг шарофати туфайли икки дунё бир қадам бўлиб қолди. Аждодларимиз учун афсонадек туюладиган воқеалар биз учун жўнгина ҳодисага айланди. Телевизор, интернет, уяли телефон, самолёт... ҳақиқий мўъжиза... Ота-боболаримиз умрининг асосий қисмини жангу жадалларда, отнинг устида ўтказганлар. Шундай дориломон замонда яшашнинг ўзи бир баҳт эмасми?

– Нимасини айтасиз! Тушунган одам учун бу дунёда яшашнинг ўзи бир баҳт. Лекин одамзот шунга ҳам шукр қилас экан. Шундай тинч, тўкин ва осуда дамларда ҳам қотилликлар, хунрезликлар учраб турғанини кишини ўйлантиради. Нима сабабдан темирга жон ато этган одамзот жиноятчиликни таг-томири билан қирқиб ташлашга қодир бўла олмаяпти? – Санжарбек суҳбатдоши уни диққат билан эшитиб турганидан тўлқинланиб кетди. – Шунча нарсага қодир одамзот жиноятчиликни тўла бартараф этишга ожиз бўлса! Ахир...

– Файласуф бўлиб кетинг-э! Шу мавзуда диссертация ёсангиз бўлармиди! – Фахриддин пичинг қилди.

– Шу жиноятчилар бўлмаса, сиз билан биз шунақа доимий мусоғирчиликда юрмасмидик дейман-да! – Санжарбек гапни ҳазилга бурди.

– Шу қасбни ўзимиз танлаганмиз. Чидаймиз. Ҳар қандай жамиятда жиноятчилар бўлади.Faқат жамиятнинг турига қараб жиноятчилик ортиши, камайиши мумкин.

– Бир пайтлар очарчилик замонларда одамлар қорнини тўйдириш, ўзи ёки оиласини очарчиликдан сақлаб қолиш мақсадида ўғирлик, талончилик, босқинчилик қилган. Буни тушунса бўлади. Лекин ҳозирги тинчлик, тўкин-сочинлик замонда

бундай жиноят қилишга нима ҳожат! Жонини хатарга қўйиб, қонунни бузиш нимага керак?! Ахтарган имкон, ишлаган давлат топаётган бўлса!  
– Санжарбек «чакки эмасми?» дегандай устозига ўгирилди.

– Тўғри, ҳар қандай жиноятнинг туб сабаби мол-дунёга бориб тақалади. Лекин одам очарчиликдан, йўқчиликдан, камбағалликдан, имконсизликдан жиноят содир этмайди, – Фахриддин тобора ерга яқинлашиб келаётган самолётнинг ойнасидан пастга қараб, гапида давом этди. – Ёки сиз ўз тажрибангизда қорнини тўйдириш учун жиноят содир этган шахсни учратганмисиз? Жиноятчилик асосан тўқдикка-шўхликдан келиб чиқади. Бой одам янада бойигиси келади. Агар у ўз бойлигини ҳаромдан топган бўлса, яна ҳаром луқма егиси келаверади. Бу йўлда ҳеч нарсадан тоймайди. Улар содда, оми ва айни пайтда пулга муҳтоҷ одамларни топиб, уларни ўз жиноятларига шерик қиласидилар. Баъзан жиноятни шундай инсонларнинг кўли билан содир этадилар.

– Тўғри айтасиз, менинг амалиётимда ҳам ночорликдан жиноят содир этган шахслар бармоқ билан санаарли. Туман прокуратурасида ишлаб юрган кезларимда ички ишлар ходимлари бир йигитни тутиб келишди. Маълум бўлишича, ҳунар-техника билим юртида ўқийдиган у йигитнинг онаси ва синглисидан бошқа ҳеч кими йўқ экан. Она шўрлик фаррошлиқ қилиб, икки фарзандини боқар экан. Қиши кунларидан бирида бечора она бетоб бўлиб қолибди. «Тез ёрдам» чақиришибди. Дўхтир анча-мунча дори ёзиб берибди. Ўғил уйдаги бор пулни олиб дорихонага йўл олибди. Аммо дори олишга пули етмалти. Анча пайт кўчада нима қилишини билмай тентираф юрибди. Йигит киши эмасми, уйга – онасининг олдига қуруқ кўл билан қайтишга юзи чидамалти. Кеч

тушганда бадавлат қўшнисининг омборхонасига кириб, велосепидини ўғирлаб чиқибди. Ўғирланган молни бошқа маҳалладаги танишига пуллаб, онасига керакли дориларни харид қилибди...

Самолёт тўхтаганлиги сабабли йўловчилар қимирлаб қолишиди.

– Хўш кейин-чи, ўша йигит нима бўлди? – Фахриддин атрофдагиларга парво қилмай шогирдига юзланди.

– Ўзингиз биласиз, уй-жой, омборхона ва бошқа хонага файриқонуний равищда кириб ўғирлик қилиш анчагина оғир жиноят ҳисобланади. Қонун талаби бўйича йигитни қамаш лозим эди. Аммо прокуроримиз ҳамма масъулиятни ўзига олиб, уни қўйиб юборди. Бошида анча тўполон бўлди. Кейинчалик ишни шахсан ўрганиб чиққан вилоят прокурори туман прокурорининг қарорини асосли деб топгандан сўнггина ҳаммаси ўз ўрнига тушиб кетди. Раҳматли Маъруф Восиқович шунаقا диёнатли, инсофли ва одил прокурор эди-да!

– Ҳа, у кишининг ўринда бўлганда ҳамма ҳам шунаقا масъулиятни ўз бўйнига олавермас эди. Аммо, нима бўлганда ҳам адолат йўлини тутган экан, – Фахриддин ўриндиқ камарини бўшатиб, жойидан қўзғалди...

\* \* \*

Аэропортда меҳмонларни вилоят прокуратурасининг алоҳида муҳим ишлар бўйича терговчиси Неъмат Ҳамидов кутиб олди. Йўлда кетар экан, мезбон Қарши шаҳрида амалга оширилган ободонлаштириш ва бунёдкорлик ишлари тўғрисида тўлқинланиб гапирди. Санжарбек шаҳарга илк бор ташриф буорганлиги боис мезбонни гапта солиб кетди. «Нексия»нинг орқа ўриндигига ўтирган Фахриддин Каримович эса бу ерларда кўп бор бўлганлиги сабабли ўз хаёллари билан

банд эди: бу қадимий тилла қандай қилиб чўпоннинг кўлига тушиб қолган бўлса. Ота-боболаридан мерос қолдимикин? Ё хазина топғанмикин? Унда нима сабабдан бир дона! Қолганлари қаерда бўлиши мумкин? Жиноятчилар оддин тунаб, кейин ўлдириб кетдимикин? Унда нега бир дона тангани қолдириб кетишган? Ёки кўрмай қодишигани? Балки қотиллар унда тилла борлигини билишмагандир. Жиноятнинг мотиви умуман бошқа нарса ҳам бўлиши мумкин-ку! Чўпон тиллаларни фақат керак бўлганда доналаб пуллаб юрган бўлса-чи? Чўпоннинг ота-онаси, авлод-аждоди ким бўлган экан? Дабусийнинг китоби-чи? Шу пайтга қадар фанга маълум бўлмаган китоб қандай қилиб оддий бир чўпоннинг кўлига тушиб қолган бўлса? Кўл-ёзма ўн асрдан ортиқ вақт давомида қаерда, қандай қилиб сақланган бўлса? Уни тўла тадқиқ этиш бўйича керакли мутахассисларни жалб этишга тўғри келади...

Терговчи меҳмонларни тўғри вилоят прокурори ўринбосари Фарҳод Шириновичнинг ҳузурига бошлаб борди. Одатдаги салом-аликдан сўнг Фахриддин Каримович муддаога кўчди:

– Фарҳод Ширинович, ижозатингиз билан биз терговчининг хонасида жиноят иши билан танишиб чиқсан. Кейин маслаҳатлашамиз!

– Албатта, албатта! – Фарҳод Ширинович ички телефонни кўтарди. – Маҳкамжон, жиноят ишини олиб киринг!

Зум ўтмай хонага чамаси ўттиз ёшлардаги узун бўйли, қораҷадан келган басавлат йигит қалин жилдли папкани кўтариб кириб келди.

– Бу киши алоҳида ишлар бўйича терговчимиз Маҳкам Ҳакимович бўладилар, – Фарҳод Ширинович навбатма-навбат меҳмонларни ҳам таништирди. Сўнг Фахриддин Каримовичга юzlаниб:

– Марҳамат, сизлар Маҳкамжоннинг хонасида жиноят иши материаллари билан танишиб чиқинглар. Кейин фикрлашамиз.

Меҳмонлар терговчининг хонасига ўтиб, жиноят иши билан батафсил танишиб чиқдилар, керакли жойларини алоҳида қоғозда қайд этиб, қандайdir чизмаларни, схемаларни чиздилар. Маҳкам Ҳакимовичга турли-туман саволлар бериб, иш тафси-лотларига ойдинлик киритдилар.

Сўнг Фарҳод Шириновичнинг кабинетида тўпланишиб, мунозарани давом эттиришди:

– Иш биз ўйлагандан кўра мураккаброқ кўринади, – Фахриддин Каримович гап бошлади. – Норбўта чўпон қандайdir жиноий гуруҳнинг ишига аралашиб қолган кўринади. Жиноятнинг боши Самарқанд ёки Тошкент шаҳрига бориб тақалиши эҳтимолдан холи эмас. Негаки, бу қадимий тилла тангалар, ноёб, кўжна китоблар ерлик аҳолини уччалик қизиқтиргмаган бўларди. Faқат тушунган, мутахассис кишигина бу қадимий ашёларнинг қадр-қийматини билиши мумкин...

– Гапингизга қўшиламан, – Маҳкам Ҳакимович гапга қўшилди. – Чўпоннинг аёли сўзларига қараганда, эри кейинги пайтларда ўн-ўн беш кунлаб уйига келмайдиган одат чиқарган. Лекин қаерга боришини, нима билан шуғулманишини хотинидан сир тутган. Бундан ташқари Шахрисабз, Китоб туманларида қадимий тангалар ёки эски китобларни коллекция қиласидиган, уларнинг олди-бердиси билан шуғулланадиган шахс борлиги аниқланмади.

– Балки чўпоннинг ўлими бу қадимий ашёларга боғлиқ эмасдир, – прокурор ўринбосари ҳамкасбларини мунозарага чорлади. – Қотиллик унинг шахсий ҳаёти билан ҳам боғлиқ бўлиши мумкин-ку!

– Биз бу тахминни ҳам ишлаб кўрдик, – Маҳкам Ҳакимович ўрнидан туриб гап бошлади. – Чўпоннинг оиласий муносабатлари, яқинлари, дўстлари, таниш-билишлари билан алоқалари имкон қадар

үрганилди. Бирор бир ихтилоф ва келишмовчилик-лар бўлганлиги аниқданмади. Шунга қарамасдан бу борада ҳам ишни тўхтатганимиз йўқ...

– Гувоҳларнинг кўрсатувлари, иш материаллари билан танишиб, мен ҳам қотиллик чўпоннинг шахсий ҳаёти билан боғлиқ эмас, деган холосага келдим, – жиноят ишини варақдаб ўтирган Санжарбек гапга қўшилди.

– Ажабланарлиси шундаки, қотиллар жуда пухта ишлашган, ўзларидан бирон бир из, далил қолдиришмаган, гувоҳлар ҳам йўқ! – деди ҳамон тиктурган Маҳкам Ҳакимович надомат билан.

– Мен бир нарсага ҳайронман! Қишлоқ жойда бегона одам, бегона машина тез кўзга ташланади. Наҳотки қотилларни ҳеч ким кўрмаган бўлса! – деди Санжарбек таажжуб билан.

– Гап шундаки, бу қишлоқда Ҳазрати Башир зиёратгоҳи жойлашган бўлиб, унга ҳар куни кўплаб зиёратчилар ташриф буюришади. Шу сабабли ерлик аҳоли бегона кишиларга, транспорт воситаларига аҳамият бермайди. Гувоҳлар йўқлиги шундан... – изоҳ берган бўлди Маҳкам.

– Ҳа, ҳозирча жиноятнинг мотиви ҳам, чўпоннинг ўлдирилиши тафсилотлари ҳам маълум эмас. Қотиллик рўй берган кун туни билан ёмғир ёққанлиги ҳам жиноятчиларга кўл келган. Кўп излар ювилиб кетган. Хуллас, айни пайтда кўлнимизда бирорта далил ҳам, жўялироқ тажмин ҳам йўқ. Жиноятни фош этиш осон кечмайдиган кўринади... Мен жиноят иши терговини Республика прокуратураси иш юритувига олиш лозим деган фикрдаман, – деди Фахриддин Каримович мунозарага якун ясад. – Санжарбек, сиз тегишли ҳужжатларни расмийлаштиринг. Мен раҳбариятга ахборот бераман.

– Раҳмат, Фахриддин ака! Сизларнинг ёрдамларингизсиз бу жиноятни фош ишни қийин бўла-

INVENTAR № 17 54/2

Зангузота АКМ

ди, – Фарҳод Ширинович елкасидан тог тушгандаи енгил нафас одди. – Биз ҳам қараб турмаймиз, гуруҳга энг тажрибалари тезкор-тергов ходимларимиздан берамиз. Маҳкам Ҳакимович сизларниң ихтиёриңгизда бўлади.

– Раҳмат Фарҳод Ширинович! Сиз ўз ишингизни қиласеринг. Бизлар йигитлар билан бирор соат ишлаймиз. Тонгда воқеа жойига чиқиб кетамиз. Ҳозирча хайр! – Фахриддин ҳужжатларни қўлига олиб, эшик томонга юрди.

Терговчилар унинг ортидан эргашди.

– Қоринлар ҳам ўзи пиёзниңг пўстлоғи бўлиб кетди-ёв! Соат ҳам ўндан ошиб кетибдими?... – раҳбарниң «яна бир соат ишлаймиз» дегани ёқмаган Санжарбек гудранди.

– Эртанги кун учун пухта режа тузиб олмасак бўлмайди. Овқат қочмас! – деди Фахриддин со-вуқъонлик билан.

Устозининг феълини яхши биладиган Санжарбек унга эргашди...

\* \* \*

Ҳазрати Башир қишлоғи туман марказидан анчагина олисда жойлашган экан. Гуруҳ тушган машина қирлар, адирлар оша тог томонга шитоб билан кетар экан, йўл тобора торайиб, ўнг томонда шовуллаб оқаётган дарёниңг ҳусни-таровати, тафти, яқдолроқ намоён бўла бошлиди.

– Бу қанақа дарё? – ташқаридаги ажиб манзарага маҳлиё бўлиб кетаётган Санжарбек меҳмонга юзланди.

– Қашқадарё irmoқлари шу ерлардан бошланади, – деди Маҳкам йўлдан кўз узмай.

– Суви негадир кўм-кўк экан-а! Рости бунақа гўзал гўшани умримда кўрмаганман!

– Ҳа, чиндан ҳам гўзал! Айниқса, баҳор чоғлари бу жойлар жуда фусункор бўлиб кетади. Бир пайтлар

Соҳибқирон Амир Темур ҳам, Мирзо Улугбек ва бошқа Темурийзодалар ҳам Самарқанддан ота юртлари-га шу йўл орқали ўтишган, табиатнинг мана шундай тенгсиз чиройидан баҳраманд бўлишган.

– Самарқанд билан Кешни боғловчи карвон йўли шу ердан ўтганми? – атрофни жимгина кузатиб кетаётган Фахриддин Маҳкамга юзланди.

– Шунаقا. Қаранг, ахир карвон йўли учун бундан аъло шарт-шароит бўлиши мумкинми? Бир томонда дарё шовуллаб оқиб турса, бир томон тоғ, бир томон боғ...

Фахриддин ҳамсұжбатининг гапларига бош чайқаб кетаётган бўлса-да, хаёли бошиқа жойда эди: «Қадимий қўләзмалар, тилла тангалар... балки улар шу қадим йўллардан ўтган Темурийлар сулоласининг мулкидир. Ҳар нарса бўлиши мумкин. Шароит тақозоси билан бир пайтлар яширилган хазина чўпоннинг ота-боболари томонидан топиб олинган бўлиши мумкин. Балки чўпоннинг бобокалонлари Соҳибқироннинг қўлида хизмат қиласидир...

– Манзилга яқинлашиб қолдик! – Маҳкамнинг гали терговчининг хаёлини бузди.

Қоялар орасидан мўралаб чиққан баҳор қуёши борлиққа ўзгача жило баҳш этарди. Яшил либосга бурканган далалар, қирлар келинчакдай ястаниб, жамолини кўз-кўз қилаётгандай эди.

Қишлоққа кириб келгандарида баҳор офтоби аллақачон борлиқни қиздириб, жамики жонзотни уйғотиб юборганди. Тоғ томондан эсаётган майин шабада ёқимли ифор таратиб, юракларга ўзгача бир илиқдик бағишлади.

– Чўпоннинг уйи шу қишлоқда. Қўраси эса сал тепароқда. Қаёққа ҳайдай? – Маҳкам Ҳакимович ўтадаги жимликни бузиб, гуруҳ раҳбарига юзланди.

– Олдин воқеа жойига борайлик, – табиатнинг сехридан, қишлоқнинг жамолидан кўз ололмай келётган Фахриддин қисқагина жавоб қилди.

Машина ўнқир-чүнқир йўл бўйлаб шитоб билан тепаликка қараб кўтарила бошлади.

Кўтон деярли тоғ этагида жойлашган экан. Пастқамгина уйнинг мўрисидан буруқсиб тутун чиқиб турганидан бу ер қишлоққа қараганда анча салқин эканлигини англаш қийин эмасди.

Терговчилар машинани бир чеккада қолдириб, уй томонга юришди. Кўра ичида тимискиланиб юрган чўлиқлардан бири меҳмонларни кўриб, уларга пешвоз чиқди.

– Бу киши ёрдамчи чўпон – Яхшилик ака, – деди Маҳкам Ҳакимович у билан кўриша туриб.

Чўпон ҳамма билан қўл бериб кўришиб, меҳмонларни ичкарига таклиф қилди. Кулба икки хонадан иборат бўлиб, каттароқ ивирсиб ётган хона чўлиқлар учун мўлжалланган шекиlli – тўртта темир каравот қўйилган, ўртада алимисоқдан қолган ёғоч стол, тўрда «уч оёқ» шкаф. Кираверишдаги чўян печнинг оғзидан чиқаётган аччиқ тутун димогни ачиштирди.

Чўпон пайпаслаб деразани очди. Бирпасда тутун тарқаб, хона ичи ёришди. Терговчилар мезбоннинг ўтиришга қилган таклифига ҳам парво қилмай тик турган ҳолда хонани кўздан кечиришга киришди.

– Қотиллик шу ерда содир этилган. Мурда мана бу ердан топилган, – деди Маҳкам Ҳакимович қўли билан шкаф турган жойдан сал нарироқни кўрсатиб. – Бу хона умумий фойдаланишда бўлган. Кундуз ошхона вазифасини ўтаган, кечки пайт ёрдамчи чўпонлар дам олишган. Биз бу ерни обдан ахтариб кўрдик, аммо терговга нафи тегадиган бирор нарса топилмади...

– Демак, яхши қидирмабсизлар! – шкафни титкилаётган Санжарбек фудурланди.

Маҳкам нимадир демоқчи бўлиб, оғиз жуфтлади-ю, меҳмонни хафа қилиб қўйишни ўйлаб, тилини тийди.

Фахриддин хонанинг у ёғидан бу ёғига ўтиб, «далил» қидириш билан овора эди.

– Бош чўпон кейинги хонада турган, – Маҳкам Ҳакимович «вақтни бекорга ўтказаяпсизлар» дегандай гуруҳ раҳбарига юзланди.

Фахриддин «хабарим бор» деган маънода бош чайқаб, ишида давом этди: «Иш материалларига қараганда қотиллар чўпонга таниш бўлган. Шунинг учун уларни уйга таклиф қилган бўлиши табиий. Қотиллик шу хонада юз берган. Бармоқ изи қолдирмаганига қараганда жиноятчилар анчагина тажрибали кўринади. Жуда эҳтиёткорлик билан, пухта ишлашган... Лекин ҳар қандай пиҳини ёрган жиноятчи ҳам ўзидан из қолдириди. Гап уни топа билишда...»

Фахриддин энгашиб, стол тагига қарар экан, столнинг деворга яқин турган оёғи панасида тангачага ўхшаш нарсага кўзи тушди. Кўли билан пайпаслаб, ҳалиги нарсани жойидан олди. Тугма экан. Аёл кишиникига ўхшайди.

– Мана бунга қаранг, – гуруҳ раҳбари тугмачани Маҳкам Ҳакимовичга кўрсатди. – Столнинг остидан чиқди. Бу ерда аёл киши ҳам турадими?

Маҳкам тугмачани эҳтиёткорлик билан қўлига олиб, диққат билан назар солди:

– Ростдан ҳам «женский», – дея гудурланди. – Аммо бу ерда хотин киши яшамайди-ку! Бизнинг йигитлар ҳамма ёқни қараб чиқишганди-ку! Бу нимаси бўлди, қаердан чиқди ўзи?

– Мана бу ерда ётган экан, – деди Фахриддин қўли билан тугмани олган жойни кўрсата туриб. – Йигитлар эътибор қилмаган бўлиши мумкин.

Санжарбек тугмачани қўлига олиб, эшик олдида ўралашиб юрган чўпонни чақирди:

– Яхшилик ака, мана бу тугмача кимга тегишли?

Чўпон тугмачага разм солиб, совуқонлик билан «бilmадim» деди.

– Тугма аёл кишидан тушган. Бу ерда аёллар ҳам турадими? – деди Фахриддин чўпонга яқинлашиб.

– Жўқ, аяллар бунда не қиласди? – елкасини қисди Яхшилик ака.

– Эслаб кўринг балки бирортангизнинг аёлингиз ёки қизингиз келгандир, – Санжарбек гапга қўшилди.

– Жўғ-э! Жоқин ўртада бу жерга аёл зотининг о-ё-ғи тек-кан э-э-м-а-с!... – чўпон дудукланди.

– Унда манов тугма энангнинг... гўридан чиқдими?! – тутақиб кетди Маҳкам.

Фахриддин терговчига ёвқарашиб қилди. Сўнг чўпонга юзланиб, ҳамкасбининг қўполлиги учун узр сўрагандай оҳиста сўз қотди:

– Яхшилик ака, яхшилаб ўйлаб кўринг, балки сиз йўқдигингизда бирорта аёл келгандир?

– Шу мудҳиш воқиядан экки кун оддин улим касал бўлганлиги учун менгина жавоб сўраб кетгандим. Шунда бирда-ярим келган бўлмаса! Тағинам билмадим! – деди чўлиқ соддалиқ билан.

– Шундай бўлган экан, мен сўроқ баённомалари билан танишдим, бахтга қарши бошқа чўпонлар ҳам ўша куни қишлоққа тушиб кетишган экан-а! – Фахриддин чўпоннинг гапини тасдиқлади.

– Ҳа, майрам олди бўғони учун бошқа чўлиқлар шу куни ҳам эртачироқ уйларига кетишган экан. Кўргиликни айтмайсизми?

– Акажон, яхшилаб эслаб кўринг, ўша кунларда қўтонга кимдир келган. Бўлмаса аёл кишининг тугмаси қандай тушиб қолиши мумкин? Эркак киши аёл кишининг тугмасини қадамайди-ку! – деди Фахриддин чўпонни гапга солиш учун мулоҳимлик билан.

– Жоқин ўртада ҳеч ким кеганини кўрмадим. Лекин...

– Хўш, хўш! – терговчи сергакланди.

– Бу жил билмадим-куя, аммо вўтган жили анву Садақат деган аял бир-экки марта келувди. Яна

билмадим... бошқа хотин зоти ёқин ўргада бу жер-  
га қадам босганини эслолмайман.

- Садақат деганингиз ким бўлди?
- Хўжайнинг... ҳалиги... та-ни-ши-да!
- Қанақа таниш, қаерда туради? Очиқроқ гапи-  
ринг!
- Ҳей сен... калла... нималар деб вадирайпсан, нега  
олдин сўроқ қилганимда бу ҳақда «миқ» этмагансан! –  
бир чеккада ўтирган Маҳкам тугақиб кетди.
- Маҳкам Ҳакимович... илтимос! Бир муддат ...
- Фахриддин ҳамкасбига эътиroz билдириди. Сўнг  
яна чўпонга юзланди:
  - Садоқат Норбўтага ким бўлади?
  - У аял Китобда яшайди. Хўжайн уникига бо-  
риб туради-да! Ҳалиги нима дейди... екинчи де-  
гандай...
  - Иккинчи хотини демоқчимисиз? – Санжар-  
бекнинг сабри чидамади.
  - Шундай деса ҳам... бўлади. Аммо буни чечам  
билмас эди. Яна менгина балога қоп ўтирмай...

Терговчилар кўпайлашиб бирпасда чўпондан «Са-  
доқат» ҳақидаги маълумотларни «суғуриб» олишди.

Сўнг бош чўпоннинг хонасини, воқеа жойини  
яна бир бор кўздан кечиришди. Аммо дикқатга мо-  
лик бирорта «далил» топилмади. Қолган чўлиқлар-  
ни ҳам обдан сўроқ қилган терговчилар Яхшилик  
чўпонни олиб, ортга қайтишди. Йўл-йўлакай қиши-  
лоққа кириб, бош чўпоннинг уйини «зиёрат қи-  
лишди», Норбўта чўпоннинг хонасини, шахсий бу-  
юмларини, кийим-кечакларини синчковлик билан  
кўздан кечиришди. Хотини Мастура, бўй қизлари  
– Нигора, Нодиралар билан яна бир бора «гапла-  
шишди». Аммо бу «тадбирлар» терговга асқатади-  
ган бирон бир маълумот бермади...

\* \* \*

Терговчилар Китоб шаҳрига кириб келганда борлиқ зулмат қўйнига чўмган, осмонда кимгадир бир тилик қовунни, кимгадир ёрнинг камон қошларини эслатувчи янги ой хирагина шуъла тарашиб турарди.

Яхшилик чўпон қоронфида бир неча бор адашган бўлса-да, Садоқатнинг уйини топишни удлади. Машина замонавий типда қурилган, кўркам ва шинам уйнинг ёнига борганда, у:

– Тўхтатинг, шу уй, – деди. – Фахриддин ака, илтимос, менга жа нокулай-да! Кирмай қўяқолай... ўзингиз биласиз аял киши... мендан кўриб-нетиб вўтирумасин...

– Бўпти, унда сиз машинада ўтира туринг, – деди гуруҳ раҳбари машинадан туша туриб.

Эшикни азадорларга хос кўк либос кийиб олган йигирма беш-йигирма саккиз ёшлардаги дилбаргина аёл очди. Терговчилар хизмат гувоҳномаларини кўрсатиб, ўзларини таништирди. Аёл хужжатларга парво ҳам қилмасдан меҳмонларни ичкарига бошлиди.

Санжарбек ҳовлига, уйга диққат билан разм солар экан, хаёлидан «Ўхў, иккинчи... хотин ёмон яшамас экан-ку!» деган фикр кечди. Ҳовлидаги озодалик, бир текис қирқилган «газонлар», чиройли қилиб шакл берилган арча кўчатлари, йўлаклар атрофини безаб турган чироқлар, ҳовли ўртасидаги мўъжазигина фаввора унинг диққатини ўзига тортди.

Уй ичидаги саранжом-саришталик хонадон соҳибасининг анчайин нозик дидди эканлигидан далолат берарди. Хоналар посанг безатилган. Қимматбаҳо хориж мебеллари, чўғдай товланиб турган эрон гиламлари, тувакларга экилган турфа хил гуллар, катта-кичик билдуру қандиллар, ранг-баранг картиналар, замонавий теле, видеоаппаратуралар уйнинг кўркига кўрк кўшиб турибди.

Фахриддин бошқалар қатори музейга тушиб қолғандай атрофга аланглар экан, калласига «бир чўпоннинг яшаши шу бўлса... тўрт-бешта қўйнинг орқасидан шунча бойликка эга бўлиш мумкини? Чўпоннинг хазина топгани ростга ўхшайди!» деган фикр келди.

Уй бекаси чой дамлаб келиб, терговчининг таклифи билан стулга омонатгина ўтири.

– Синглим, биз Норбўта чўпоннинг ўлими масаласида келган эдик. Сизга бир-икки саволимиз бор эди, – гуруҳ раҳбари босиқлик билан гап бошлиди. – Айтинг-чи, у киши билан муносабатларингиз қандай эди?

Аёл бир оз ўйланиб туриб, бошини ердан кўтармасдан мулоийимлик билан жавоб берди:

– Норбўта ака билан танишиб... никоҳ ўқитиб, турмуш қургандик... Мен у кишининг иккинчи... аёли эдим.

– Норбўтани охирги марта қачон кўрган эдиниз?

– Ўлимидан икки кун олдин уйга келган эди. Кечаси бизницида қолди. Эрталаб кетди. «Индинга келаман» деганди. Лекин...

– Эрингизнинг вафот этганилигини қачон, кимдан эшитдингиз?

– Ўша куни тушга яқин Яхшилик ака деган чўпони телефон қилди. Нима қилишимни билмай қолдим. Югуриб бориб ўғлимни... Улуғбекни мактабдан олиб келдим. Жанозага бормоқчи бўлдим... Укамни чақирдим. У бизга рухсат бермади... «Сенларнинг ўринларингга мен ўзим фотиҳага бориб келаман, сизлар уйда аза очиб ўтира қолинглар!» деди... – Аёл чуқур «уф» тортди.

– Эрингизни ким ўлдирган бўлиши мумкин? Сизнинг бирортадан гумонингиз борми? – терговчи аста-секинлик билан чуқурлаша борди.

– Қайдам... Менга кўп нарсани айтмас эди. Лекин хаёлимда кейинги пайтларда нимадандир безовтадек эди...

– Сиз буни қандай сездингиз? Ёки ўзи бирор нарса деганими?

– Йўқ! Менга ҳеч нарса демаган. Аммо ўзини тутиши... сал бошқачароқ бўлиб қолганди... Балки менга шундай туюлгандир...

– Айтинг-чи, марҳумнинг чўнтағидан топилган қадимий тилла тангадан, қўрасидан олинган кўҳна китобдан сизнинг хабарингиз бормиди? Чўпон уларни қаердан олган?

Садоқат яна жимиб қолди. Унинг ўзини тутишидан бу ашёлардан хабари бўлганлигини англаш қийин эмасди. Фахриддин аёл фикрини жамлаб олиши учун атайлаб уни шоширмади.

– Билганларингни чайналмасдан гапирсанг-чи! Намунча имиллайсан! – Маҳкам Ҳакимовичнинг «жини қўзиди». – Бунақалар билан ўзи идорада гаплашиш керак!

Фахриддин кўрсаткич бармоғини оғзига теккизиб, «т-и-ш-ш!» дея ҳамкасбига танбеҳ берди.

– Билмайман... менга айтмасди... – деди аёл ҳамон ердан кўзини олмай.

Фахриддин босиқдик билан яна бир марта савонни такрорлаб, аёлга гувоҳ сифатида фақат ҳакиқатни сўзлаши лозимлигини уқтирган бўлса-да, у «бilmайман»дан нарига ўтмай тураверди.

– Қанақасига билмайсан, шунча дов-доскани тўртта қўйнинг орқасидан топибдими? Кимни алдамоқчисан? Шу чўпчакка бизни ишонади деб ўйлайсанми? – Маҳкам яна қизишиб кетди. – Унда мана шу данғиллама ҳовлини, манов бир-биридан қимматбаҳо буюмларни қаердан олгансанлар, а... айт! Уялмай-нетмай билмайман дейишига ўлайми бунинг!?

Аёл ҳамон «мум тишлиб» ўтиради. Шу тобда унинг хаёлидан нималар кечәётганини англаш қийин эди.

– Кундошингиз билан муносабатларингиз қандай эди. У сизларнинг... «саргузаштлар» ингиздан бохабармиди? – Санжарбек атайлаб «ишқий» иборасини қўлламади.

– Билмасди шекилли! Биз учрашмаганмиз... – Садоқат жавобни қисқа қилди.

– Сиз эрингизнинг төдаги қўтонига бориб турармидингиз? – гуруҳ раҳбари бошқа томондан «хужум»га ўтди.

Садоқат бир қалқиб тушгандай бўлди. Аммо буни сездирмаслик учун ҳаяжонини ичга ютиб, бепарволик билан жавоб берди:

– Ўтган йили баҳор ойларида бир-икки марта борган эдим...

– Бу йил-чи, яқин кунларда борганмидингиз?

– Йўқ!

– Яхшилаб эслаб кўринг, бу биз учун ҳам, сиз учун ҳам жуда муҳим, – анчадан буён жимгина ўтирган Санжарбек гапга қўшилди.

Аёл бошини кўтариб, Санжарбекка қаради ва «йўқ, дедим-ку!» дегандай нигоҳини ерга қадади.

– Садоқатхон, майли агарда ростдан ҳам яқин ўртада қўтонга бормаган бўлсангиз – яхши, мабодо бизни алдаб, терговни чалғитаётган бўлсангиз, сизни... гумондорлар сафига киритишга тўғри келади. Бунинг нималигини тушуняпсизми? – гуруҳ раҳбари овозини бир парда кўтаришга мажбур бўлди.

– Мен... мен... сизларга ... билганимни айтаяпман! – Садоқат дудукланди.

– Яхши, биз ҳам сизга ишондик. Унда марҳамат қилиб, баҳорги-қишики уст кийимларингизни, демоқчиманки, пальто, куртка дегандай... бизга

күрсата оласизми? – Фахриддин ўрнидан туриб, аёлга яқинлашди.

– Қанақа кийим? Сизга нима керак? – аёл ҳайрон бўлиб, терговчига жавдиради.

– Ўзингиз кийиб юрган пальто, плаш, курткала-рингизни олиб чиқинг, бир нарсага ойдинлик киритишимиз лозим, – изоҳ берди Санжарбек.

Садоқат истар-истамас ўрнидан қўзғалиб, чап томондаги хоналардан бирига кириб кетди. Сал ўтмай қўлида бир қучоқ лаш-душлар билан кириб келди. Санжарбек илдамлик билан унинг қўлида-гиларни олиб, бирма-бир кўздан кечира бошлади:

– Фахриддин ака, мана бунга қаранг! – деди у қўлидаги қора плашга ишора қилиб. – Пастки тугмаси тушиб қолган экан!

Гуруҳ раҳбари сумкасини пайпаслаб, салафандага ўралган тутгачани олиб, Санжарбек қўлида тутиб турган плашдаги тутгачалар билан солиштира бошлади:

– Худди ўзи! Шундан тушган экан! – деди у бир қўлидаги тутгачага, бир плашга разм солиб. Сўнг ёнида анқайиб турган аёлга қаратса деди:

– Манов плаш сизга тегишлими?

– Ҳа меники! Нимайди...

– Битта тутгаси тушиб қолган экан. Қачон, қаерда тушириб қолдирганингизни эслай олмайсизми? – Фахриддин плашни қўлида тутганича аёлга яқинлашди.

– Й-ў-қ! Сезмаган эканман! Буни ўзи кам кияман...

– Унда бизга марҳамат қилиб айтинг-чи, сизнинг тутгачангиз қандай қилиб, Норбўта чўпоннинг қўрасига бориб қолди, – деди Фахриддин қўлидаги салафандага ўралган тутмага ишора қилиб.

Садоқат ҳангуман манг бўлиб қолди. Бир плашига, бир терговчининг қўлидаги тутгачага тикилди, сўнг яна бошини хам қилиб, ўтирган жойига чўкди.

«Рақиби»нинг қақшатқич зарбадан эсанкираб қолганини фаҳмлаган терговчи «хужум»га ўтди:

– Садоқатхон, қўтонга қачон, нима мақсадда борган эдингиз?

Аёл ҳиқиллаб йиглай бошлади. Терговчилар унинг «таслим» бўлганлигини англаганликлари боис бир муддат юрагини бўшатиб олишига қаршилик кўрсатишмади...

Садоқат гапни узоқдан бошлади...

\* \* \*

Дадам тириклигида фам, алам, ташвиш каби тушунчалар бизга бегона эди. Ҳаётимиз тинч, осуда, турмушимиз бекаму кўст эди. Ўзлари оддий бир ўқитувчи бўлсалар-да, мени, опаларимни ҳеч нарса-га зориқтирумай вояга етказди. Қиблагоҳимиз бизга том маънода паноҳ, бошимизда соябонимиз бўлган эканлар. У кишининг ўлими кулфат эшикларини ланг очиб юборгандай эди. Падаримизнинг ошу обини бергач, аввалига узоқ йиллардан буён ҳамшира бўлиб ишлаб юрган онам бир беморга нотўғри муолажа қиласаларни айбланиб, ишидан бўшатилди. У ўзининг ҳақдигини исботлаш учун бормаган жойи, кирмаган эшиги, учрашмаган одами қолмади... Шу орада оиласизнинг молиявий муаммолари ҳам бўй кўрсата бошлади. Мен ҳали коллежда ўқирдим. Икки опам ўзи билан ўзи эди. Каттасининг тўртта, кичигининг учта боласи бўлиб, кўл учида кун кечиришарди. Бу ҳам етмагандай кўп ўтмай кичик опам ҳам қайноаси билан жанжаллашиб, кўч-кўронини йиғишириб, жужуқларини эргаштириб, бизникига келиб олди...

Ётиб еганга тоғ ҳам чидамас экан. Кўп ўтмай захирадаги унча-бунча маблағ тугаб бўлди. Бир муддат онамнинг, опамнинг тилла тақинчоқларини сотиб жон сақладик... Шу орада онам юрак

хуружи билан шифохонага тушиб қолди. Дүхтирлар «операция құлмаса бўлмайди», – дейиши. Тошкентга олиб бориб, кўрсатдик. Операция каттагина маблағ талаб қиларкан... Таниш-билишлардан қарз кўтаришга тўғри келди. Бахтимизга операция муваффақиятли чиқди. Онам соғайиб чиқди. Ўша кунларда оиласизнинг муаммолари бир оз чекингандай бўлганди. Аммо қарзни қайтариш вақти келганда... олдинги қийинчиликлардан юз чандон оғирроқ фурбатга дучор бўлганимизни англадик. Бир пайтлар қарз бериб, саҳоват кўрсатган туққан-туғишгандаримиз энди уни талаб қилиб, бошимизга маломат тошларини ёғдира бошладилар. Бизларнинг оҳу зоримизни, муддат сўраб ёлворишиларимизни эшитгилари ҳам келмасди... Онам ўйрлик остона ҳатлаб чиқолмай қолди. «Тиқ» этган товушдан чўчиб, уйда бекиниб ўтирадиган одат чиқарди. Қорнинг оч бўлса, қаттиқ нон еб кун кўрсанғ ҳам бўлади. Аммо инсон таҳқиришларга, камситишларга, хўрлашларга чидаши мушкул бўларкан. Онам бир томондан бизни қорнимизни тўйдиролмаётганидан эзилса, бошқа томондан «қарз» машмашаларидан юрак-бағри тилка-пора бўларди.

Опам болаларни онамга қолдириб, ҳамширалика ишга кирди. Лекин топган маоши ўзининг бориши-келишига, тушлигига ҳам етмасди. Боз устига болалари тез-тез шамоллаб турганлиги боис, анчагина ишдан қолиб кетди. Охир-оқибатда ишидан бўшашга мажбур бўлди...

Уйимиздаги кўзга кўринган, қўлга илинган нарсаларни қарз эвазига арzon-гаровга бериб юбордик. Сўнг уйимизни сотдик. Арзонгина кетди. Қарзлардан қутулиб, ўзимизни енгил сездик. Қолган пулга кичикроқ бўлса-да бошпана олмоқчи эдик. Ҳа деганда пулимизга мос турар-жой топилавермади.

Кейин қўққисдан уйларнинг нархи ошиб, қўлимиздаги маблағ каталакка ҳам етмас бўлиб қолди. Ижарада яшай бошладик. Арzonрогини ахтариб, беш-олти жойга кўчдик. Ҳаш-паш дегунча уйнинг пулини ҳам еб тутатдик. Кунимиз жиянларимнинг маҳалладан оладиган ёрдам пулига, дадасидан келадиган арзимас алиментта қолганди. Опамнинг қўни-қўшиларнинг уй ишларига қарашиб, ортирадиган чой-чақаси ҳам болаларидан ортмасди...

Бирордан қарз кўтаришнинг ҳам имкони йўқ, эди. Уйи йўқда ким ҳам қарз берарди! Танг аҳволда қолдик. Қора қозон ҳам қайнамай қолди... Онам эса кундан-кунга ҳолсизланиб, чўкиб борарди. Кунда кунора «тез ёрдам» чақиришга тўғри келарди. Дўхтирлар ёзиб берган «рецепт»лар кўз ёшларимиз билан бўялиб, бир чеккада қолиб кетарди... Онамнинг бизларни хижолатдан кутқариш учун атайлаб «ичим дорига тўлиб кетди-ёв, шу заҳар ўлгурнинг фойдасини сира сезмадим-да! Дориг оламан деб уриниб юрманглар, бари бир ичмайман! Дардини берган Оллоҳ шифосини ҳам берар!» дея такрорлагандага ўзимизни қўярга жой топа олмай қолардик. Тўрт мучаси соғ бўла туриб, кўз ўнгингда адойи тамом бўлиб бораётган онаизорингга ёрдам бера олмай томошабин бўлиб қараб ўтиришдан нарига ўтолмаётганингдан ёмон азоб бўлмаса керак дунёда! Шундай пайтларда қушми, капалакми, қурбақами, тошбақами бўлиб туғилмаганингдан афсусланаркансан киши. Ҳаётдан ҳам, яшашдан ҳам безиб кетарсансан...

Кўча-кўч сабаб ўқишлиарим ҳам ўлда-жўлда қолиб кетди. Ёшликтаги орзу, умидларим саробга айланиб бораётгандай, камбағаллик, ноchorлик мени ўз домига тортиб бораётгандай эди...

Ўша куни тушликка одатдагидек қайноқ сувга озроқ ёғ аралаштириб, шўрва қилгандик. Жиян-

ларим «яна шунақа овқатми? Емаймиз, гўшт егимиз келаяпти! Гўшт, гўшт! деб хархаша қилишди. Шундоқ ҳам ҳар куни деярли бир хил таом истеъмол қилишдан безор бўлиб ўтирган барчамизнинг томогимиздан овқат ўтмай қолди. Хўрлигимиз келиб кетди... Опам йиғлаб, ташқарига чиқиб кетди. Онам ўтирган жойида бир нуқтага тикилганча тошдай қотиб қолди. Уни юпатиш учун ёнига ўтиб, маҳкам қучоқдаб олдим. Шунда унинг унсиз, юракдан йиғлаётганини сездим... Мен ҳам ўзимни тутиб тура олмадим...

– Отангнинг қадри ўтаяпти болам, отангнинг! – деди у зўрга ўзини босиб. – У киши хонадонимизнинг баракаси бўлган эканлар. Борларида ҳамма нарсамиз тўкис эди-я! Ўзи билан баракамизни ҳам олиб кетдилар шекилли. Уйимизнинг файзи йўқолди. Шу кўйга тушиб ўтирибмиз-а! Мен отангни авайлаб-асрай олмадим, болам. Билиб-билмай кўнглига озор етказган кунларимга лаънатлар бўлсин-а!

– Чиндан ҳам отамнинг замонида зориқиши нима эканлигини билмабмиз-а! – шивирлайман мен.

– Бир ўзлари шунчангизни беками-кўст вояга етказдилар. Мен ҳамиша шундай бўлса керак деб ўйлаб юарканман. Раҳматли ҳаёт бўлганларида бу кўргуликларни кўрмаган бўлармилик?!

– Баъзи дугоналаримга ҳавасим келади. Ўқишига машинада келишади. Кийинишлирини айтмайсизми? – онамни чалғитиш мақсадида атайлаб гапни бошқа томонга бураман.

– Ҳа, болам. Моду давлат қўлнинг кири. Бир келади, бир кетади. Ўксинма, Худо хоҳласа бир кун сизлар ҳам тўқинчиликда яшайсизлар. Ахир менинг отам ҳам, отангнинг оталари ҳам замонаси-нинг бадавлат, тадбирли одамлари бўлишган-ку!

– онам шу ўтиришимизга мақтаниш табир жоиз эмаслигидан хижолат бўлгандай оҳиста давом

этди. – Бобом катта савдогар бўлган эканлар. У замонларда бизнинг хонадонимиз ҳам тўкис яшаган. Егани олдида, емагани ортида бўлган.

– Бобомлардан сизга ҳеч вақо мерос қолмаганими? – сўрайман қувлигим тутиб.

– Нимасини айтасан! Шўролар даврида давлатманд кишиларни қулоқ қилишган, мол-мулклари ни тортиб олишган. Бобом шўрлик бор будини ўзи ихтиёрий равишда давлатга топширган. Отамнинг айтишича, фақат айрим тилла буюмларни ўзида қолдирган. Кейинчалик ҳукуматдан кўрқиб, уларни кўмиб ташлаган экан.

– Ия, бу ҳақда менга ҳеч гапирмаган экансиз-да! Хазина қаерга кўмилганини биласизми? Топиб олсак ёмон бўлмасди! – дейман мен онамга яқинроқ ўрнашиб.

– Ҳа топилса ёмон бўлмасди. Лекин ўша олтинлар ҳақиқатда бўлганми ёки отам менга шунчаки гапирганми – буниси номаълум. Негадир отам бу ҳақда гапиришни унча хушламасди. «Олтин одамга кулфатдан бошқа нарса келтирмайди!» дер эди раҳматли.

– Ҳеч бўлмаса тахминий жойни айтганмиди? – дейман мен тутақиб.

– Йўқ, бу ҳақда ҳеч гапирмаган. Аммо...

– Хўш, хўш!

– Раҳматли отам ўлимни олдидан ҳовлимизнинг кунчиқар томонида жойлашган тепаликка ишора қилиб, бир нималар демоқчи бўлганди. Бироқ гапиришга маҷоли бўлмаганди. Ўшанда негадир мен «хазинани шуерга кўмган экан-да, шуни айтмоқчимикин?» деган хаёлган боргандим... Балки бошқа бирор гапи бўлгандир. Кечга бориб, отам бандаликни бажо келтирди. Шу билан сир сирлигича қолиб кетди.

– Сиз олтинларни топишга ҳаракат қилмаганмисиз?

– Қайда дейсан! Қийналган пайтларимда бир-икки марта бу фикр хаёлимга келди. Лекин... түғриси шу тилла қурғурнинг борлигига унчалик ишонмаганман. Кейинчалик у тепалик ҳовли-жой қурилишига бериб юборилди... Балки уни топганимизда бунчалик гарib аҳволга тушмаган бўлармидик...

Онам чуқур хўрсишиб, мени маҳкамроқ қулоқлади. Сочларимни силади, дудоқларимдан ўпди. Унинг шашқатор кўз ёшлари юзларимни ювди. У хаёлимда ўзининг дардман, ошуфта аҳволидан ҳам кўпроқ оила бошлифи – она бўла туриб, биз фарзандларини тузукроқ едириб-ичиролмаганидан надоматда эди. Ахир она учун болалари егулик сўраб, чирқираб турганда уларнинг талабини қондиролмай мустар туришдан ҳам ортиқроқ хўрлик бормикин дунёда?! Йўқ, йўқ, бўлмаса керак!

Мен эса тўрт мучаси соғлом фарзанд бўла туриб, касалманд онаизоримга ғамхўрлик қилолмаётганимдан, ожиз ва нотавонлигимдан изтиробда эдим. Ўзимнинг ўғил бола бўлиб туғилмаганимдан афсусланардим. Балки унда ҳаммаси бошқача бўлармиди? Шунда онам, опам, жиянларим ҳеч нарсага зориқмасмиди? Қиз бола бўлсан нима бўпти! Ўғил болалардан қаерим кам! Улар уддалаган ишни мен ҳам эплай оламан! Ўқишим бир гап бўлар, ишга киришим лозим! Тирикчилик айб эмас-ку! Онам тузалиб кетса, ўқишини давом эттиришга имкон бўлади...

Хаёлимга келган фикрдан суюниб кетдим. Бехосдан вужудимни қандайдир қатъият, шиддат эгаллади.

Хуллас, онамнинг қаршилиги-ю опаларимнинг эътиrozларига қарамай бир ошхонага ишга жойлашдим. Муаммоларимиз бир оз чекингандай бўлди. Шу ерда Норбўта акам билан танишдим. Бошида хўранда сифатида ошхонамизга ҳар за-

монда келиб турарди. Кейинчалик серқатнов бўлиб қолди. Йўлимни пойлайдиган, турли-туман баҳоналар билан совға-саломлар улашадиган одат чиқарди. У кишининг мендан анчагина катталигини, боз устига уйланган, бола-чақаси борлигини билсамда бошида муносабатларимизга безътибор қарадим. Уни ўзимдан қанчалик узоқлаштиришга ҳаракат қилмайин, улашаётган тухфаларидан ўзимни тиёлмадим...

Мен эса виждонимга хилоф йўл тутиб бўлса-да, онамга, оиласми тегаётганидан, жиянларимнинг бир кунига яраётганидан мамнун, ёш бўла туриб, каттагина хонадоннинг бокувчисига айланганидан масрур эдим. Бошида онам ҳам, опам ҳам менинг бўлажак эрим билан муносабатларимдан бехабар эди. Кейинчалик бундан воқиф бўлгандаридан эса фишт қолипдан кўчганди... Мен ўн саккиз ёшимда ўзимдан йигирма ёш катта йигитнинг иккинчи хотинига айланиб бўлгандим...

Норбўта акам икки-уч киши гувоҳлигида никоҳ ўқиттириб, мўъжазгина тўй қилдириб, онамнинг қалбидаги турли-туман бемаъни ҳадик-хавотирларни бартараф этди. Эрим бизникига ҳафтада бир-икки марта келиб турса-да, бекаму кўст яашшимиз учун барча шароитни яратиб берган эди.

Кунларнинг бирида гапдан-гап чиқиб, мен эримга бобомнинг олтинлари ҳақида гапириб бердим. Ўша кундан Норбўта акамнинг ҳаловати йўқолди. Онамни гапга солиб, ҳазил-ҳузул билан воқеаларга ойдинлик киритди. Сўнг онам айтган тепалиқдаги хонадон эгасини аранг кўндириб, ҳовли-жойини сотиб олишга эришди. Дастреб бу ишдан бирор нима чиқишини гумон қилиб турган мен ҳам кейинчалик қизиқиб қолдим, юрагимда қандайдир умид учқунлари пайдо бўлди.

Эрим шаҳарга тушиб, турли-туман асбоб-ускуналар олиб келди ва хазинани қидириш ишларини

бошлаб юборди. Хазина топиш осон иш эмас экан. Ҳовлининг чор томони илма-тешик қилиб ташланган бўлса-да, олтиндан дарак йўқ эди. Аммо эрим ҳам анойилардан эмасди. Тушкунликка тушмасдан қидиришда давом этди. Иккита ҳарбийча кийинган йигитни олиб келиб, қандайдир асбоб ёрдамида ҳовлини роса чиғириқдан ўтказишиди. Асбоб жиринглаган жойларга алоҳида белгилар қўйиб чиқишиди. Йигитлар кетгач, қазиш ишлари жадаллашди... Тандирнинг оғзидек келадиган жойнинг тупроғи юмшоқлиги билан ажралиб қолди. Бу жойнинг муқаддам ё қудуқ бўлганлиги ёхуд хазина яшириш учун атайлаб қазилганлиги разшан эди. Тун ярмидан оққан бўлса-да, эр-хотин чираниб, қазиш ишларини давом эттиридик. Эрим фонус чироғида туртина-туртина тупроқни юмшатиб, чelакка солар, мен эса арқон билан чelакни тортиб олардим. Чамаси тўрт-беш кулоч чукурликда белкурак бир қаттиқ жисмга урилди... Ҳаво ўтказмайдиган филофга мустаҳкам ўралган каттагина сандиқ чиқди. Норбўта акам сандиқнинг оғзини авайлаб очди. Шундан кейингина бобомнинг хазинасини топганимизга амин бўлдик. Хазина бўлганда ҳам унча-бунча эмас. Иккита филоғигача олтиндан ясалган қилич, икки хум тилла тангалаар, турли-туман тақинчоқлар, яна ўн-ўн беш чоғли қадимий китоблар...

Мен кўрқиб кетдим. Онамдан бу олтинлар кишига баҳт келтирмаслигини эшитган эдим. Эрими хазинани давлатга топширишга кўндиromoқчи бўлдим. Аммо у унамади. Хазинани топиш учун каттагина маблағ сарфлаганини важ қилиб, сўзида маҳкам туриб олди. Олтинларни фақат хайрли ишларга сарф этишга, энди бутунлай бошқача ҳаёт бошлашга ишонтирди...

Норбўта акам сўзининг устидан чиқиб, ота ҳовлимизни қайтариб олиб берди. Турмушимизнинг

тўқин-сочинлигини таъминлади. Менга шу ҳовлини тухфа қилди. Катта маблағ сарфлаб, уни қайта таъмирлади, дид билан жиҳозлади. Айтганларимни қулоқ қоқмай муҳайё қилди... Ҳаётимиз тўқис бўлса-да, аммо негадир кўнглим ғаш эди...

Ўша куни кечки пайт уйга бир нотаниш аёл кўнғироқ қилиб, «сен уйингда оғзингни очиб ўтирибсан, эринг эса ресторанда бир ҳурлиқо билан базми жамшид қилиб ўтирибди!» деган гапни айтиб қолди. Мен гарчанд ичимдан зил кетган бўлсам-да, ўзимни бепарводек тутиб, «майли-да, эркак киши, айланиб-айланиб қозигини топиб келади!» дедим. Аёл мендан бошқачароқ жавоб кутган шекилли «баттaring чиқсан!» дея гўшакни қўйиб қўйди. Бошимдан сув қуйгандай бўлди. Ўзимни қанчалик бу гапнинг бўхтон эканлигига ишонтиришга уринмай, шунчалик хавотирим орта борди: «Наҳотки икки хотинга қаноат қилмай учинчисини топган бўлса бу кўрнамак! Бобомнинг олтинлари уни қутирираяпти шекилли! Мени оғзимни арзимас нарса билан мойлаб қўйиб, ўзи «шохона» кун кечиришни хоҳлаб қолдими дейман уйинг қуйгур!...

Апил-тапил кийиниб, йўлга тушдим. Шунда қайга боришимни билмай, нотаниш аёлдан рестораннинг манзилини сўрамаганимдан афсусландим. Таваккал қилиб, ўзим билган бир неча кафе, ресторанларни айланиб чиқдим. Фойдаси бўлмади. Аммо тушкунликка тушмасдан ахтаришда давом этдим. Сўраб-сuriштириб шаҳардаги барча йирик ошхоналарга кириб чиқдим. Тополмадим. Аёлнинг гапи ёлғон чиққанидан кўнглим таскин топгандай бўлди. Аммо қалбимдаги шубҳа, гумонлар чўғи ўчмаганди: «Шамол бўлмаса, дараҳтнинг учи қимирламайди. Аёл жуда ишонарли қилиб гапирди. Уни жеркиб солмаганимда манзилини ҳам аниқ айтган бўларди. Балки бошқа шаҳардадир. Балки аллақа-

чон ресторандан чиқиб, бирор овлоқроқ жойда кайфу сафони давом эттираётгандир... Яна қаердан изласам экан... Аёл ёлғон сўзлаган бўлса-чи? Бу «ҳожатбарор» ким бўлса? Нимага эришмоқчи? Менга раҳми келдимикин? Ёки анави манжалақига душманлиги борми? Ҳеч бўлмаса, ҳар эҳтимолга қарши телефон рақамини сўрамалман-да! Балки бу мени ёки эримни кўролмайдиган одамларнинг найрангидир. Шунаقا одамлар ҳам кам эмас-ку! Бироннинг кулфатидан лаззат оладиган, ўзганинг бахтсизлигидан роҳатланадиган! Нима бўлганда ҳам бу ишни шундай ташлаб бўлмайди. Охирига етмасам, кўнглим жойига тушмайди! Гумон инсонни имондан ажратади дейишади...»

Кеч тушиб қолган бўлишига ҳам қарамай, ўғлимни опамникида қолдириб, таксида эримнинг кўтони томонга йўл олдим. Хайрият у қўрада экан. Мени бундай кеч маҳалда бегона одам билан кўриб, эрим ҳайратидан ёқа ушлади, «бир кор ҳол бўлдимикин» деган хаёлда дудукданди:

– Садоқат, тинчликми? Нима гап, нима қилиб юрибсан, тентираబ?

Мен ўзимни хотиржам тутишга ҳаракат қилиб, дедим:

– Тинчлик, тинчлик, сиздан хавотир олиб...

– Нимадан хавотир оласан, бу ким? – деди у машина томонга имо қилиб.

– Такси ёллагандим. Отажон тоғ йўлларини яхши биларкан. Рус бўлса-да, ўзбекчада тиниқ гаплашаркан, – дедим мен «айбим»ни енгиллаштириш ниятида.

– Кеч маҳалда бегона таксида, жинни-пинни бўлдингми? Гапирсанг-чи?

Эримнинг кучли ҳаяжонланганда шундай дудукланиши одати борлиги ёдимга тушиб, вазиятни юмшатишга тушдим:

– Ёмон туш кўргандим, шунга хавотирланиб ўйда ўтиrolмадим...

– Ҳе, тушинг ҳам бор бўлсин, ўтакамни ёрай динг-ку! Шошмасанг эртага ўзим бораrdим.

– Негадир юрагим ҳаприқиб кетаверди, – эримнинг бир погона пастга тушганини сезиб, атайлаб унинг пинжига тикилдим. «Арақ, ҳиди келмади. Демак, бугун шаҳарга тушмаган» хаёлимга келган фикрдан кўнглим бир оз кўтарилди.

Кўтонга кириб, бир оз гаплашиб ўтиrdик. Эрим бир коса қатиқ билан сийлади. Гап орасида унинг бугун қўрадан бир қадам ҳам нари кетмаганини, ёрдамчилари жавоб олиб, уйларига кетганликлари боис кун бўйи молларга ўзи қараганини билиб, ҳовуrim босилди. Аёл тўғрисида гапирсам ўзим шарманда бўлишимни ўллаб, индамай кўя қолдим.

Норбўта акам кеч бўлаётганини баҳона қилиб, кузатишга шошилди. Мен ортга қайтдим. Аммо эримнинг юз-кўзларида қандайдир бир хавотир, ташвиш борлигини сезгандай бўлдим. «Балки бунга менинг кўққисдан ташрифим сабабдир» деган ўйда ўша пайтда унинг бу ҳолатига унчалик аҳамият бермаганимдан, кечда ўша ерда қолмаганимдан афсусдаман...

\* \* \*

Тергов гурухига такси ҳайдовчисини топиш қийин кечмади. Михаил Иванович Садоқатнинг кўрсатмаларини тўла тасдиқлади. Экспертлар чўпоннинг қўтони ёнидан топилган шина излари шу таксига тегишли эканлиги аниқлашди.

Асосий тахминнинг йўқقا чиқиши, қолган тахминларнинг натижа бермаётгани, қолаверса жўялироқ, ҳақиқатта яқинроқ тахминнинг йўқлиги, Фахриддин Каримовичнинг хавотирини кучайтирди. Бу қотилликни очиш у ўйлагандан кўра анча қийин кечишини дилдан ҳис қиди.

Терговчининг иши игна билан құдук қазиішдай бир гап. Шошма-шошарлик кетмайды. Кишидан мاشаққатли меңнат, қатъият ва журъатдан ташқари мисслез сабр-тоқат, тенгсиз ирода талаб этади. Faқат шундагина кутилган натижага эришиш, ҳар қандай сирли жиноятни фош этиш мүмкін. Асосийси адашмаслик. Нотүрги йўлга кириб кетиш нафақат беҳуда вакт сарфланишига, бесамар уринишларга сабаб бўлади, балки жиноятчи билан терговчи орасидаги масофани узоқлаштиради, унга жиноят изларини бекитиш, қилимишларини яширишга имкон беради. Фурсат ўтган сари жиноятчининг жазодан қутулиб қолиш эҳтимоли оша боради, аксинча терговчининг жиноятни очиш эҳтимоли даражаси пасая боради... Демак, ўтаётган ҳар бир дақиқа қотилларнинг фойдасига ишламоқда. Шошилиш керак! Қотиллик тафсилотларининг барча деталларини, ҳатто энг аҳамиятсиздек туюлганларини ҳам текшириб кўриш, ҳар бир воқеани, ҳар бир ҳолатни ипидан иғнасигача чириқидан ўтказиш лозим!... Дарвоҷе, улар тузган тахминлар фақат муҳим аҳамият касб этган жиҳатлар асосида тузилмадими? Унчалик аҳамиятга молик бўлмаган фактлар эътибордан четда қолмадими? Ахир унинг тажрибасида бир қарашда майда-чуйдадек туюлган ҳолатларни ўрганиш асосида очилган жиноятлар кам эмас-ку! Кам аҳамиятли ўща ҳодиса нима бўлиши мумкин? Биз нималарга унчалик аҳамият қаратмадик...

Нохосдан эшикнинг тақи́ллаши Фахридиннинг хаёлини бузди.

– Мумкинми, ҳали ухламадингизми? – эшикда Санжарбек кўринди.

– Келинг, келинг! Уйқу қаерда дейсиз? Тергов қилаётган жиноятини очмагунча терговчининг кўзига уйқу келармиди!

– Бизда ҳам шу касаллик...

Фахриддин ўридан қўзғалиб, шогирдига жой кўрсатар экан, «хойнаҳой хаёлига қизиқарлироқ бирор фикр келган бўлса ажабмас» деган ўйга борди:

– Қани гапиринг, қулогим сизда!

– Устоз, миямга бир фикр келди, – Санжарбек ҳам бирдан муддаога қўча қолди. – Садоқатнинг уйига қилинганд қўнғироқ, унинг тутмачасининг қўрада тушириб қолдирилиши... кимдир бу қотилликини шу шўрликнинг гарданига осмоқчидай ту-юлмаяптими сизга! Менимча, бу ерда бир гап борга ўхшайди.

– Хўш, хўш давом этинг-чи! – қўлидаги тизгин билан телевизорнинг овозини пасайтирган Фахриддин шогирдига тикилди.

– Бу воқеаларнинг айнан ўша машъум кунга тўғри келганлиги тасодифга ўхшамайди. Аёл кишининг рашки ёмон бўлади. Эрининг бегона аёл билан кайфу сафо қилиб ўтирганини эшитган ҳар қандай аёл тинч ўтира олмайди. «Эр бермоқ – жон бермоқ!» дейди машойихлар. Нотаниш аёл ёки унинг шериклари шуни билган ҳолда Садоқатга қўнғироқ қилишган. Аёлнинг юрагида рашик ўтини ёқкан ва бу билан унинг эрини излаб, қўтонга боришига умид қилишган. Воқеалар улар ўйлаганчалик ривожлана борган. Кейин эса тутмача... Негадир бирламчи воқеа жойини кўздан кечиришда тутмача топилмаган. Биз топдик...

– Нима уни бирор кейинчалик атайлаб ташлаб қўйган демоқчимисиз? – деди Фахриддин ўзини бир неча кун олдин хаёлидан ўтган бу фикрга та-ажжуб билан қараётгандек кўрсатиб.

Устознинг қизиқиши билан тинглаётгани Санжарбекни илҳомлантириб юборди:

– Демак, тутмачани кимдир қотилликдан сўнг ташлаб қўйган. Мақсад эса аниқ. Терговни чалфи-

тиб, уни бошқа йўлга солиш, жиноятни эса бир begunoq aёlgaga afdariш ва vaqtдан ютиб, sувдан куруқ чиқиб кетиши... Ачинарлиси улар маълум маънода ўз режаларига эришдилар. Биз Садоқат билан ўралашиб қолдик...

– Мантиқан хулоса чиқарадиган бўлсак, қотил чўпоннинг оиласига яқин одамга ўжшайди, – устоз атайлаб шогирдини мунозарага чорлади.

– Худди шундай. Акс ҳолда у шахснинг қотилликдан сўнг қўтонга бемалол келиб, тутмачани ташлаб қўйиши осон кечмасди.

– Мушоҳадаларнгиз чакки эмас, аммо ким экан ўша «қаҳрамон»? Бирортадан гумонингиз борми?

– Албатта, биринчиси чўпоннинг хотини – Мастура, иккинчиси Яхшилик чўпон... яна...

– Мастура – тушунарли, эрининг хиёнатини сезиб қолиб, бир йўла иккисидан ҳам қутулиш йўлини тутган бўлиши мумкин. Аммо, Яхшилик чўпон нима мақсадда шундай мудҳиш жиноятта қўл урган деб ўйлайсиз?

– Мотив равшан – бойлик орттириш! Бош чўпоннинг хазинасидан хабар топган Яхшилик олтинларни қўлга киритиш пайига тушган. Ахир...

– Формал жиҳатдан сиз ҳақсиз! Бироқ Masturanning ҳам, Яхшиликнинг ҳам бу ишни уддалашига ишониши қийинроқмикин дейман, – деди Фахриддин телевизордан кўзини узмай.

– Одамнинг оласи ичида бўлади. Бу чўпон ҳалимдек ювош кўринса-да, ичидан пишган кўринади. Бундай одамлар ўзини қаерда, қандай тутишни яхши билишади. Сиртдан қараганда беозор ва фариб кўринса-да, аслида ҳеч нарсадан тоймайдиган муттакам бўладилар. Мўминқобиллик улар учун бир ниқоб...

– Бундай фикрга келишингизга бирор жўяли асосингиз борми? Ёки шундан бошқа тахмин қол-

магани учун... тавакқал қилаяпсизми? – Фахриддин телевизорни ўчириб, шогирдига юзланди.

– Асослар етарли! Мастура хусусида: менимча, эрининг вафотидан унчалик куйинмаяпти, шундай бўлишини олдиндан билгандай... иккинчидан, эрининг бошқа хотинга уйланганини, ундан фарзанди борлигини, уларга уй-жой қилиб берганини эшитиб, бундай хиёнатга чидай олмаган. Рашик ўти қўзларини қонга тўлдирган. Мұҳаббат билан нафратнинг ораси бир қадам... – Санжарбек «ошибириб юбормадимми?» деган истиҳолада сухбатдошига тикилди. Устозининг диққат билан тинглаб тургани унга янада илҳом бахш этди: – Мастура эрининг олтинлари қаерда сақланишини билган. Хазинанинг фақат иккинчи хотин учун сарф бўлаётгани унинг газабини янада оширган. Ҳам эридан, ҳам бутун бошли хазинадан ажralиб қолишидан қўрқсан. «Аёл кишининг макри қирқ туяга юк бўлади» дейдилар. Эридан тамомила умидини узган хотин энди ундан қутулиш чораларини излай бошлаган. «Фақат шу йўл билан шусиз ҳам таги кўриниб қолган хазинани сақлаб қолиш» мумкин деган тўхтамга келган.... Қотил ёллаган....

– Қойил, жуда зўр, жуда ишонарли! – Фахриддин кулимсираб шогирдига тикилди.

Бу гап чин кўнгилдан айтилдими ёки шунчаки пичингми Санжарбек англомай қолди.

– Бу тахмин билан ишлашдан оддин икки нарсани аниқдаш лозим, – давом этди Фахриддин. – Биринчидан, Мастура эрининг бошқа хотини борлигини билганми? Агар билган бўлса, албатта тўполон кўтарган, эри билан жанжаллашган бўлиши табиий. Буни бошқалар билмаслиги мумкин эмас. Лекин Яхшилик чўпоннинг гапига қараганда «гумондор»имиз эрининг хиёнатидан хабардор бўлмаган. Садоқат ҳам кундоши билан тўқнаш кел-

маганлигини таъкидлаган эди. Иккинчидан, Мастуранинг эри топган хазинадан воқиға эканлиги ҳам номаълум. Шу икки ҳолатга ойдинлик кири-тимасдан бу тахмин билан ишлашдан маъни йўқ.

– Рухсат этсангиз, эртага шу йўналишда иш бошласам!

– Рухсат, рухсат! – деди Фахриддин Каримович бошини сарак-сарак қилиб. – Одатда, бу каби жиноятларга ё рашик ёки бойлик, зебу зар сабаб бўлади. Бу ерда ҳам икки хотиннинг эр талашиши ёхуд Норбўта чўпон топган хазина қотилликни келтириб чиқарган бўлиши эҳтимолдан холи эмас. Нима бўлганда ҳам олтинларни излаб топишимиш зарур! Аммо биз бошқа тахминлар устида ишлашни ҳам тўхтатмаслигимиз лозим.

Санжарбек суҳбат якун топганлигини ҳис қилиб, ўрнидан қўзғалди, устозига хайрли кеч тилаб, хонасига шошилди...

\* \* \*

Кечаси билан турфа хаёллар оғушида тўлғаниб чиққан бўлишига қарамасдан Санжарбек каллаи саҳарлаб туриб олди. Бугунги кун ишида қандайдир силжиш ясашига, анча пайтдан буён бир жойда қотиб турган тергов жараёнлари ниҳоят жонланниб кетишига, қилаётган тахминлари, юритаётган мулоҳазалари тўғри чиқишига қалбининг бир чеккасида пайдо бўлган умид учқунлари унга илҳом бахш этаётгандай эди.

Устози ҳали уйғонмаганига ишонч ҳосил қилгач, меҳмонхона ошхонасида енгилгина ионушта қилиб, ишга шошилди. Терговчилар учун ажратилган мўъжазгина хонага кириб, бугунги кун режасини оққа тушира бошлиди, сўнг телефон гўщагини кўтариб, тезкор гуруҳ аъзоларига топшириқлар беришга киришди...

Кўринишидан уйқуга тўймаганлиги аён бўлиб турган Фахриддин Каримович хонага кириб келганда, Санжарбек унча-мунча ишларни ўринла-тишга улгурғанди.

– Устоз сизни барваҳт безовта қилгим келмади, яхши дам олдингизми?

– Бирнав! Тунда уйқум қочиб кетди, тонг маҳали кўзим илинибди, – Фахриддин жойига ўрнашиб, «нима гап?» дегандай шогирдига юзланди.

– Ҳар икки йўналишда ишни бошладик. Йигитларни Маствура билан Садоқатнинг қўни-қўшнилари, таниш-билишлари, яқинлари билан суҳбатлашиб, масалага ойдинлик киритиш учун юбордим. Ҳар иккисининг телефон рақамлари бўйича сўзлашувлар рўйхатини олиш учун телефон тармоқлари корхонасига сўровнома жўнатдим. Учта хонадонда тинтув ўтказиш тўғрисида санкция тайёр.

– Жуда яхши! Тинтувга кимларни юбормоқчи-сиз?

– Рухсат этсангиз, Садоқатникига ўзим борсам! Маствураникига – Маҳкам Ҳакимович...

– Маствураникига мен ўзим бораман. Маҳкам сиз билан борсин. Яхшилик чўпонникига шошмай турайлик! – Фахриддин шаҳд билан ўрнидан кўзгалди. – Ҳа, дарвоқе метал қидирувчи мутахассислар таклиф қилинганми?

– Албатта! Буни ёддан чиқариб бўладими? – Санжарбек «хафа қилаяпсиз!» дегандай устозига кулимсираб қаради.

– Ундай бўлса, по коням! – устознинг чехрасида шогирдидан мамнунлик аломати зоҳир бўлди...

Норбўта чўпоннинг уйида – Маствураникида ўтказилган тинтувда терговга нафи тегиши мумкин бўлган арзигулик нарса аниқланмади. Хоналар, ёрдамчи бинолар, молхона, тандирхона, ўчоқ боши, уйларнинг шифтлари, томлари, деворлар,

ҳовли сатҳи метал қидириувчи маҳсус асбоблар билан обдан текширувдан ўтказилган бўлса-да, ҳазинадан ном-нишон бўлмади. Уйдан топилган унча-бунча нарсалар орасидан фақат Норбўтанинг пальтоси чўнтағидан топилган бир парча қоғоз ва унинг орқа томонига ёзилган телефон рақами Фахриддиннинг дикқатини ўзига тортди. Сарғайиб, титилишдан нари-бери қоғознинг одд томонида «Квитанция...», «ООО Билур», «г. Самарқанд» деган ёзувлар аранг кўзга ташланарди. «От кого», «наименование», «масса», «подпись», «число» қаторлари тўлдирилмаган, бўш эди. Ҳужжатнинг бланкасидан телефон рақамини ёзиб олиш учунгина фойдаланилганлигини англаш қийин эмасди.

Фахриддин қоғоздан нигоҳини узмай мантиқий хulosалар чиқаришга киришди: «Демак, Норбўта тилла буюмларини топшириш учун Самарқандга борган. «Билур» номидан заргарлик дўкони ёки ломбард бўлса керак, деган хulosага келди. Ўша ердан кимнингдир телефон рақамини олган. Дўкондор ёзувидан аёл киши бўлса керак, қоғоз топмасдан стол устидаги бўш квитанция бланкаси ортига рақамни ёзиб берган. Телефон рақами кимники бўлса! Балки тилла тангаларни сотиб оладиган одамни тавсия қилгандир. Балки китобларни ўтказиш ниятида...»

– Кетдикми? – аллақачон машинасини ўт олдирив, у ёқдан бу ёққа бориб келаётган Маҳкамнинг зардали овози гуруҳ раҳбари хаёлини бузди.

– Кетдик, кетдик! Ҳамма чиқдими? – Фахриддин атрофга аланглаб, машинанинг одд ўринидига жойлашди. Йўл бўйи «оғзига талқон солиб келаётган» Маҳкамнинг тунд башарасига қараб, «тинтув натижа бермаганидан, уринишлар бесамар кетаётганидан сиқилаяпти шекилли, ажойиб феъли бор экан-да!» деган ўйга борди. Гарчанд шамолдай

учиб кетаётган машина дeraзадан атрофни кузатиб кетаётган бўлса-да, хаёллар уни Самарқанд тарафга етакларди: «Наҳотки калаванинг учи то-пилган бўлса! Аммо бундан бирор наф чиқарми-кин? Хўш, заргарни топдик ҳам дейлик. У «тўғри, чўпон менга тилла тақинчоқларини, айрим буюм-ларни топширган ва пулини олган, унинг илтимо-сига кўра яна бир заргар дўстимнинг ҳам телефон рақамини берган эдим» деса, иккинчи заргарни ҳам топсагу у ҳам «тўғри, чўпон менга тилла тан-галардан бир қанчасини таклиф қилганди, мен тангаларни олишга рози бўлмадим» ёки «улардан бир қисмини сотиб олдим, бошқа уни кўрмадим» деса, нима бўлади? Тергов яна тупикка кириб қол-майдими? Балки... уларнинг қотилликка дахли йўқдир! Балки... Нима бўлганда ҳам бу бир парча қоғозда бир сир яширинга ўхшайди. Масаланинг бир учи Самарқандга бориб тақалса ажабмас!...

Санжарбекнинг гурӯҳи аллақачон қайтиб, ишда ўтиради. Фахриддин машинадан тушаркан «улар-да нима янгилик бор экан?» деган хаёлда кабинети томонга шошилди.

– Бўрими, тулки? – Санжарбек одатдагидек тир-жайиб устозига пешвоз чиқди.

– Деярли ҳеч нарса йўқ! Сизларда нима гап?

– Мана бунга қаранг, – деди Санжарбек стол устидаги қалин муқовали дафтарни унга узата ту-риб, – Садоқатнинг кундалиги.

– Кундалик тутармикин? – Фахриддин дафтар-ни кўлига олиб, варакдашга тушди.

– Кундалик айрим нарсаларни ойдинлашти-ришда бизга нафи тегади деб ўйлайман. Ундаги гапларга ишонадиган бўлсак, Садоқатнинг берган кўрсатмаларида деярли ёлғон йўқقا ўхшайди.

– Нима учун «деярли»! – деди Фахриддин даф-тардан кўзини узмай.

– Яъни у Маствура билан ораларидаги тұқнашув-  
ни биздан яширган экан, холос.

– Демак кундошлар орасида...

– Мана бу жумлаларга эътибор беринг! – Сан-  
жарбек устозининг қўлидан кундаликни олиб,  
варағи қайрилган жойни очди ва овоз чиқариб  
ўқишига тушди: «Бугун уйга яна Маствура келди.  
Мени, боламни оғзига келган ёмон сўзлар билан  
ҳақоратлади. Мен қўшнилар эштиб қолмаслиги  
учун уни тинчтишга ҳаракат қилдим. «Эримни  
тinch қўймасанг, сениям ўша ҳароми болангният  
ўлдираман, хонумонингни куйдириб жараман»  
дек пўписа қилди. Мен унга «Эринг менга керак  
эмас, керак бўлса ўзинг йигиштириб ол!» дедим. У  
«агар эрим сен қанжиқдан кечмайдиган бўса, уни-  
ям гўрга тиқаман, қўшмозор бўласанлар!» деди.  
Мен бу машмашалардан безор бўлдим... тўйдим...»

– Садоқат нима учун бу ҳолатни биздан яширган  
екан? – деди Фахриддин қоғоздан кўзини узмай.

– «Ўлган одам ўлиб кетди, энди бу гапларнинг  
кимга кераги бор» деди.

– Майли сиз кундаликни диққат билан ўқиб  
чиқинг! – Гуруҳ раҳбари дафтарни ёпиб, тўрдаги  
креслога чўқди. – Балки Садоқатнинг ички кечин-  
малари бирор нарса берар!

– Сизларда нима гап устоз! – Санжарбекнинг  
сабри чидамади.

Фахриддин Каримович Норбўта чўпоннинг уйи-  
да ўтказилган тинтув натижалари ҳақида қисқача  
гапириб берди, чўнтакдан топилган телефон рақа-  
ми хусусида ўз мулоҳазаларини билдириди.

– Бу ерда бир гап борга ўхшайди! Ўлаганимиз-  
дек, излар бизни Самарқандга чорламоқда! – Сан-  
жарбек «энди нима қилдик» дегандай устозига юз-  
ланди.

– Мен тезкор ходимлардан бирини олиб, Са-  
марқандга жўнайман. Сиз бу ердаги ишларни да-

вом эттиринг! – Фахриддин ички телефон гўшаги-ни кўтариб, топшириқ берди: – Ярим соатдан ке-йин тергов гуруҳи аъзоларини йифинг!

Тергов-тезкор гуруҳ аъзоларига тегишли топши-риқ берга ч, кеч бўлиб қолганлигига қарамасдан Фахриддин Каримович жиноят қидирув бўлими тезкор ходими Авазжон ҳамроҳлигига довон оша йўлга тушди...

\* \* \*

«Билур» масъулияти чекланган жамиятига қа-рашли заргарлик дўконини топиш унча қийин кеч-мади. Дўкон мудири – Раиса Халиловна олтмишлар-дан ошган бўлса-да, қош-кўзларини келинчаклардек бўяб олган, бақалоқдан келган, аммо чаққонгина аёл прокуратурадан ташриф буюрган «мехмонлар»ни ўзгача тавозе билан илиқ кутиб олди.

Фахриддин Каримович хизмат гувоҳномасини очиб, ўзини ва шеригини таништириди.

«Республика прокуратураси» сўзини эшишиб, мезбоннинг ранги хиёл ўзгарди. Шу тобда унинг кўнглидан нималар кечаетганини англаш қийин эмасди. Шундай бўлса-да, кўпни кўрган аёл ўзини бепарводек тетик тутишга ҳаракат қиласди:

– Хуш келибсиз, меҳмонжонлар! Как сеъздили! Чарчамасдан етиб келдингизларми? Б-и-и-знинг шаҳар с-и-и-зларга ёқдим-и-и?

Фахриддин саволларга қисқа – қисқа жавоб қайтариб, аёлнинг ҳаяжонини тезроқ босиш учун мақсаддага кўча қолди:

- Опажон, дўконда қачондан бери ишлайсиз?
- Кўпдан бери, очилган кунидан демоқчиман, лет пятнадцать.
- Қашқадарёлик Норбўта чўпонни танийсиз-ми? – Фахриддин сумкасидан чўпоннинг расмини чиқариб, аёлга узатди.

Раиса суратга зимдан тикилиб, «Нет-нет, бу одамни танимайман, ким экан» деди.

– Сизга бирор нарса топширган бўлиши мумкин?

– Можетъ быть! Конечно, всех невспомнишь! Ка-чон топширган экан ўзи?

– Бир йилча олдин.

– Унда хужжатларни кўтариб, аниқласак бўлади! – Раиса қаҳва кўтариб кирган чиройли, бўйдор, аммо ҳар қандай йигитнинг зътиборини тортадиган дара-жада калта кийиниб олган котиба қизга буюрди:

– Милая, подними и принеси пожалиста, архив за прошлый год!

Қиз ўтирганларга илиқ табассум улашиб, қадам ташлаганда кўтарилиб тушаётган этагини пастга торта-торта чиқиб кетди ва зум ўтмай иккита қа-лин муқовали китоб кўтариб келди.

– Чўпонинг исми шарифи қанақа эди? – деди мудира китобларни варакдай туриб.

– Нормўминов Норбўта!

– «И», «й», «к» вот-вот, значит «м» мана «н» – Раиса китобни ярмидан қайириб, керакли варагини очди.

– Нор... нор.. Нормўмин, бор экан... Йигирма турда-ги тилла ювилерные изделия топширган! Мана, сами взгините! К статье, мен у одамни эсладим.

Фахриддин энгашиб қоғозга тикилди. Ҳақиқат-да чўпон топширган йигирма номдаги тилла бу-юмларнинг таснифи, вазни батафсил ёритилгани-га амин бўлгач, мудирага юзланди:

– Раиса Халиловна, айтинг-чи Номўминов топ-ширган тилла буюмлар қадимий эдими? Чўпон уларни қаердан олган бўлиши мумкин? Демоқчи-манки, шунақа буюмлар ҳозир ишлаб чиқарила-дими?

– Если меня память не обмануть, тақинчоқлар ростдан старинный эди. Унақаси ҳозир чиқмай-

ди. Лекин биз клиентлардан буюмларни қабул қи-  
лишда уни қаердан олганлиги билан қизиқмаймиз.  
Это не наше компетенция!

– Ўша буюмлардан ҳозир сотувда қолганми?  
– Йўқ, қолмаган, давно продали!  
– Уларни ким сотиб олганлигини билса бўлади-  
ми?

– Йўқ, йўқ! Бунинг иложи йўқ! Биз воситачимиз,  
клиентлардан оламиз, бошқасига сотамиз! Ким со-  
тиб олганини рўйхатга олмаймиз. Буюм сотилгач,  
биз ўз процентимизни олиб қолиб, гулини эгасига  
қайтарамиз.

– Норбўта чўпон топширган буюмларининг пу-  
лини қачон олган?

Мудира бошига қўндирилган кўзойнагини ту-  
шириб, китобга тикилди:

– Вот его роспись, ўтган йили 21 ноябрда охирги  
пулини олган!

– Норбўта фақат шу 21 турдаги буюмларни топ-  
ширганми?

Мудира бир оз ўнғайсизланиб, эшитилар-эши-  
тилмас жавоб қайтарди:

– Только вот эти вещи! Больше нечего!

Фахриддин қўлидаги ҳужжатлар орасидан бир  
парча қофозни ажратиб, мудирага узатди:

– Мана бу ёзув сизга тегишлими?

Раиса қофоздаги ёзувга разм солиб, «действи-  
тельно мой почерк» деб пичирлади. Қофознинг  
орқа томонини ўтириб, «наш бланк» дея, таажжуб  
билан қаршисида кўзини лўқ қилиб турган тергов-  
чига қараб:

– Ну нима? Откуда это у Вас! – деди бўшашиб.  
У бир нарсани пайқагандай ҳаловатини йўқотди,  
унинг аввалги тетиклигидан асар ҳам қолмаган  
эди. Миясида «Бу яна нима бўлсайди, бир балога  
аралашиб қолдим-ов!» деган фикр чарх уради.

– Бу қоғоз марҳум Норбўта чўпоннинг чўнтағидан топилди.

– Ё Худо раҳмат қиласин! Бечора қачон ўлди, қандай қилиб? – Раиса кўзойнагини ечиб, терговчига ҳайрон тикилди.

– Шу ойнинг бошида, у қўтонида номаълум шахслар томонидан ўлдирилган. Биз шу қотиллик юзасидан терговни олиб бораяпмиз!

– Ё Оллоҳ, ё Оллоҳ! Раҳматли яхши одам эди, простойгина...вой бечора...

– Раиса Халиловна, бу телефон рақами кимга тегишли? – деди терговчи қофоздаги ёзувга ишора қилиб.

Мудира қоғозни яна қўлига олиб, ундаги рақамларга диққат билан тикилди:

– Икки юз ўттиз беш тўқсон тўқсон! Ия, бу қўшим Адабанинг телефони-ку!

– Кўшнингиз... Адиба... нима...

– Бўлди, бўлди! Эсладим. Нор... Нор... оти ни-майди!

– Норбўта! – Келгандан бери бир оғиз очмай ўтирган Авазбек гапга қўшилди.

– Раҳмат! Норбўта охирги марта келганда «Менда бобомдан қолган старинний китоблар бор, уларни сотмоқчиман, танишингиз борми?» деб сўраган эди. Шу сабабли мен унга тарих музейида ишлайдиган соседим Адабанинг телефонини берган эдим. У араб тили бўйича специалист! Шунақсанги қадимий китоблар билан қизиқиб юрарди... – Раиса бир нарсадан халос бўлгандай енгил тин олди.

– Кейин-чи... кейин нима бўлди? Норбўта Адабанинг олдига бордими? – Фахриддин тоқатсизланди.

– Кейин билмадим! Улар учрашганми, йўқми сўрамапман! – Раиса гуноҳкордай елка қисди. – Ҳа, ҳа адашмасам ўша куни мен Адабанинг иш-

хонасига телефон қилиб, унга бир одамни юбора-ётганимни тайинладим. Унда қандайдир китоблар бор эканлигини айтдим. Адиба, китобларни эшитиб, «ҳозир келсин, ишда бўламан», деганди. Кейин Норбўтага ҳар эҳтимолга қарши унинг телефонини ёзиб берган эдим! – Раиса «Бор гап шу! Бўлдими?» дегандай терговчига юзланди.

– Норбўта сизга ўша китобларни кўрсатганиди? – деди терговчи қофозларини йигиштира туриб.

– Йўқ, йўқ! Ҳеч қанақа китоб кўрсатмаган!

– Балки китобларни ўзи билан бирга олиб юргандир, кўзингиз тушмаганниди?

– Бўлса бордир! У доимо каттагина сумка билан юради, черт знает унда нималар бўлган! – хавотири анчагина босилган Раиса бардам жавоб берди.

Фахриддин бўлиб ўтган савол-жавобларни «Гувоҳни сўроқ қилиш баённомаси»га туширгач, дўкондагилар билан хайр-маъзур қилиб, тарих музеи томонга отланди.

– Хўш жаноб тезкор ходим, Раиса тўғрисида фикрингиз қандай? – Фахриддин орқасидан эргашиб келаётган шеригига ўгирилди.

– Анчагина олифта жувонга ўхшайди. Аммо тўғрисини гапирди чамамда! – Аваз ўйлаганлари ни тўқиб солди.

– Ҳа, менимча ҳам рост гапирди! Ёлгон гапиришдан унга нима наф! Аммо, у ниманидир биздан яширишга ҳаракат қилмадими? – терговчи жиддийлашди. – Нимани яширган бўлса экан?

– Унинг қингир ишлари кўп! Қилмишининг ошкор бўлишидан қўрқади! – жиноят қидирув бўлимни ходими касбига хос фикрлади.

– Бу гапингизда ҳам жон бор! Норбўта топширган олтинларнинг фақат бир қисмигина дўконга кирим қилинган. Тилла танталар, яна айрим бу-

юмлар рүйхатда күрсатылмаган. Дүкөндор шундан хавотирда! Ҳа майли, ҳозир чалғимайлық, лозим бўлса масалага яна қайтамиз!...

\* \* \*

Адиба Раисанинг гапларини тасдиқлади. Норбўта ҳақиқатда унга ўн-ўн беш чоғли араб ёзуви-даги қадимий китобларни сотиб олишни таклиф қилганлиги тан олди:

– Ўша пайтда мен қизимни турмушга берган эдим. Тўй ҳаражатларини биласиз. Ортиқча пулим йўқ эди. Аммо у киши келтирган китоблар чиндан ҳам қадимий ва ноёб эди. Норбўта китобларни музейга ҳадя қилишга унамади. Унга пул керак экан. Китоблар бегона бўлмаслиги учун уларни музейимиз директори ўринбосари Ҳикмат Юсуповичга кўрсатдим. Унга қандай қилиб бўлса-да, маблаф топиб, китобларни музейда олиб қолиш лозимлигини уқтиридим. Уларни таништириб қўйдим...

– Китоблар ҳозир музейда сақланмоқдами? – Адабанинг гапини бўлди Фахриддин.

– Йўқ, китоблар бизда эмас... Ҳикмат аканинг гапига қараганда, Норбўта китоблар учун... қиммат сўраган... «Нархида келишолмадик» деганди.

– Норбўта китобларни қайтариб олиб кетган демокчимисиз?

– Бу ёфи менга қоронғи! Ҳикмат ака...

– Ҳозир у киши шу ердамилар?

– Менимча йўқ. Қаергадир хизмат сафарига кетган шекилли...

Фахриддин шеригига ходимлар бўлимида, ҳи-собхонада Ҳикмат Юнусович ҳақида маълумотлар йиғишини топшириб, ўзи музей директори қабулига кирди.

Қирқларни қоралаган, узун бўйли, истараси иссиқ раҳбар Эркин Абдуллаевич терговчини очик чехра билан кутиб олди.

Одатдаги салом-аликдан сўнг, терговчи хизмат гувоҳномасини кўрсатиб, ўзини таништириди ва бирдан мақсадга кўчди:

– Эркин Абдуллаевич, музей учун янги экспонатларни, осори-ақиқаларни қабул қилиш тартиби қандай?

– Фуқаролар, ташкилотлардан экспонатларни қабул қилиш учун биз уларни экспертизадан ўтказамиз. Агарда улар ҳақиқатда тарихий, маданий қийматга эга бўлса, белгиланган тарифларда сошиб оламиз. Албатта, биз бу экспонатлар учун бозор нархидা ҳақ тўлай олмаймиз... – директор «ўзинима гап?» дегандай терговчига тикилди.

– Ўринбосарингиз Ҳикмат Юсупович хизмат сафарида экан-а! Қаерга кетган?

«Прокуратуранинг, яна Республика прокуратура-сининг у билан қизиқиши бежизга эмас, бу Ҳикмат қурғур бирор нарсани бошлаган кўринаади. Айтдим-а, кейинги пайтларда юриш-туриши бежо эди, ҳаловати йўқолгандай... бир жойда ўтиромай қолганди... ишга кечикишлар... Икки-уч кунлаб ишга келмай қолишлар... ҳа, бу бола тек эмас... бирор жиноят устида кўлга тушдимикин?...» бир зумда Эркиннинг хаёли қай кўчаларга кириб чиқмади.

– Хизмат сафари узоқда эмасми? – терговчи саволини такрорлади. – Уни чақиришга тўғри келади.

– Ҳа, йўқ, Тошкентга кетган эди. Чақириш лозим бўлса – чақирирамиз.

Эшик оҳиста тақиллаб, хонага қўлида бир даста қофозлар билан Авазжон кириб келди:

– Ассалому алайкум! Ҳалақит қилмадимми?

– Авазжон тергов гуруҳининг аъзоси, бирга келганимиз. Бу киши эса музей директори Эркин Абдуллаевич! – Фахриддин таништирган бўлди.

– Хуш кўрдик, меҳмон, ўтиринг! – директор ўрнидан туриб, Авазжонга жой кўрсатди. – Сизлар ўтира туинглар, мен Ҳикматни чақирирай!

– Бу Ҳикмат деганлари бало чиқди! – Авазжон қофозларни варақлашга түшди. – Кейинги олти ой давомида деярли ишда бўлмаган! Навбатдаги таътида бўлган, кейин уч марта ўз ҳисобидан таътил олган, хизмат сафарлари... Уч марта хорижга чиқсан – Туркия, Россия, Францияда сафарда бўлган. Араб, инглиз ва рус тилларини мукаммал билади. Қадимий ва ноёб китоблар билан қизиқади, уйида каттагина кутубхонаси бор. Икки кун олдин Тошкентга Вазирликка иш билан кетган. Ҳамкасларининг айтишича, кейинги пайтларда ҳафтада бир-икки марта ишда кўринадиган бўлиб қолган...

– Муқаддам қаерда ишлаган экан? Ота-онаси кимлар?

– Уч йил олдин Тошкент давлат шарқшунослик институтини араб тили мутахассислиги бўйича таомлаган. – Аваз кўз қири билан кўлидаги «шпаргалка»га қараб олди. – Отаси Юсуф Жумаев, Самарқанд давлат университети профессори, фалсафа фанлари доктори, онаси Санобар Жумаева, университет кутубхонаси мудираси. Зиёли оила.

– Хорижга хизмат сафарига чиқсанми ёки саёҳатга? – Фахриддин қофоздан кўзини олмай «сўроқ»ни давом эттирди.

– Ҳар учала давлатга ҳам хизмат юзасидан эмас, сайёҳ сифатида борган, боя таъкидлаганимдек ўз ҳисобидан «отпуска» олган.

– Яна асосан қаерларда бўлган дедингиз?

– Хизмат сафарлари... а-с-о-с-а-н Республика-миз и-чи-да-... – домласига имтиҳон топшираётган талабадай дудуқланди Аваз. – Ҳа, мана Тошкентга 4 марта, Бухорога 3 марта... яна... Қаршига...

– Қаршига ҳам борганимкин?

– 4 марта!

– Нима мақсадда?

– Билма-а-дим!

– Нима учун!!! Хизмат сафарининг мақсадини аниқдамадингизми?

– Ҳали бунга улгурмадим! – Авазнинг пешанаси тиришди. Шундай бўлса-да, норозилигини сездир-маслик учун қўшиб қўйди: – Ходимлар бўлимига топшириқ бердим, бу ҳакда маълумотнома тайёр-лашмоқда.

– Яхши! Раҳмат сизга! Офарин! – Фахриддин ҳамроҳини ноўрин хафа қилганлигини англаб, рағбатлантириб қўйди. – Бугунча етарли! Қолгани-ни эртага давом эттирамиз...

\* \* \*

Фахриддиннинг уйқуси қочиб кетди. Мехмон-хонада бир нуқтага тикилганча ҳаёллар оғушига чўмди: «Наҳотки бу тахмин ҳам йўққа чиқса! Яна нотўғри йўлга тушиб қолишган бўлса! Аслини ол-ганда бошқа тузукроқ тахмин ҳам йўқ-ку! Ноумид шайтон. Балки калаванинг учи айнан шу ерда-дир. Таҳдил қиласиган бўлсак, Норбўтага тилла-ларни ҳам, ноёб китобларни ҳам ўтказиш учун Самарқанд қулайроқ. Шаҳрисабз, Китоб ёки Қарши-да бу нарсаларга унчалик харидор топилмаслиги мумкин. Чўпон бекорга Самарқандни танламаган. Раисага топширилган тиллалар унчалик кўп эмас. Демак, тиллаларнинг асосий қисми бошқа биро-га сотилган. Ёки Раиса уларни рўйхатга кири-маган... Бу заргарлар олиб қолган маҳсулоти учун одиндан ҳақ тўламаса керак. Аввал сотиб, пули-ни кейин бериши табиий. Раиса тиллаларнинг пу-лини бермай чўпонни сарсон қилган. Ўртада низо чиққан, қарздан қутулиш учун заргар охирги йўл-ни танлаган... Албатта ўзи эмас. Ёлланма қотил-ларни ишга солган. Сўроқ пайти ўзини бошқача тутиши ҳам шундан бўлса ажабмас. Кейинчалик китоблар ҳакида сўрай бошлаганимдан сўнг ўзи-

ни бир оз босиб олди. Уйида тинтув ўтказиш керакмиди? Балки тангалардан сақданиб қолган бўлса. Йўқ, йўқ! Бунга асос етарли эмас. Қолаверса, у – заргар кўра-била туриб далилий ашёни уйида сақдашига ишониб бўлмайди... Бошқа томондан аёл киши бойлик йўлида шундай ишга кўл уриши... Ҳаётда ҳамма нарса бўлиши мумкин. Бой одам янада бойисам дейди. Мол-дунё кўзларини кўр қилиб қўяди... Балки Раисадан бекорга шубҳа қилаётгандир. Норбўта хазинанинг қолган қисмини ишончли жойга бекитиб қўйган бўлиши ҳам мумкин-ку! Садоқатнинг галига қараганда хазинанинг салмоғи анчагина. Чўпон унинг қанчасини ишлатишга, сарфлашга ултурган бўлса! У нималарга харж қилган? Иккинчи хотин учун уйжой, шароит қилиб берганини, ўзига автомашина олганини инобатга олмаса, бошқа бирор нарса сотиб олгани ёки қургани кўзга ташланмади. Банкка ҳам пул қўймаган... Демак, хазинанинг каттагина қисми бузилмасдан турибди. Унда, қани ўша хазина? Иккала ҳовлида ҳам йўқ. Мастура бу ҳақда эшитмаган кўринади. Садоқат-чи? Аслида хазина унга тегишли-ку! Олтинлар унда сақланмаяпти-микин? Айтайлик, онасининг уйида... Йўқ, бунга ишониш қийин. Тиллани ҳеч ким бировга, ҳатто у тукъян онаси бўлсин – бериб қўйиб, тинч ухлай олмайди. Садоқат кўнса-да, бунга Норбўта кўнмаган бўларди... Шунча олтинни сақлашнинг ўзи бўлмайди. Эркин Воҳидовнинг «Олтин деворида»ги туппа-тузук Мўмин чолнинг топган тилласини яшиrolмай жинни бўлиб қолгани бежиз эмас. Унинг дўсти – Абдусалом қария эса аксинча хазина топганини ҳеч кимга сездирмай, ўта босиқлик билан иш тутади, олтинларни шошмасдан сарфлашга тушади. Аммо девордан топилган бу олтинлар ҳар иккисига ҳам насиб этмайди... Норбўтани

бу қариялардан қай бирига ўхшатиш мумкин? У оддий чўпон бўлса-да, тилла учун девона бўладиган одам эмаслиги аниқ... Бундан чиқди хазина чўпонда ва у хазинани маҳкам бекитган... Кўтонинга... йўқ, йўқ, у ерда кўз кўп, бирор тоққами, драгами, форгами яширган. Унда тилла чўпоннинг ўлимига сабаб бўлмаганми? Балки кимдир хазина-нинг дарагини эшитиб, уни топиб беришни талаб қилгандир. Чўпон бунга кўнмаган. Натижа ўлим билан тугаган. Йўқ, бу тахмин ҳам унчалик «ўхшамаяпти». Ахир ўша машъум кеча чўпон қотилларни кутган-ку! Чўлиқларга жавоб бериб юборган... Босқинчиларни ўзи чақирмагандир... Янаям Худо билади! Балки хазина аллақачон Самарқанд заминига етиб келгандир. Раиса Норбўтани кўрган, унинг олтинларига назари тушган эҳтимол ягона инсондир... Ҳа, қай томондан олиб қарамайлик масаланинг бир учи Раисага келиб тақалмоқда... Ёки қотилликка китоблар сабаб бўлганмикин? Ахир қадимий қўлёзмаларни «қора бозор»да жуда катта пулга ўтказиш мумкин эмасми? Ҳикмат – мутахассис, китобларнинг баҳосини яхши билади. У Норбўта олиб келган бир неча китобни арзимас нарҳда сотиб олишга эришган. Қолган китобларни қўлга киритиш учун уларни сотишни хоҳламаётган чўпонни жисмоний йўқ қилишга тўғри келган... Ҳикмат деганлари ким ўзи? Зиёли оиласда тарбия топган, бир неча тилларни биладиган иқтидор эгаси шунаقا жирканч жиноятга қўл ура оладими? Китоблар қаерда бўлса? Уйида сақлаётганмикин? Аллақачон сотиб юборган бўлса-чи! Кимга сотганини аниқдай олмасак, биз тағин боши берк кўчага кириб қолмаймизми? Қўлёзмалар топилмаса, Ҳикмат «Норбўта билан нархида келиша олмадик, китобларини қайтариб олиб кетди, шундан сўнг уни бошқа кўрмадим» деб туриб олиши мумкин... Агар

китоблар ўзида бўлса, уларни яширишга уриниши турган гап. Ҳар эҳтимолга қарши эрталаб, Авазни унинг уйини кузатув остига олиш учун юборгани маъқул! Дарвоқе, кейинги пайтда Ҳикматнинг кўп вақти сафарда ўтган. Хорижга нима мақсадда чиққан? Китобларни пуллашгами? Ёки бошқа юмуши бўлганми? Туркия... Франция... Россия... бу давлатларни бир-бирига қандай яқинлиги, боғловчи жиҳатлари бор! Шунчаки айланишга, саёҳатга борган бўлса-чи! Йўқ! Иш жойидан меҳнат ҳақи сақланмайдиган таътилга чиқиб, саёҳатга бориши эҳтимолдан йироқроқ. Бирор юмуш бўлмаса, ишли одам чет элма-чет эл бунаقا тентираб юрмаса керак! Музей раҳбари ҳам рухсат бераверар эканда! Ёхуд уларнинг тили бирмикин? Раҳбар уни бу ерда қўллаб туради, у эса бемалол хорижда ишини битириб келаверади! Йўғ-е, унчаликка бормас... Дарвоқе, Ҳикмат Қашқадарёда ҳам бир неча бор хизмат сафарида бўлган. Нима мақсадда? Норбўта билан учрашишга борганми? Бу ерда ҳам бир жумбоқ борга ўхшайди... Ҳаммасини текшириш, аниқлик киритиш лозим. Ҳикмат келсин-чи, иш бир томонга қараб силжир... Санжарбек нима қилди экан-а! Бирор янгилик бўлса, қўнғироқ қилиб, суюнчи олган бўларди...

\* \* \*

Санжарбек вақтни бой бермаслик мақсадида офтоб уфққа бош қўйганлигига қарамасдан Мастура ва унинг яқинларини қайтадан сўроқ қилиш, айрим масалаларга аниқлик киритиш мақсадида Ҳазрати Башир қишлоғига йўл олди. Машина илон из йўллар бўйлаб шитоб билан тепаликка қараб одимлар экан орқа ўриндиқда кўзларини юмгунча унсиз кетаётган терговчи толиққанини ҳис этди. Бир оз бўлса-да мизғиб олмоқчи бўлди. Аммо шуу-

ридаги минг бир хаёллар, жавобсиз саволлар, зиддиятлар унга тинчлик бермасди: «Аёл кишининг қўлидан шу иш келиши мумкини? Ёки бу гапни шунчаки пўписа қилиш учун айтдимикин? Бир қарашда Мастура соддагина қишлоқ аёли. Чумолини ҳам ўлдириш қўлидан келмайдиган кўринади... Аммо аёл зотини тушуниш қийин! Бир қарасанг мусичадай беозор, бир қарасанг рашик уларни аждарга айлантириши мумкин. Бу нозик ҳилқат вакиллари икки ҳолатда, биринчидан, боласига хавф рахна солганда, иккинчидан, эрини тортиб олмоқчи бўлгандаридан йиртқич шерга ҳам ташланиши мумкин. Тергов-суд амалиётида эрини ўлдирган аёллар кам бўлса-да, учраб туради-ку! Анов шўринг қурғур хотиннинг исми нима эди-я! Шунга ҳам уч йил бўлиди. Каримамиди... Замирамиди! Йўқ, йўқ! Сапура... Сапура Қиличева эди! Эрини ваҳшиёна ўлдирган... Тўғрироғи ўлдиришга мажбур бўлган. Эрининг мунтазам равишда уйга маст ҳолатда келиб, ўзини, айниқса, болаларини уриб-сўкишлари, тунда ташқарига қувиб солишлари жонига теккан аёл шу йўлни танглашга жазм этган. Шу воқеа содир бўлган куни ҳам Холмурод уйига оёқда туролмайдиган даражада маст ҳолатда кириб келган. Арзимас баҳоналар билан аввал хотинини, сўнг болаларини ваҳший эрнинг исканжасидан сугуриб, бошқа хонага олиб ўтиб, яширишга уринган. Холмурод қутургандан қутуриб, қўрқувдан жовдираб турган болачаларни кўчага улоқтирган. Кўча совуқ, «туф» деган тупук ерга тушмайдиган аёзли қиши кунлари... Тунда шу ҳолатда биронникига кириб боришдан номус қилган аёл болалари билан молхонада жон сақдаб туради. Бир оз вақтдан сўнг эрининг ухлаганига ишонч ҳосил қилгач, уйга қайтиб, болаларини

жойига ётқизади... Тун оққанда уйғониб қолган эр «Хали ҳам шу ердамисинлар! Сен күрнамакларни едириб-ичирсам, мени айтганимни қилмайдиган, ўзбошимча бўлиб қолдиларингми? Баринг кўзимдан йўқол!» дея хотини ва болаларини тагин кўчага ҳайдаб солган. Балки бир ўзи бўлганда аёл тақдирга тан бериб, молхонада зир титраб, тонггача ўтириб чиқса ҳам, совуқда қотиб қолса ҳам эрига қўл кўтаришга ботина олмас эди. Аммо эрининг ўз болаларини бу аҳволга солиши онанинг юрагида чексиз қаҳр-ғазаб уйғотди, кўзларини қонга тўлдирди... Энди унга бари бир эди. Болалари омон бўлса бас! Тун ярмида болтани қўлига олиб, оҳиста қадам ташлаб, Холмурод ётган хонага киради. Тўнғиздай тўзиб, дунёни ларзага солганча хуррак тортиб, уйқуда ётган эрининг бошига болта уради... уч-тўрт... беш... зарбалар аёл ҳолдан тойгунча давом этади... Ўшанда суд аёлни 8 йилга озодликдан маҳрум этганди. Кейинчалик ишни прокурор протестига асосан кўрган кассация инстанцияси биринчи инстанция судининг ҳукмини ўзгартириб, Сапурани З йилга озодликдан маҳрум қилиш тўғрисида адолатли қарорга келганди... Агар унинг қўлида бўлганда аёлни жазодан озод қилишга ёки шартди жазо беришга ҳам тайёр эди. Аммо, қонун қонун экан-да! Жазо бериш терговчининг эмас, суднинг ваколатига киради...

– Кеч тушмасдан бирор жойда тамадди қилиб олсан ёмон бўлмасди! – олдинги ўриндиқда йўлдан кўзини узмай кетаётган Маҳкамнинг дўриллаган овози Санжарбекнинг хаёлини бузди.

– Олдин ишни битирайлик! Овқатланиш қочмас!

– Қайтишда ҳамма жой бекилиб қолади демоқчиман-да! Майли ишни битирсак битира қолайлик! Иш қочиши мумкин, овқатланиш ростданам қоч-

майди, – Маҳкам орқага қайрилиб, беўхшов тиржайди. Ҳамсуҳбатининг шу тобда ҳазилга ҳуши йўқлигини ҳис қилиб, юзи тундлашди. Ичида «Сён тирранчаларнинг қўлингдан нима иш келарди! Одамни сарсон қилиб, бекорга чиранганинг қолади! Шунча кундан буён нимага эришдинглар! Сенлар қилган ишни бизлар ҳам эплардик. Ҳар нарсага ёпишишдан нима фойда! «Далил, исбот» керакмиш! Сенларнинг ўринларингда бўлсам, аллақачон чўпоннинг иккала хотинини, ёрдамчи чўпонларни қамаган бўлардим. Улар билан салгина «ишланса» далйлар ўзи қўлимизга қўнарди...» деб қўйди.

Санжарбек эса гўёки ёнида ҳеч ким йўқдай ўз хаёллари банд эди. Туман прокуратурасида ишлаб юрган кезларида тергов қилган жиноят иши тафсилотлари театрдаги каби хаёлот саҳнасида намоён бўлди: унда жиноятнинг мотиви рашк эдими? Йўқ, йўқ! Хиёнат, ҳа-ҳа, хиёнат десак, муҳаббатга, садоқатга хиёнат, сотқинлик, яхшиликка ёмонлик десак тўғрироқ бўларди! Муҳаббатнинг нафратга айланиши. Воқеалар қандай бошланганди-я! Ҳа, севиб, севилиб бир ёстиққа бош қўйган Сунбула ва Самандар баҳтдан масрур, кунларидан мамнун, тинч ва осуда кун кечиришарди. Эрининг мансаб пиллапояларидан юқори lab бораётганлиги, турмуши фаровон, оиласи хотиржам эканлиги хонадон маликасининг қалбида шукроналик туйгуларини уйғотарди. Оллоҳ уларга бир ўғил, бир қиз ато этиб, ширин ҳаётларини болга айлантиради. Аммо... ўша куни меҳмондорчилик кеч тугайди. Олдиндан келишувларига мувофиқ агарда эри арақ ичадиган бўлса, автомашина рулига Сунбула ўтириши лозим бўлган. Кузатишга чиққан ўртоқлари олдида хотинини рулга ўтқазиб, ўзи ёш болладай итоаткорона унинг ёнига ўтиришдан номус қилган эр калитни хотинидан тортиб олиб, маши-

на рулига ўзи ўтирган. Хотинининг ялиниб-ёлво-риши ширакайф йигитга кор қилмаган... Сунбула «Илтимос, секинроқ ҳайданг! Секинроқ!» деган сайин Самандарнинг қувлиги тутиб, «Нексия»нинг тезлигини ошираверган... «Хотинжон, хавотирга асло ўрин йўқ! Мен ас ҳайдовчиман! Бирор марта машинамга тиф тегдирмаганман! Қара, «жонивор» шамолдай елади-я!...» Ёмғир шивалаб турғанлиги сабаб чироқлардан тушаётган ёруғлик тим қора асфальтда синиб, кўриш масофасини камайти-рарди. Боз устига қаршисидан келаётган машиналарнинг чироқлари кўзни қамаштириб, йўлнинг қатнов қисмини тузукроқ кўришга тўскىнлик қиласарди... Самандар хотинининг овозини бостириш учун пайпаслаб, магнитофонга энгашиб, бир лаҳза нигоҳини йўлдан узади... У бошини кўтарганда кеч бўлган эди... Машина тормозининг чи-йиллаши... гумбураган овоз... қалқиб кетаётган машина устидан нимадир учиб ўтгандай бўлади. «Нексия» мувозанатини йўқотиб, йўл четидаги сим-ёғочга зарб билан урилади... Ташқаридан қараганда машина ичидан соғ одам қолмагандек эди... Сунбула ҳушига келиб, ёнгинасида рулга бошини қўйгунча беҳуш ётган эрини кўриб, бақириб юборади... Қўллари билан уни туртиб, ҳушига келтирмоқчи бўлади. Устига марвариддай ёғилган шиша синикларини қоқиб, эшикни очишга уринади. Қийшайиб, буришиб қолган эшикни очиш имкони бўлмагач, амаллаб ойна орқали ташқарига отила-ди. Эндинина ҳушига келиб, нима бўлганлигини англай олмасдан дир-дир титраётган Самандар эшикни очишга уринаркан, йиғлаб дерди:

– Сунбула... н-и-м-а б-ў-л-д-и! Н-и-м-а! Э-н-д-и мен тамомман! Ҳаммаси тамом. Одам... у-р-и-б ю-бор-дим!!!

Сунбула эрини суюб машинадан тушириб, бетон тўсиққа ўтқазади. Бир муддат атрофга жимлик

чўккандай бўлади. Фақат магнитофондан янграётган қўшиқ овози бу сокинликни бузиб турарди....

Бўлиб ўтган воқеаларни қўрқинчли тушдай бир-бир хаёлидан ўтказар экан Сунбула бирдан ҳушёр тортди: «Наҳот ўлган бўлса! Зарба кучли эди... Машина устидан ошиб ўтиб кетдими?» Ичидан зил кетиб, атрофга аланглади.

Сал нарида беш-олти чоғли машина тўхтаган, одамлар уймалашиб қолганди. Беихтиёр ўша томонга юради... Шунда машина чироқлари шуъласида уч-тўрт кишининг бақириб-чақириқлар билан қонга беланган, тириклик белгиларидан тамоман маҳрум аёлни оҳиста кўтариб, «Жигули»нинг орқа ўриндиға жойлаштираётганини кўради. Машина шитоб билан жойидан қўзғалгач, ўн-ўн беш қадам нарида бир тўп одамлар тўпланишиб, нимагадир уннашашётганига кўзи тушган жувон ўзини ўша ёққа уради. Туртина-суртина олдинга ўтиб, балчиқда ичак-чавоfigа ўралашиб, қонга беланиб ётган, жуссасидан 12-14 ёшли қизга кўзи тушади. Кимнингдир «бечоранинг жони аллақачон узилибди!», «Вой бечора қизгина, ҳали гўдак экан!», «Икки киши экан, она-бола шекилли!», «Ўзиям катта тезликда урган кўринади!», «Шу ҳавода тез ҳайдаб бўладими? Ўлгудек ичган бўлса керак-да! Ҳайдовчи ким экан ўзи!» деган гаплари қулогига чалинади.

Сунбуланинг вужудини совуқ тер босган: «Демак икки одам ўлган! Энди қамашади, узоқ муддатга қамашади! Яна маст ҳолатда! Даҳшат... Наҳотки, баҳтли қунлари шу билан поёнига етган бўлса?! Нима қилиш керак? Балки ҳаммасини ўз бўйнига олгани маъқулдир. Ичмаган бўлса! Ҳар ҳолда, аёл кишига жазо енгироқ бўлади дейишади-ку!»

Жувон хаёлига келган фикрдан кўнгли алланечук тасалли топгандай эрининг олдига шошилади. Сочлари тўзиб, ранги докадек оқариб кетган Самандар

машина атрофида телбадек айланар, юз берган фожианинг даҳшатини ҳали тўлигича англаб етмаган эди. Хотинини кўриб, унга илтижоли тикилади:

- Ким экан, ўлмабдими?
- Икки киши экан! Она-бола! Онасини касалхонага олиб кетишид! Қизчанинг... жони узилибди!
- Оҳ! Нима қилиб қўйдим, хотин! Нималар қилиб қўй-дим-а?!... – Самандар юзларини қўли билан бекитиб, ерга ўтириб қолади.
- Самандар ака! Менга қаранг, туриңг! – Сунбула эрининг қўлидан тортиб, турғизади. – Рулда сиз эмас, мен эдим! Тушунаяпсизми? Машинани мен ҳайдаб келаётгандим, сиз ёнимда бўлгансиз!
- Бу нима деганинг? – Самандарнинг қўзи косасидан чиққудай хотинига тикилади. – Ни-ни-малар д-д-е-я-п-с-а-н Сунбула! Йўқ, йўқ! Бу асло мумкин эмас! Ўзим пиширган ошни ўзим ейман!
- Сиз мастсиз! Одам ўлган ахир! Сизни қамаб қўйишади! Аёл кишига енгироқ жазо беришади! Тез бўлинг! Милиция келиб қолмасин. – Сунбула эрининг қўлтиғидан олиб, машинанинг ўнг томон олд ўриндифига сяյб ўтқазади. Ўзи эса илдамлик билан айланиб, ҳайдовчининг жойига ўтиради. Эшик чўнтағидан лафтани олиб, аввал рулни, тезлик ричагини, торпедаларни артиб чиқади. Сўнг бармоқ изларини қолдириш учун бошқарув ва кўрсаткич асбобларига қўлинни теккизиб чиқади.
- Сунбула бу нима қилганинг! Ахир сени ҳам қамашлари мумкин-ку! Болаларни ўйлаяпсанми? Мен виждан азобида ўламан-ку! Ундан қилма, хотин! Қўлимни қўйвор! Мен жойимга ўтираман! – Самандар эшикни очиб, машинадан тушишга ҳаракат қилган.
- Сизни узоқ муддатга қамашади! Оиласиздан, соғлиғингиздан, мансабингиздан айриласиз!

– Сунбула эрининг қўлига ёпишиб, маҳкам тутиб тураверади.

Тез орада етиб келган милиция ходимлари эр-хотин ва бошқа гувоҳларнинг кўрсатмалари асосида тегишли ҳужжатларни расмийлаштирган. Сунбуланинг «Эrim арақ ичса, рулга ўтирумайди, ҳар доим машинани мен ҳайдайман!» деган асосли ва дадил таъкиди ҳеч кимда шубҳа-гумон қолдирмаган. Экспертиза хulosалари ва иш ҳолатлари орасида қарама-қаршилик туғилмаган.

Прокурор автоҳалокатда бир киши ўлганлиги (иккинчи жабрлануви шифохонада бўлган), айбланувчи аёл киши эканлиги, икки нафар вояга етмаган фарзанди борлиги ва бошқа енгиллаштирувчи ҳолатларни ҳисобга олиб, Сунбулани тилхат орқали судгача очиқда қолдиради.

Эр-хотин елиб-югуриб, марҳума қизчанинг ошу обини ўтказишга бош-қош бўлишади. Қизалогининг ҳаёт билан видолашганидан бехабар, шифохонада ҳушига гоҳ келиб, гоҳ кетаётган онанинг бошида парвона бўлишади. Кеча-кундуз гулдай боласидан ажralиб қолган онаизорнинг соғайиб, оёққа туриб кетишини Парвардигордан сўрайдилар...

Аммо... тақдир инсон измига бўйсунмас экан. Орадан ўн кун ўтиб, она жон таслим қиласди. Энди Сунбула икки инсоннинг ўлими учун жавоб бериши лозим эди. Бундай ҳолатда жиноятнинг таснифи ўзгариб, оғирроқ даража касб этиши ўз-ўзидан равшан...

Суд Сунбулани уч йилга озодликдан маҳрум қиласди. У қанчалик қийин бўлмасин биргина нажот – жазони ўтаб чиқиб, яна жонажон оиласи бағрига қайтиш умиди билан яшай бошлайди. Бошида виждан азобидан ўзини қўярга жой тополмай юрган Самандар хотинидан тез-тез хабар олиб туради. Орадан ойлар ўтади... Қамоқхона шароитига кўниколмай, аянчли кунларни бошдан кечираёт-

ган, фақат эртанги кун орзуси билан яшаётган аёлни кейинги пайтларда турли баҳоналар билан қатнови сийраклашиб бораётган эрининг ўзини тутиши, хулқ-атворидаги ўзгаришлар безовта қила бошлайди: «Наҳотки, садоқатга хиёнат, мардикка номардлик билан жавоб қайтарса! Наҳот эрини йўқотишдан қўрқиб, бир йўла ҳаммасидан – оиласидан, болаларидан, эркидан, ор-номусидан ажралиб қолса! Йўқ, йўқ! Самандар акам бундай қабиҳдикка қодир эмас! Бу иш унинг қўлидан келмайди. Ахир бу ерларда унинг қўлмиши... Йўқ, йўқ! Ҳаммаси Оллоҳнинг иродаси!»

Сунбула хаёлига келган фикрдан ўзи уялиб кетади. Ўзини бошқа нарсага овутишга, ўйламасликка ҳаракат қилади. Аммо, бемаъни мулоҳазалар уни таъқиб қилишдан тўхтамайди: «Наҳот бир-икки ойда ҳамма нарса унут бўлса! Оғир дамда ишонганинг сендан юз ўтирса! Дўсту ёrim деб юрганинг ғаним чиқса! Кўнглингда асрраганинг, қўйнингда сақлаганинг заҳарли илон чиқса! Наҳотки ҳаётнинг арзимас синовлари олдида инсон ўзининг нотавон ва қўрқоқ, сотқин эканлигини намойиш қилса! Йўқ!!! У бундай қиломайди!... Унда нима сабабдан камнамо бўлиб қолди! Ҳатто навбатдаги учрашувларга ҳам бошқаларни юбормоқда! Баҳонаю важлари кўпайиб кетмаяптими? Юз-кўзлари ҳам ташвишли... совуқ... Мендан ниманидир яшираётгандай... Ёки бирорта жодугарни топиб олдимикин? Аёл макри қирқ туюга юк бўлади дейдилар. У беномус эримни йўлдан уриб... ўзига оғдириб олган! Эркак кишининг нозик жойи ҳам шунда эмасми? Бутун бошли қўшинни тор-мор қилишга қодир бўлган марди-майдон ботирларнинг бир мегажиннинг ҳийлаю найрангларига учеб, бору йўғидан жудо бўлганлигини кўп эшитган. Тарихда ҳам бунга мисоллар жуда кўп!...

Бечора аёлнинг хавотирлари асосли бўлиб чиқади. Бир йил ўтар-ўтмай Самандарнинг ундан ажрасиб, Ҳилола исмли котибасига уйланиб олганлигини, болаларни ҳам унинг тарбиясига берганлигини эшитади... Кўзларига дунё қоронги кўринади... Бир зумда яшашнинг маъноси йўқолгандай, орзу-умидлари шаъми сўнгандай бўлади, ўзини эса ҳеч кимга кераксиздай ҳис этади. Қувноқ, ўз юнади жувон ҳамманинг кўз ўнгида паришонхотир, тунд ва жоҳил одамга айланади.... Ўз жонига қасд қилмоқчи ҳам бўлади. Камерадошлари қутқариб қолади... Энди фақат бир умид – қамоқдан чиқиб, болалари бағрига қайтиш учун яшай бошлиайди...

Озодликка чиққач, Сунбула болаларини эридан олишга ҳаракат қиласи. Аммо, Самандар унга болаларни бериш у ёқда турсин, кўрсатишини ҳам хоҳламайди. Юзма-юз гаплашишдан қочиб юрган эрини кўриш учун боргандага Ҳилола «Самандар акам бообрў инсон, унинг «зик»лар билан қиласидиган иши йўқ», – дея ҳақоратлайди. Чорасиз аёл болаларни олиб бериш масаласида судга мурожаат қиласи. Суд даъвони рад қиласи. Маълум бўлишича, Самандар анча один қамоқхонага бориб, хотинини алдаб, «кассация шикояти киритиш учун», дея бир қанча қофозларга қўл қўйдирив, қамоқхона маъмуриятидан тасдиқлатиб олган. Бу сохта ҳужжатлар Самандарга никоҳни бекор қилиш ва болалар тарбиясини ўзига олишга асос бўлган.

Яқинларининг қистови билан Сунбула ишга кирмоқчи ҳам бўлади. Бироқ унинг қамалиб чиққанини эшитган раҳбарларнинг бирпаста пешанаси тиришиб, «кечирасиз, ҳужжатларингизни қолдиринг, лозим бўлса ўзимиз чақирамиз!»дан нарига ўтишмайди.

Ноҳақлик, адолатсизлик, хиёнат ва ҳақоратлардан тўйиб кетган аёлнинг муҳаббати нафратта айланади. Эридан ҳаммаси учун ўч олиш режасини тузади...

Қамоқда бирга ўтирган дугонаси – Жаннанинг ёрдамида Самандарни ижарага олинган хонага учрашувга чақиришга эришади. Жанна ҳирси капалак отиб бораётган сармаст йигиттага сездирмасдан уйқу дори беради. Йигит қаттиқ уйқуга кетгач, дугонасининг асл ниятидан бехабар қиз Сунбулани чақиради ва «бевафо эр»ни унга «топширади».

Жанна кета туриб, «Мана дугон! Бемалол йигитингизнинг қучогига киришингиз мумкин. Фақат шўрликни жуда қийнаб қўйманг! Мен учун ҳам битта бўсин!» – дейди.

Сунбула креслода пишиллаб ухлаб ётган Самандарнинг нурсиз юзига тикилиб, у билан бирга кечган баҳтли дамларини, қувончли кунларни хаёлидан ўтказади, тўйиб-тўйиб йиглайди... Сўнг файритабиий шиддат билан қўлидаги пичоқни унинг чап кўкрагига санчади...

Бу ерда ҳам Сунбуланинг кўлига қурол олишига фавқулодда жиҳдий сабаб бўлган. Мастирада шундай асос бўлганми? Эрини – болаларининг отасини ўлдиришга уни нима мажбур қилган бўлиши мумкин?

– Етиб келдик! – Маҳкам машина тўхтаса-да, қилт этмасдан хаёллар оғушида ўтирган Санжарбекка юзланди.

– Шундоғми? Афу этгайлар! – терговчи жилмайиб, ўрнидан қўзғалди. – Хаёлимиз жиндек фаромуш тортибдур!

Маҳкам беўхшов тиржайди.

Узун-қисқа бўлишиб, таниш дарвозадан ичкарига киришди. Тандирхонадан чиқиб келаётган Мастира чақирилмаган меҳмонларни кўриб, худди кутиб тургандай буюри билк этмади. «Яна келдиларингми?» дегандай совуққина саломлашиб, истар-истамас ичкарига таклиф қилди.

Қисқагина одатий ҳол сўрашишдан сўнг Санжарбек жарбдийдаларни иззат-нафсига тегмай-

диган оҳангда олдиндан ўйлаб қўйган саволларини бера бошлади:

– Янга, бизларни яна бир бор кечиринг! Жиноятчини... қотиали топмагунимизча сизларни қайта-қайта безовта қилишга ўғри келмоқда! Ўзимиз ҳам хижолатдамиз!

Аёл индамади. «Сўрайдиганингни сўрайвер!» дегандай бошини хам қилиб тураверди.

– Садоқат билан алоқаларингиз қанақа? Унга «ўлдираман, кўш мозор бўласанлар!» деганингиз ростми? – Санжарбек гапни индалосидан бошлади.

Мастура яшин ўргандай чўчиб чиқди. Юзи тундлашди. Атрофга бежо аланглади. Хонада икки терговчидан бошқа ҳеч ким йўқлигига ишонч ҳосил қиласка, ичини «ёрди»:

– Ёримнинг бошига шу қунжиқ етди!... Шу алвастини топгунча, гўринг нурга тўлгур хўп ба маъни, кўнгилчан, содда, меҳрибон одам эди. Ҳеч кимга жомонлиқни соғинмасди. Мениям, қизлариниям қўйгани жой тополмасди... Мен тўртингчими овир тувдим. Дўхтирлар апираса қилиб, бачадонимни олиб ташлашди. Менгина вўлгур унға ул тувиб беролмадим. Лекин ерим буни бир мартаям юзимга солмаган. Бари бир ули жўқлигидан эркак одам эзилади-да! Қиз бола бирорнинг ҳатми! Бир кун узатилади – кетади! Улинг эса авладининг давомчиси, хонадоннинг шамчироги! Ёрим бирон пайт менга ҳасратини тўкиб солмаган. Дарду аламини ичига жутиб келган! Ул боладан гап очилса, чуқур «уф» тортиб, гапни бошқа жоқقا буради. Мен унинг бир умр вўксиниб яшашини хоҳламадим... Эримга бирор қиз-жуvonга уйланиб, улли бўлиш режасини вўзим бердим... Бошида у унамади: «Жиннимисан, қайси аҳмоқ хотин эрини уйлантиради!» деб туриб олди. Қиз ахтара бошладим... Менга эримга битта ул тувиб берадиган,

шунингман бирга хотинликни даъво қимайдиган аял керак эди... Бир куни қўнғишишимизнинг уйига Китобдан қуда-андалари келишди. Қишлоқчиликда ҳамсояларни миймоннинг олдига айтишади-да! Бордим. Тужмолдан бир кампирнинг қўйнига қўл солиб кўрдим. Гап ичидаги ниятимни билдиридим. «Ерим» дейишга юзим чидамай «иним» деб қўяқолдим. «Аяли туғмас чиқди, ажралишни истамай ўзи бош-қош бўлиб бирортасига уйлантирмоқчи, турмуши бузилган жувонми ёки қиз болами, ишқилиб боласи бўлмаса, укамга ул тувиб берса бас, шарт-шароитини, жамики майдат-чуйдасини, харажатини ўзим қиласман» дедим. Кампир ўйланиб туриб, «бир қўшнимиз бўларди, бояқиши ҳозир уйини сотиб, тўғрироғи қарзи эвазига тавон тўлаб, бошқа жойга кўчиб кетди. Эри ўлгач, жўжабирдай жужуқларини боқолмай қийналиб, касалманд бўлиб қолди. Ҳозир ижарада яшаб юрганмиш. Катта қизининг ҳам турмуши бузилиб қайтиб келди. Кенжаси қўл оёғи чакқонгина қиз эди-я. Оилани боқиши учун шу шўрлик ўқишиниям ўлда-жўлда қолдириб, кафеда оғисант бўлиб ишлаб юрганмиш. Шу қизни бир кўрса бўлади. «Шароитингни тўғирлайман» десангиз, рози бўлиши мумкин! Бари бир онаси уни тўй қилиб узатишга чофи йўқ. Қийналган оилалардан!» деди.

Орадан бир-нечада кун ўтгач, Китобга жўнадим. Зиёда кампирни излаб топдим. У ҳамсоясининг жонғи адресини топиб қўйган экан. «Совчилик»ка бордик. Қизнинг энаси касалманд ва нотавон бўлсаям ўжар экан. «Инимнинг хотини борлигини эшитиб, «қизим ўлсаям иккинчи хотин бўлишга рози бўлмайди, кундоши бор кун кўрмас!» деб, тўнини тескари кийиб олди. Зиёда кампир «бўлмаганга бўлишма, ўзи қай аҳволдаю нозига ўлайми!» дега уйигача жавраб келди. Мен момони уйига ку-

затиб, овулга қайтдим. Туни билан ўйлаб чиқдим: Қайтанга, қизнинг энаси рози бўмагани ажаб бўлди! Уям, Зиёда момоям минг қилса-да аял киши. Гап кеганда бирорвга гуллаб қўйиши мумкин. Яхшиси қизи тушмагурнинг ўзи билан ишни пишитгани маъкул. Энаси касалманд, рўзгори оғир, кўл учидагу кун кўриб туришибди! «Ёрдам бераман, муаммоларингни ҳал қиласман» деган одам бўлса, қизнинг калласи ишласа, «еккинчи-пеккинчи» деб ўтирасдан чолга бўлсаем тегишга кўниши керак!

Эртаси куни бир балоларни баҳона қилиб, яна Китобга тушдим. Зиёда кампирдан ҳар эҳтимолга қарши қизнинг отини сўраб олганим тузук бўлган экан. Уйига жақин ошхоналарни тўрт-бештасини суриштириб, шу қизди топдим. Отини Садоқат дейишаркан. Кўхликкина қиз экан. Соддагина кийиниб олган бўлса-да, ҳаммаси ўзига ярашиқ. Ичим куйиб кетди. Унинг чаросдай кўзларига, камондай қошларига, қоп-қара сунбул соchlарига, сарв қоматига тикилиб, юрагим орқага тортиб кетди. Кўз очиб кўрган эримни, болаларимнинг отасини йўқотиб қўядигандай, ҳамма нарсамни бой бергаётгандай ҳис қилдим ўзимни. «Қош қўяман деб, кўз чиқармасайдим!» деган хаёлда бир сира фикримдан қайтмоқчиям бўлдим. Яна ўзимни босдим... Садоқатни кўрқитиб юбормаслик, кўнглида ортиқча шубҳа-гумонларни тудирмаслик учун «укам яхши одам, келиним ҳам тилла, аммо ўрталарида фарзанд бўлмади. Шу боисдан ажralишмоқчи. Сиз у билан бир учрашиб кўринг! Ўзи топарман-тутарман йигит! Турмушингизни тўкис қиласди! Эртага шу ерга овқатланиш баҳонасида келади. Бир кўринг, ёқмаса, ихтиёр ўзингизда! Қиз болага минг киши назар қиласди, бир киши олади» деб ётиғи билан тушунтирдим, қўлимдан келганича яхши-жомон сўзлар билан алдаб-аврадим. Қиз

«йўқ» демади. Масаланинг бир томони ҳал бўлди. Энди эримни кўндириш қолди. Уйга келиб, кечки пайт мақсадимни ётифи билан эримга тушунтиридим. У «бобиллаб берса керак!» деб ўйлагандим. Сал эътиroz қилгандай бўлдию, адогида «ўзинг биласан, билганингни қил!» деб ётоғига кириб кетди. Бир томондан ўйлаган мақсадимга осонгина эришаётганимдан юрагим таскин топаётган бўлса-да, бошқа томондан эримнинг бу ишга бунчалик тез рози бўлганлиги қалбимни кемирарди, шусиз ҳам зил кетиб юрган ичимни ит тирнарди.

Туни билан эримни «пишириб» чиқдим. Саҳар-мардондан эр-хотин йўлга тушдик. Иккаلامиз ҳам жим кетаётган бўлсак-да, унинг хаёлидан нималар ўтаётганини фаҳмлаб кетардим. Ҳойнаҳој хурсанд! Сиртида сездирмаётган бўлса-да, ичида ҳурлиқога тезроқ етишсайдим деб дийдорига интизор кетаётгани аниқ. Эркак зотининг бари бир гўр экан! Бу одамам обод эмас! Ақалли, кўнглим учун бўлса-да, «қўй хотин, ўглимиз бўлмаса-да, мана бир-биридан ширин қизларимиз бор. Улар қайси ўғилдан кам. Мен ўғил суюшни истасам, сен ўғил суюшни хоҳламайсанми? Кизларни узатсак, Худо ўғил невараларниям берар!» демади-я! Бугун уларни топиштириб, эртага ажратолмай эсим кетмасайди! Ҳамма шароитини қилиб берсак, Садоқат боласини бизга беришга рози бўлармикин? Қайси она боласини бировга бериб қўярди, бермаса керак! Лекин отаси унга бегона бўлмайди-ку! Берса отасига бераяпти-да, бегонага эмас-ку! Бир умр қийналиб яшагандан, кун ўтказиш учун уйини сотиб, бировларнинг эшигига юргандан, касалликдан сўлиб бораётган энасига қарашга қўли калталиб қилиб, виждан азобида юргандан шу яхши эмасми? Ота уйини қайтариб олиб берсак, қўлдан келганча пулдан ёрдам бе-

риб турсак бу қызга яна нима керак! Эрим ундан анча катта. Отаси қатори одамга тозаям ёпишиб қолмас. Ўлипти энди! Садоқатни-ку бир амаллар, эр ўлгур унга чирмашиб қолса нима бўлади? Гижинглаган ёш хотин, нафси қургурини қондириб турса, жигит тумшуғидан илинмайдими? Аял, бола-чақасини ёдидан чиқариб, ёш хотинчага ила-кишиб қолса қандок қиласди? Дардини кимга айтади? Норбўта табиатан анчайин содда, оми, ишонувчан ва кўнгилчан одам! Бундай кишини ўз сиртмоғига илинтириш аял учун қийин эмас! Тунда қулоғига бир нималар деб шивирлаб, у жоғидан – бу жоғига ўтиб, жилпанглаб, эрини ундан тортиб олиб қўйса, нима деган одам бўлади! Вўзи қўшқўллаб тўрасини бировга топширган бўлиб чиқмайдими? Эшитган қулоқ овзи қолиб, бошқа жери билан кулмайдими? Эси-ҳуши жойида, топарман-тутарман, мўминқобил, тайёргина эрни кимам ҳавас қўлмайди?...

Ўй-хәёлларим билан бўп қандай Китобга етиб келганимизниам сезмай қолипман. Ҳали вақт бор эди. Бозор айландик. Тушликка яқин «куёв бола»ни «келин»нинг олдига – ресторанга киритиб юбордим. Бир оз вақт ўтиб, у щўппайиб чиқиб келди. «Нима бўлди?» десам, «Ҳеч нима бўлмади!» деб қўя қолди. «Ишқилиб қиз бирор қўполлик қилиб қўйган бўлмасин-да!» деган хавотирида менам индамай қўя қолдим...

Кейинги кун тағин Садоқатнинг олдига бордим. «Иним қалай экан?» деб сўрадим. У «амаки экан-ку!» деб қўяқолди. Мен қизгинанинг «Ие, бўмайди, укангизнинг чоли чиқиб қолибди-ку!» дейишидан қўрқсан эдим. Кетарда қўлига пул қистирдим. У ийманибгина бўлса-да, қўлимни қайтармади. Демак, ҳаммаси жойида! Садоқат менинг таклифими ни қабул қилганлигига амин бўлдим...

Садоқат билан аҳдлашувимизга биноан у эримга шаръий никоҳ ўқитиб, турмушга чиқиши,

битта улли бўлиши, болани эса бизга бериши, ўз навбатида бизар унинг ота ҳовлисини қайтариб олиб беришимиз, пулдан ёрдам қилиб туришимиз, онасининг тузалиб кетиши учун харажатларни кўтаришимиз, хуллас, оиласини оёқقا туришида кўмаклашишимиз лозим эди.

Кейинчалик у турмушга чиқадиган бўлса, тўйини чиройли қилиб ўтказиб беришниям бўйнимга олгандим.

Бошида ҳаммаси мен ўйлагандай текис кетаётган эди: эрим уни никосига олди. Бир пасл ўтмасдан кундошим тушкур овур ойоқам бўлди. Дўхтирилар «ул бола» дейишди. Эримнинг овзи қулоғида эди. Мол-ҳоллардан беш-олтисини сотиб, Садоқатнинг ота ҳовлисини қайтариб олиб бердик, онаси ни қаратдик...

Ниҳоят бола тувиљди. Барчаси ўшандан бошланди... Садоқат аҳдини бузиб, чақалоқни бизга беришдан бош тортди. Ялиниб-ёлворишиларим фойда бермади. Бошида ўзини мен томонда тургандай тутиб юрган раҳматли эрим ҳам кейинчалик очиқ-часига ёш хотини томонга ўтиб олди. Бола тўғрисида гапирганимда «Гўдакни онасидан ажратиб бўлмайди! Қўявер ўзи ўстирсан. Катта бўлса бир гап бўлар. Ахир бари бир бола меники-ку! Қаерда ўсишининг нима аҳамияти бор!» дейишга ўтди.

Аста-секин воқиялар ривожи мен чизган чегарадан чиқиб бораради. Эримнинг Китобга қатновлари кўпайиб қолди. Унинг менга, қизларига бўлган эътибори, меҳри энди ёш хотинчаси, ули – Улугбекка бўлган муҳаббатнинг соясида қоп кетаётгандай эди...

Нимаям қилардим. Гуноҳ ўзимда! Барчасига чидашга, борига қанат қилишга мажбур эдим. Эримга «кўш хотинли бой бўлмоқчи экансиз унда икки томонни teng ушланг!» деган шарт қўйдим. У ваъда берди...

Бирок... мен шу ишларни бошлашдан олдин қылган хавотирларим күз ўнгимда содир бўлаётганини фаҳмлай бошладим. Эрим биз билан унчалик иш тутмайдиган, иссиқ-совугимиз билан қизиқмайдиган, ҳали уни, ҳали буни баҳона қип, уйга келмай қоладиган бўп қолди. Авваллари қизларининг овзидан чиққанини муҳайё қилиб юрган киши энди «кейин-кейин, амаллаб туринглар!»дан нарига ўтмайдиган, баъзида уларни жеркиб берадиган, жizzаки ва жоҳил одамга айланиб қолаётгандай эди. Айниқса кейинги олти ойда анча ўзгариб қолганди. Менга ичида бир дарди борга ўхшаб кўринарди...

Бизнинг яшашимизни кўриб турибсизлар! Хўжайним болаларининг рисқини қийиб, топганини ёш хотинга тошиди. Данғиллама ҳовли-жой солиб берди. Ичини гирди-бало билан тўлдирди...

Хуллас, ўз эримни ўзим қўшқўллаб, шу жодугарга топширдим-қўйдим. Садоқатнинг олдига бир неча марта бордим. «Эримни тинч қўй! Уни батамом ўзингники қилишга уринма. Майли болангга қарайди. Камингни тўлдиради! Менинг уйимни куйдирма!» деб роса ёлвордим. Бўмади! Эримга айтмасдан бир-икки марта уйига бориб, пўписа ҳам қилиб кўрдим. Шу куниям жаҳл устида «сениям, эримниям ўлдираман, қўшмозор бўласанлар!» – деган гап овзимдан чиқиб кетди. Худоясан товба, паришталар овмин деб жуварган шекилли... Лекин сираям бунаقا бўлишини хоҳламаган эдим. Эрим минг қиласа ҳам кўз очиб кўрганим, болларимнинг отаси эди! Оллоҳ шоҳид...

Мастура жимиб қолди. Бир фурсат ўйланиб турив яна нимадир демоқчи бўлиб, оғиз жуфлади-ю, сўнг фикридан қайтди шекилли, уни бутун вужуди билан тинглаб турган Санжарбекка «бор гап шу» дегандай термилди.

Терговчи сұхбатни «совутмаслик» учун савол бе-ришда давом этди:

– Хўжайнингизнинг олтинларидан, хазинадан хабарингиз бормиди?

– Яна «олтин» дийдия мунов одам! Қанақа тилла! Қанақа хазина! Эрталаб шеригингизам уйни ил-ма-тешик қилиб жарди ўзиям. Афти-ангоримизга, туруш-турмушимизга қаранг, олтини бор одамга ўхшаймизми? Хўжайнимнинг қўтондаги молидан бошқа ҳеч воқаси жўқ. Бориниям анов хотинчаси-га бериб бўлди!

– Демак, сизнинг хазинадан хабарингиз йўқ! – терговчи саволни такрорлади.

– Хазина, тила дейсизлар, тушунмай қолдим гап нима ҳақида кетаяпти ўзи? – Мастура савол-га-савол билан жавоб қайтарди.

– Майли, хазинани қўя турайлик. Ҳозирча бу терговнинг сири бўлақолсин! – Санжарбекда аёл-нинг рост гапиравётганига шубҳа қолмади. Тер-говчи халқи психолог бўлади. Қисқа муддатли мулоқотдан «бу ишни у қилмаган. Унинг қўлидан қотиллик келмайди» деган узил-кесил хуносага келди.

Шундай бўлса-да, ҳар эҳтимолга қарши мархум-нинг қизларини ҳам сўроқ қилди. Уларнинг кўр-газмаларида ҳам шубҳали бирор ҳолат сезмагач, кўнгли таскин топгандай ўзини енгил ҳис қилди...

\* \* \*

Фахриддин барвақт уйғонди. Енгилгина нонушта-дан сўнг Авазни Ҳикматнинг уйини кузатувга олиш учун юбориб, ўзи вилоят прокуратурасига йўл олди. Ҳамкаслари билан тергов қилаётган иши бўйича ҳозирча ягона гумондорнинг уйида тинтуб ўтказиш, телефон сўзлашувларини эшлишишга санкция маса-ласини ҳал қилгач, музейга қайтди.

– Ие, меҳмон, яхши дам олдингизми? – музей директори илиқ қарши олди. – Эндигина машина юбормоқчи бўлиб тургандим.

– Раҳмат! Самарқанд кўчаларида тоза ҳавода пиёда юришга нима етсин, – Фахриддин кўлидаги сумкасини стол устига қўйиб, мезбон кўрсатган жойга ўтирди.

Директор унинг рўпарасига ўтириб, дуога кўл очди. Одатий сўрашишди. Сўнг чаққонлик билан ўрнидан туриб, котиба қизга қаҳва буюрди, меҳмоннинг эътирозига қарамай шкафдан ширинликлар олиб қўйди.

Ортиқча мулозаматдан ўзини ноқулай сезаётган терговчи мақсадга кўчди:

– Ҳикмат келдими?

– У бугун ишда. Кечаси етиб келган экан. Чакирайми?

– Майли, фақат сизга халақит бермаслик учун...

– Тушунарли, тушунарли! Сизга маърифат хонасини очиб бераман. Бемалол ишлайверасиз! Ёки мен чиқиб турайми?

– Биз бошқа хонага ўтганимиз маъқулроқ, – Фахриддин ўрнидан қўзғалди.

Директор уни айтган хонасига бошлаб борди. Зум ўтмай эшикда чамаси 30-35 ёшлардаги узун бўйли, соч-соқоли чиройли қиртишланган, дума-лоқ юзли, қалин қошлиари ўзига ярашган, дид билан башанг кийинган йигит кўринди.

– Мана, Ҳикматжоннинг ўзлари ҳам келиб колди,

– директор йигитни ичкарига чорлади. – Бу киши Республика прокуратурасидан Фахриддин... ака...

– Фахриддин Каримович! – деди терговчи ўзидан ёши анчагина катта одамнинг «ака» дейишидан хижолат чекиб.

– Рухсатингиз билан, мен ўзимда бўламан! – директор эшикка қараб юрди. – Бирор нарса керак бўлса...

– Йўқ, йўқ! Ҳаммаси жойида! Сиз бемалол... – деди Фахриддин сумкасини титкилай туриб.

– Ака, яхши етиб келдингизми? Янгамлар, жиянчалар яхшимилар? Самарқанд сизга ёқдими?

– Ҳикмат тоҷикча талафузда саволларни қаторлаштириб ташлади.

Фахриддин қандайдир қоғозларни тўлдирап экан, ора-сира «раҳмат, шукр» дегандай бош иргаб кўярди. Сўнг эринмасдан суҳбатдошининг шахсига оид маълумотларига аниқлик киритди. Ёлғон гувоҳлик бермаслик, гувоҳлик беришдан бош тортмаслик ҳақида огоҳлантириб, баённомага кўл қўйдирди. Расмиятчиликни ўринлатгач, ҳужжатлар орасидан бир расмни олиб, Ҳикматга узатди:

– Бу кишини танийсизми?

«Гувоҳ» расмга бир муддат тикилиб, «танишга ўхшаяпти» деди. Сўнг ёдига тушди шекилли, қўшимча қилди:

– Бу анави Қашқадарёлик чўпон эмасми?

– Тўгри, бу Норбўта чўпон! Сиз уни қаердан танийсиз? Қачон танишгансиз? Батафсил гапириб берсангиз!

– Бу одамни менга кимдир тавсия этганди. Ҳозир ёдимда йўқ! Аммо уни қабул қилиб, ёрдам беришни танишларимдан бири илтимос қилгани аниқ... Ҳм... агар хотирам алдамаса, Раиса опа юборгандилар.

– Чўпоннинг сизда нима иши бор экан? – терговчи ҳеч нарсадан бехабар одамдай қизиқсинди.

– Ҳа, у тўрт-бешта китоб олиб келган экан. Менинг кутубхонам бор, «редкий» китобларни йигиб юришимни эшитган бўлса керак-да!

– Хўш кейин-чи?

– «Ноумид қайтмасин» деб китоблардан иккι-учтасини олдим. Қадимий китоблар экан, – Ҳикмат негадир кўзини олиб қочди.

– Сиз араб тили бўйича мутахассис эканси Китоблар нима ҳақида экан?

– Тўғри, шарқшунослик институтини араб тихтисослиги бўйича битирганман. Китоблар ёсан диний мазмундаги... иккитаси «Қуръон»н қадимий нусхаси, иккитаси «Ҳадис»дан олин парчалармиди-ей, ишқилиб шунга ўжашаш-да!

– Ўша китоблар ҳозир сиздами? – Фахрид тоқатсизланди.

– Ҳа, уйда! Н-и-м-а... олиб келиш... керак!

– Шусиз ҳам терговчининг ташрифи мақсади англаб ололмай хуноби чиқиб турган Ҳикматн хавотири кучайди. – Ўзи нима гап? Чўпон киларни ўғирлаб олганмикин?

– Ўғирлашга ўғирламагану, аммо Норбўта чўпни ўлдириб кетишган! – терговчи ёнида ўтири шахснинг юз-кўзидаги ўзгаришни ҳис қилиш унга тикилди.

– Астофирулло, астофирулло! – Ҳикмат дуога очди. – Оллоҳ раҳматига олган бўлсин! Омин!

Юз силашди. Ҳикмат чўнтағидан рўмолчаси чиқариб, юзини артди. Бўйинбогини хиёл бўтиб, кўйлагининг юқори тутмагасини ечди. Теговчи ўзини сезмаётган қилиб кўрсатсада, қири билан қаршисидаги кишини зимдан кузатурарди, ўзича ички бир туйфу билан унинг лидан нималар ўтаётганини тахмин қилиш би овора эди: агар қотилликка алоқаси бўлса, буллик тез кўлга тушгани, қаерда хатога йўл кўйини, энди нима бўлиши, бу вазиятдан қандай қалишни мумкинлигини тўгрисида бош қотираяи Қотилликда қўли бўлмаса, «бу жиноятни со этишда мендан гумонсираяптими ёки жиноя мени бўйнимга осишмоқчими?» деган ўйга беётгани аниқ.

– Чўпоннинг уйидан сизга топширилган киларнинг рўйхати топилган, – сұхбатдошини ғ

сўзлашга мажбур қилиш мақсадида Фахриддин гапига бир «чимдим» ёлғон кўшди. – Сизни топишимиизга шу қоғоз ёрдам берди...

Ҳикмат баттар безовталанди. Оғзи қуриб бораёттаниданми томоқ қириб, ютиниб қўйди. Атрофга аланглади. Терговчи котиба келтирган чойнакдан пиёлага чой қўйиб, унга узатди. Чой аллақачон совиган бўлса-да, шошилмасдан чойдан ҳўплай бошлади. Унинг шу фурсатда терговчининг кейинги саволларига қандай жавоб бериш, вужудга келган вазиятда ўзини қандай тутиш ҳақида ўйлаётгани аниқ эди.

– Лекин мен... ҳеч кимга рўйхат бермаганман!  
– елкасини қисди Ҳикмат, – Китобларни шундай, яъни ҳужжатсиз олиб қолган эдим.

– Тўғри! Чўпон ҳар эҳтимолга қарши сизга топширган китобларини рўйхат қилиб қўйган экан. Тинтувда ўша қоғоз чиқиб қолди, – терговчи сўзлари ишончлироқ чиқиши учун атайлаб «тинтув» атамасини кўллади. – Китобларни вақтинча бизга топширишингизга тўғри келади.

– Лекин... китобларни... ҳалиги... анчагина... кейин қайтариб олсан бўладими? Ахир бу қадимиий қўллэзмаларни... – Ҳикмат «китобларни яхшигина пулга сотиб олганман» демоқчи бўлди-ю, аммо бу билан терговчида китобларга нисбатан янада қизикиш ортишидан чўчиб, гапни бошқа томонга бурди. – Улар шахсий коллекциямда!

– Зарурият йўқолса, қайтарамиз! – Фахриддин бир нарса ёдига тушгандай ўрнидан туриб, хонадан чиқди. Хонада ёлғиз қолганига ишонч ҳосил қилгач, Ҳикмат қўл телефонидан кимгадир қўнғироқ қилиб, паст овозда ниманидир тайинлади.

Сал фурсат ўтиб, кириб келган терговчи стол устидаги қоғозларни йиғиширишга тушди:

– Қани кетдик бўлмаса! Китобларни олиб келамиз!

Ҳикмат оғринибгина ўрнидан кўзгалди.

Индарасдан пастга тушишди. Машинага ўтиришлари олдидан бир неча ҳамкаслари билан Ҳикматнинг уйи ёнида «қўриқчилик» қилаётган Авазжон қўнфироқ қилди. Фахриддин машина эшигини ёпиб, хиёл четроқقا чиқди:

– Эшитаман, нима гап!

– Биз объектдамиз, – Аваз пичирлаган овозда ахборот берди, – деярли ҳеч гап йўқ. Уйдан бир аёл киши чиқди, хотини бўлса керак! Кўлида қоғозга ўралган нишадир бор эди. Кузатдик. Уч-тўрт уй наридаги хона-донга кириб, кўлидагини қолдириб чиқди...

– Тушунарли! – Фахриддиннинг хаёлида ўйлаган режаси иш берганди. – Биз сизлар томонга юраяпмиз. Холислар масаласини ҳал қилиб туринглар!

Машина Регистон майдонини ортда қолдириб, Сузангорон кўчаси томонга қараб юра бошлади.

Гарчанд ойнадан шаҳарнинг фусункор тароватини томоша қилиб кетаётган бўлса-да, терговчининг хаёли бошқа ёқда эди: «Хонадан чиққанимдан уйига телефон қилган. Хотинига ортиқча нарсаларни йўқ қилишни тайинлаган. Бундай пайтда қўшнининг уйи бехавотир бўлади. Аммо... ўша нарса нима бўлса? Китобми? Тиллами? Куролми? Йўғ-е, унчаликка бормас. Балки гиёҳвандлик моддасимикин? Нима бўлганда ҳам биздан бекитишга ҳаракат қиласяптими – бу ерда бир гап бор! Ишқилиб қўшни «далилий ашё»ни бирор жойга чиқариб кетмасайди. Авазга қўшнининг уйини ҳам кузатиб туришни тайинласам бўларкан. Ўзининг ақли етса керак, тажрибали ходим-ку!»

Ҳайдовчига «росга, солга» деб кетаётган Ҳикмат икки қаватли ҳашаматли уй олдига етганларида ўзини хотиржам кўрсатишга уриниб, «мана бизнинг кулбай вайронага келдик!» деб «камтарлик» қилди. Машина ойнасидан бинога қараб, оғзи

очилиб қолган Мубин амаки «Ҳамманиям кулбаси шундай вайрона бўлса қанийди!» деб қўйди. Орқадан оқ, рангли «Нексия» келиб тўхтади. Ундан Аваз икки ҳамкасби билан тушиб келди. Улар Фахриддин Каримович билан келиб кўришгандан сўнггина Ҳикмат бу «мехмон»лар ҳам унукига келганилигини, масаланинг у ўйлагандан ҳам жиддийроқ, эканлигини фаҳмлагандай бўлди. Шундай бўлса-да, сир бой бермасдан барчани ичкарига чорлади. Йигитлардан бири сал нарироқда ийманнибгина турган эр-хотин қўшниларни ҳам таклиф этди. Фахриддин Авазни бир четга тортиб, қўшни хонадонни кузатиб туришга одам қўйган-қўймаганлигини суриштириди. Ижобий жавоб олгач, йиғилганларни ичкарига бошлади.

Терговчи тегишли қоғозларни расмийлаштириб, тадбир иштирокчиларига процессуал ҳақ-хукуқларини тушунтиргач, тинтувга киришилди. Ҳикмат ваъдасига кўра кутубхонасидаги иш столи тортмасидан 8 дона қадимий китобларни чиқариб берди.

– Ҳаммаси шуми? – деди Фахриддин муқоваси хийлагина сарғайган китобларни кўздан кечира туриб. – Чамамда чоги сал камдай.

– Икитасини... негадир топмай турибман! – Стол тортмаларини бир-бир кўздан кечираётган Ҳикмат ўнгайсизланди. – Тунов кун ҳам ахтаргандим. Бирорвга ўқиш учун бериб, хотирамдан чиқдимикин?

– Шунача нодир китобларни бирорвга бериб бўларканми?

– Бермасанг хафа бўлишади. Ишониб берсанг, қайтаришмайди.

– Китобларнинг номи ёдингиздан чиқмагандир!  
– терговчининг қошлари чимириди.

– Эътибор қилмаган эканман. Ишқилиб араб алифбосидаги китоблар эди-да!

Терговчи индамади. Бир оз ўтиб, тезкор ходимлар тинтув ҳаракатлари тугаганлигини хабар қилишди.

Бу пайтга келиб Ҳикмат анча ўзини босиб олган, юз ифодасидан хавотирлари чекингандай эди.

Бу ҳолат терговчининг эътиборидан четда қолмади: шу китобларда бир бало борга ўштайди. Уларни ишончли жойга яширгач, кўнгли таскин топди, ўзини босиб олди. Демак, хавотири фақат ўша китоблардан. Ҳозир буни синаб кўрамиз.

– Шу кўчадаги 25-хонадонда кимингиз туради?

Томдан тараشا тушгандай қўққисдан берилган савол Ҳикматни яна саросимага солиб қўйди. Бир сония ичидаги хаёли гумонларнинг минг бир кўчасига кириб чиқди: «Ҳаммасини билар экан-да! Йўғ-е, қаердан билиши мумкин? Балки шунчаки «пушкага» олаётгандир. Қариндошларим ҳақида маъдумот тўплаган ҳам бўлиши мумкин-ку!» Бундай чоғда сукут сақлаб, жим туриш аҳволини баттар оғирлаштириши мумкинлигини ҳис қилиб, гудранди:

– Қобил акамники! Нимайди...

– Балки китобларни ўқиш учун уларга берган-дирсиз? – терговчи савонни ойдинлаштириди. – Балки янгам бериб юборгандир.

Ҳикмат терговчининг илмоқли гапларидан ўзини тамомила йўқотди. Ўсал одамдай қотиб қолди.

– Илтимос, янгани чиқиринг! – Фахриддин Каимович тезкор ходимлардан бирига топшириқ берди.

Зум ўтмай хонага қораҷадан келган истараси иссиқ, қош-кўзлари келишган уй бекаси кириб келди.

– Янга, сиздан узр сўраймиз, хизматчилик экан! Хўжайнингиз боя Қобил акангизни кираганда ташлаб келган нарсангизни қайтариб олиб келишингизни сўраётганди, – Фахриддин «шундайми?» дегандай Ҳикматга тикилди.

Аёл ичидан зил кетиб, бир чеккада айб иш қилиб қўйган боладай қисиниб ўтирган эрига қарди. Унинг нигоҳида «нима қилай?» деган савол

мужассам эди. Ҳикмат қаршилик қилиш бефойда-  
лигини англаб, истар-истамас «бор олиб кел!» де-  
гандай бош иргади.

Аваз аёлга эргашди. Таниш дарвозага яқинлаш-  
ганларида тезкор ходим огоҳлантириди:

— Янга, тағин акангизга гапириб ўтирманг, гап-  
сўз кўпайиши мумкин!

Жувон ёвқарашиб қилдию, аммо индамади. Дар-  
воза очиқ экан. Авазни ташқариди қолдириб, ҳов-  
лига кириб кетди. Сал ўтмай қўлида қорозга ўрал-  
ган нарса билан қайтиб чиқди. Аваз унинг нима  
эканлигини билгиси келаётган бўлса-да, шусиз ҳам  
кайфияти бузилиб турган аёлга бир сўз дейишга  
ботина олмай, ортидан эргашди. Кўчада ҳеч ким  
йўқ бўлса-да, кўни-кўшнилардан бирортаси кўриб  
қолишидан чўчиётган аёл тез-тез одимлаб, тўғри  
«меҳмон»лар ўтирган хонага кирди. Қўлидаги нар-  
сани эрига бериб, ошхона томонга ўтиб кетди.

Ҳикмат устидаги қофозни олиб ташлаб, қалин  
муқовали, кўринишидан анчагина қадимий ки-  
тобни терговчига тутқазди.

Фахриддин китобни авайлаб қўлига олар экан,  
бехосдан юраги хаприқиб, ўзини алланечук сезди.  
Китобни олди-ортини айлантириб, маҳлиё бўлиб ти-  
килди. Теридан пишиқ қилиб ишланган муқовасида  
ҳеч қандай ёзув ёки белги йўқлигига ишонч ҳосил  
қилгач, қўлёзмани варақлашга тушди. Терговчининг  
китобни чаппа томондан варақлаётганини кўриб,  
Ҳикмат китобни ўнглаб қўйди. Қўлёзма моҳир хат-  
тот томонидан араб алифбосидада битилган эди.  
Фахриддин бир неча саҳифани варақлаб, ҳеч нар-  
сани тушунмади шекилли, ёнида китобдан кўзини  
узмай турган Ҳикматга сўз қотди:

— Кимники? Нима ҳақда?

— Али Қушчининг «Рисола фи ҳалла аш-шакл  
ал-ҳилол» асари.

- Нима ҳақида, таржимаси қанақа?
  - Математикага оид. Ўзбек тилига «Ҳилолсимон шаклларни ўлчаш ҳақида рисола» деб таржи-ма қилинади. Шу пайтгача китобнинг кўлёзмаси сақланмаган деб ҳисоблаб келинган.
  - Демоқчисизки, бу асар шу кунга қадар фанга номаълум бўлган, шундайми?
  - Шунақа. Али Қушчининг кўпгина асарлари Буюк Британия, Франция, Миср, Россия, Туркия ва бошқа хорижий давлатлар кутубхона ва музей-ларида сақланмоқда. Бу кўлёзманинг асли ёки нус-хаси ҳеч қаерда топилмаган. Аммо, шундай китоб бўлганлиги ҳақидаги маълумот бошқа манбаларда кўп учрайди.
  - Китобни яширишдан мақсад нимайди? – деди Фахриддин китобни варақлай туриб.
- Орага жимлик чўқди.
- Мақсад... қанақа мақсад бўлиши мумкин? – деди Ҳикмат талмовсираб. – Уни биринчи бўлиб тадқиқ қилмоқчи эдим. Фанда янгилик бўларди.
  - Тадқиқ қилиш учун яшириш шартмиди? Сиз уни ўғирлаб олмаган бўлсангиз! – терговчи тушун-мади.
  - Сизлар... олиб қўясизлар деб қўрқандим!
  - Бизлар вақтинча олишимиз мумкин, аммо жиноятга алоқаси бўлмаса қайтариб берамиз.
  - Фахриддин кўлёзмани Авазга узади. – Расмий-лаштилинг!
- Тегишли қоғозлар тўлдирилгач, гуруҳ аъзолари кўлёзмаларни олиб, вилоят прокуратурасига ке-лишди. Шу куннинг ўзида нуфузли мутхассислардан иборат маҳсус комиссия китобларни ўрганишга киришди...

\* \* \*

Терговнинг бир қисми боши берк қўчага кириб қолганидан сиқилиб юрган Санжарбек ҳар куни Фахриддин билан телефон орқали хабарлашиб, Самарқанд тарафлардан бирор янгилик эшитилиб қолар деган умидда эди. Кечки пайт устози айтган гаплардан бу умиди ҳам пучга чиқаётганини англагандай бўлди: «Демак, китобларнинг ҳам, тиллаларнинг ҳам терговга нафи тегмайди. Уларнинг қотилликка алоқаси йўқ. Бу йўналиш ҳам берк қўчага қараб кетаётгандай... Энди нима қилмоқ керак? Бир қарашда оддийгина туюлган қотиллик наҳотки шунчалик пухта сценарий асосида амалга оширилган бўлса! Ёки биз нўноқлик қиласягимизми? Чўпоннинг ўлими кимга керак экан-а! Ҳар иккала хотиннинг бу ишга алоқаси йўққа ўхшайди. Унда ким? Яхшилик чўпон ҳам роса чигириқдан ўтказилди. Бефойда. Яна ким қолди? Норбўтанинг атрофидагилардан деярли ҳеч ким қолмади. Демак, қотил четдан! Лекин оддий бир чўпонни ўддириш учун киллер ёллаш кимга керак! Бунинг учун фавқулодда бир сабаб, инкор этиб бўлмас асос бўлиши шарт эмасми? Хазина, олтинлар қотилликка сабаб бўлиши мумкинми? Албатта, мумкин! Мол-давлат одамни диндан чиқаради дейдилар. Садоқатнинг бобоси бу хазинани кўмиб ташлаган, у соҳибига бахтсизлик келтиради дея ишонган. Ўзи қўл учида яшасада, уларни қазиб олмаган. Фарзандларига ҳам раво кўрмаган. Уларни ҳам бадбаҳт қилиб қўйишдан кўрқсан. Мана, шунча вақт ўтиб, Норбўта уларни қазиб олди. Оқибати нима билан тугади... Қотилликнинг мотиви шу олтинлардан бошқа нарса эмас! Аммо, ким ўша қотил? Хазинадан кимлар хабардор бўлган. Чўпоннинг ўзи, Садоқат... бўлди! Яхшилик, Маастура бу ҳақда билмаган. Норбўта ўзига пишиқ одам, би-

ровга алжираб күйиши эҳтимолдан йироқ. Лекин Садоқат... минг қылса ҳам аёл киши-да! Бирорта дугонасига ёки опасига мақтанган бўлиши мумкин. Ўз навбатида улар хазина ҳақида кимдандир суюнчи олишлари тайин. Садоқатнинг яқинлари билан ишлаб кўриш бирор натижа берармикин? Бошқа томондан олиб қарайдиган бўлса, хазина чўпонда сақланган. Норбўта буни ҳатто хотинларидан ҳам сир тутган. Ўзи аста-секин ҳеч кимга сездирмасдан сарф қилган. Тилла ошқовоқ эмас, бозорга бориб сотиб келадиган. Уни оладиган одами бўлади. Кўпчиликнинг бу ҳақда хабар топиши хатарли. Бирортаси сотиб қўйиши мумкин. Демак, тиллалар битта заргарга топширилган. Хазинанинг чўгини билган бўлса, заргарнинг ҳам кўнгли бузилиши турган гап. Ўзи бу ишга кўл урмаса-да, бирортасини жалб қилган бўлиши мумкин. Ёки ўрталарида низо келиб чиққан. Нархида келишолмаган бўлишлари мумкин. Одатда заргарлар тилма буюмларни олиб қолиб, сотилгач, пулинин тўлайди. Заргар тиллаларни сотишга сотгану пулинин тўлашга нафси ўлгур қўймаган. Қарзлардан қутулишнинг энг осон йўли эса чўпонни йўқ қилиш эмасми? Китоб, Шахрисабз, Қаршидаги тиллафурушлар билан «ишланди», натижа чиқмади. Чўпон ҳам анойи одам эмас. Бу томонларда уни кўпчилик танийди. Тиллаларни таниш одамга сотса, гап-сўз кўпайиши тайин. Энг мақбул йўл – Самарқанд ёки Тошкент. Пойтахт узоқлик қилиши мумкин. Самарқанд эса бир қадам. Бу қадимий шаҳарда заргарни топиш қийин кечмайди. Нима бўлганда ҳам бу йўналиш бўйича ишларни жадаллаштириш лозим».

Санжарбек бугун агар устози билан гаплашса, албатта ўз мулоҳазаларини унга билдиришни юрагига туйиб, телефонда Маҳкам Ҳакимовични ҳузурига чорлади.

Зум ўтмай эшик тақиллаб, хонага халлослаб қо-  
воидан қор ёғаётган Маҳкам кириб келди:

- Сўрадингизми?
- Маҳкам ака, қўйинг кўп куюнманг! Бир жиноят бўлса, очиларда! Қотил сизу биздек изқувардан қочиб қайга бораарди, – Санжарбек шеригининг кайфиятини кўтариш учун атайлаб гапни ҳазилга бурди.

Маҳкам зўраки тиржайди. У бу «тирранча»нинг ўзидан беш-олти кўйлак кўпроқ йиртган одамга ҳа-  
деб топшириқ беришларидан елкаси тиришса-да, шу билан бирга унинг ишига пишиқлиги, зийрак-  
лиги, тиришқоқлиги, айниқса ҳар хил мураккаб вазиятларда кишининг кўнглига йўл топа билиш  
қобилиятига тан бермасдан иложи йўқ эди. Гапни ҳазилга йўйишидан унинг яна ниманидир ўйлаб  
топгани, «теша тегмаган» режалар тузгани аниқ. Шуларни хаёлидан ўтказар экан, Маҳкамнинг чи-  
ройи салгина очилгандай бўлди. Муҳими шу аҳ-  
моқона қотилликнинг фош қилиниши эмасми?

- Менда бир гаройиб фикр пайдо бўлди, – Сан-  
жарбек пешанасида «хўш, яна қай гўрдаги нарса-  
ларни ўйлаб топдинг!» дегандай чақчайиб турган  
ҳамсуҳбатига қараб жилмайди.

- Эшитайлик-чи!
- Норбўтанинг олтинларини излаб топишимиз  
керак!

- Қандай? Нима... н-и-м-а учун? – Маҳкам  
анқайди. Шу тобда унинг хаёлидан «бу бола нима  
таклиф қиласапти ўзи, бир ками қотил қолиб, энди  
олтинларни қидириш қолдима!» деган фикр ўтди.

- Мени тушунмадингиз! – деди Санжарбек ёни-  
даги одамнинг хаёлини уққандай. – Мен узил-ке-  
сил қотилликка ўша олтинлар сабаб бўлган деган  
фикрга келдим. Бўмаса, чўпоннинг ўлимни кимга-  
ям керак! Кимдир чўпонда хазина борлигини би-  
либ қолган. Балки ўша шахс тилла буюмларнинг

бир қисмини сотиб олган ҳам бўлиши мумкин. Қараса, чўпон тушмагурда олтинлар тугамаяпти. Шунда унинг фикри бузилган. Чўпонни гумдон қилиб, бир йўла олтинларга эга бўлишнинг пайига тушган. Балки у чўпонни «ҳаётингни сақлаб қоламан» дея алдаб ёки мажбурлаб, хазинанинг жойини билib олган. Чўпонни омон қолдириш, қўлга тушиш билан баробар эканлигини англаб, қўлини қонга булаган...

– Худди кўриб тургандай гапиришини қаранг-а!  
– Маҳкам пичинг қилди.

– Кўз билан кўриб туриш шарт эмас, – Санжар ҳам бўш келмади. – Терговчи қалб кўзи билан идрок этмоғи даркор! Лекин ишонҷали-я!...

– Ўша қотил хазинани жойини билган бўлса, уни аллақачон ўмарган. Унда тиллаларни излашдан нима фойда?

– Бизга тиллалар эмас, далил керак, далил! – Санжарбек шуни ҳам тушунмайсанми галварс дегандай ўқрайди. – Кўмманинг жойини топсак, у ердан ҳеч бўлмаганда бирор улги топилар. Гап ўша жойни излаб топишда!

– Агар чўпон васият қолдириб, кўмган жойини айтиб кетганда, топсак бўларди! – деди Маҳкам совуққонлик билан. – Тогу тошларда яшайдиган чўпоннинг олтинларни қайси гўрга яширганини аниқлаб бўлармиди?

– Каллани ишлатсак, топамиз!  
Маҳкам ичидан зил кетди. Вой маҳмадона-эй!  
Бу билин мени каллаварамга чиқармоқчими?...

– Мисол учун сиз каттагина хазина топиб олдингиз. Шунча бойликни уйда сақлаш хатарли. Хўш, қаерга яширган бўлардингиз?

– Давлатга топшириб, йигирма беш фоизини мукофот сифатида олган бўлардим!

Кулишди.

– Менам албатта шундай қилган бўлардим! Лекин ўзингизни Норбўтанинг ўрнига қўйиб, мушоҳада юритинг-чи!

– Ҳали ўлиш ниятим йўқ!

– Майли, сиз юзга киринг! – Санжарбек жиддийлашди. – Олтин топган одам уларни эҳтиётлаш учун қаерга яшириши мумкин? Биринчидан, бу жой бегона кўздан ҳоли бўлиши, иккинчидан, вақти-вақти билан кузатиб туриш учун қулай бўлиши, учинчидан, унчалик узоқ бўлмаслиги, тўртинчидан, бехатар бўлиши, яъни сувга чўкмайдиган, оқмайдиган, ўтда ёнмайдиган бўлиши лозим.

– Шоир бўлиб кётинг-э!

– Хуллас, бугун бу ердаги юмушларни якунлаб, эртага барвақт Ҳазрати Баширга – қўтонга кетамиз. Фахриддин Каримович Самарқанддан қайтгунча, биз ҳам қўл қовуштириб ўтирасдан, нимадир қилишимиз керак-ку!

– Тушунарли! Фақат... мен машинамни бугун ремонтга топширгандим... – Маҳкам каловланди, сўнг ҳамкасбининг «баҳона қилаяпти!» деган ўйга бормаслиги учун қўшиб қўйди: – Майли бирорта машина айтарман!

– Раҳмат! Ўзингизга қаранг, aka! Менга қолса, йўл машинада ҳам кетавераман, – деди Санжарбек хўшчақчақлик билан.

Йигитлар эрталаб соат еттида ишхонада учрашишга келишиб, хайрлашдилар...

Санжарбек прокуратура биносига яқинлашганда ёнига қора рангли яп-янги «Жип» келиб тўхтади.

– Хўжайн, яхши дам олдингизми? – машинанинг олди ўриндигидан Маҳкам Ҳакимович тушиб келди.

– Шунда кетамизми? – деди Санжарбек бир машинага, бир рулда ўтирган басавлат йигитга разм солиб.

– Бу жўрам – Ҳолиқул! – Маҳкам машинадан тушиб, эҳтиром ила меҳмонга қўл тутаётган ўртоғини таништирди. – Ўн йил бир партада ўтирганмиз. Шаҳримиздаги энг илғор тадбиркорлардан.

– Сал ошириб юбординг! – деди Ҳолиқул дўстига қарата бир оз хижолат бўлиб. – Илғор бўлмасак-да, тадбиркорлигимиз рост.

– Санжарбек! Танишганимдан хурсандман! – терговчи меҳмон билан худди эски танишлардан илиқ кўришди. – Кетдикми?

Санжарбек орқа ўриндиқча, Маҳкам олд ўриндиқча ўтирди. Йўлда у ёқ, бу ёқдан гаплашиб кетишиди. Икки ўртоқнинг бир-бирини «сен-сенлаб», аммо чин кўнгилдан самимий муносабатлари Санжарбекнинг ҳавасини келтириди.

«Жип» Китоб шаҳридан ўтиб, Ҳазрати Башир тарафга бурилганда бекатда соқоллари селкиллаган чол қўл кўтарди. Ҳолиқул машина санжап кетаётганда йўлда кекса ёшли отaxon-онахонлар, ёш болали аёллар учраса, савоб учун уларни манзилигача олиб бориб қўярди. Чолни кўриб, одатига кўра машинани тўхтатмоқчи бўлиб, газдан оёғини олди-ю, ёлғиз эмаслигини ҳис қилиб, фикридан қайтди. Орқадан йўлни кузатиб кетаётган Санжарбек унинг фикрини англағандай қичқирди:

– Тўхтанг! Илтимос тўхтатинг! Шу отахонни олиб кетайлик. Савоб бўлади.

Ҳолиқул машинани четга олиб тўхтатди. Анчадан бери мулгиг келаётган Маҳкамнинг уйқуси қочиб, «Нима гап? Нега тўхтадик» дегандай жўрасига тикилди.

– Отахонни олайлик! – Ҳолиқул машинани орқага бериб, чолга яқинлашди ва ойнани тушириб:

– Ассалому алейкум ота! Йўл бўлсин, – деб сўради.

– Раҳмат чироғим! Ҳазрати Баширга кетаётгандим...

– Йўлимиз бир экан! Чиқинг отахон! – Ҳолиқул чаққонлик билан машинадан тушиб, чолнинг қўлидаги зил-замбил сумкаларни машина юкхонасига жойлаштирди. Сўнг унинг тирсагидан тутиб, машинанинг орқа ўриндирига чиқиб олишига кўмаклашди.

Маҳкам орқага бурилиб ҳам қарамасдан чолнинг саломига алик олган киши бўлди. Шу тобда унинг хаёлидан дўстининг бир нотаниш чолга кўрсатаётган меҳрибончилиги – бегоналар олдида ўзини кўрсатишдан бошқа нарса эмас деган фикр ўтди: Санжар-ку тушунарли. Ҳамма нарсадан «наф» қидиради, «далил» излайди. Чолни бекорга олмади, энди уни гапга солади...

У ҳақ эди. Санжарбек отахон билан худди юз ийллик танишлардек сўрашиб, сўнг «маҳсад»га кўчди:

– Бобо, исмингиз нима?

– Шерқул!

– Мен – Санжарбек, булар Маҳкам ака, Ҳолиқул акалар!

– Нечага чиқдингиз?

– Уч кам саксон... Энди бу жоги отман тужа бўлармиди! Амаллаб кириб-чиқиб журибмиз, қаричилик... болам, қаричилик!

– Аммо, анча ёш кўринасиз, ҳеч ким сизни етмиш еттига кирган демайди! Ҳали қирчиллама йигитдайсиз-ку! – терговчи бу гапни чин дилдан айтдими ёки уни гапга солиш учун атайлаб мақтаяптими билиб бўлмасди.

– Гўрда дейсиз! Шу кунларда аввалги шаштим жўқ. Бурун бир қоп унни елкага ташлаб, бир тош йўлга опкетаверардик. Энди манов бир сумка беда уруғи динкамизни қуритиб ташлаяпти, – деди чол машина юкхонасига ишора қилиб.

– Ҳалиям бакувватсиз... биздақа йигитларнинг икки-учини елкасини ерга текизсангиз ажабмас.

– Қайдан билдинг, ёшлигимда қишлоқнинг олд полвонларидан эдим! Унча-бунчасини кўрдим демасдан, ошириб отардим... – ҳамсұхбатининг дикқат билан эшитиб турганини ҳис қилиб, отахоннинг мағтангиси келиб кетди. – Шу вўртада мени жигодигон полвон топилмасди. Э, нимасини айтасиз вў кунлар тушда кўргандай бирпасда ўти-кетди...

– Отахон, момо тирикмилар? – гапга Ҳолиқул аралашди.

– Нариги дунёга рижлат қилганига беш йил бўлди! Раҳматли тилла кампир эди-да! Оллоҳнинг иши экан, нима қиласиз!

– Узр ота! Бандалик! Ярангизни янгилабман-да!

– Аллақачон уйланиб олгандирсиз! – Ўзини ухланга солиб келаётган Маҳкам гап қистирди. – Бирорта ёшроғини топгандирсиз бобой!

Чол овоз келган тарафга қараб нимадир демоқчи бўлди-ю, аммо индамади. Санжар ичидаги ҳамкасбини қўполлик ва калтафаҳмликда айлади. Ноқулай вазиятдан чиқиш учун Ҳолиқул гапни бошқа ёққа бурди:

– Отахон, уйингиз қишлоқнинг қаерида? Олдиндан айтиб қўймасангиз... ўтиб кетмайлик тагин.

– Ҳайдайвер болам! Мен қишлоқнинг одогида тураман. Ҳазрати Башир зиёратгоҳидан ҳам тепада, яйловга чиқиб кетиш йўлида, – деди чол йўлдан кўзини узмай. – Айтгандай, сиз анави сафар биз томонга келгандингиз-ку!

Ҳолиқул ҳайрон бўлиб, «Менми? Тушунмадим!» дегандай ойнадан чолга қараб қўйди. Санжар ҳам чолнинг нимага шама қилаётганини англай олмади. Шерқул бобо буни фаҳмлади шекилли, изоҳ берди:

– Мошинингизни кўргандайман-да!

– Қаерда, қачон кўргансиз? – Санжар «тергов»-ни бошлаб юборди. Саволига расмий тус бериб

юборганидан хижолат бўлиб, қўшиб қўйди: Шунга ўхшаш машинани кўрганман демоқчисизда-а!

– Йўғ-е, худди шу машина эди! Нўмири ҳам 707 эди!

Ҳолиқул машина давлат рақамини эслаб қолганидан чолнинг ёлғон сўзламаёттганига амин бўлди. Ўзи шунақа одамлар бор. Рақамга хотираси яхши бўлади. Бир кўрганини сира ёддан чиқармайди.

Санжар касбига хос қизиқувчанлик билан чолни «ўрашда» давом этарди:

– Қаршида кўрганмидингиз?

– Қанақа Қарши! Унда итимни йўқотибманми? Қишлоқда! – Чол «тўғрими?» дегандай Ҳолиқулга мурожаат қилди. – Бир ҳафта-үн кун олдин Баширга келганмидинг, улим!

– Йўқ! Қишлоғингизга беш-олти йилдан бери борганим йўқ! Бу машинада сиз томонларга биринчи марта келишим! – Ҳайдовчи эътиroz билдириди. – Адашяпсиз отам, адашяпсиз!

– Хе адашиб ўлибманми, қари бўлсамам кўз ўлгур яхши кўради! – бўш келмади чол. – Бир кўрган нарсамни эслаб қоламан. Ахир нўмиринг «707»ми?

– Тўғри, 707.

– Унда яна нима дейсан! Қора «Жип», нўмири ҳам ўша! – чол ғолибона тиржайди. – Лекин ҳайдовчига аҳамият берганим йўқ. Сен бўлмасанг, балки рулни бошқа бирорга бергандирсан.

– Машинани ўзимдан бошқа одам ҳайдамайди!  
– Ҳолиқул елкасини қисди.

– Нима мен сенларни алдаяпманми? Кўрганимни айтдим қўйдим-да! – Бобой ўр ёнини бергиси келмасди.

– Ҳеч ким сизни ёлғон гапирди демаяпти! Сиз шунга ўхшаш машинани кўрган бўлсангиз керак. Нўмири бир хил бўлса-да, серия рақами ва ҳудудий мансублиги фарқ қиласди. – Санжарбек чол-

га далда берди. – Жип Қашқадарёни кимиidi ёки бошқа вилоятга тегишилимиди? «707»дан олдинги ва кейинги ҳарфлар ёдинги зода қолмаганми?

– Унисини қаердан билай! Яп-янги қора «Жип», нўмири 707! Бошқасига эътибор қилмапман! – қария бир оз «чекинди». – Шу куни уйимиз жонидан ўта туриб, мошин фиддирагининг қопқоғи тушеб қолганди. Қайтганда бераман деган хаёлда қапқоқни олиб қўйдим. Аммо бояқиши кечга довур қайтмади.

– Қопқоқ ҳозир қаерда! – Санжарбек қизиқсинди.

– Оғилга ташлаб қўйгандим, тургандир-да!

– Ўша машина «Ҳазрати Башир»ни зиёрат қилишга келганмикин?

– Ит биладими? – Чол юзини тескари буриб олди.

– «Уйим Ҳазрати Башир зиёратгоҳидан тепаликда» дегандингиз. Демак, улар зиёратчилар бўлмаган, – терговчи мантиқий хулоса чиқарди.

– Зиёратчи бўлса, пастдан – зиёратгоҳдан қайтишарди! – мушоҳада юритди чол. – Ҳазрати Баширга ҳар куни юзлаб машиналар келиб кетади. Ҳеч ким уларга эътибор бермайди. Менинг уйим эса қишлоқнинг энг чеккасида! У ёни қир-адир! Одам яшамайди. Тепада чўпонларнинг қўраси бор холос.

«Чўпон» сўзини эшитиб, ҳар иккала терговчи сергакланди.

– Қайси чўпон... қанақа қўра? – Санжарбек хаёлига келган фикрларни таҳдил қиласар экан, савол беришга шошилди.

Маҳкам ўриндиқлар орасидан бошини суқиб, илк бор чолга тикилди.

– Тепада раҳматли Норбўтанинг қўрасидан бошка ҳеч нарса йўқ, – қария муҳим сирни айтиётгандай пичирлади. – Гўринг обод бўлгур яхши одам эди. Яқинда ўлдириб кетишди!

– Йўғ-э! – Санжар ҳайратга тушгандай бош чайқади. – Чўпонни ўлдириш кимга керак экан?

– Ҳайронман! Туппа-тузук одам эди. Шаҳарлик бир жошгина аялга илакишиб қолган дейишяяпти. Хотин кишининг макри қирқ туяга жук бўлади... Шу баччагар бошига етди-ёв!

– Ота, сиз бояги «Жип»ни кўрганимга ҳафта-ўн кун бўлди деяпсиз. Эслай оласизми – бу воқеа чўпоннинг ўлимидан олдинмиди ё кейинмиди? – Санжарбек бошида чарх ураётган фикрларга ойдинлик киритишига киришди.

Мўйсафид бир оз ўйланиб қолди. Сўнг нимадир ёдига тушди шекилли, дадилланди:

– Норбутани жума куни ерга қўйдик. Ундан кейин мен 4-5 кунга Қаршига – қизимникига кетдим... Демак: мен мошинани Норбута чўпоннинг ўлимидан бир ёки икки кун олдин кўрган бўлишим керак...

– Аниқми? – Маҳкамнинг сабри чидамади.

Чол жини суймаган одамининг гапга аралашганидан жаҳди чиқдими, Маҳкамга хўмрайиб қараб қўйди:

– Аниқми, тиниқми, сизларга нима? Милисами-санлар! Бу одамларга бир гапни айтибам бўлмайди-я!

Ростини айтмаса, қариянинг жини қўзиб, тағин ҳозир айтган гапларидан мункир келиб қолмасайди деган ўйда Санжарбек бор гапни айтишига аҳд қилди:

– Отахон, бизлар ўша қотиллик бўйича ишлатётган терговчилармиз. Сизнинг «Жип» ҳақидаги маълумотингиз бизга асқатиши мумкин.

Чолнинг юзи ёришди:

– Айтдима, нимага бунча саволга тутишяяпти деб. Зап одамига йўлиқибман-ку!

– Отахон, энди менга ўша куни кўрганларингизни бир бошидан, ипидан игнасиғача гапириб берсангиз! – Санжарбек бобосидан эртак тинглайдиган боладай ўнгай ўрнашиб оди. – Фақат сиздан

ильтимос, ҳеч нарса, ҳатто майда-чуйда деталлари ҳам ёдингиздан чиқмасин.

– Олди Худо! Энди милисама-милиса, судма-суд юрмасайдим! – шу тобда қария ҳазиллашшаяптими ёки жиддий гапирайптими англаш қийин эди.

– Ҳозирги замонда сиздай эътиборли, сермулоҳаза ва кўпни кўрган одамни учратиш қийин бўлиб қолди. – Санжарбек бу чапани чолни «йўлга солиш»нинг бошқача йўлинни тополмади.

Мақтov иш берди. Қария қора «Жип» билан бофлиқ воқеаларни шошмасдан бирма-бир сўзлаб берди. Терговчилар бири олиб, бири қўйиб, чолнинг бошини роса қотиришди.

– Ўзимам шу мошинада бир гап бор деп журибидим! – деди чол ўзини оғир жиноятни фош қилган қаҳрамондай ҳис қилиб. – Яхшиям, фидирак қопқоғини сақлаб қўйган эканман...

Машина Ҳазрати Башир зиёратгоҳига етганда, ҳайдовчи «юраверайми?» дегандай Маҳкамга қарди. Унинг ишораси билан «Жип» сойнинг ўнқирчўнқир йўлларини ортада қолдириб, тепага одимлай бошлади. Қишлоқнинг адогида чол йўлнинг чап томонидаги уйга ишора қилиб:

– Шу ерда сақла, болам! Мана уйга ҳам жетиб келдик! Қани тушингизлар! – деди.

Ҳолиқул қуляйроқ жойни ўнгайлаб «Жип»ни оҳиста тўхтатди. Машинадан тушишди. Ажиб баҳор ифори димокқа урди. Мехмонлар табиатнинг ҳусни-тароватига маҳлиё бўлганча чолнинг ортидан юришди. Шерқул бобо номигагина ип билан тамбаллаб қўйилган ёғоч эрганакни очиб, меҳмонларни ичкарига бошлади ва ўзи ёшига хос бўлмаган чаққонлик билан уйга кириб кетди. Сал ўтмай қўлида дастурхон ва икки дона тандирда ёпилган буғдой нон кўтариб чиқди:

– Уйга киринглар десам, бари бир кирмайсизлар! Тик туриб бўлса-да, нондан татиб қўринглар, насиба-да!

Холиқул нонни ушатиб, шерикларига узатди:

– Тандирда пишган буғдой нондан шириң таом бўлмаса керак!

– Ош бўлсин! Олинглар! – деди Шерқул бобо ичкаридан соchlарини майдалаб ўриб олган қизалоқ (набираси бўлса керак) кўтариб чиққан икки коса қатиқни меҳмонларга узата туриб. – Қатиқдан ҳам татиб қўринглар. Жониворларнинг қорни кўкка тўйиб қолди... Туришиман витамин!

Холиқул косани чолнинг қўлидан олиб, бирини Санжарга, бирини Маҳкамага узатди. Санжар «ўзларидан бўсин!» дея эътиroz билдириди. Унинг танимаган хонадонга дабдурустдан кириб келиб, бемалол еб-ичиб ўтирганларидан хижолат бўлаётгани сезилиб турарди.

– Олинг болам! Олинг. Сув жошдан! – деди Шерқул бобо меҳмоннинг ўнгайсизланәётганини сезиб. – Туя сўйиб чақирса, келмайдиган миймонжонлар! Туз насиба, бир кеп қопсизлар!

Ҳаш-паш дегунча уч меҳмон икки патир, икки коса қатиқни паққос туширишди. Шерқул бобонинг «мина журган хўролардан бирини қозонга бостирамиз, уйга киринглар, меҳмон бўлиб кетинглар» деб қисташига қарамасдан Санжарбек кетишга изн сўради:

– Ота, роса маза қилдик! Еган таомларимизнинг мазаси ҳеч қачон тилимиздан кетмаса керак! Раҳмат! Энди анави топган қопқоғингизни кўрсатсангиз!

Чол мамнун жилмайиб, «мен ҳозир» деб ҳовлиниң пастки томонидаги оғилхонага кириб кетди. Зум ўтмай қўлида фидирак қопқоғини кўтариб чиқиб келди.

Терговчилар эҳтиёткорлик билан қопқоқни кўздан кечиришди. Қандайдир қофозларни тўлдириб, ҳаммага кўл кўйдиришди. Сўнг қопқоқни авайлаб, салафан пакетга жойлашди. Шерқул бобо айтган гапларни оққа кўчириб, йўлга чиқиши.

Меҳмонларни кузатишга чиққан чол улар билан минг йиллик қадрдонлардек илиқ хайрлашди...

Машина илон изига ўхшаш сўқмоқ бўйлаб тепаликка қараб шитоб билан кетар экан, Санжарбек хаёлга толди: Шу «Жип» тек эмас, бир балоси борга ўхшайди. Агар зиёратга келган бўлса, зиёратгоҳ пастда. Агар биронвикита меҳмонга келган деб ҳисоблайдиган бўлсак, тепада аҳоли яшамайди, фақат чўпонларнинг қўралари бор. Вақти ҳам тўғри келмоқда. Ёки бу шунчаки тасодифмикин. Нима бўлганда ҳам текшириб кўриш керак! Чол машинанинг ҳудудий мансублигига аҳамият бермаган. Бундан чиқди «Жип»ни биринчи навбатда Қашқадарё, Самарқанд вилоятлари ва Тошкент шаҳридаги машиналар орасидан қидириш лозим. Қизиқ, бир вилоятда «707» рақамли нечта қора рангли «Жип» бўлиши мумкин? Унча кўп бўлмаса керак. Чол рақамларда адашган бўлса-чи! Бўлиши мумкин. Лекин жуда ишончли гапирди. Дарвоҷе, уч кам саксондаман деганимиди. Яъни 77 ёшда! 707 рақамини шунинг учун эслаб қолгандир... Фахриддин Каримовичга ахборот бериш лозим.

– Ҳолиқул ака, телефонда гаплашиб олишга қуайроқ жойда тўхтатсангиз! – деди Санжарбек оддиндаги тепаликка ишора қилиб.

Ҳолиқул телефон тўлқини бемалол етиб келадиган жойни танлаб, машинани тўхтатди.

– Маҳкам ака, Сиз штабга телефон қилиб, вилоятдаги барча «707» рақамли «Жип» русумли автомашиналар ва уларнинг эгалари ҳақидаги маълу-

мотни сўраб олишларини тайинланг! Мен Фахриддин Каримовичга вазиятни «доловитъ» қиласман.

Маҳкам «есть» деб, сал нарироқдаги катта харсанг тош устига чиқиб, баланд овозда телефонда кимларгадир топшириқ берди. Санжарбек ҳам бир оз четга чиқиб, телефонда Фахриддин Каримович билан боғланди ва унга Шерқул бобо ҳангомасини оқизмай-томизмай сўзлаб, шу йўналишда олиб борилаётган ишлар ҳақида ахборот берди:

– Мен ўша машина Қашқадарё, Самарқанд ёки Тошкент ҳудудларига тегишли деган фикрдаман,  
– деди Санжарбек ахборотига якун ясаб. – Биз Қашқадарёдаги «707» рақамли «Жип» русумидаги автомашиналар ҳақида маълумот тўплашни бошладик. Фахриддин aka... Самарқанд ва Тошкент бўйича нима қилишни...

– Яхши, сизлар ишларни шу аснода давом этти-раверинглар! Самарқанд, Тошкент масаласи билан ўзим шуғулланаман, – деди Фахриддин шогирдининг сўзини бўлиб. – Фақат сиз ишхонага боргач, чолнинг кўрсатмаларини факсда менга ташланг!

– Тушунарли! Фахриддин aka сизда нима гаплар?  
– Ишляяпмиз! Бўпти! Кейин гаплашамиз! Мен вилоят прокурори қабулига кираётгандим, – устоз гапни қисқа қилди...

Ҳар галгидек терговчиларни Яхшилик чўпон кутуб олди. Унинг турқи-тароватидан чақирилмаган меҳмонлар ташрифидан унчалик хурсанд эмаслигини англаш қийин эмасди. Салом-аликдан сўнг чўпон уларни кўтонга таклиф қилди. Санжарбек эътиroz билдириб, чўпонни саволга тутди:

– Яхшилик aka, марҳум Норбўта кўтонга тез-тез келиб турармиди?

– Бошлиқ бўғоч келади-да! – Чўпон «бир нарсани неча марта сўраш мумкин» дегандай зарда қилди.  
– Биз қатори молди кетидан узи-кун журмасаям,

ҳар куни шунда эди. Баъзи пайтлар жотиб ҳам қоларди.

– Сурувларни асосан қаерга олиб чиқарди?  
– Қаерга оп чиқарди, ўт-ўлан, хашак қаерда мўл бўлса шўйирга-да!

– Демоқчиманки, унинг яхши кўрган дарасими, ...мол боқадиган ёки ўзи тез-тез бориб турадиган яхши кўрадиган деймизми... доимий жойи... бормиди? – терговчи фикрини аниқ баён қилолмай чайнади.

– Қўли бўшаса, ҳов анав Падаркуш тови томонга кийик вўт теришга чиқиб турарди, – деди чўпон рўпарадаги чўққига ишора қилиб.

– У ёқда кийик ўт кўпми?  
– Мол туёғи тиймаган жерларда топса бўлади.  
– Норбўта чўпон кийик ўтни нима қиласади?  
– Нима қиласади, чойга солиб ичади-да! – чўпон «шуниям билмайсанми, галварс» дегандай юзини буриштириди.

– Сотадими демоқчийдим-да! – Санжарбек ноўрин савол берганини фаҳмлаб, у гапига аниқлик киритган бўлди.

Бир-икки пакет нарсани сотганда нима бўларди!

– Сизам кийик ўт теришга чиққанмисиз?  
– Қаерда дейсиз, бизда бекорчи вақт бормиди!  
Хўжайн бир ўзи чиқиб кетарди, – деди чўпон қўлидаги таёқни ўйнаб.

– Бир чиққанда қанча доривор олиб келарди?  
– Унақа кўп опкемасди, бир салафан пакетда силарақ опкегичиди!

– Яхши! Унда бизам бир кийик ўт теришга бориб келайлик! – Санжарбек боядан бери чурқ этмай турган Маҳкамга юзланди. Сўнг қувноқ оҳангда чўпонга сўз қотди: – Яхшилик ака, сиз бизга йўл кўрсата оласизми? Тағин адашиб-нетиб ўтирамайлик!

– Санжарбек, рухсат этсангиз мен шу атрофда бўлиб турсам, – Маҳкам ўртоғига маъноли тикилди. – Мана Ҳолиқул бунаقا саёҳатларни жон-дилдан яхши кўради. Бирга бориб келақолинглар. Негадир оёғим қақшаб турибди.

– Майли, сиз шу ерда дам олиб туринг. Биз ака билан айланиб келамиз, – Санжарбек Ҳолиқулга тикилди.

– Бундай имкониятдан воз кечиб бўларканми?  
– Ҳолиқул мамнун жилмайди. – Маёвкага чиқмаганимга ҳам анча бўлганди.

– Унда қани командир бошланг! – терговчи Яхшиликнинг кўнглига йўл топиш учун атайлаб унга шундай мурожаат қилди.

Чўпон бир терговчига, бир қўраси томонга қараб, эшитилар-эшитилмас «Нима десангиз шу» деди. Сўнг бир нарса ёдига тушди шекилли, қўрага қараб юрди. Шу орада ивирсиб юрган ёрдамчисига нималарнидир тайинлаб, эски хуржунини елкасига ташлаб чиқиб келди:

– Қани кетдик!  
– Яхшилик ака, хуржунингиз намунча зўр, ичидан нима бор? – қизиқсинди Санжарбек.  
– Манзил олис, ука! Ҳар эҳтимолга қарши сув, нон овлодим-да!

Йўлга тушишди. Чўпон олдинда, Санжарбек билан Ҳолиқул сал орқароқда у ёқ бу ёқдан гаплашиб кетдилар. Баланд қоянинг этагига боргандарида бир оз тин олишди.

– Амир Темурам, Мирзо Улуғбегам манов Падаркуш тови орқали Самарқандга ўтишган, – деди Яхшилик қўли билан тепаликни кўрсатиб. – Айтишларича, шу жердан катта карвон йўли ўтган. Соҳибқироннинг жанубга қилган юришларида аскарлар ҳам шу товни ошиб ўтишган. Шунинг учун товнинг беш-олти жерида катта-катта горлар

бўлган. Булардан аскарлар учун истеҳком ўрнида фойдаланилган дейишади. Кейинчалик уларнинг оғзи бекилиб кетган экан.

– Ўхў, тарихчимиз! Буларни қаердан биласиз? – деди Ҳолиқул чўпонга тикилиб.

– Норбўта акадан эшитганман. Раҳматли бунақа нарсаларга тоза қизиқарди-да!

– Нима учун тоғни Падаркуш деб аташган?

– Қайдан билай?

– Балки, Мирзо Улугбек ўғли Абдулатиф томонидан шу тоғда ўлдирилгандир, – Санжарбек мантиқий хulosса чиқарди.

– Бу гапингизда жон бор. «Падаркуш» номи бекорга кўйилмаган бўлса керак... – деди Ҳолиқул ўйланиб туриб.

– Қани эди бу чўққиilarнинг тили-забони бўлса! Қанча-қанча воқеаларнинг шоҳиди бўлган, қанча буюк инсонларни кўрган, – деди терговчи чўққидан кўзини ололмай.

Яхшилик чўпон сал илдамлаб, тепаликдан нималарнидир териб олишга кириши. Ҳолиқул Санжарбекка эргашиб, тоғ этаги бўйлаб оҳиста одимлади.

– Санжарбек, мени кечирасизу, агар сир бўлмаса, ўзи бу тоғлардан нима қидираяпсиз? – ёлғиз қолишганидан фойдаланиб, Ҳолиқул анчадан бери унга тинчлик бермаётган саволни беришга жазм этди. – Ҳар ҳолда маёвка учун келмагандирмиз...

– Ҳолиқул ака, айтайлик сиз Яхшиликнинг ўрнида чўпон бўлсангиз. Кўлингизда бир неча кўза тилла тангалар бўлса, уларни қаерга яширган бўлардингиз?

Терговчининг жавоб ўрнига қандайдир мантиқсиз саволни бергани тадбиркорни баттар тажжублантириди. Шундай бўлса-да, хаёлидан «тилла ҳақида сўраяптими, бу ерда бир гап бор» деган фикр ўтди:

– Демак чўпон бўлсам, шу ерда яшасам, анчагина тиллам бўлса, нима қилишим мумкин? Қаерга яширган бўлардим? – Ҳолиқул ўйланиб қолди. Саволни бир неча марта тақрорлаб, бир қарорга келди шекилли сўз бошлади:

– Мен тиллаларни тоққа кўммаган бўлардим!  
– Нима учун?

– Биринчидан, тоғ узок, бу ерга кўмса, кўммани ҳар куни кузатиб туриш имкони бўлмайди. Одам феъли шунаقا, у тилла турган жойни кўзи билан кўриб туриши даркор. Иккинчидан, зарурат бўлганда қазиб олиш мушкул бўлади. Ундан ташқари қиши пайти бу ерлар қалин қор остида қолади. Икки-уч ой келиб-кетишининг иложи бўлмайди. Бундай «азоб»га одам зотининг бардоши етмаса кераг-ов!

– Лекин анчагина тиллани пастда, қўтонда сақдаш ақдисизлик эмасми?

– Бу нарса ўша чўпоннинг ақл-фаросатига боғлиқ! – Ҳолиқул бу гапни айтишга айтди-ю, унинг бир учи терговчига ҳам тегиб кетиши мумкинлигини ўйламаганидан хижолат бўлиб, хатосини тўғирлашга ҳаракат қилди. – Шунча тилласи бор одам уни қандай яширишни ҳам ўзи яхши билади. Бойлик одамни калласини ҳам ишлатиб юборади...

– Хўш, сиз айтишсанча пастда яширган бўлақолсин! Унда терговчи бўлсангиз тиллаларни қаердан излаган бўлардингиз?

– Унда... унда... – Ҳолиқул бир оз ўйланиб қолди. – Бу жой ҳеч кимнинг хаёлига келмайдиган ва айни пайтда кўзга яқинроқ бўлиши лозим...

– Пастда қўтонни кўрдингиз. У ерда шунаقا жой бор деб ўйлайсизми?

– Масалан, итнинг ини – қулай жой. Тайёр қўриқчиси ҳам бор. Бегонани ёнига йўлатмайди...

– Сиз ҳақсиз! Қойил! Чиндан ҳам итнинг ини ҳар томонлама маъкул жой-ку! Нега бу фикр хаёлимга

келмаганига ҳайронман! Сизга раҳмат! Бари бир ҳаётий тажриба муҳим омил экан-да!

Ҳолиқул бош иргаб, ҳамсуҳбатининг гапини маъқуллаган бўлди. Анча пайт жим кетишиди. Ҳар ким ўз хаёли билан банд эди. Терговчи шу тобда итнинг инидан тиллаларни қандай топиб олиш хусусида бош қотираётган бўлса, Ҳолиқул оддий чўпоннинг шунча тиллани қаердан олган бўлиши мумкинилиги тўғрисида бош қотираради.

– Ҳа, бу тоғларнинг поёни йўқ, – Санжарбек юришдан тўхтаб, бир тепага, бир пастга разм солди.  
– Бу ердан бир-икки хум тиллани ахтариш – уммонда игна излаш билан баробар. Ортга қайтамиз!

Ҳамроҳдарининг тўхтаганини кўриб, чопонининг этагини турфа хил ўтлар билан тўлдириб олган чўпон ҳам етиб келди. Ўтдан саралаб, икки турамини шерикларига узатди:

– Мановдан жеб кўринглар, ажойиб нарса!  
– Бу нима! – деди Санжарбек қўлидаги ўтга тикилиб.  
– Такасоқол! Минг дардга даъво!

Ҳолиқул олдиндан еб кўрган шекилли, ўтни буқлаб оғзига тикиди:

– Озроқ туз бўлганда бундан ҳам мазали бўларди-да!

Санжарбек чўнтагидан дастрўмолчасини чиқариб, ўтни чангдан тозалаган бўлди ва камгинасини оғзига солди, таъми ёқди чамаси, қолган қисмини ҳам паққос туширди...

Қўтонга етиб келишганларида қуёш уфққа ёнбошлиганди. Ҳали қоронғи тушишига камида бир соатча вақт борлиги учун Санжарбек итлар овози чиқаётган ёққа шошилди. Ярми темир сетка билан ўралган инда 4 та бир-биридан баҳайбат ит қўйиб юборса, одамни егудек «вов»иллаб, бегоналар томонга ташланишарди. Яхшилик итларни тинчлантиришга ҳаракат қиласади. Терговчи инга яқинлашди:

– Кечаси күйиб юборасизларми?

– Анов икки бўрибосарни кечда бўштамиз. Авчаркаларни уясидан чиқариб бўлмайди, – деди Яхшилик итларни қўли билан кўрсатиб. – Бўрилар келса, улардан фойда бўлмайди... кўрқиб қолиша-ди бечоралар. Сизам кучукларга қизиқасизми?

Терговчи индамади. У итларни безовталигига аҳамият бермасдан яқинроқ бориб, иннинг ичига назар солди. Сўнг ёнида турган чўпонга деди:

– Яхшилик ака, итларни бошқа жойга кўчириб туришнинг имкони бўладими?

– Н-е-г-а? – чўпон «тушунмадим» дегандай терговчига қаради.

– Биз сал четроқقا бориб турамиз. Сиз уларни бошқа жойга олиб ўтсангиз!

Терговчининг буйруқ оҳангига гапириши ёқ-маётган бўлса-да, чўпон тўмтайиб, инга кирди ва бирин-кетин итларни занжирга боғлаб, олиб чиқа бошлади.

Берган маслаҳати асқатаётганидан гуурланиб, воқеани нарироқдан кузатиб турган Ҳолиқул ёнига Махкамнинг келганини ҳам сезмай қолди:

– Роса мириқиб ухлабман! Ия, Санжарбек яна нима қилмоқчи?

– Итларни инидан бошқа ёқقا кўчираяпти, – деди Ҳолиқул ҳеч нарсани билмагандай совуққон-лик билан.

– Итларни кўчириш кимга керак экан?

– Бошига бирор фикр келган бўлса керак-да!

– Тинчимайдиган бола экан-да! Бўлар-бўлмас нарсага ёпишгани ёпишган!

Ҳолиқул бир хаёл Санжарбекка ўзи маслаҳат бермоқчи бўлганини айтмоқчи бўлди-ю, дўсти-нинг феълини билгани учун сукут сақлашни афзал кўрди. «Жиноятни очиш энди сенга қолдима, тошингни тер!» деса нима деган одам бўлади. Аввал натижка чиқсин. Кейин мақтанса, арзиди.

Маҳкам итхонадан кўзини узмай турган Санжарбекка яқинлашди:

– Хўжайнин тинчлики? Кучук уриштирмоқчи мисиз?

– Ҳа, Маҳкам ака, яхши дам олдингизми? Ёрдамчи чўпонни, Ҳолиқул акани бошлаб келинг! Ит инини кўздан кечирамиз!

– Ҳўп! – Маҳкам ортиқча савол бермасдан ортига қайтди: демак, тиллани итхонадан изламоқчи! Диққатга сазовор! Нега бу фикр олдинроқ ўзининг хаёлига келмади-я! Ёш бўлсаям бало экан!...

Итхона бўшагач, Яхшилик терговчиларни ичкарига таклиф қилди. Қандайдир ёқимсиз ҳид димоққа урилди. Маҳкамнинг пешанаси тиришиб, рўмолчаси билан оғиз-бурнини бекитгунча бир четга ўтиб, нигоҳида хонани кузата бошлади. Санжарбек энгашиб, итхонанинг деворларини, бурчакларини, оёқ остини синчковлик билан кўздан кечира бошлади. Ҳолиқул ҳам аланглаб, хонанинг гоҳ деворига, гоҳ шиптига синчиклаб разм соларди. Икки чўпон икки ёнда ҳамон гап нимадалигини фраҳмлай олмай анқайиб туришарди...

Санжарбек хонанинг у ёғидан бу ёғига ўтиб, роса ҳаракат қилса-да, шубҳали бирор нарса ёки бирор жойни аниқдай олмади.

– Итлар билан асосан ким шуғулланарди? – деди у Яхшилик чўпонга тикилиб.

– Итлар – хўжайнинники. Биз овқат-повқат бериб турдимиз, кечда икки бўрибосарни қўйиб юбориб, саҳарда уларни жойига байлаб қўямиз. Раҳматли итларга теккан одамни ёмон кўрарди.

Демак, тилла ўгу ерга кўмилган. Қани эди темир изловчи мослама бўлган-да! Бирпасда топиб олса бўларди!

– Мана бунга бир қаранг! – хона тўридаги деворга тикилиб турган Ҳолиқулнинг овози Санжарбекнинг хаёлини бузди. Ҳамма ўша ёққа юрди.

– Деворнинг мана бу қисми негадир унинг бошқа қисмидан фарқданиб турибди, – деди Ҳолиқул кўли билан деворда доира ясаб.

Санжарбек яқинроқ бориб, деворга разм солди. Ростдан ҳам 5-6 шлакаблок бошқаларидан ажраблиб турибди. Қалаш учун ишлатилган цементнинг ранги-рўйида ҳам фарқ бордек...

– Деворнинг ортида нима бор? – деди Санжарбек чўпонга қараб.

– Ҳеч нима!

– В-ў-ў-ё-ғ-и м-о-л-х-о-н-а, – деди ёрдамчи чўпон дудуқланиб.

– Илтимос, бирор асбоб топиб келинг, фиштни жойидан кўчириш учун! – Санжарбек ёрдамчи чўпонга юзланди.

– Деворни... бузасиларми? – чўлиқ бир хўжайинига, бир терговчига қараб талмовсиради.

– «Опкел» дегандан кейин опкелмайсанми? Қанақа бефаросат одамсан! – Маҳкам бобиллаб берди.

Яхшилик гарчи бу ҳақорат унинг ёрдамчисига айтилаётган бўлса-да, Маҳкамга егудек бўлиб ёвқараш қилди. Аммо бирор номаъқул сўз айтиб, бошқаларнинг ҳам кўнглини хуфтон қилиб кўйишини фаҳмлаб, ёрдамчининг кетидан ташқарига чиқди. Кўп ўтмай чўпонлар қўлларида лом, болта, белкурак билан кириб келишди. Бир-икки зарба билан шлакаблоклар жойидан қўпорилиб, тандирнинг оғзидай туйнук очилди. Девор орти қоп-қоронғи эди. Кимдир телефонининг чироғини ёқиб, ичкарини ёритди. Бирин-кетин туйнукдан ошиб ўтишди. Икки девор ораси 1,5-2 қулоч торгина йўлакдан иборат эди. Кимдир оёқ остидан эски фонус топиб ёқди. Йўлак ёришиб, тўрдаги бурчакка тахлаб қўйилган беш-олти чоғли ёғоч қутилар ёққол кўринди. Терговчиларнинг ишораси билан чўпонлардан бири бўш қутиларни бир четга

олишиди. Санжарбек күлидаги фонусни күтариб, яшиқдан ҳоли қилинган жойга дикқатини қаратди, оёғи билан пайпаслаб босиб күрди. Нисбатан юмшоқ. Тупрогининг рангидан яқин атрофда қазилганлиги күриниб турибди. Күлида белкурагини ҳозирлаб турган Ҳолиқул терговчининг имоси билан қазишига киришиди. Кимdir кетмон топиб келди... Чамаси түрт-беш қарич қазиганларидан сүнг, кетмон қаттиқ жисмга урилди. Ҳамманинг дикқати ўша ёқса қадалди. Жисм атрофи тупроқдан тозаланганда ўрадаги нарса олтмиш литрлик алюминий бедон эканлиги маълум бўлди. Кўпайлашиб бедонни юзага чиқаришиди... Авайлаб қопқофини очганда барчанинг кўзи чақнаб, оғизлари ланг очилиб қолди... Умри бино бўлиб ҳеч ким бунчалик кўп олтинларни кўрмаган эди...

Бир талай хужжатлар тўлдирилиб, олтинлар тўлиқ саноқдан ўтказилгач, тун ярмидан оққандада ортга қайтишиди. Кун бўйи йўл юриб, толиккан бўлсалар-да, барча хуррам эди. Айниқса, терговчиларга тўғри маслаҳат бериб, шунча хазинанинг топилишига сабабчи бўлган Ҳолиқул ўзини қаҳрамонлардек ҳис этиб кетарди. Аслида терговчиликка ўқишига кирса бўларкан. Ҳар қандай жиноятни қийналмасдан, ички ишонч ёрдамида очган бўларди. Мана ўртоғи Маҳкам – мактабда тузукроқ ўқимаган бўлсаям вилоят прокуратарасида туппа-тузук терговчи бўлиб ишлаб юрибди. Мактабни яхши битирмагани бари бир оёғига бир умр тушов бўлса керак... Лекин дўқ уришни, «сиёsat» қилишни боплади...

Санжарбекнинг хаёлида битта фикр чарх уради: Норбўта чўпон шунча олтинни қаердан олган бўлса! Садоқатнинг гапига ишонадиган бўлсак, унинг бобосидан қолган хазинанинг чўғи унча катта бўлмаган. Ошиб борса бир-икки хумга жойлашиши

мумкин эди. Яна қилич, тақинчоқлар... Тиллалардан бир қисми ишлатилганлигини ҳисобга олинса... бунча қолиши керак эмасди-ку! Ёки Садоқат галирганмикин? Ё Норбүттада оддиндан ота-боболаридан қолган тила бўлганми? Йўқ, йўқ! Садоқатни топгунча, ундай пулдор бўлмагани аниқ. У кейинчалик бойиб кетган. Юриш-туришида ҳам кейинчалик ўзгаришлар пайдо бўлган! Унга қадар ғаригина ҳаёт кечирган... Балки, топилган хазинанинг асосий қисмини хотинидан яширгандир. Йўқ, бу ҳам тўғри келмайди. Ахир улар хазинани бирга қазиб олишган-ку! Балки ўша пайт хазинанинг бир қисмини кавлаб олишган бўлса-чи! Кейинчалик яна қазиб кўрган. Асосий хазинани ёлғиз ўзи қазиб олган ва яширган... Кейин қазиган...

– Тўхтатинг! – Санжарбекнинг қичқириғи ҳаммани чўчитиб юборди. – Ортга қайтамиз!

Машина чийиллаб тўхтади.

– Тинчликми? – Маҳкам кўзларини чақчайтириб, орқага қаради.

– Кўрага қайтамиз!

– Яна нима гап!

– Битта нарса ёддан чиқибди!

– Ярим тунда тентираб нима қиласмиз! Эрталаб-гача жин урмас ўша нарсага! – деди Маҳкам хуноби чиқиб.

– Ҳолиқул ака илтимос, қўрага ҳайданг! – Санжарбек кимга бўларини билмай турган ҳайдовчига юзланди. – Биламан... шу пайтда... лекин бор-масак бўлмайди... Керак-да!

– Керакка терак йиқилибди! Қайт десангиз – қайтдик-да! – Ҳолиқул машинасини изига қайирди. У иддао билан гапирайптими ёки сўзлари са-мимиими англаш қийин эди.

Маҳкам бошқа эътиroz билдиrmади. Хаёлига «бу боланинг калласига яна нима бало келган бўл-

са керак-да!» деган фикр келди. Лекин ўтаётган куни натижаларга бой бўлгани, каттагина бойликни давлат хазинасиغا қайтарилишига эришгани, асосийси топилган хазина учун раҳбарият уни ҳам берабат қолдирмаслигини, ол қулим деса мансаби ҳам ошиши мумкинлигини ўйлаб, жимгина кетишга ҳаракат қилди...

Машина қўрага яқинлашганда Санжарбек олдинга эгилиб, ҳайдовчига «Итхона олдига ҳайданг», деди.

Ҳолиқул тўғри итхона томонга юрди. Машинанинг чироғида ит инида қандайдир шарпа қўрингандай бўлди. Шу пайт икки бўрибосар икки ёндан «вовиллаб» машинага ёпиша кетишиди. Ҳолиқул «Жип»нинг чироғини итхонага тўғирлаб, тўхтатди. Итхона бўм-бўш эди. Машина яқинлашгач, ҳалиги шарпа ҳам ўзини панага одди шекилли, қўринмай қолди. Машинадан тушишнинг имкони йўқ эди. Ҳолиқул бостириб-бостириб сигнални босди. Шундан сўнг чопонининг ўнгирини қоқиб, итхонадан Яхшилик чўпон чиқиб келди. Орқасидан ёрдамчи чўпон кўринди.

– Йиғишир манави аждарларингни! – Маҳкам машина ойнасини бир оз тушириб, бақира кетди.  
– Одамни еб қўяман дейди-я!

Чўпонлар бақириб-чақиришиб итларни олиб кетишиди. То улар қайтиб келгунча, ҳеч ким машинадан тушишга жазм қила олмади. Яхшилик қайтгач, меҳмонлар бирин-кетин машинадан тушишиди.

Санжарбек Яхшиликка яқинлашиб, унинг негадир қалтираб бораётганини ҳис қилди. Чўпон меҳмонлардан яна нима мақсадда қайтиб келишганини сўраштга ҳам ботина олмади. Щунда у ўйлаган нарсаси тўғри чиққанига амин бўлди ва ҳеч кимга қарамасдан итхона томонга юрди. Қолганлар ҳам беихтиёр унга эргашди. Боягина ўzlари очган туйнукдан фонуснинг хира

шувъласи тушиб турарди. Буни күриб, Маҳкам орқасида келаётган Яхшиликка юзланди:

– Ҳа жўра! Бу ерда нима қиласизлар? Тилла изляпсизларми?

– Йўғ-е! К-е-ч бўсаям... чуқурни... ҳалигидай... кўмиб ташламоқчи...

– Эрталаб кўмса бўлмасмиди? Тинчмайсанларда...

Туйнукдан ўтишиб, чуқур томонга юриди. Санжарбек қўлидаги фонусни кўтариб, хазина чиққан чуқурга диққат билан разм солди. Ўра қисман кўмилган бўлса-да, лекин икки ён томонга кенгроқ қазилганини шундоққина кўриниб турарди. Буни Маҳкам ҳам, Ҳолиқул ҳам фахмлади шекилли, бараварига орқада иштонини хўллаб қўйган боладай дир-дир титраб турган Яхшиликка қараши.

– Ҳа чўпон! Бойигилари келиб қолдиларми? Бир танга бўлсаям тилла топтиларми? Қойил-эй!

– Мен ўрани... кўмиш учун...

– Кўмсанг, кўмда ташла! Юмронқозиққа ўхшаб қазиб ташлабсан-ку!

Санжарбек «бас» дегандай ҳамкасбига маъноли қарашиб қилди. Сўнг индамай оёқ остида ётган кетмонни олиб, бир сакраб чуқурга тушди ва қазишга тушди. Тупроқ ҳозиргина кавланиб, қайта кўмилгани учун юмшоққина эди. Бирпасда олдингисидан икки баробар келадиган ўра ҳосил бўлди. Бир маҳал кетмон тақиллаб, нимагадир урилди...

Иккинчи бедондан ҳам аввалгисидан кам бўлмаган тилла, тангалар, заргарлик буюмлари борлиги маълум бўлди...

Тонгга яқин хайрлашиш олдидан анчагина ўзини босиб олган Яхшилик Санжарбекни чеккароқча тортиб деди:

– Ука узр! Силар кетгандан сўнг манов ёрдамчим ўлгур «юринг қазиб кўрайлик, бирорта танга-панга тушиб қолгандир» деб қўймади. Менгина

ўлгур шайтон васвасасига учиб, шартта кўнибман-да! Ковлаб, энди бедоннинг учи кўринганда яхшиям силар кеп қолдинглар!

– Яхшилик ака, сиз самимий ва ҳалол одамсиз! Хазинани топиб олганларингизда ҳам бизга хабар бермоқчи бўлгансиз. Шундайми? – терговчи чўпонга кулимсираб қараб, елкасига уриб кўйди. – Сизлар катта ёрдам қилдингизлар! Раҳмат! Энди бизга жавоб! Ҳа айтгандай, у хонани муҳрлаб кўйдик. Хонани маҳсус асбоблар ёрдамида текширувдан ўтказишимиз лозим. То биздан маҳсус рухсат бўлмагунча у ерга ҳеч кимни қўйманг! Келишдикми?

– Келишдик! – чўпон елкасидан оғир юк тушгандай енгил нафас олди...

Йўл-йўлакай Санжарбек Фахриддин Каримовичга, Маҳкам вилоят прокурори ўринбосарига бўлиб ўтган воқеалар хусусида ахборот берди. Топилмани вилоят прокуратурасида қолдириб, меҳмонхонага келгандарида тонг ёриша бошлаганди...

Санжарбек бир оз бўлса-да ухлаб олишга ҳаракат қилди. Лекин кўзларига уйқу келмади. Ҳаёллари чувалашиб кетди: Норбўта чўпон бунча олтинни қаердан олган бўлиши мумкин? Садоқатнинг бобосидан қолган хазинанинг бунчалик чўғи баланд бўлмаган. Бундан келиб чиқди чўпон яна битта қўмма топган кўринади. Балки Садоқатнинг бобоси қолдирган хазинанинг давоми бўлгандир?! Кейинчалик чўпон ўша олтинларни излаб топган ва ҳеч кимга сездирмасдан яширган. Ёки Садоқат ёлғон гапириб, бизни чалғитмоқчи бўлаяптими? Нима сабабдан? Бундан унга нима наф? Менимча, у ёлғон гапирмаган. Бундай ҳолатда шунча тилла қаердан пайдо бўлди? Бу ерда бир сир борга ўхшайди. Чўпоннинг ўлими шу олтинларга боғлиқ эмасмикин? Бўлиши мумкин! Нима бўлганда ҳам масала тобора чуқурлашиб бормоқда... «707»

рақамли «Жип» эгасини топиш имкони бўлармикин? Калаванинг учи шу машинага бориб тақалармикин? Бу томонда Ҳикмат деганлари...

...Гўри Амир мақбараси ёнида тумонат одам тўпланган. Ўша ёққа юрди. Ичкаридан шоҳона либосда юз-кўзларидан нур ёғиб турган бир киши чиқди. Чехраси танишга ўхшайди. Ким бўлди экан бу муборак зот! Ҳамма таъзим бажо қилишди. У ҳам хиёл энгашиб, қўлини кўксига қўйганча салом берди. Ҳалиги киши бир сўз демасдан атрофдагиларни кузата бошлади. Нигоҳларининг ўткирлигини қаранг! У ҳам ўғринча муборак зотга разм солди... Ҳақиқатда жуда таниш... Мирзо Улуғбекка ўхшайдими? Ҳа, ҳа ростдан ҳам Улуғбек Султоннинг ўзлари! Юраги энтикиб, негадир кўзларida ёш қалқиди. Ахир шундай буюк олимни, 40 йил Мовароуннаҳр таҳтини адолат ва маърифат ила бошқарган шоҳни ёнгинасидан кўриб туриш баҳтига муяссар бўлиш ҳар кимга ҳам насиб этавермайди-ку! Аммо... у 1449 йилда ўғли Абдулатиф томонидан ўлдирилмаганмиди?

Шу пайт Улуғбек Мирзо уни ёнига чорлаб қолди. Аввалига қўрқиб кетди... Сўнг кимнинг ҳузурида эканлиги ёдига тушиб, ўзини босиб олди. Одамлар орасидан ўтиб, шоҳга яқинлашди.

– Ўғлим! Мен шунчак йиллардан буён сени муштоқ кутдим. Таnlаган йўлинг ҳақ ўйл. Яна жиндек ҳарракат қилсанг, иншооллоҳ муродинг ҳосил ўлғай! Маним эса бобом Соҳибқирон Амур Темур олдида юзим ёруғ бўлғай! Фақат сен...

Телефон қаттиқ жиринглади. Санжарбек сапчиб ўрнидан туриб кетди. Атрофга аланглади. Улуғбек Мирзо... одамлар... Гўри Амир мақбараси... Телефоннинг овози ўчиб, бирпастдан сўнг яна ёқимсиз жиринглашга тушди. Истар-истамас гўшакни кўтарди:

– Эшитаман!

– Санжарбек яхшимисиз! Узр, уйғотиб юбормадимми? – Фахриддин Каримовичнинг овози эшитилди.

– Йўқ, раҳмат! Кечаси бир оз... кечроқ... саҳар пайти қотиб ухлаб қолибман!

– «Жип»лар хусусида жавоб олдик: Тошкент шаҳрида 504 дона «707» рақамли автомашина бўлиб, шулардан 156 таси «Жип» русумли экан...

– Ўхў! Қора ранглиси қанча экан? – деди Санжарбек ҳайратини яшиrolмай.

– Қора ранглиси бор-йўғи... 79 тагина экан.

– Вой-бўй, роса кўп экан-ку!

– Энди Самарқанд вилоятига келсак, шунаقا рақамли машиналар сони 456 та экан. Шундан қора «Жип»лар сони 67 тани ташкил этаркан. Биз уларнинг тўлиқ рўйхатини олдик. Улар устида ишлашни бошладик... Сизда нима гаплар?

– Хазинани бугун банкка сақдаш учун топширамиз. Тиллоларнинг қайси даврга тегишилиги бўйича мутахассислар холосасини олишимиз керак!

– Яхши! Қаршида малакали мутахассислар бўлмаслиги мумкин. Мутахассисни бу ёқдан юборишга ҳаракат қиласман. Йигитлар сизга алоқага чиқишиади.

– Раҳмат устоз! Ҳали... – Санжарбек яна нимадир демоқчи бўлиб, чайналди. – Устоз, минг бор узр-куя... ҳали бу ерда анчагина бўладиган кўринамиз. У ёқда келинингиз... оғир оёқ дегандай...

– Сизни тушундим. Ишлар сал енгиллашсин, келинни кўришга бориб келасиз. Ҳозирча амаллаб туришсин! Келишдикми?

– Келишдик! – деди Санжарбек масалани номаврид кўтарганидан хижолат чекиб.

Телефонни стол устига кўяр экан, соатига қарди – 07.12. Икки соат ухлабди. Кўрган туши ёдига тушди. Тавба, одамнинг тушига нималар кирмай-

ди-я! Улугбек Мирзо билан гаплашдими? Ҳа, ҳа унинг ўзи эди. Нима деганди-я!... «Шунчак йилдан бери сени кутдим» дедими? «Ҳақ йўлни танлабсан, яна озроқ ҳаракат қиласанг, муродинг ҳосил бўлади» деганда нимани назарда тутган бўлса? Жиноятнинг очилишини башорат қилдилармикин? Йўғ-е, шундай буюк инсоннинг қаердаги бир чўпоннинг қотиллик жиноятига қанақа алоқаси бўлсин! Унда нима демоқчи? «Менинг Амур Темур бобом олдида юзим ёруғ бўлади», дегани нимани англатса экан? Бу улуғ зот нимага шаъма қилмоқда? Қизиқ, жуда қизиқ! Устозга айтсам бирор маслаҳат берган бўлармиди? Йўқ, йўқ, айтмагани маъқул бўлди, ҳар дамгидек устидан кулган бўларди. У киши бунақа нарсаларга ишонмайди. Тушингни сувга айт дейишади: «Подшоҳни тушда кўриш хайрли» деб эшитган жойи бор. Ишқилиб ҳаммаси хайрли бўлсин-да!...

\* \* \*

Фахриддин Каримович ички ишлар бошқармаларидан олинган маълумотларни таҳлил қилас экан, негадир Самарқанд вилоятидаги «Жип»лар рўйхатига дикқатини қаратди: Наҳот битта вилоятда бир хил рақамли, бир хил русумдаги машиналардан 67 та бўлса! Булардан қай бири ўша мудҳиш кунда Ҳазрати Баширга борган экан-а! Балки бу тасодифдир. Норбўта чўпонга умуман алоқаси йўқдир. Балки... Аксинча бўлиши ҳам мумкин-ку! Наҳотки шулардан бири қотил бўлса? Унда қай бири? Рўйхатдагилардан 12 таси аёл киши экан. Уларни гумондорлар сафидан чиқариш мумкинми? Йўқ, йўқ! Булардан ҳеч бирини шубҳадан ҳоли деб бўлмайди. Машина аёл кишининг номида бўлса-да, уни эркак киши ишончнома асосида бошқариб юрган бўлишиям мумкин...

Эшик тақиллаб, хонага Аваз кириб келди:

– Мумкинми?  
– Марҳамат келинг! Нима гаплар!  
– Қарши давлат университетидан жавоб олдик,  
– изкувар кўлидаги қоғозни терговчига узатди. – Ҳикмат Юсупович ҳеч қанақа семинарда қатнашмаган экан. Лекин 4 марта семинарда иштирок этгандилиги ҳақида хизмат сафари расмийлаштирган.

Терговчи қоғозга кўз югуртириб чиқиб, Авазга юзланди:

– «Ҳеч қандай халқаро семинар бўлмаган» денг. Демак, бу бир баҳона бўлган! Норбўта билан учрашиш учун борган! Балки Қаршида бирорта шериги бўлгандир...

– Шу «кал» менга бошиданоқ ёқмаганди! Унда қандайдир носамимиликни сезгандим. Ўзини сипойи қилиб кўрсатса-да, бинойидек муғамбир...

Фахриддин ўз хаёллари билан бўлиб, изкуварнинг гапларини эшитмади: наҳотки шу йигит қотил бўлса! Бир неча тилни биладиган, иқтидорли, олим одам-а! Сира ишонгинг келмайди! Аммо... мол-давлат, зебу зийнат ҳар қандай одамни динидан чиқариши, разиллик гирдобига итариши мумкин. Яна гап ўша олтинларга бориб тақалади шекилли. Лекин Норбўтанинг тиллалари топиди-ку! Балки тиллаларни топиб бермагани учун чўпоннинг бошига шу кунлар тушгандир. Бўлиши мумкин. Ҳикмат чўпон билан яқиндан таниш бўлган. Ундан қадимий китобларни сотиб олган. Чўпон ўзида тиллалар ҳам борлиги тўғрисида мақтанган. Ёки тиллаларнинг нарх-навосини суриштирган. Бу маълумот Ҳикматнинг тинчини бузган...

– Мен кетаверайми? – Аваз чуқур ўйга толган терговчининг фикрини бўлмаслик учун оҳиста гапирди.

– Яхши, яхши! «Жип»лар тўғрисида маълумот тўплашни тезлаштиринглар. Ҳеч нарса эътибор-

дан четда қолмасин. Кечқурун йигитларни түпланг, гаплашиб оламиз.

Орадан хийла вакт ўтар-ўтмас чор тарафдан маълумотлар ёғилиб кела бошлади. Фахриддин ҳар бир ҳужжатни қунт билан ўрганиб чиқар, нималарнидир ёзиб-чизарди. Кечга бориб барча «Жип» эгалари, уларнинг машғулоти, қизиқишилари, яқин қариндошлари, оилавий шароити, мулкий аҳволи, судланган-судланмаганлиги ҳақидаги маълумотлар жамланди. Терговчи уларнинг ҳар бирини дикқат билан ўрганиб чиқар экан, ногаҳон битта ҳужжат дикқатини тортди... Давлат рақами 707 СА «Prada» русумли автомашина соҳиби Абдуллаев Тальят Халилович, дастлаб «Олмос» дўконида сотувчи, кейинчалик фирма раҳбари бўлиб ишлаган, муқаддам ўзганинг мулкини талон-торож қилганлиги учун жиёний жавобгарликка тортилган... яқин қариндошлари – отаси Абдуллаев Халил, савдо ходими, 1989 йилда вафот этган. Онаси уй бекаси, мархума. Опаси Абдуллаева Раиса Халиловна «Билур»...

Фахриддин тилла топган одамдай суюниб ўрнидан туриб кетди... Бу ўша! Вой кампиршо-эй! Шунча давлати камлик қилибди-да! Янада бойигилари келиб қолибди-да! Ҳайҳотдай тилла дўконнинг эгаси бўла туриб... Наҳотки туппа-тузук аёл, қуда-андали одам, бойлик йўлида қотилликка қўл урган бўлса! Ишониш қийин... Чўпон бир неча марта тилла тангаларни дўконга топширгач, Раисанинг фикри айнигана. Чўпонни даф қилиб, олтин тангаларни осонгина қўлга киритиш пайига тушган. Бунда ишончли ҳамкор керак бўлади. Укаси айни у ўйлаган одам. Ҳам ишончли, ҳам қулай. Бегона одам кун келиб, сотиб қўйиши мумкин. Тальят қамалиб чиқсан, ҳеч нарсадан тап тортмайди, оғзи ҳам маҳкам... Вактни бой бермаслик керак! Ҳойнаҳой ўзлари тўғрисида маълумот йигилаётга-

нини сезиб қолиша, опа-ука жуфтакни ростлаб қолишлари мумкин.

Фахриддин шитоб билан ўрнидан туриб, телефон гүшагини кўтарди ва таниш рақамларни терди:

– Ало, Тоҳир Фофурович, ассалому алейкум!

– Салом! Фахриддин Каримович, нима гап, янгилик борми?

– Тоҳир ака, «Жип»ларга доир маълумотларни ўрганиш жараёнида бир нарса чиқиб қолди...

– Хўш, хўш!

– Бизнинг дикқатимизни тортган қора «Жип»лардан бири «Билур» заргарлик дўкони эгаси Раиса Халиловнанинг укаси Талъат Абдуллаевга тегишли эканлиги аниқланди...

– Ана буни янгилик деса бўлади! – деди Бош прокурор ўринбосари қувончини яшиrolмай. – Ким экан у шоввоз?

– Савдо ходими, муқаддам ўзганинг мулкини жуда кўп миқдорда талон-торож қилганлиги сабабли судланган...

– Нима қилмоқчисиз?

– Қўлга олиб, уйида тинтуб ўтказиш...

– Тўғри қиласиз! Опа-уканинг уйида бир пайтда тинтуб ўтказиш лозим. Қамоққа олиш масаласини тинтуб натижасига қараб ҳал этган маъқул. Мен вилоят прокурорига тайинлайман. Нима ёрдам керак бўлса, тортинмай айтаверинг!

– Тушунарли! Натижалари тўғрисида сизга ахборот бериб бораман!

– Фахриддин Каримович... эҳтиёт бўлинг! – Тоҳир Фофуровичнинг сўз оҳангига раҳбарнинг ўз ходими учун ташвишидан кўра отанинг фарзанди учун хавотирини англаш қийин эмасди. – Ҳар ҳолда тиллафурушлар билан ишляяпсиз... Улардан ҳар нарса кутиш мумкин...

– Тоҳир ака, раҳмат! – Фахриддин бошқа гап айтолмади. Ҳаёлидан «Устоз яхши одам-да! Шунча

ташвиши бошида бўла туриб, бизниям ғамимизни ейишдан толмайди, оталарча ғамхўрлик қила-ди-я!» деган фикр ўтди...

Опа-ука Абдуллаевлар хонадонида ўтказилган тинтувуда Норбўта чўпоннинг ўлимига даҳлдор далий ашёлар топилмади. Шундай бўлса-да ҳар эҳтимолга қарши Талъатни гумондор шахс сифатида ушлаб туришга қарор қилинди. Раиса эса очикда қолдирилди. Энди терговчилар олдида ўта муҳим масала – 72 соат ичидаги гумондорнинг жиноятчи эканлигини исботлаш, акс ҳолда ундан кечирим сўраб, озод қилиш вазифаси турарди.

Бошида Талъат Норбўта чўпонни танимаслигини, Ҳазрати Башир қишлоғига умуман бормаганлигини, машинасини бирор кимсага бошқариш учун бермаганлигини айтиб, терговни чалғитишга ҳаракат қилди. Шунда Фахриддин Каримович тегишли мутахассисларни ишга жалб қилиб, Талъатнинг «Жипи» фидиракларига ҳашам учун маҳсус ясатиб қўйилган кўлбола қопқоқлар билан Шеркул бобо топиб олган фидирак қопқофининг бир хиллиги (бир комплектга мансублиги) бўйича техник экспертиза ўтказди. Мутахассислар Талъатнинг машинаси фидиракларидаги З та қопқоқ билан Ҳазрати Башир қишлоғи атрофига топилган қопқоқ айни бир хиллигини, машинанинг тўртингчи фидираги қопқори эса бошқа комплектга мансублигини аниқлашди. Фақат шундан сўнггина ушлаб туришнинг учинчи куни Талъат «ёрилди». У экспертиза холосаси билан танишиб чиққач, стол устидаги қопқоқни қўлига олиб, гапни узоқдан бошлади:

– Ҳазрати Баширдан қайтиб келгач, эрталаб машинамнинг одд фидираги қопқори йўқлигини кўриб қоддим. Узоқ тоғ йўли, бирор жойда илкисдан тушиб қолгандир-да деб ўйладим. Аммо уни бирор кимса топиб олиб, ўзимга қайтариши-

ни сирайм хаёлимга келтирмагандим. Дунёнинг ишларини қаранг-а!

– Демак, 28 апрел куни Ҳазрати Баширга борганилгингизни тан оласиз! – терговчи саволини такрорлади.

– Бахтга қарши шундай! – Талъат чукур «уф» тортди. – Энг ёмони сизлар менинг гапларимга ишонмасликларингиз мумкин...

– Сиз ҳақиқатни сўзланг! Ишониш-ишонмаслик бизнинг ишимиз! Ростини айтсангиз, бизнинг ҳақиқатни аниқлашимиз шунча осон кечади.

– Фақат бир нарсани айтиб қўяй: Норбўта чўпонни мен ўлдирганим йўқ! Бундай ниятимам бўлмаган!

– Яхши, яхши! Ҳали ҳеч ким сизни одам ўлдирганинда айблаётганим йўқ. Айбиззлик президумцияси деган қоида бор. Сиз ҳаммасини бир бошидан, батафсил гапириб беринг! Айбингиз бўлмаса, сизни ҳеч ким бунда ушлаб туролмайди. Сизга ишонмасликка ҳаққим йўқ. Фақат сиз ҳам очик-часига гапиринг, бизни чалғитишга ҳаракат қиласлигингиз лозим! – Фахриддин ҳамсуҳбатининг ҳаяжонини босишга ҳаракат қилди.

– Ўша чўпонни биринчи марта Раиса опамнинг дўконида кўрган эдим, – ўзини бир оз босиб олган йигит секин гап бошлиди. – Унинг икки-уч марта дўконга тилла тақинчоқлар, тангалар топширганини опамдан эшитган эдим. Бир куни дўконга борсам опам бир қишлоқи киши билан гаплашиб турган экан. Ҳаёлимга опам айтган чўпон келди. Ўзимни телефонда гаплашгандек тутиб, сал нарида уларнинг гапини эшитиб турдим. Гап авзойидан шу куни ҳам чўпон унча-мунча тилла топширганини билдим. Опам ярми ҳазил, ярми чин қилиб «ҳали тилла тангалардан анча борми, қаердан ола-япсиз ўзи буларни, банк-панкни урмаяпсизми?»

деб сўради. Чўпон кулимсираб, «унчалик... эмас, бовомдан мерос қолган!» дея жавоб берди. Опам «майли қолганларини ҳам бегона қилманг, сиз билан родной бўлиб қолдик!» деди. Чўпон «Опажон, биз Сиздан бошқасини тан олмаймиз!» деди шилқимланиб.

Шу кундан тинчим бузилди. Чўпоннинг бобосидан қолган олтинлари хаёлимни буткул ўғирлади-кўйди. Қандай қилиб бўлмасин шу олтинларни қўлга киритиш режасини туза бошладим. Опамга билдирамасдан дўконидаги кирим китобидан чўпоннинг манзилини топдим. Телефон рақамини олдим... Бу ишни бир ўзим эплашим қийин эди. Шу сабабли шерик ахтардим. Ниҳоят ёшлиқдан бирга ўсган дўстим Шодиёрни кўндиридим. У спорт билан шукулланиб юрарди. Оғзи ҳам берк. Мен тузган режага кўра, чўпонга опамнинг номидан телефон қилиб, қўрасида учрашув тайинлашимиз, унга олтинлари учун одатдагидан икки баробар ҳақ ваъда қилиб, каттагина мўмай хазинага эга бўлишимиз, пулини эса олтинларни сотгач, беришга чўпонни кўндириб, жуфтакни ростлашимиз лозим эди. Чўпон бизни органга ёзib бермаслигига ишонардик...

Бошида ҳаммаси биз ўйлагандек хамир ичидан қил суургандек силлиқ кетди. Шодиёр Раиса опамнинг номидан чўпонга телефон қилиб, «бизга срочно икки юз дона тилла танга керак» деди. Чўпон тўртбеш кунда ўзи уларни дўконга олиб келишини билдириди. Аммо бизга бунақаси тўғри келмасди. Мабодо опам бу ишимииздан хабар топиб қолса, режамиз чиппакка чиқиши тайин эди. Опамдан нақ балога қолардим. Шу сабабли икки баробар ҳақ тўлашга рози эканлигимизни айтиб, оққўнгил чўпонни кўндиридик. У бизни қўтонида кутадиган бўлди. Биз унга ҳар эҳтимолга қарши ўша куни қўтонда бегона кўзлар бўлмаслиги лозимлигини уқтиридик. Чўпон

«хавотир олманглар, ўша куни ишчиларимга жавоб беріб юбораман», – деди.

Келишилган пайтда менинг машинамда йўлга отландик. Қоронги тушганда қўрага кириб боришимиз лозим эди. Кечки соат тўртларда шаҳардан чиқиб, тоғ оша Китоб туманига ўтдик. Сўраб-сўраб Ҳазрати Башир қишлоғини топдик. Бир оз вакти-миз борлиги учун Башир ота зиёратгоҳини томошаша қилдик. Қуёш уфқقا бош қўйганда қўтон томонга юрдик. Чўпон менга қўрага борадиган йўлни аниқ тушунтирган экан, адашмасдан манзилга етиб келдик. Қўра жимжит эди. Итларнинг хуришидан бошқа сас эшитилмасди. Машинани чеккароқда қолдириб, уй томонга юрдик. Хона эшиги ланг очиқ эди. Чўпоннинг отини атаб, бир-икки чақирдик. Ҳеч қандай садо чиқмади. «Балки чарчаб ухлаб қолгандир» деган хаёлда хонага кирдик... подда бир одам юзтубан ётарди. Маст бўлса керак деб ўйладик. Лекин у жонсиздай эди. Мен қўрқиб кетдим. Шодиёр бояги одамга яқин бориб, сёкин энгашиб, бармоғини бўйнига текизди... Аммо бирдан худди яшин ургандай қўлини тортиб олиб, «Ўлипти! Бу ловушка» деди. Иккимизнинг ҳам эсимиз чиқиб кетди... Тузоқقا тушган қушдай питирлаб, нима қилишимизни билмай қолдик. Кинолардагига ўжшаб ҳозир ортимиздан милиция ходимлари кириб келадигандай эди.

– Балки нохосдан юраги тўхтаб қолгандир, – дейман мен жавдираф.

– Томоғига кўзинг тушмадима, кўкариб кетган-ку! Бўғиб ўлдиришган, – дейди Шодиёр билағонлик қилиб.

– Ким ўлдирган бўлса?

– Ким билади?! Агар бу ердан тезроқ кетмасак, аниқ биз ўлдирган бўламиз!

Боядан бери бошимда чарх ураётган фикрни шеригимдан эшитиб, баттар эзилдим. Бойлик

орттириш мақсадида бошлаган ишімдан минг бир пушаймон бўлдим... Ташқарига отилдик. Шодиёр ортга қайтиб, қўл изимиз тушган жойларни артиб чиқди. Ортга қайтдик. Машина изи қолишидан хавотирда эдик. Баҳтимизга ёмғир қўйди. Шовуллаб ёғаётган жала изларимизни бекитгандай эди...

Талъат жимиб қолди. Фахриддин ҳам гумондорнинг фикрларини жамлаб олишига изн бергандай бир муддат жим турди. Сўнг босиқлик билан сўз қотди:

– Ҳа, иккимизнинг ҳам ахволимизга ҳавас қилиб бўлмайди. Сизга ўзингизнинг айбисизлигинизни исботлаш қанчалик мураккаб бўлса, менга ҳам сизнинг айдорлигингизни исботлаш шунчалик қийин кечади.

Талъат терговчидан бундай гапни кутмаган шекилли унга ҳайрат билан тикилди. У терговчи ҳозир ўрнидан газаб билан туриб, уни итдан баттар қилиб сўкади, ҳақорат қиласди, «чўпонни сен ўлдиргансан, яхшиликча бўйнингга ол, акс ҳолда умрингни қамоқда чиритаман» дея роса бақирса керак деб ўйлаганди. Йўқ, адашган экан. Ундан бўлиб чиқмади. Терговчи ўзини унга хайриҳоҳдай тутаяпти. Негадир у ҳамма терговчиларни сержаҳд, тили заҳар, одамни қамашдан бошқага ярамайдиган кишилар деб ҳисобларди. Бу одам терговчига ҳам ўхшамайди-я! Тавба...

– Сизлар ўзларингизнинг жиноий режаларингиз ҳақида бирор кимсага айтганмидингизлар? – терговчининг саволи Талъатнинг хаёlinи бузди.

- Йўқ, ҳеч кимга айтмаганмиз!
- Балки Шодиёр айтгандир!
- Йўқ, бўлиши мумкин эмас. Унинг оғзи маҳкам!
- Балки сизга ўхшаб бирор кимса бехосдан сизларнинг гурунгларингизни эшитиб қолгандир.
- Бунақа бўлиши эҳтимолдан йироқ!

– Сизлар мурдани күрган бириңчи гувоҳсизлар, айтинг-чи майит қай ҳолатда ётган эди? – терговчи гапни бошқа ёқقا бурди.

– Юзтубан ерга қараб ётганди. Соғ одам бундай ётмайди. Мен дастлаб маст бўлса керак деган фикрга бордим.

– Унда сиз майитнинг Норбўта чўпонга тегишли эканлигини қандай билдингиз?

– Шодиёр унинг бўйин томирини ушлаб кўриб, юраги урмайтганини, нафас олмаётганини, аллақачон ўлганлигини билди. Менимча, ўша пайтда унинг юзига кўзим тушди. Дарров танидим.

– Майли сизларнинг чўпоннинг ўлимига алоқаларингиз йўқ деб ҳисоблайлик, унда нима сабабдан қотиллик тўғрисида ҳуқуқ-тартибот идораларига хабар қилмадинглар? – терговчи жиҳдийлашди.

– Ким бизга ишонарди! Унда бизни қамоққа тиқишиарди. Асосийси бизда бу жиноятни содир қилмаганилизни тасдиқловчи далил йўқ эди. Ҳамма нарса бизга қарши эди. Шунинг учун қўрқдик.

– Унда нима сабабдан чўпоннинг мулкини фирибгарлик йўли билан ўзлаштиromoқчи бўлганликларингизни, яъни бошқа бир жиноятни осонликча тан олдингиз?

Талъат бир оз сукут сақлаб, сўнг оҳиста жавоб қайтарди:

– Гарданилизга қотиллик жиноятини осмасингиздан, бор ҳақиқатни айтишга мажбур эдик. Ҳазрати Баширга борганилиз аниқ бўлгандан кейин сизга «Норбўта чўпонни соғиниб, кўришга бордим» десам ишонармидингиз?

– Фикрлашингиз чакки эмас! Лекин барι бир сизни вақтингча ушлашга мажбурмиз, – терговчи ўрнидан қўзғалди. – Сизга ўйлаб кўришга, бизга текшириб, масалага ойдинлик киритиш учун 72 соат вақт берилади.

– Айбимизга яраша жазо олишга тайёрмиз! Фақат пешанамизга қотиллик тамгасини ёпиширмасангиз бас! – Талъат беўхшов илжайди.

– Ҳар ким қиласишига яраша жазосини олади. Ҳеч ким беайб жазога тортилмайди. Бундан хавотир олманг! – Фахриддин ёрдамчисига ҳужжатларни тегишли тартибда расмийлаштиришни тайинлаб, Фарҳод Шириновичнинг хонаси томонга юрди...

Шу куннинг ўзида ўтказилган сўроқ давомида Раиса Халиловна ҳам, Шодиёр ҳам Талъатнинг кўргазмаларини тасдиқдашди. Шодиёр ҳам гумондор сифатида ушланди...

Фахриддиннинг боши қотди: бу ёғи қандоқ бўлди! Уч одам қамоқда. Лекин уларнинг бу қотилликка алоқалари борми-йўқми буниси номаълум. Иш кундан-кунга чигаллашиб бормоқда! Бу томонда Ҳикматнинг сирли қиласишилари... Бу томонда Талъат билан Шодиёрнинг «эртаклари»... Хўш, улар чўпонни ўлдириши мумкинми? Назарий жиҳатдан – ҳа! Айтайлик, бошида уларда чўпонни гумондон қилиш режаси бўлмаган. Лекин Норбўта шунча тиллани қарзга беришга унамаган. Пулини беришни талаб қилган. Албатта шоввозларнинг чўнтағида шунча пул бўлмаган. Нифоқ келиб чиққан. Йигитларга осонгина бойиш нияти тинчлик бермаган. Мўмайгина бойликини ташлаб кетиш оғиздаги суюкни олдириш билан баробар бўлмайдими? Чўпон ҳам паст келмаган. Қаттиқ қаршилик қилган. Жиноятчиларнинг чўпонни ўлдирищдан бошқа чоралари қолмаган! Жиноят жойида бўлишганлиги фош бўлгач, ноилож жиноятини қисман бўйнига олишмоқда. Қотилликдан кўра фирибгарликда айбланиш енгилроқ-да! Лекин Талъатнинг кўргазмалари Шодиёрникига айнан мос келганини қандай тушуниш мумкин? Балки улар қўлга тушишларини олдиндан сезиб, тил биритириб олишгандир. Балки айтганлари ростдир...

\* \* \*

Воқеаларнинг бундай ривожи Фахриддин Каримовични Санжарбек ва Маҳкамни Самарқандга қақиришга мажбур этди. Тергов гуруҳи иккига бўлинган ҳолда ишга киришди. Биринчи кичик гуруҳ Ҳикмат ва унинг сирли китоблари билан, иккинчи гуруҳ Талъат ва унинг шериги билан шуғуллана бошлади. Вақт зиқ эди. Қонунда кўзда тутилган 72 соатлик ушлаб туриш муддатининг ўтиши нафақат гумондорларни кўйиб юбориш, балки жиноят излари ва далилларни йўқ қилиш, гувоҳларни бартараф этиш, терговни чалғитиш учун замин яратиши мумкин эди. Терговчилар кечани-кеча, кундузни – кундуз демасдан ишлар, ҳар бир тахмин, ҳар бир ҳолатни чукур таҳлил қилишар, ҳужжатларни ўрганишар, турфа ахборот ва маълумотларни тадқиқ қилиб, тегишли холосалар чиқаришдан чарчашмасди. Аммо, барча чиранишлар бефойда кетарди. Гёёки ишни тергов қилганлари сари ҳакиқат улардан узоқлашиб кетаётгандай, бошида оддийдек туюлган қотиллик ўта мавхум, сирли жумбокқа айланиб бораётгандай эди...

Фахриддин Ҳикматни қанчалик яқиндан билгани сари унинг анчагина пухта ва уддабурон, билими ва зукко, айни пайтда пул учун, мол-давлат учун ҳеч нарсадан тап тортмайдиган одам эканлигини ҳис қиласди. У ҳар қандай вазиятдан устамонлик билан чиқиб кетишини уddyалар, кўққисдан берилган мураккаб саволларга ҳам ҳозиржавоблик билан маънили жавоб қайтаришни эпларди.

Терговчиларнинг «Қарши шаҳрига нима мақсадда боргансиз, нима сабабдан аслида бўлмаган конференцияга бориш учун хизмат сафарига қалбаки ҳужжат расмийлаштиргансиз?» деган саволларга ҳеч иккиланмасдан Қаршига ўз юмуши билан борганини, курсдош дўйстларининг тадбирида қатнаш-

ганлигини, иш жойдан жавоб олиш учун унинг илти-  
мосига кўра дўстлари конференцияга сохта таклиф-  
нома тайёрлаб берганлигини, айбига икрорлигини,  
чин кўнгидан пушаймонлигини, давлатга етказил-  
ган зарарни тўлашга тайёр эканлигини билдири. Унинг кўрсатмаларини Қарши шахридаги Эркин,  
Чоршанби исмли ўртоқлари ҳам тасдиқлашди.

Ҳикматдан олинган китобларни ўрганиб чиққан Камолхон Каттаев раҳбарлигидаги олимлар гуруҳи тайёрлаган хulosада кўлёзмалар чиндан ҳам қадимий ва ноёб эканлиги, улар бир пайтлар йўқо-  
либ кетган Амир Темур кутубхонасига тегишли бўлиши мумкинлиги, мазкур дурдона асарларнинг топилиши фанда оламшумул янгилик сифатида баҳоланиши лозимлиги қайд этилганди.

Фахриддин хulosани диққат билан ўқиб чиқар экан, тергов қилаётган иши бўйича силжиш бўл-  
маса-да, ҳар ҳолда илму фанга нафи текканидан қалбida қандайдир қониқишиш пайдо бўлганини ҳис қилди. Кўлёзмаларнинг қимматини теранроқ анг-  
лаш ва бу билан ўзининг илмга кўшаётган хизмати салмоғини билиш мақсадида кечки пайт суҳбатга гуруҳ раҳбарини таклиф этди.

– Камолхон ака, мен хulosangизни диққат билан ўқиб чиқдим. Бу китоблар чинданам шунчалик ноёб ва қадимийми? – терговчи атайлаб ҳамсуҳба-  
тини мунозарага чорлади.

– Нимасини айтасиз Фахриддинжон! Сиз топган китобларнинг tengi йўқ! Нақ ҳазинанинг ўзи! Фан оламида кейинги ўн йилликда рўй берган энг фаройиб воқелик деса бўлади! Сизга олимлар номи-  
дан катта раҳмат, азизим!

– Сизларга раҳмат! Агар сизлар бу асарларни ўқиб, бизга маъносини етказмасангизлар, бизлар уларни оддий китоб сифатида баҳолардик-кўярдик.

– Шунча йиллар давомида бу дурдона асарлар қўлдан-қўлга ўтиб, қадрсиз ётган. Мана энди сиз-

ларнинг шарофатингиз билан халқимиз мулкига айланди. Ахир уларнинг кўпчилиги йўқолиб кетган деб фараз қилинарди, фанга номаълум эди, – Олим стол устидаги китоблардан бирини қўлга олди. – Масалан, мана бу асар юртдошимиз Мусо ал-Хоразмий қаламига мансуб. Унинг 9 та илмий асаридан 7 таси бизгача етиб келган. Иккитаси фақат бошқа манбаларда тилга олинган. Яратганга шукрки, алгебра фани асосчиси бўлган бу буюк энциклопедик олимнинг яна бир китоби қўлимизга тегди. Ўн асрдан зиёд бу бебаҳо дурдонани кўз қароғида сақлаган яхшиларнинг қабрлари Куръони Каримнинг муборак нурлари или мунаvvар бўлсин, омин!

Дуога қўл очишиб, юз силашдилар. Фахриддин Каримович сұхбатдошининг гапларидан таъсирланиб, бир муддат жимиб қолди. Жуссаси кичкина бўлса-да, катта иқтидор эгаси бўлган бу инсон билан китоблар ва уларнинг муаллифлари тўғрисида мириқиб сұхбат куриш истаги бўлса-да, шу пайтда асосий ишдан чалғишининг мавриди эмаслигини ўйлаб, истар-истамас мавзуни ўзгартириди:

– Домла, мен сизга биз тергов қилаётган жиноят тафсилотларини гапириб бергандим. Айтинг-чи, бу китоблар бир чўпоннинг қўлига қандай тушиб қолган бўлицини мумкин?

– Бу нарсанинг тарихи жуда узоққа бориб тақалади, чамамда! – олим терговчи узатган чойдан бир ҳўплаб, гап бошлади. – Бу хусусда менда бир неча тахминлар бор...

– Хўш-хўш, қанақа тахминлар экан?

– Сиз Амир Темур кутубхонаси тўғрисида эшитганмисиз? – саволга-савол билан жавоб берди олим.

– Йўқ, эшитмаган эканман! Фақат сиз ёзган хулосада бу ҳақда тилга олинган экан, – терговчи «наҳотки туппа-тузук зиёли киши шуни билмаса!» деган дашном эшитишдан чўчиса-да, ростини тан олди.

– Бу табиий! Сизу биз ўқиган даврда бу ҳақда галиришнинг имкони бўлмаган, дарсликларда бу мавзу четлаб ўтилган. Фақаттина мустақиллик йилларида аждодларимизнинг бебаҳо мерослари ни ўрганишга имкон яратилди...

– Тўғри айтасиз! – Фахриддин қўл телефонидаги соатга бир қараб қўйди.

Камолхон домла терговчининг вақтдан сиқила-ётганини фаҳмлаб, бошлаган мавзусига қайтди:

– Бу кутубхона баъзи манбаларда Амир Темур кутубхонаси, бошқа манбаларда Мирзо Улуғбек кутубхонаси номи билан машҳур. Ҳар иккаласи ҳам тўғри. Сабаби кутубхонага Соҳибқирон Амир Темур асос соглан. У бу кутубхонага даставвал Ту-рон замин алломаларининг кўп асрлик ижодий меросини жамлаган. Сўнг узоқ йиллар давомида кутубхонани ўзи забт этган давлатлардан олиб келинган ёзма манбалар билан тўлдириб борган. Айтишларича, марифатпарвар бобокалонимиз қайси давлатга бормасин олтину зардан кўра китобларни Самарқандга олиб келишни хуш кўрган. Тақдир тақозоси билан Ҳиндистон, Ироқ, Эрон, Сурия, Ассирия, Вавилон, Арманистон, Туркияning йирик кутубхонасида сақланаётган грек, лотин, араб, арман, форс ва бошқа тиларда яратилган нодир китоблар, битиклар, қўллэзмалар, мамлакат пойтахтига келтирилган ва Кўксаройда – Амир Темур кутубхонасидан жой олган. Масалан, ривоятларга кўра Туркияning Брусс щаҳридаги машҳур «Антик Пергам» кутубхонасидан антик даврнинг буюк олимлари Аполлон, Антигон Каристекий, кичик Ненаф ва бошқа машҳур олимларнинг асарлари Самарқандга олиб келинган. Китобларнинг кўпчилиги ўта ноёб ва ягона нусхада бўлган. Жумладан, кутубхона фондида VII асрнинг биринчи чорагида куфий хати билан кўчирилган Қуръони

Каримнинг фанда «Усмоний Қуръон» номи билан машҳур нусхаси сақланган. Таассуфлар бўлсинки, Амир Темурнинг машҳур кутубхонасидан бизгача етиб келган оз сонли китоблар орасида «Усмоний Қуръон» ҳам бор...

Камолхон домла «зерикиб қолмадингизми?» дегандай ҳамсуҳбатига қараб кўйди. Фахриддин Каримович сұхбат йўналиши у кутганидан бошқа томонга оғиб кетаётганини ҳис қиласа-да, эшитаётгандари қизиқарли бўлганлиги боис домлани дикқат билан тинглаб турарди. Бу нотиқни илҳомлантирди:

– Соҳибқирон вафотидан кейин кутубхонани янада бойитишда унинг ўғли Шоҳруҳ Мирзо ва суюкли набираси Мирзо Улугбек ҳазратларининг хизматлари бекёйес бўлган. Ёнида Мавлоно Аҳмад, Қозизода Румий, Фиёсиддин Жамшид Коший, Шамсаддин Муҳаммад Ҳавафий, Мавлоно Муиддин Кошоний, Али Кушчи сингари Мовароуннаҳр ва Хурсоннинг 100 га яқин номдор олимларини тўплаб, математика, астрономия, география ва бошқа йўналишларда катта илмий изланишлар олиб борган Улугбек бобоси асос солган кутубхонани янги ва янги адабиётлар билан бойитган, уларни кўз қорачигидей асраб, келажак авлодларга етказишини ўйлаган. Мирзо Улугбекнинг 40 йиллик ҳукмронлиги давридаги мамлакатда ҳукм сурган тинчлик, осойишталик, хотиржамлик илму фан, санъат ва маданиятнинг ривожига, улкан бунёдкорлик ишлари тараққиётига сабаб бўлган. Аммо бир кун келиб, эзгулик ўрнини жаҳолат, илму маърифат ўрнини хурофот эгаллаши, натижада кутубхонанинг йўқ бўлиб кетиши тўғрисидаги хавотир Амир Темурни ҳам, Мирзо Улугбекни ҳам умр бўйи қийнаб келган. Негаки, тарихда бундай мисоллар кўп учраган... Бир гуруҳ жоҳил дин пешволари таъсирига тушган шаҳзода Абдулатифнинг тожу таҳт учун ўз отасига қарши бош кўтари-

ши Мирзо Улугбекнинг ўз жонидан кўра бобосидан қолган ноёб кутубхона хусусида жиддийроқ бош қотиришга мажбур қилган. Абдулатиф ва унинг бир гуруҳ гумашталари мабодо таҳт тепасига келиб қолса, кутубхонанинг қулини қўкка совуриши, расадхонани яксон қилиши аниқ эди. Шу туфайли Улугбек ҳаётини хатарга қўйиб бўлса-да, то доруломон кунлар келгунга қадар кутубхонани ишончли жойга яшириб қўйишга, шу йўл билан бобосидан қолган ва ўзининг ҳам жуда катта меҳнати сингган нодир ёдгорликни авлодларга етказишга қарор қиласди. Бу ишни ўзининг энг яқин, энг иқтидорли ва ишончли шогирди, замонасиининг буюк математик, астроном олими Али Кушчига топширади...

Али Кушчи номини эшитиб, терговчи бир қалқиб тушди. Шу тобда унинг хаёлидан «Товба, негадир кейинги пайтда шу буюк зотнинг муборак номи тез эсга олинмоқда. Али Кушчининг китоби, Али Кушчи қишлоғи... энди эса кутубхонани яширган олижаноб инсон, фидойи олим...» деган фикр ўтди.

– Шу хусусда олимлар орасида бир қанча тахминлар бор, – домла терговчининг хаёлини бўлиш учун атайлаб, баландроқ овозда гапира бошлиди.  
– Биринчи тахмин, кутубхона Кўксарой остидаги ёхуд Амир Темур саройларидан бирининг тагидаги маҳсус ертўлага яширилган ва унга кириш йўли факат Улугбекка маълум бўлган. Бу тахминни илгари сурувчи олимлар Мирзо Улугбек кутубхонаси жуда катта эканлиги, бундай улкан карвонни ҳеч кимга билдирамасдан шаҳардан олиб чиқиб кетишининг мумкин эмаслиги билан изоҳлашади. Бундан ташқари қўпгина манбаларда Самарқанд шаҳридаги муҳим объектларни бир-бири билан туташтирувчи ер ости йўллари бўлганлиги қайд этилган. Ушбу ер ости йўлларининг харитаси қаттиқ сир сақланган. Мазкур тахмин тарафдорларининг

фикрига кўра маҳсус ясалган сандиқларда ҳамон ўша жойда сақданмоқда. Афсуски, ҳали бу борада изланишлар ўтказилмаган, шаҳар остидаги йўлларда қазишишлари деярли олиб борилмаган. Ўтган йиллар давомида хазинани кимдир топиб олганлиги ҳам ҳақиқатдан йироқ. Негаки, ҳақиқатда тилга олинган кутубхона фонди катта бўлган. Агарда кутубхона топилганда унда сақданган китоблардан ҳеч бўлмаганда бир қисми мутахассислар қўлига тушган бўларди. Иккинчи тахмин, Али Күшчи кутубхонани вақтинча бирор жойга яширган ва кейинчалик уларни ўзи билан Туркияга олиб кетган. Бу мулоҳаза бизнингча, унчалик асосли эмасдай. Сабаби биринчидан, Али Күшчи устози вафотидан кейин 6-7 йил Ҳазрати Башир қишлоғида, кейинчалик Самарқандда яшаб, ижод қилган. Орадан анча вақт ўтгандан кейин Туркия сафарига чиққан. Иккинчидан, ёзма манбаларда унинг сафарга бир неча хос одамлари ҳамроҳлигига кичикроқ карвон билан кетганлиги зикр этилган. Учинчи тахмин, Мирзо Улуғбек вафотидан сўнг кутубхона талон-торож қилинган ёки ёндириб юборилган. Бу тахмин ҳам анча ишончсиз. Агарда шу воқеа юз берганда бу қабиҳлик ва уни амалга оширган шахслар ҳақида тарихчилар ўз солномаларида ёзган, фикр билдирган бўларди. Яна бир тахмин 1911 йилда «Туркестанские ведомости» газетасида Амир Темур кутубхонаси билан боғлиқ бир мақолада қайд этилган. Унда россиялик журналист Вовченконинг ҳикоясига асосланиб, бир ривоят келтирилади. Ривоятда айтилишича, Соҳибқирон Амир Темур китобни жуда севган ва дунёда энг катта кутубхона ташкил қилган. Ул муборак зот ўз ўлимни олдидан кутубхонасидаги китобларнинг нобакор шахслар қўлига тушиб қолишидан қўрқиб, китобларни шаҳардан

ташқаридаги горга яширган ва ер юзида ёмонлик, ноҳақлик тугамагунча кутубхона китоблари даҳлсиз бўлиб қолиши шарт, деб дуо қилган. Амир Темур руҳи ҳар йили бир неча маротаба кутубхонага келиб шамоддан сўрар эмиш. Гарчи бу бир ривоят бўлса-да, улуғ бобомизнинг илмга, китобга эътиқодини, юртига фидойилигини, келажакка ишончни ифодалаш билан бирга ҳалқнинг ўз соҳибқоронига муҳаббати ва ихлосини ўзида акс эттирган. Ва ниҳоят бешинчи тахмин, кутубхона Али Кушчи томонидан Самарқанддан тунда ҳеч кимга сездирмасдан каттагина карвонда олиб чиқиб кетилган ва Китоб туманидаги Ҳазрати Башир қишлоғи атрофидаги горга яширилган. Кўпчилик тарихчи олимлар шу тахминни ҳақиқатга яқинроқ деб ҳисоблашади. Нимага деганда, Али Кушчи Улугбек ҳазратларининг энг суюкли ва ишонган шогирди бўлган. Кутубхонани яшириш уни кўмиб ташлаш, йўқ қилиш дегани эмас. Бу иш кишидан юксак билим, нозик дид, уддабуронлик ва алоҳида иқтидорни талаб қиласади. Али Кушчи ана шундай сифатларга эга олим эди...

– Сиз ўзингиз қандай фикрдасиз! – бутун вужуди қулоққа айланиб тинглаб турган Фахриддиннинг сабри чидамади.

– Менимча, охирги тахмин тўгри; – Камолхон домла қандайдир бир ўзгача ишонч билан гапирди. – Мен бу ҳақда кўп ўйладим. Ҳаммасини тарозига солиб, таҳдил қилиб чиқдим. Мантиқий холоса чиқардим: демак, тарихда Амир Темур ёки Мирзо Улугбек кутубхонаси номини олган нодир ва бой кутубхонанинг бўлганлиги юз фоиз аниқ. Кутубхонанинг йўқ қилинмаганлиги, бошқа давлатларга олиб чиқиб кетилмаганлиги бу ҳам факт. Шундан келиб чиқиб, айтиш мумкинки, кутубхона Самарқанд ёки унинг атрофидаги ишончли жойда сақланмоқда. Шунда

бизда иккита тахмин қолади. Кутубхонанинг Самарқанддаги ер ости горига яширилганлиги ҳақидағи тахминни ўрганиш ҳам изжобий натижা бериши мумкин. Негаки, ўша даврларда ҳарбий ва ҳимоя мақсадларида ер ости йўллари тизими анча такомиллашган бўлган. Ривоят қилишларича, ҳатто Самарқанд ва Бухорони боғловчи ер ости йўли мавжуд бўлган эмиш. Кўксарой, Регистон, Гўри Амир, Шохизинда мажмуаларини бир-бири билан туташтирувчи мураккаб ва яширин ер ости иншоотларининг мавжуд бўлганлиги бу тахминга умид билан қарашга унданади. Аммо бу тахминни йўққа чиқарувчи битта ҳолат борлигини унумаслик лозим. Бобокалонларимиз узоқни кўзловчи, фаросатли ва уддабурон инсонлар бўлишган. Мирзо Улугбек, Али Қушчи кутубхонани яширап эканлар, ундан фойдаланиб туриш, вақти-вақти билан шамоллатиб, қўлёзмаларнинг сифатини йўқотишнинг оддини олиш чораларини ўйламасликлари мумкин эмас эди. Агарда кутубхона ер ости йўлакларига яширилганда ҳокимият алмашганда у ерга Али Қушчининг ўзи ҳам қадам босолмай қолган бўларди. Олим учун кутубхона фонди сув ва ҳаводай зарур эканлиги инобатга олинса, масаланинг моҳиятини англаш қийин бўлмайди. Бошқа томондан эркин бориш имкони бўлмаган жойдаги китобларнинг ҳолидан хабардор бўлиб туриш қийин кечишини ҳам унумаслик керак.

Шу нуқтаи назардан қараганда, Али Қушчининг дарвеш кийимида тун қоронфисида кутубхонани Самарқанддан карвонда Тўй Темур йўли орқали Шаҳар довони оша Падаркуш торига олиб бориб, оддиндан тайёрлаб кўйилган юрга яширганлиги ҳақидағи тахмин анчагина ишончли кўринади. Бу тахминнинг ҳақиқатга яқинлигини яна қўйидаги ҳолатлар билан ҳам изоҳдаш мумкин: биринчидан, Али Қушчи у жойларни яхши билган. Ўзи Самарқандда вояга ет-

ган бўлса-да, келиб чиқиши ўша ёқдан бўлганлиги унга кўзлаган ишини амалга оширишда қўл келиши табий эди. Иккинчидан, Амир Темурга ҳам, Мирзо Улугбекка ҳам бу жойлар беш кўлдай таниш бўлган. Улар жанубга асосан шу йўл орқали ўтган. Юришлиридан зафарли қайтганда аҳди Самарқанд шу ерда кутиб олган. Учинчиidan, бу жой кутубхонани одамлар кўзидан йироқ, бехатар ва ишончли сақданиши учун ҳар тарафлама қулай. Бундан ташқари Али Қушчи ёки унинг ишончли одами зарурат бўлганда кутубхона фондларидан фойдаланиш, китобларнинг сақданишини вақти-вақти билан назорат қилиб бориш имконига ҳам эга бўлган. Устозининг васиятини чин дилдан адо этган буюк олим шу мақсадда 7 йилга яқин кутубхона яширилган юрга яқин жойда яшаганлиги ҳам бежиз эмас. Шу даврда у кутубхонанинг сақданишини кузатиб турган. Кўллэзмаларнинг чириб кетмаслиги оддини олиш чораларини кўрган. Тегишли шарт-шароитлар ҳозирлаган. Кутубхонани янги жойга мослашишини таъминлаган. Ва табиийки, ундаги китобларни саралаган, улардан илмий изланишларида фойдаланган, энг зарур кўлланма ва асарларни танлаб олган ва кейинчалик уларни ўзи билан Туркияга олиб кетган. Бу ҳақда эл ичиди ҳар хил ривоятлар юради. Уларнинг бирига кўра, Китоб туманидаги Али Қушчи қишлоғида ўтган асрнинг бошида шу ерлик Мансур Хожа деган киши оғил қураётганда молхона остидан ясси ва катта бир тош чиққан. Тошни кўўгчилик бўлиб кўтариб олишган. Тошнинг остида 3 метрлар чамасида чукур бўлган. Бу чукурга 4-5 киши арқон ёрдамида тушишган. Щунда улар Ҳазрати Башир қабри бўлган тепалик остига қараб ер ости йўли борлигини кўришган. Чукурга туширилган кишилар шу йўлдан 40 метрлар чамаси юришганда қўрқув пайдо бўлади. Шу боис улар ташқарига чиқишиб, тошни жойига кўйиб, чукурни ёпиб ташлашган. Одамларнинг айти-

шича, ўша ер ости йўли яширилган кутубхонага олиб бориши мумкин. Айрим ривоятларда Ҳазрати Башир қишлоғидаги масжидда Улуғбек замонига мансуб мол терисига ёзилган, икки киши зўрга варақдай оладиган китоблар сақлангани, Шўролар даврида бу китоблар қаровсизликдан йўқ бўлиб кетгани айтилади.

Таъкиддаш керакки, мазкур тахмин қўллаб-куватламайдиган олимлар асосан бир нарсага ургу беришади. Мирзо Улуғбек 1449 йилда ўлдирилганлиги ҳисобга олинса, кутубхонани кўчириш ишлари тахминан 1448–1449 йилларда амалга оширилганлиги аён бўлади. Унда Али Кушчи тахминан 1456 йилларга қадар Ҳазрати Башир қишлоғида яшаган. Шундан сўнг у яна тахминан 16 йил Турон заминда яшаб, ижод қилган. 1572 йилда 70 га яқинлашганда Ҳаж сафарига отланган. Савол туғилади: Нима сабабдан Али Кушчи шу 20 йилдан зиёд вақт давомида Мирзо Улуғбек кутубхонаси ни ўз жойига кўчириб келиш чорасини кўрмаган? Нима сабабдан кутубхонанинг тақдирини хатарга қўйган? Ахир Абдулатиф вафотидан кейин 1457 йилда Самарқанд таҳтига ўтирган Султон Абу Сайд, 1469 йилда Хирот таҳтини эгаллаган Ҳусайн Бойқаралар илму маърифатни қўллаб-куватловчи ҳукмдорлар бўлмаганми?

Домла «сиз нима дейсиз?» дегандай терговчига тикилди.

– Уларнинг фикрлा�шида ҳам жон борга ўхшайди. – Фаҳриддин хulosса қилди. – Кутубхона жоҳил кучлар ҳокимият тепасига келиши муносабати билан яширилган. Кейинчалик маърифатли ҳукмдорлар таҳтга чиққач, Али Кушчи агарда у ҳақиқатда шу ишларнинг бошида турган бўлса, кутубхонани жойига – Самарқандга қайтарган бўлармиди!

– Мулоҳазаларингиз жўяли. Аммо Али Кушчи жуда зукко, доно одам бўлган. Устози унга кутуб-

хонани яширишни васият қилар экан, биринчи навбатда бу нодир битикларнинг келажак авлодларга етиб боришини ўйлаган. Ривоят қилишларича, Улуғбек Султон ўз васиятида шогирдига мамлакатда тўла тинчлик ва хотиржамлик барқарор бўлмагунча, ҳокимият тепасига илму урфонни, илм аҳдини қадрловчи ҳукмдор келмагунча, Турон заминда осуда ҳаёт бошланмагунча кутубхонани ошкор этмасликни такрор-такрор уқтирган. Устози васиятига охиригача содик қолган Али Кушчи мамлакатда ҳокимиятнинг тез-тез алмасиниб туришидан хавотирда бўлган. Тахт тепасига қисқа муддат эзгу кучлар келса-да, сал ўтмай уларни ёвуз кучлар маҳв этган. Тожу тахт учун қирғинбарот курашлар давом этаверган. Бундай шароитда кутубхонани ошкор этиб, жойига кўчириб келиш унинг тақдирини хатарга қўйиш билан баробар эди. Буни яхши англаган Али Кушчи кутишга қарор қиласди ва йигирма йилдан ортиқ шу орзу билан яшайди. Аммо бу даврда Темурийзодалар ўртасида кечаетган тахт учун курашлар тўхтамайди. Мамлакатда рўй бераетган сиёсий жараёнлардан тўлиқ хабардорлиги уни таваккал қилишига йўл бермайди. Менимча, Туркия сафари олдидан буюк олим кутубхона ҳақида ўзининг энг яқин кишисига әйтган ва ундан устози васиятини 'адо этишни илтимос қилган. Агарда бу ишларни бажаришга унинг умри етмаса, ўз навбатида у.ҳам бир инсофли ва ишончли кишига (масалан фарзандига) шундай васият қолдиришни сўраган...

– Сизнинг мулоҳазаларингизга кўра васият авлоддан-авлодга ўтиб, бугунги кунгача етиб келган бўлиши мумкин, шундайми? – Фахриддин масала-га ойдинлик киритган бўлди.

Домла «шундай-шундай» дея бош чайқади.

– У ҳолда ҳозир бизнинг орамизда кутубхона яширилган жойни биладиган одам бор экан-да!

Хўш, мана доруломон кунлар келди. Ватанимиз мустақилликка эришди. Юртда тинчлик, осойишталик, хотиржамлик барқарор бўлди. Илм, илм аҳли қадр топди. Унда нега ўша инсофли шахс Улуғбек Мирзонинг васиятини бажаришга, кутубхона сирини ошкор қилишга шошилмаяпти?

– Гапингизда жон бор, – босиқдик билан сўз бошлиди домла. – Аммо орадан 500 йилдан зиёдроқ вақт ўтганини, камида 25 авлод алмашганини, шу даврда урушлардан, офатлардан, бедаво дардлардан қанчадан-қанча одамлар нобуд бўлганини унутмаслик керак. Қайси бир даврга келиб, занжир узилган бўлиши мумкин. Васиятнинг бирор ноинсофнинг қўлига тушиб қолган бўлиши ҳам эҳтимолдан ҳоли эмас.

– Энди нима бўлади? – соддалик билан сўради терговчи.

– Бу бир тахмин холос. Ҳар ҳолда шу кутубхонага тегиши китобларнинг одамларнинг уйидан топилиши мени шундай фикрлашга мажбур этмоқда...

Жимиб қолиши. Шу тобда ҳар ким ўз хаёли билан банд эди. Бошида домланинг тарихни титкилаб, эзмаланишидан, ўзининг асосий масаладан четлашаётганидан безовта бўлиб турган Фахриддиннинг энди сұхбатдан кўнгли тўлиб, қалби ёриша бошлаганди: Домлани сұхбатга тортиб тўғри қылган эканман. У айтган нарсалар терговга нафи тегиши мумкин. Нафи текканда қандоқ! Янги тахминни илгари суришга асос бўлади. Норбўта чўпоннинг ўлеми билан Мирзо Улуғбек кутубхонаси ўртасида боғлиқлик борга ўхшамайдими? Балки Норбўта Али Кушчи устози васиятини адо этишни ишониб топширган шахснинг авлодидир. Балки чўпоннинг уйидан топилган тиллалар кутубхона китобларини сотиш эвазига йигилган маблағдир. Балки чўпоннинг отаси ҳам шу иш билан шуғулланиб келгандир...

– Бошқача бўлган ҳам бўлиши мумкин, – деди чўпон терговчининг фикрини уққандек. – Али Қушчи китоблардан бир қисмини Ҳазрати Баширга, қишлоқ масжидига тухфа қилган. Айтишларича, Ҳазрати Башир зиёратгоҳида яқин-яқинларгача турли хил нодир қўлёзмалар сақланган. Зукко олим бу ишни икки мақсадни кўзлаб қилган бўлиши кепрак: биринчидан, ўзининг ва устози Мирзо Улуғбекнинг Ҳазратга эътиқоди баландлигидан. Иккинчидан, кутубхонанинг бир қисмини халққа ошкора ҳадя қилиб, асосий фондни одамлар хаёлидан чиқариш мақсадида. Тўгри-да, кимдир Али Қушчи Мирзо Улуғбек кутубхонасини Самарқанддан олиб чиқиб кетганинги сезиб қолса, китоблар халққа тортиқ, қилинганилиги маълум бўлади. Кутубхонанинг асосий фонди ҳар қандай хавотирдан ҳоли бўлади.

– Агар ҳақиқатда шундай бўлган бўлса, Али Қушчи кутубхонанинг сирини нариги дунёга ўзи билан олиб кетган бўлмайдими? – деди Фахриддин хавотири ортиб.

– Тўгри фикладингиз, азизим! – деди домла кулимсираб. – Аммо такрор айтаман, Али Қушчи ўта зийрак, ақдли инсон бўлган. Агарда у кутубхона сирини ҳеч кимга ошкор қилмасликка қарор қилган бўлса, уни авлодларга етказишининг албатта, бошқачароқ йўлини топган бўлиший лўзим. У шундай нодир кутубхонани ғорга яшириб, унинг бир кун келиб, бус-бутун ҳолда авлодлар кўлига тушиш механизмини яратмасдан бемалол Ҳаж сафарига отлана олмасди.

– Қанақа механизм? – терговчининг таажжуби ошди.

– Бу менинг бир тахминим. Математиклар тиляда айтганда «аксиома». Локин, кўлимда ҳеч қанақа исбот-далилм йўқ, азизим! – домла бир оз ўйланиб, сўнг давом этди. – Ҳар хил гаплар билан сизнинг ҳам бошингизни қотириб ташладим-а!

– Йўқ, йўқ! Суҳбатингиз мен учун жуда мароқли! Илтимос, тахминингиз ҳақида батафсилоқ гапириб беринг!

– Али Қушчи буюк математик ва астроном бўлганлигидан келиб чиқиб, менинг хаёлимда бир фикр кечади. Аллома ўша замонда кутубхона сирини ҳеч кимга ишона олмасди. Бир киши билган сир – сир, икки киши билган сир – сир эмас дейишади доно халқимиз. Таваккал билан иш тутиб, қанча машаққатлар эвазига асрлар давомида тўплланган ва фақат халқимизга тегишли бўлган бу ноёб хазинани хавф остида қолдиришга олимнинг ҳақи йўқ эди. Шу сабабли Али қушчи кутубхона сирини ҳеч кимга айтмаган бўлиши ҳақиқатга яқин. Аммо у бир нарсани ҳам яхши тушунган. Бу ноёб кутубхона сирини билган ягона одам дунёдан ўтиб кетса, сир сирлигича қолиб кетиши, кутубхона бошқа дунё юзини кўрмасдан абадий юр ости мулкига айланиб қолиши ҳам мумкинилиги унга тинчлик бермаган. Нима қилмоқ керак? Бу муаммога донишманднинг ўзи гаройиб ечим топган. Унга кўра, олим кутубхона сири – унинг яширилган манзили, координатларини ўз асарлари ичига шифровка ҳолда сингдирган. Бу анчагина мураккаб ва ҳимояланган тизим бўлиб, уни бузиш ёки ичига кириб маъносини англаш кишидан жуда катта билим, иқтидор талаб қилган. Бу соҳада мутахассис бўлмаган ёки бунга иши тушмаган одам шифровкани кўрганда ҳам унга заррача аҳамият бермаслиги тайин. Али Қушчи бир нарсага умид қилган бўлса ажабмас. У қачонлардир Худо ярлақаган бу заминда тинч ва осуда ҳаёт бошланиб, илму фан равноқ топиб, юртнинг қайсиadir бир илмли ўғлони бу шифровкани очиши ва кутубхонани халқига қайтаришига ишонган. Шу йўл билан устози Мирзо Улуғбекнинг васиятини охиригача адо этмоқчи бўлган...

– Али Күшчи фойдаланган шифровка тизими сизнинг тасаввурингизда қандай бўлган? – Фахриддин бир оз хижолат бўлиб, олимнинг сўзи ни бўлишга журъат топди.

– Мендаям сиз каби бу ҳақда аниқ тасаввур йўқ, азизим! Ҳар соҳанинг ўз усталари бўлади... Али Күшчининг энциклопедик олим бўлганлиги ҳисобга олинса, шифровканинг анчагина мураккаб эканлигини ҳис этса бўлади.

– У ҳолда шифровкани очиш осон кечмаса керак!

– Бу аниқ! Аммо ҳозир интернет бор! Баъзи хакерлар унинг ёрдамида ҳар қандай мураккаб шифровкани ҳам очиши, ҳар қандай ҳимоя усулини ҳам синдириши мумкин.

– Домла, айтинг-чи, Али Күшчи кутубхона сирини яшириш учун бошқачароқ усулдан фойдаланган ҳам бўлини мумкинми?

– Адабатга мумкин!

– Масалан!

– Масалан, қўёшнинг чиқиши ва ботиши, ойнинг тўлиши ёки тутилиши, ернинг айланиши, сайёра-ларнинг ҳаракати, юлдузларнинг жойлашиши таснифида, тарихий воқеалар, ҳатто ғазал ва ашъорлар баёнида кутубхона сири яширилгем бўлиши мумкин. Бундан ташқари Мавлоно Кунгчи жаноблари кутубхонанинг нодонлар кўлига тилиб қолишидан астойдил хавотирда бўлганлиги инобатта олинса, сирли битик бир жойда – бир манбада эмас, балки бир неча манбаларда бўлиб-бўлиб жойлаштирилган бўлиши ҳам мумкин. Демак, мантиқий холоса асосида аввал ўша манбалар топилиши ва шундан сўнг улар бир бутун матн ҳолига келтирилиб, сирли лавҳа ажратиб олинниши лозим...

– Ўҳу, роса мураккаб масала экан-ку! – терговчи гарчанд сұхбатдошининг гаплартига унчалик ту-

шунмаган бўлса-да, ўзини ҳаммасини анлагандай тутди. – Тушунарли!

– Мен бу ҳақда кўпроқ китобларда ўқиганман.  
– деди домла қўлидаги пиёлани стол устига қўя туриб.

– Раҳмат Камолхон ака! Сиз берган маълумотлар мен учун жуда қизиқарли ва қимматли бўлди. Терговга ҳам нафи тегса ажабмас. Ижозатингиз билан яна битта савол берсам.

– Марҳамат! Тортинманг, азизим!

– Шундай ноёб, нодир кутубхонанинг борлиги аниқ экан, шу кунга қадар уни излаб топиш учун ҳаракатлар бўлганми?

– Албатта! Инглиз ёзувчиси М.Уоллес 1889 йилда кутубхонани қидириш ишларини олиб борган. Ундан олдин европалик олимлар Вамбери, Скайлерлар ҳам бу тўғрисида бош қотиришган. Чор Rossiya истилосидан сўнг рус олимлари ҳам бу борада ўзларини синааб кўришган. Аммо барча ҳаракатлар зое кетган. Балки Амир Темур ҳазратларининг дуолари вожиб бўлиб, кутубхона истиқдол кунларга қадар ўзини босқинчи кучларга намоён этмасдан келганлиги ростдир.

– Демак, ҳали бу борада кўп ишлар қилиниши керак экан-да! – деди терговчи жилмайиб. – Сиз билан бир экспедиция ташкил қиласак, балки улуғ бобомизнинг кутубхонасини топиш бизга насиб қиласмиди?

– Қанийди! Мен ҳам анчадан буён шуни ў-й-л-а-б ю-р-а-м-а-н-да! – Камолхон домла терговчи нинг ҳазилини жиддий қабул қилди.

– Аввал манову қотиллик ўлгурни очиб олайлик, кейин бир йўлини топармиз! – домланинг соддалиги Фахриддинни таажубга солди. – Тошлиар остига яширинган бу бебаҳо дурдонани сизу биз топмасак, ким топади!

Кетиши олдидан Камолхон домла дуога кўл очди. Фахриддин меҳмонни чиқиши йўлагигача кузатиб борди. Илиқ хайрлашишиди. Терговчи хонага қайтгач, кўли ишга бормай бир муддат кўзини юмганча хаёлга ботди: Ҳикматнинг нимадандир чўчиётгани бежизга эмасга ўхшайди. Наҳотки ўзу мураккаб вазифани бир ўзи уддалаган бўлса! Мутахассисларни жалб қидимикин? Кутубхонани топишга улгурганмикин? Ёки ҳали изланишда бўлганми? Унда чет давлатга нима мақсадда борган? Китобларни пуллаганими? Лондон, Париж, Петурбург... бу шаҳарлар боғловчи умумийлик нимада? Балки у ерларда Али Кушчининг асарларини ахтаргандир! Аллома яширган сирни Ҳикмат очишга қодирми? Балки...

Эшик тақиллаб, хонага бир даста хужжатлар билан Санжарбек тиржайиб кириб келди:

– Ижозат этсинлар!

– Кедингизми? Гапиринг, нима инглишлар! –  
Фахриддин унга кўзига кўзига яхшиниди.  
– Талватнинг ийкичи хотининикада утка зилган тинтувда 8 дона олтин тангалар топиди. Чўпоннинг чўнтағидан чиқсан тангаларга ўхшаш,  
– Санжарбек кўлидаги қоғозларни стол устига кўйиб, тинтуб баённомаси ва бир неча расмларни бошлиқقا узатди.

– Хмм! Бу Талъат деганлари анчагина пиҳини ёрганларданми дейман?

– Жуда пиҳини ёрганлардан кўринади. Сиз унга ишониб ўтирибсиз! Менимча, чўпонни шундан бошқа итам ўлдирмаган! Бугун учинчи кун бемалол санкцияга ҳозирласак бўлаверади!

– Ўзи нима деяпти?

– Ўзи нима дерди, яна ёлғонни сувдай ичаялти. «Олтин тангалар ерда ётган экан, мен ўтирибчаман, ўзимни тиёлмадим» деб турибди. Лекин «идло-билдо чўпонни биз ўлдирмаганмиз» деб оёқ тираб туришибди, – деди Санжарбек елкасини кисиб.

– Балки рост гапираёттандир! – деди совуққонлик билан Фахриддин. – Инсонни айблаш осон, аммо айбни исботлаш мураккаб масала. Бизда Талъатни қотиллиқда айблашга асослар етарлимии? Албатта йўқ!

– Ахир у бошидан ёлғон гапириб, терговни чалғитмоқчи бўлди-ку! Ўша мудҳиш тунда жиноят жойида бўлганлиги, чўпоннинг тангаларини ўмарганлиги, тинтувда уйидан тилла тангаларнинг то-пилиши – бу асос эмасми? – Санжарбек қизишиди.

– Булар ҳали уни қотиллиқда айблашга асос бўла олмайди. Буни ўзингиз ҳам яхши биласиз-ку!

– Унда нима қиласиз?

– Талъатга бошқа жиноятлар бўйича айб эълон қилиб, санкция беришга асосларимиз етарли-ку!

– Тўғрику-я... аммо...

– Яна нима?

000 Бизда бонка... ишланмаган... жўялироқ тахминнама қолмади демоқчийдим, – Санжарбек талмовсиради.

– Ҳа дарвоқе, сизга айтиш ёдимдан кўтарилибди, яна битта фаройиб тахмин пайдо бўлмоқда, – Фахриддин муҳим сирни очмоқчи одамдай шогирди томонга энгашди. – Афсонага ўхшаб кетса-да, ҳарқалай ишлаб кўрса бўлади.

– Эшитайлик-чи!

– Гап Норбўта чўпоннинг, кейин Ҳикматнинг уйидан топилган қадимий китобларга бориб тақалмоқда. Бу қўлёзмаларнинг Мирзо Улуғбек кутубхонаси фондига таалуқли эканлиги сизга маълум. Менам сизга ўхшаб, бу масалага унчалик эътибор бермаган эдим. Камолхон домла бир қизиқ гапни айтиб қолди. Унинг фикрича, Али Қушчи устозининг васиятига амал қилиб, кутубхона жоҳил шахслар қўлига тушиб қолмаслиги учун уни Падаркуш тогидаги горга яширган. То омон-омон за-

монлар келгүнича бу хазина хавфсиз сақланиши, иккинчи томондан бу нодир китобларнинг абадий ер остида қолиб кетишининг олдини олиш учун авлоддарга «шипровка» қолдирган эмиш.

– Бу яна нимаси бўлди? – Санжарбек «ҳеч нарса тушунмадим» дегандай қаради.

– Шипровка сирли матн, – Фахриддин қофозга нималарнидир ёза бошлиди. – Қаранг, мен сизга қандайдир бир сирни етказмоқчиман. Хатда бу сирни очиқ ёзсан, мабодо хат душман кўлига тушиб қолса, сиримиз ошкор бўлиб қолади. Шу сабабли мен шундай жумла ёки чизма ишлатаманки, уни фақат сиз ўқиб тушуна оласиз. Бошқа одам уни ўқиши мумкин, бироқ ҳеч нарса тушуна олмайди.

– Али Қушчи замонида одамларнинг шу нарсага ақдлари етган деб ўйлайсизми? – Санжарбек берган саволидан ўзи хижолат бўлди шекили кўшимча киали. **Демокрутияни, бундан карид 600 йил один шунака мураккаб шифровкалар хуланилганмикин?**

– У замонларда бу нарсага эҳтиёж ҳозиргидан минг чандон кўпроқ бўлган. Жанг жадаллар тўхтовсиз давом этаётган бир пайтда душман ҳақидаги, кўшинларнинг жойлашуви, ҳаракат йўналиши, таркиби, қуролланиш даражаси, мақсадини ифодаловчи ҳар қандай хабарнинг қиймати юқори бўлган. Масалан, Амир Темур қўшини муваффақиятининг асосий сири унинг ахборот билан етарлича таъминланганлигига бўлган. Қимматли маълумотларнинг ёғий кўлига тушиб қолишини олдини олиш учун шифровкадан фойдаланилган. Ахборотнинг салоҳиятига қараб, «сирли матн» оддийроқ ёки мураккаброқ шаклда тузилган. Ўз навбатида ҳар бир кўшинда шифровкаларни «очувчи» мутахассислар бўлган. Хуллас, ахборот узатиш ва уни қабул қилиш ўша даврнинг энг катта муаммоси бўлган...

– Бу тушунарлику-я! Аммо... Али Қушчи.. кутубхона... шифровка... буларнинг биз тергов қилаётган ишга нима алоқаси борлигини англолмай...

– Алоқаси бўлганда қандоқ! – Фахриддин шогирдининг сўзини бўлди. – Шу шифровкани кимдир топиб, «ўқиган». Кейин кутубхонани излаб Падаркүш төғига борган.

– У ёқда Норбўта чўпон... Ҳа-ҳа, бир нималарни тушунгандай бўлаյпман... Аммо ўша «ақлли» одам ким бўлиши мумкин!?

– Масалан Ҳикмат...

– Тўғри-тўғри...вой муттаҳам-эй! Бу «кал»дан ҳар бало чиқишини сезгандим-а!

– Ҳой-ҳой, ҳали шошилманг! Бу ҳали бир тахмин холос, – Фахриддин жилмайди. – «Ўйнаб гапирсанг ҳам ўйлаб гапир» деган нақл бор. Айниқса, гап инсон тақдирни ҳақида бораётганда...

– Энди нима қиласиз!

– Энди каллани ишлатамиз! Ҳаммасини бошидан бошлишга тўғри келади...

– Бошидан бўлса, бошидан-да! Биз тайёр... Фақат эртага келинингизнинг...

– Туғилган куни демоқчисиз!

Санжарбек тасдиқ маъносига бош иргади.

– Нима қилмоқчисиз? – Фахриддин жиддийлашди.

– Телефонда табриклаб қўйишдан бошқа нима иложимиз бор! Ахир бу ёқда ишлар қайнаб турган бўлса...

– Адолатли қарорлари муборак бўлсин! – Фахриддин мамнун ҳолда шогирдининг елкасига қоқиб қўйди. – Гулзодаҳонни менинг номимданам табриклаб қўйишни унутманг!

Санжарбек устозига миннатдорчилик билдириб хонадан чиқди. Прокуратуранинг узун йўлаги бўйлаб одимлар экан, турфа хил хаёллар уни ўз гирдобига олди: бошида «бораман» деб ваъда бер-

маса бўларкан... Энди қандай қилиб, хотинининг кўнглига йўл топса! Уйга меҳмонлар ҳам келмоқчи эди-я! Иш ўлгур сал жойидан силжиганда ҳам бошка гап эди. Амаллаб, бир кунга бориб келса бўларди... Гулзода уни тўғри тушунармикан? Париизоданинг туғилган кунида ҳам қатнаша олмаганди-я! Нима қиссин! Иши шунаقا...

Фахриддин шогирдига нисбатан «қаттиққўллиги» учун ўзини койиди. Бир кунга рухсат берса бўлармиди?! Ўзи бир амаллаб турса бир жойи камайиб қолмасди. Бир кун минг кун бўлармиди?! Иш ҳеч қачон тугамайди. Терговчининг юки қачон осон бўлган! Ҳеч қачон! Бечора энди хотинига нима дейди? Келин бола уни тушунармикин? Гулзода эсли-хушли аёл. Аммо бундай пайтда ҳар қандай аёл жаҳл отига миниши тайин. «Бир келиб кетишга ярамадингизми?» дейиши аниқ... Шахноза нима қилған бўларди. Дарвоҷе, бир оидан сунг унинг ҳам туғилган куни. Ишқилиб унгача ишлар охирига етиб қолса бўлгани. Турмуш курганларидан буён хотинининг туғилган кунини канда қилмаган, қаерда бўлса етиб келган. Албатта бунақа оғир вазиятга тушмаган. Агарда бутун унинг туғилган куни бўлганда, у ҳам бора олмаган бўларди. Хотинига тушунтирган бўларди... Давлатнинг иши ўйинчоқ эмас-ку! Бунақа чигал, мураккаб жиноят иши ҳар куни тергов қилинмайди-ку! Ҳатто қўнғироқ қилишга вақт йўқ...

Фахриддин стол устидаги телефонни ёнига тортиб, таниш рақамни терди. Хотини, ўғиллари билан қисқа муддатли мулоқотдан сўнг кўнгли анча ёришгандай бўлди...

\* \* \*

Иш юзасидан янги тахминнинг пайдо бўлиши терговчиларни эсанкиратиб қўйди. Шунча йил-

лик иш тажрибаларига қарамасдан улар бу каби жиноятларни фош қилишга билим ва күникмалари етарли эмаслигини ҳис қилишарди. Албатта, терговчи күп нарсаларни билиши, катта иқтидор эгаси бўлиши лозим. Аммо Фахриддин жиноятни очиш учун ўрта асрлар тарихини, астрономия ва алгебрага оид шифровкаларни ўрганишни хаёлига ҳам келтирмаган эди...

Кейинги кунларни терговчилар мутахассис ва олимлар билан сұхбатлашиш, тегишли адабиётларни титкилаш билан ўтказдилар. Негаки, Ҳикматни гумондор сифатида қайта сўроқ қилиш, уни муд-ҳиш жиноятларни қилганликда айблаш учун терговчиларнинг ўзлари бу соҳада муайян даражада билимга эга бўлишлари лозимлигини улар яхши тушунишарди.

Негадир устозидан фарқли ўлароқ Санжарбекнинг бу ишлардан бирор наф чиқишига ишончи комил эмасди. У ҳамон қотилликда Талъатни айбордor деб ҳисобларди. Шундай бўлса-да ўзидан бир-икки кўйлакни кўп йиртган, тажрибаси ҳам кўпроқ бўлган устозига қарши боришга журъати етмас, шу билан бирга жиноятни кинолардагидек маҳорат билан очишга ҳаракат қилаётган бу «изқувар»га ҳалақит беришни ҳам истамасди. Баъзида хаёлига: «Агарда шу Фахриддин акадан бошқа терговчи бўлганда аллақачон қотилликни Талъатнинг бўйнига осиб, ишни судга оширган бўларди» деган ўй келса-да, буни устозига очиқ айтгиси келмасди. Устознинг «шахснинг айдорлиги 99 фоиз исботланса-да, ҳали бир фоиз исботланмаган бўлса, уни айбордor дейишга шошма! Унда айблизик презумцияси бор!» деган гаплари қулоғи остида жаранглаб тургандай эди...

Учинчи куннинг адогида маълум тайёргарликлардан сўнг терговчилар Ҳикматни сўроқ қилишга киришдилар:

– Домла, – Фахриддин атайлаб унга шундай мурожаат этди. – Сиз Амур Темур кутубхонаси тўғрисида эшитганмисиз?

Бундай саволни кутмаган шекилли Ҳикмат бир қалқиди, сўнг кўзини бақрайтириб, елкасини қисди:

– Қ-а-а-н-а-қа к-у-у-т-уб-хо-на!!!

– Амир Темур ёки Мирзо Улугбек номи билан машҳур йўқолган кутубхонани сўраяпман, – ҳам-суҳбатига зимдан тикилиб турган терговчи саволини такрорлади.

– Ҳа, У-л-уғ-бек кутубхонасини айтиб турибсизми? Эшитганман. Ҳамма билади-ку уни!

– Ўша кутубхона қаерга яширилган деб ўйлайсиз?

– Мен қадимий китоблар билан қизиқаман, археология менинг ишим эмас, – Ҳикмат истар-истамас жавоб қайтарди.

– Бу тушунарли! Сизнинг шахсий фикрингизни билмоқчиман.

– **Менинг билдишмача, олимлар бир қанча версияларни илгари суришади.** Айримлар кутубхонани шаҳар остидаги ертўлага яширилган деб ҳисоблашса, бошқалари кутубхона ёндириб юборилган, деган фикрни билдиришади. Менимча, кейинги фикр тўғри.

– Сизнинг бундай фикрга келишингизга бирор асосингиз борми?

– Қанақа асос! Айтдим қўйдим-да! Мен бу соҳа билан қизиқмаганман. Ўйлаганимни айтдим, – Ҳикмат Фахриддинга юзланди. – Ҳар ҳолда мени Улугбек кутубхонаси ҳақида суҳбатлашишга чақирмагандирсиз, тўғрими?

– Саволни биз берамиз! Сизнинг ишингиз жавоб бериш, – гапга қўшилди Санжарбек. – Бизда кераксиз саволнинг ўзи бўлмайди!

– Кутубхона Самарқанд билан Китоб оралиғида-ги тоқقا – форга яширилган деган қарашлар ҳам

бор-а. Сиз бунга қандай қарайсиз? – Фахриддин савол беришда давом этди.

– Э-с-и-и-м-дан күтарилибди, шунақа тахминлар ҳам йўқ змас, – Ҳикмат бошини қашиди. – Аммо менимча, бу тахмин ҳақиқатдан йироқроқ.

– Нега унақа деб ўйлайсиз?

– Сабаби оддий. Улугбек кутубхонаси жуда катта бўлган. Уни ҳеч кимга сездирмасдан Самарқандан тоққа олиб кетиш амримаҳол. Иккинчидан, тоғ шароитида шунча нарсани заарсиз сақлаш қийин масала. Қолаверса, бундай катта кутубхонани форга сигдиришнинг ўзи бўлмайди.

– Унда Улугбек кутубхонаси фондига тегишли китоблар Норбўта чўпоннинг кўлига қандай тушиб қолганлигини қандай изоҳдайсиз?

– Биринчидан, бу қўлёзмаларнинг айнан шу кутубхонага тегишли эканлигига ҳеч ким кафолат беролмайди. Иккинчидан, беш-олти чоғли китобнинг топилишини йўқолган кутубхонани топиш сифатида баҳолаб бўлмайди. Бу бирор бир алломанинг авлоддан-авлодга мерос бўлиб ўтиб келаётган шахсий кутубхонаси фонди ҳам бўлиши мумкин, – Ҳикмат «яна саволлар борми?» дегандай Фахриддинга юзланди.

– Аммо олимлар ўша китобларни айнан Улугбек кутубхонасига тегишли эканлигини таъкидлашмоқда, – деди Фахриддин совуққонлик билан.

– Ҳеч бир олим бундай қатъий хуносага келиши мумкин эмас. Ахир орадан беш юз йилдан зиёдроқ вақт ўтган.

– Унда қўлёзмаларда Улугбек кутубхонасига тегишли эканлигини тасдиқловчи белгилар мавжудлигини қандай изоҳдайсиз? – деди терговчи қўлидаги китобнинг муқовасидаги белгига ишора қилиб.

– Бўлиши мумкин. Китобларни кимдир фойдаланишга олган бўлиши ва қайтармаган бўлиши ҳам мумкин-ку! – деди Ҳикмат хотиржамлик билан.

– Манбаларнинг гувоҳлик беришича, Мирзо Улугбекнинг ўзи кутубхонага мудирлик қилган, – деди Фахриддин қўлёзмани варакдай туриб. – Китоблардан фойдаланишга фақат унинг ружсати билан йўл қўйилган. Бундай шароитда кимнингдир китобларни фойдаланиш учун уйига олиб кетганингига ишониш қийин.

– Тўғри! Аммо кутубхонанинг бошқа хизматчилари ҳам бўлганлигини унутмаслик керак...

– Норбўта чўпоннинг ўлими сабаби шу кутубхонага бориб тақалмоқда? – Терговчи гумондорнинг юзидағи ўзгаришни кўриш учун унга тикилди. – Сиз бунга қандай қарайсиз?

– Шундай холосага келибсиз, демак шунга яраша асосингиз бордир – дудуқланди Ҳикмат. – Л-е-к-и-н жуда кулгили... Оддий чўпоннинг кутубхонага қандай алоказси бўлиши мумкин?

Шу кутубхонага тегиши кўлёзмаларни сизга айнан Норбўта келтирганини рад этмассиз? Хўш, чўпон китобларни қаердан олган? – Терговчи ўрнидан туриб, сухбатдошига яқинлашди. – Сиз бу ҳақда ҳеч ўйлаб кўрдингизми?

– М-е-н-г-а «қўлёзмалар бобомдан қолган» деган. Мен ишонганман...

– Эътиборингиз учун Норбўта чўпоннинг унақа мерос қолдирадиган бобоси бўлмаган! – Санжарбек гап қўшди.

– У ёғи менга қоронғи! Мендан нима истайсизлар ўзи? – деди Ҳикмат норози оҳангда.

– Биз сизнинг мутахассис, олим сифатида бу масаладаги фикрингизни билмоқчи эдик, холос, – деди Фахриддин Каримович босиқлик билан. – Бугунча етади. Ҳаммага раҳмат!

Терговчининг ишораси билан эшик ортида пойлаб турган икки милиционер Ҳикматни хонадан олиб чиқди.

– Устоз энди нима қиласиз? – Санжарбек ташвишланди.

– Кўйиб юборамиз! Мен Тоҳир Фофурович билан телефонда гаплашаман. Сиз керакли ҳужжатларни расмийлаштиринг! – деди Фахриддин бир нуқтага тикилганча.

– Қочиб қолса-чи?

– Ушлаб туришга асосимиз йўқ! Мен раҳбарият билан гаплашай, балки орқасидан одам қўярмиз...

Стол чекасидаги ички телефон жириングлади. Гўшакни Фахриддин кўтарди.

– Ўртоқ бошлиқ! Мен навбатчи Соиповман. Санжар акани сўраб келишган экан!

– Сизни сўрайпти, – Фахриддин гўшакни шогирдига узатди.

– Эшитаман!

Санжар ака, сизни курсдошингиз излаб келган экан! – нариги тарафдан навбатчининг овози жаранглаб эшитилди. – Мана ўзига бераяпман.

– Аъмо! Санжар яхшимисан! Ахволларинг яхшими?

– Ассалому алайкум, раҳмат! Ўзингиз...

– Танидингми?

– Узр, сал...

– Қодирман... Абдуллаев!

– Эй Қодиржон, яхшимисан! Узр, танимабман – бой бўласан!

– Айтганинг келсин! Бизнинг юрталрга келган экансан, айтмайсанам...

– Эй бу ёрини қўявер... ҳозир чиқаман, – Санжарбек гўшакни ўрнига қўйиб, Фахриддинга юзланди: – Қодир деган курсдошим келибди, беш дақиқага ружсат берасиз... тезда қайтаман.

– Яхши, ҳаялламанг!

Санжарбек хонадан чиқиб, тўғри чиқиш эшиги томонга юрди. Курсдошлар қучоқлашиб қўришидлар. Одатдаги сўрашувдан сўнг Қодир мақсадга кўчди:

– Дўстим, сени қора қилиб келдим. Битта ишда ёрдаминг керак бўлиб қолди. Биласан, биз адвокатларнинг иши одамларни ҳимоя қилиш.

– Қўлимиздан келса, бажонидил!

– Қўлингиздан келганда қандоқ! «Дело» сизда экан!

«Дело» сўзини эшитиб, Санжарбекнинг юзи тундлашди. Хаёлидан «гап бу ёқда экан-да!» деган фикр ўтди. Шундай бўлса-да, дўстини ноумид қилмаслик мақсадида гапни ҳазилга йўйди:

– Конун доирасида бўлса, бир оғиз сўзинг-да жўражон!

– Албатта қонуний! Ноқонуний ишни сизга айтиб ўлибманми! – Қодир дўстининг жавобидан кўнгли тўлиб, атайлаб «сиз»лашга ўтди.

– Қанақа иш экан!

– ~~Хикмат Юсуповичнинг ишида!~~ Бизга озрок хешлиги ҳам бор. Узи зур инсон! Жувонмир бўлмасин! Нима хизмат бўлса, акалари тайёр... ўлар-қолар жойда эмас...

Санжарбек ток урган одамдай қотиб қолди. Бир зумда хаёлидан кўплаб фикр ўтди: «Бу одам менга пора таклиф қилаяптими? Нима учун? Ҳикмат Юсуповични қўйиб юбориш эвазигами? Шусиз ҳам уни қўйиб юбормоқчимиз-ку! Акаси ҳамма нарсага тайёр демоқчими? «Ўлар-қолар жойда эмас дегани, ўзига тўқ деганими?»

Дўстининг ўйланиб қолганини ўзича бошқача тушунган Қодир жаврашда давом этарди:

– Бу ёғидан кўнглингиз тўқ бўлсин! Мен кафил. Айтсангиз бир соатда «ест» қиласиз... Оғзингизга сиққанича айтаверинг! Бизга Ҳикмат ака чиқса бўлгани...

Санжарбек қаршисида турган одамнинг гапларини ҳазм қилолмай тилини ютган одамдай ҳамон жим турарди: «Ўҳу ниятлари анча жиддийга

ўхшайди-ку! Бир соатда... оғзинггә сиққанича... деяптими? Мени ким деб ўлайапти, бу аҳмоқ! Қонун талаби бўйича уни пора берувчи шахс сифатида расмийлаштиришим керак-ку! Йўғ-э, ундаи қилсам бошқа курсдошларим нима деб ўлайди! Яххиси «бу иш қўлимдан келмайди» дея қутулиш керак. Лекин нима учун булар бир «айбсиз» одам учун «оғзимга сиққанча» пора таклиф қиласяпти? Бу ерда бир гап борга ўхшайди! Айбсиз одам шунча пулни беришга рози бўлармиди? Балки бу довдир «оғзинггә сиққанча» деб ошириб юбормаяптимикин? Балки синаб кўриш керакдир...»

– Ўзи нима дейишаپти?

– Бу ёғи сиздан дўстим, мол одамнинг жонидан азиз бўлибдими? Тортинмай айтайверинг? – Қодир дадилланди.

– Ростини айтсан мен бунақа ишларни... – деди Санжарбек хижолатомуз.

– Кўкидан 100 та етадими? Ками бўлса, тўлдиррамиз!

– 100 долларми? – терговчи атайлаб ўзини ҳеч нарсага тушунмагандай тутди.

– Одамни уялтирганг! Генералидан гапиринг! Юз минг доллар!

– Юзминг!

– Камми?

– Йўқ-йўқ! Ҳаммаси жойида! Фақат мен... бошлиқдар...

– Ўзингизни алоҳида хурсанд қиласиз! Юзтани бошлиқларга...

– Йўқ-йўқ! Мен бошлиқлар билан маслаҳатлашишим керак демоқчийдим, – деди Санжарбек хаёлига келган режани амалга ошириш учун вақтдан ютиш мақсадида.

– Гап йўқ! Кўнмаса, дозасини оширамиз! Ишқи-либ бизнинг одам чиқса бўлгани! – Қодир мамнун жилмайди.

Санжарбек «түшүнарлы!» дегандай бош иргаб, ичкарига юрди. Зинадан күтарилиб, Фахриддин Каримовичнинг олдига шошар экан, хаёлини турфа хил ўйлар банд этганди: «Вой аблაҳ-эй! Шу бола ростданам кечагина ўзи билан бирга ўқиган Қодирми? Дозасини оширармиш! Одамми у шайтонми? Шунча пулни қаердан оларкан? 100 минг доллар-а! Нима учун шунча пул ваъда қилишаяпти? Бу Ҳикмат дегани ким ўзи? Нима айби борки, тап тортмасдан шунча порани таклиф этмоқда... Бир балоси бўлмаса – шудгорда қуйруқ на қилур... Қуйруқ бўғанда қанақа қуйруқ...»

Санжарбекни бир аҳволда кўриб, Фахриддин ҳайрон бўлди:

– Тичликми, рангингиз докадек оқариб кетибди, мазангиз йўқми?

Хонага отилиб кирган Санжарбек гапни нимадан бошлилни билмай дудукланарди:

– У-с-т-о-з..., б-и-л-а-с-и-з-ми? Бу ерда бир гап борга ўхшайди... бу аблах... бекорга...

– Санжарбек, илтимос ўзингизни босиб олинг! Мана бу ерга ўтириинг! – устоз шогирдига жой кўрсатиб, ёнидаги чойнакдан чой қуйиб узатди. – Ана энди бир бошидан гапиринг-чи, нима бўлди?

Санжарбек пиёладаги иссиқ чойдан бир-икки ҳўплаб, бўлган воқеани оқизмай-томизмай сўзлаб берди.

– Ҳа, Санжарбек! Биз тергов қилаётган иш тасаввуримиздагидан анчагина мураккабга ўжшаб қолди, – деди Фахриддин шогирдининг гапларини дикқат билан эшитгач. – Демак, Ҳикматнинг ашаддий жиноятчи экани аниқ. Бекорга шунча пора таклиф этмайдилар...

– Энди нима қиласиз?

– Бу иккинчи ҳодиса! – Фахриддин одатига кўра тажрибасидан сўз очди. – Туман прокуратураси-

да ишлаб юрган кезларимда Эргаш деган одам хотини Заринанинг бедарак йўқолгани тўғрисидаги ариза билан мурожаат этиб қолди. Бир неча кундан сўнг аёлнинг мурдаси Чирчик дарёсидан топилди. Экспертиза мурданинг танасида ҳаёти учун унча хавфли бўлмаган жароҳатлар борлигини, лекин ўлим сув ютиш натижасида келиб чиқсанлигини кўрсатди. Олиб борилган тергов-қидирув ҳаракатлари ҳеч қандай ижобий натижа бермади. Барча тахминлар ўзини оқдамади. Тергов тақозоси билан туман ташкилотларидан бирида раҳбар бўлиб ишловчи Эргашни ҳам уч-тўрт чақиришга тўғри келди. Одатда, бу каби ишларда гумондор биринчи навбатда марҳумнинг яқинлари орасидан қидирилади. Шунга кўра Эргашни ҳам асосий гумондор сифатида «ушлашимиз» лозим эди. Эргаш яхшигина актёр чиқиб қолди. Ҳар келганда «Илтимос хотинимнинг қотилини топиб беринглар, усиз эйди қандай яшайман», «жуда яхши кўрардим» деб айюҳаниос соларди. Тақдим этган далиллари ҳам тўғри чиқарди. Натижада мен уни гумондорлар сафидан чиқардим. Тергов боши берк кўчага кириб қолди. Мен ишни жиноят таркиби йўқлиги учун тугатишга қарор қилдим... Шу куни кечаси уйимга Эргаш кириб келди. Бардамлик учун яхшигина ичиб олган. Мен «бечора хотинидан ажralиб, куйганидан ичиб олган бўлса керак», – деган хаёлда уни уйга таклиф қилдим. Эргаш илтифотимдан руҳланиб кетди шекили, дангал мақсадга кўчди: «Укажон, қийналиб кетдим. Шу ишни ими-жимида ёпиб берсангиз 10 минг доллар бераман», – деб қолди. Эсим чиқиб кетаёзди. Унинг қанча пора бераётгани эмас, нима учун пора бермоқчи бўлаётгани мени ташвишга соларди. Нима қилиш керак? «Йўқ» десам, кейин у айбини бўйнига олмаслиги мумкин. Мен ҳам сизга ўхшаб, ўйлаб

күриб, бошлиқлар билан маслаҳатлашиб, жавоби-ни эртага айтишимни билдиридим. У пулнинг қудратига тасанно айтиб, курсанд чиқиб кетди. Мен ҳам тезда кийиниб, вилоят прокуратурасига йўл олдим. Воқеани эшитган прокурор «тўғри қилиб-сиз, эртага пулни бераётганда кўлга оламиз» деди. Эртаси куни пора беришда ушланган Эргаш сал ўтмай рашки туфайли хотинини ўлдирганини тан олди... Қаранг, жинояти парвонага ўхшайди. Со-дир этган жинояти атрофидан кета олмай қолади ва натижада оловга ўзини тутиб беради.

– Бундан чиқди, Қодирни пора бераётган чоғда кўлга оламиз демоқчимисиз? – ташвишли оҳангда сўради Санжарбек. – Ахир у курсдошим... нима деган одам бўламан...

– Буни мен эмас, раҳбарият ҳал этишини яхши биласиз! – деди устоз телефон гўшагини кўтара туриб. – Тохир Гофурович нима деса шу...  
Фажрийдинни ажбороти прокурор Ўрибосари-ни ҳам ўйлантириб кўйди. У бу масалада Бош про-курор билан маслаҳатлашиб, кейин бир қарорга келишини билдириб, гўшакни кўйди.

– Жуда ёмон иш бўлди-да! Ҳар ҳолда беш йил бирга ўқиганмиз! – Санжарбек ҳамон ташвищда эди.

– Ҳозирча ташвишланишга ҳожат йўқ! Раҳба-рият бир қарорга келсин! Бирор йўли топилар, вақима қилмай туринг! – Гуруҳ раҳбарининг хаёли бошқа ёқда эди. – Ҳайронман, Ҳикмат қайси жинояти учун шунча катта пулни таклиф этаётган бўлса, нима деб ўйлайсиз?

– Эй, бу одамни тушуниб бўлмайди. Туришидан кўйнинг оғзидан чўп олмагандай ювош кўринсада, нақ шайтоннинг ўзи! Сиз уни қўйиб юбормоқчи бўлиб турувдингиз. Олим одам шунча пулни қаердан олиши мумкин? Икки юз минг доллар беришга ҳам оғринмаётганига қараганда сармояси талайгина...

– Гап пулда эмас! Гап унинг шунча порани нима сабабдан бермоқчи бўлаётганида! Шунга яраша айби бордирки, «офзингга сиққанини ол!» деб турибди, – деди Фахриддин нигоҳини бир нуқтадан узмасдан. – Ҳикмат қотилми, ўгрими, жосусми? Нимадан чўчиб, шунча пора бермоқчи? Ҳеч нарсага ақлим етмаяпти...

Шу пайт стол устидаги хизмат телефони жиринглаб қолди. Фахриддин илдамлик билан гўшакни кўтарди:

– Фахриддин Каримович! – гўшакдан Тоҳир Фуровичнинг босиқ овози эшитилди. – Мен Бош прокурор билан маслаҳатлашдим. Адвокатни пора бераётган маҳалда кўлга олиш лозим. У ёғини ўзингиз яхши биласиз... Ҳар ҳолда бу Ҳикмат деганлари оддий жиноятчига ўхшамаяпти. Вазиятга қараб иш тутинг...

– Тоҳир ака, анави адвокат... – Фахриддин ёнида қудоги тўрт бўлиб турган шогирдига маъноли қарааш қилди. – Санжарбек жуда нокулай вазиятга тушиб турибди... ҳар ҳолда курсдоши...

– Фахриддинжон бу давлат иши! Сизлар ўта оғир қотиллик жиноятини тергов қилаётганикликингизни унутманг! Вазиятга келсак, чиндан ҳам нокулай. Лекин нима қиласиз, сизу биз қонундан чекина олмаймиз! Санжарбекка айтиб қўйинг, тергов билан ҳамкорлик қилса, жиноятни очишга нафи тегса, дўстига қонун доирасида ёрдам қиласиз. Сизларга омад!

– Раҳмат! – Фахриддин телефон гўшагини жойига кўяр экан, «Ана кўрдингмизми?» дегандай елкасини қисиб қўйди.

Гап авзойидан Санжарбек ҳамма нарсани тушунган эди. Бир тарафдан шундай оғир жиноятни очишга шахсан ҳисса қўшаётганидан унинг кўнглининг бир чеккасида алланечук мамнунлик ҳисси

уфуриб турган бўлса-да, бошқа томондан уни виждан азоби қийнар, дўстлари олдида «энди ким деган одам бўлдим!» деган хаёл қалбини ўртарди...

– Кўпам хижолат бўлаверманг! – устоз шогирдининг ўйларини уққандай, далда бера бошлиди.  
– Тоҳир Фофурович, агарда Қодир тергов билан ҳамкорлик қиласиган бўлса, унга қонун доирасида ёрдам қилишга ваъда берди...

– Шу ёига ҳам раҳмат! – Санжарбек бу гапни чин дилдан айтдими ёки пичинг қилаяптими англаш қийин эди...

Операцияга пухта тайёргарлик кўрилди. Санжарбек Қодирга келишилган пулни қаерга, қачон олиб келишини тайинлади. Дўстининг хатти-ҳаракатида ҳеч қандай шубҳани сезмаган Қодир эртаси куни тайинланган жойга нақд 100 минг долларни кўтариб келди ва пулни терговчига берастаган пайтда тезкор-тергов туруги томонидан кўлга олинди. Унга пайтдаги Қодирнинг ҳолатини суз билан тасвирлаш қийин... Унинг нималар деб жаврагани Санжарбекнинг қулоғига кирмади. Аммо... «дўстим десам, ҳайвондан фарқинг йўқ экан-ку!», «бу дунёда ҳеч кимга ишониб бўлмас экан-да!», «сотқин... сенга ҳам боққан бало бордир!» деган заҳарханда гаплари қулоғида муҳрланиб қолди...

Ранги докадек оқариб кетган Санжарбек хужжатлар расмийлаштирилгач, ўзини ташқарига отди. «Энди ким бўлдим!» деган дёған бемаъни хаёл унга тинчлик бермасди...

Қодир биринчи сўроқдаёқ унга пулларни Ҳикматнинг акаси Қобил берганийн, аслида ундан олинган пул 120 минг доллар бўлганини, шундан у 20 мингини ўзида олиб қолиб, қолган пулни Санжарбекка топширганини тан олди. Унинг уйида ўтказилган тинтувда 20 минг АҚШ доллари далилий ашё сифатида олинди.

Шу куннинг ўзида қўлга олинган Қобил бошида бироз ўжарлик қилиб, ҳеч нарса билмаслигини таъорласа-да, сал ўтмай «ёрилиш»га мажбур бўлди:

– Ҳаммасини укамнинг топшириги билан қилдим. Унинг нима жиноят қилганини билмайман. Аммо унинг қандайдир эски-туски китоблар билан шугулланиб юришини билардим. Қамалиб қолгач, биз нима қилишни билмай қолдик. Бир-икки кун олдин ўша ёқдан бир хат юборибди...

– Ўша хат қаерда? – Фахриддиннинг сабри чидамади.

– Хат йўқ, ўшалар олиб кетишган, – деди Қобил шалвираб. Сўнг бир нарса ёдига тушди шекилли, чўнтагини ковлай бошлиди.

– Нима излаяпсиз?

– Телефоним...

– Шу пайтда телефон нимага керак бўлиб қолди? – терговчи ажабланди.

– Ўша хатни расмга тушириб олган эдим, йўқо-либ-нетиб қолмасин деб...

Фахриддин Қобилнинг чўнтағидан олинган нарсалар орасидан телефонни топиб, унга узатди.

– Марҳамат!

Қобил аппаратни кавлай-кавлай излаган нарсанини топди шекилли, телефонни очиқ ҳолда авай-лаб терговчига узатди:

– Мана!

Фахриддин шоша-пиша телефондаги ёзувни ўқий бошлиди: «Ака! Москвадаги дўстларга – 495\_40 1414 (тушиб қоддирилган рақам – биз ўқиган мактаб рақами) телефон қилинг. Мени ментлар олиб кетганини айтинг! «Иш серёзный» денг! Кўкидан 150 минг етказсин! Чиққач, ўзим ҳисоб-китоб қиласман. Кейин қариндошни топинг! Анавилар билан гаплашсин. Куш тилини қуш билади. Кам деса яна берамиз!»

Терговчи телефонни стол устига қўйиб, Қобилга юзланди:

- Сизлар қайси мактабда ўқигансизлар?
- 9-сонли ўрта мактабда.
- Демак, телефон рақами 940 1414 экан-да! Сиз ўша одамни танийсизми?
- Йўқ! Танимайман. Телефонда гаплашдим, холос.
- Исли шарифи нима?
- Билмадим! Ўзини таништириб ўтиrmади.
- Унга нима дедингиз?
- Нима дердим, телефон қилдим. «Мен Ҳикматнинг акасиман», дедим. «Уни ментлар... кечирасиз милиция ходимлари олиб кетди, шунга укам гаплашишга пул керак деб турибди», дедим. Улар «Хорошо, ждите. Что нибуд придумием» дейишди...
- Кейин-чи, кейин нима бўлди? – терговчи тоқатсизланди.
- Кейинги кун кечки маҳалда бир ўрис йигит уйга келиб, бир сумка пул ташлаб кетди. Укамнинг хатини ўзи билан олиб кетди. Битта-яримтага кўрсатса керак-да!
- Сиз шунча пулни индамай олиб қолавердингизми? – Фахриддин жиддий гапираятими ё ҳазиллашяяними билиб бўлмасди.
- Мен санаб кўрмоқчи эдим! «Топиб олсанг ҳам санаб ол!» деганларидай... Аммо у «не стоить, не беспокоитесь всё на месте» деди. Бари бир кетгандан кейин эшик-деразани тамбалаб, пулни санаб кўрдим. 150 минг экан...
- Ўша ўрис ўзини таништирдими?
- Қаерда дейсиз! Бир оғиз ҳам ортиқча гапирмади. Шамолдай келиб, шамолдай кетди, – деди Қобил елкасини қисиб.
- Ўрис Москваликмиди ёки ўзимизникилардан?
- Ўзимизникоига ўхшамади! Россиялик бўлса керак! Ҳар холда бир оғиз ҳам ўзбекча сўзламади... кўриниши ҳам ажнабий башара...

Яхши, кейин мутахассислар сиз билан ишлаб, унинг фото роботини чизишади, – терговчи қоғозга нималарнидир ёзиб, кейин яна Қобилга тикилди. – Хўш давом этамиз!

– Кейин қариндошни... Қодирни топиб, вазиятни тушунтирдим.

– Хатда «қариндош» деб тилга олинган одам шу Қодирмиди?

– Укам уни шундай атарди... узоқроқ қариндошимиз-да!

– Инанкейинчи! – Фахриддин суҳбатдошининг эркин мулоқотга киришиши учун атайлаб «Шум бола»даги бой ролига кирди.

– Қодир «майли гаплашиб кўраман, нималаринг бор» деб сўради. Мен уни қўрқитиб юбормаслик учун «кўкидан юзтамиз бор, кўнишмаса яна қўшамиз», дедим. У бир оз ўйланиб туриб, «ундай бўлса бир ҳаракат қилиб кўрамиз!» деди. Кечки пайт оғзи кулогида қайтиб келди: «Бахтимизга ўша терговчиларнинг каттаси менинг курсдошим бўлиб чиқди, Худо хоҳласа бу ёфи «бўри бўлади!» деди ва ҳозирча ҳар эҳтимолга қарши 120 та тайёрлаб қўйишимни тайинлади. Мен айтилган суммани тайёрлаб, кутиб ўтирдим. Эртаси куни у келиб пулни олиб кетді... – Қобил бор гап шу дегандай Фахриддинга қаради.

– Укангиз ўша Россиялик ўрис билан қандай таништан бўлса? – Фахриддин савонни бошқачароқ қўйди.

– Қайдам! Ҳикматнинг таниш-билиши жудаям кўп. Мен уларнинг айримларини биламан холос.

– Балки ўша дўсти укангизниги мұқаддам мөҳмонга келгандир. Ҳар ҳолда жуда қалин бўлишгани аниқ. Ахир шунча пулни бекорга бериб юбормайдилар-ку!

– Йўқ, укамниги Россиядан мөҳмонлар келганини билмайман. Ҳикматнинг ўзи саёқ юришни

яхши кўрарди. Бормаган жойи, кирмаган тешиги қолмаган... – Қобил чуқур тин оди.

– Саёҳат яхши, бесиёқ юриш ёмон! – терговчи мақолга мақол билан жавоб берди. – Укангиз билан муносабатларингиз қандай эди?

– Ёмон эмас... ака-укаларнинг муносабати каби оддийгина...

– Демак, унчалик яхши бўлмаган, – терговчи ўзича хулоса қилди.

– Аёлларимиз бир-бирини унчалик хушлашмайди. Шундан сал... лекин мен укамга ҳамиша хайриҳоҳ бўлганман. Укам ҳам... фақат келиннинг сўзидан чиқмасди.

– Укангизнинг бир оғиз гапи билан шунча пулни келтириб берганлигини қаңдай изоҳдайсиз?

– Менам ҳайронман! Тукъсан-туғишганингдан 50 минг сўм сўраб олишнинг ўзи даргумон... Балки шунчалар қадрлайдиган, бошига оғир кун тушганда туриб берадиган дўстлари бордир... Лекин мен ўтган йили қизим касалхонага тушиб қолганда шу укамдан 200 минг сўм қарзга сўраб ололмаганман... Бермай кетади деб ўйлаганми? Ё ростдан ҳам пули бўлмаганми? Бу ёғи Яратганинг ўзига маълум... «Менинг пул заводим борми» деган! Ўшанда ёмон хафа бўлганман, Лекин бу ёғи жигарчилик бошига иш тушганда қараб туролмайсан киши... – Қобил кўзида қалқиган ёшни сездирмаслик учун тескари ўгрилди.

– Балки ҳақиқатан ҳам ўша маҳалда пули бўлмагандир! – деди Фахриддин вазиятни юмшатиш учун. – Ҳа майли, ҳар кимнинг виждонига ҳавола. Лекин бизни бошқа нарса ташвишга солмоқда. Укангиз қайси қилган жинояти учун бизга шунча пора таклиф қилаяти?

– Билмадим! Қамоқдан чиқиши учун бўлса керак-да!

– Биз укангизни қамаганимиз йўқ. Гумондор сифатида вақтингча ушлаганмиз холос.

– Ушлагансизларми ёки қамоқца олгансизларми ишқилиб уч кундан бери уйига бормагани аниқ, – ичининг қилди Қобил.

– Қонун бўйича 72 соат ушлашга ҳақлимиз!

– Ушлабсизлар, демак, нима жиноят қилганини ихши биласизлар!

– Биз гумон қилган ишда унинг иштироки аниқланмаганди, биз уни қўйиб юбормоқчи бўлиб тургандик... бирдан у шунча пора таклиф қилиб қолди, – терговчи гаплари ҳамсуҳбатига қандай таъсир этаётганини кузатиш учун унинг кўзига тикилди. – Бир гапи бўлмаса, шунча пулнинг баҳридан ўтмаган бўларди. Жинояти каттага ўхшайди. У сизнинг тувишган жигарингиз, билмаслигингиз, сезмаслигингиз мумкин эмас.

– Мен билганимни айтдим! Укам унақа жиноят қиласидан, бирорга озор берадиган инсон эмас. Ноҳақ қамалиб кетишидан кўркиб, ўртоқларидан ёрдам сўраяпти. Нима қиссин, ҳаммага жон ширин. Пул кўлнинг кири, топилади. Лекин қамоқнинг бир кунини айтинг... Укамнинг жиноят қилганига ишонмайман...

– Эътиборингиз учун пора бериш ҳам, пора беришда воситачилик қилиш ҳам жиноят! – Фахриддин ўрнидан турдид.

Қобил индамади. Терговчи бир соатлик мулоқоти давомида чиндан ҳам қаршисида ўтирган одам ўз укасининг қилмишларидан бехабар деган тўхтамга келди.

Шу куни кечки маҳал Фахриддин бир оз ўзига келиб қолган Санжарбек билан Ҳикматни сўроқ қилишди. Ҳаммаси терговчилар кутганидек чиқди. Ҳикмат ҳеч қандай жиноят қилмаганлигини айтиб, ўзида қаттиқ туриб олди. Пора хусусида эса «Нима

қылай, қүрқиб кетдим! Мол кетса кетсин, обрў кетмасин деб, ўртоқдарга мурожаат қылдим. Барака топгурлар, йўқ дейишмапти! Чиқсам қарзимни қайтарардим» деган гапни айтиб тураверди.

– Хўш, ўша дўстингизнинг исми-шариfinи нима? – деди Санжарбек хуноби чиқиб. – Сизга ким бўлади? Қандай танишгансиз?

– Исми Саша – Александр Петрович!

– Фамилияси? – Санжарбек ёзишга тушиб кетди.

– Фамилиясини билмайман. Сўрамапман...

– Фахриддин ака, нима бу бизни аҳмоқ қиласяптими? – Санжарбекнинг жаҳди чиқди. – Бир оғиз гапи билан 150 минг доллар бериб турибди. Бу киши шундай одамни танимас эмиш. Кулгили эмасми?

Ҳикматнинг юзида норозилик аломати зоҳир бўлса-да, индамади. Фахриддин вазиятдан чиқиш учун гапни бошқа ёққа бурди:

– Ҳикмат ака, Александр Петрович билан қандай танишгансиз? Иш юзасиданми?

– Икки йил олдин қишида Санкт-Петурбургга боргандим. Кун совуқ. Бир оз шамоллаб қолгандим. Дорихонага кириб, дори харид қылдим. Чиқишида шундоқ йўлакда бир одамнинг ётганини кўрдим. Йўловчилар парво ҳам қилмай ён веридан ўтиб кетишарди. Аввалига мен ҳам маст-аласт бўлса керак деб ўйлаб, ўтиб кетдим. Лекин кийинишидан унақа одамга ўхшамасди. Изимга қайтиб, томирини текшириб кўрдим. Арақ иси анқимади. Хушидан кетса-да, юраги билинар-билинмас уриб турарди. Шу ҳолда беш дақиқа ётса, совуқдан ўлиб қолиши аниқ эди. Елкасидан кўтариб, йўл томонга судрадим. Бир аёл киши менга ёрдамлашган бўлди. Такси тутиб, яқин орадаги касалхонага олиб бордим. Докторлар юрак хуружи дейищди. Агар яна ярим соат кечикканимизда бечора бу дунёни тарк этган бўларкан...

Кейин нима бўлди? – бетоқат бўлди Санжарбек.

Кечани шифохонада ўтказдим. Дўхтирлар мени унинг яқин одами деб ўйлашди шекилли «шу ерда бўлиб туриング, у-бу керак бўлиб қолиши мумкин» дейишиди. Кетмаганим яхши бўлган экан. Ўир-икки марта навбатчи дорихонадан керакли дори-дармонларни олиб келишимга тўғри келди. Тонгга яқин дўхтирлар операция муваффақиятли чиққанини, хавф ортда қолганини айтишиди. Аммо мени беморнинг олдига қўйишмади. Кўнглим таскин топиб, ўз юмушларим билан кетдим...

Орадан уч-тўрт кун ўтиб, телефоним жиринг-лаб қолди. Бу ўша йигит эди. Телефон рақамимни қандай топганига ҳайрон бўлдим. Саша мени шифохонага келиб-кетишимни илтимос қилди. Мен унга бирор нарса зарур бўлса керак деган хаёlda унинг олдига етиб бордим. У телефон рақамимни дўхтирлардан олганини айтиб, безовта қилгани учун минг бор уэр сўради. Шунда мен ўша куни дўхтирлар bemорни шифохонага олиб келган шахс сифатида менинг барча маълумотларимни ҳужжатларда қайд қилгани эсимга тушди. Бир оз гаплашиб ўтирдик. Саша ажойиб йигит чиқиб қолди. Каттагина компаниянинг раҳбари бўлишига қарамасдан камтарин, хушчақчақ, самимий ва оққўнгил киши экан. Ўша куни ҳайдовчиси уни дорихона ёнида қолдириб кетган экан. У дорихонадан керакли дориларни олиб, қўшни мавзедаги уйига шиёда – сайд қилиб кетмоқчи бўлган. Кўчага чиқиши билан мазаси қочиб, ерга йиқилган...

– Шу гапларингизга бизни ишонади деб ўйлайсизми? – Санжарбек қаршисида ўтирган кишига үқрайди. – Тузукроқ чўпчак топилмадими?

– Кейинчи, кейин нима бўлди? – Фахриддин норози қиёфада шогирдига кўз қирини ташлаб, сўнг никматга ўтирилди. – Давом этинг!

– Кейин яна бир икки марта учрашдик. Саша мени уйига, дачасига олиб борди, катта зиёфат уюштириди. Оиласи билан таништириди. Хотини, икки қызи бор экан... Қайтишда у менга, хотиним, болаларимга совғалар улашди. Пул ҳам таклиф қылди. Аммо мен пулни олмадым! Шунда у муқаррар үлимдан сақлаб қолгандыким учун мендан умрбод қарздор эканлигини, бошимга бирор иш тушса ҳар доим ёрдамга тайёр эканлигини билдириди,

– Ҳикмат «бор гап шу» дегандай ийманибгина терговчиларга термилди.

– Биз сизни ушлагандан кейин дўстингизнинг ўша гапи ёдингизга тушиб, у билан боғланиб, ёрдам сўрашни акангизга топширгансиз, шундайми? – деди Фахриддин қўлидаги қаламни ўйнатиб.

Ҳикмат тасдиқ маъносида бош иргади.

– Лекин акангизнинг биргина телефони ишониб, ҳе йўқ, бе йўқ, Сашанинг шунча катта пулни бериб юбориши сал шубҳадироқ туюдмаяптими? – Санжарбек луқма ташлади.

– Александр бадавлат одам! Мен сўраган пул унинг учун унчалик катта маблағ ҳисобланмайди...

– Ҳеч ким пулни супуриб олмайди. Бадавлат одам аксинча хасис бўлади... Улардан 150 минг доллар у ёқда турсин, 10 доллар олиш жонини олиш билан баробар! – Санжарбек ўрнидан қўзгалди.

– Саша унақа йигитлардан эмас! – эътиroz билдириди Ҳикмат. – Ҳар ҳолда илтимосимни ерда қолдирмади-ку! У қилган мардликни ҳамма ҳам қила-вермайди...

– Ҳа, бунақа саховатпеша инсонларнинг бўлгани яхши! – деди Фахриддин пиёладаги чойдан хўптаркан. – Аммо улар берган эҳсондан пора сифатида фойдаланиш яхши эмас!

Ҳикмат индамади.

Майли, гапларингизга ишондик ҳам дейлик, ҳўшунда марҳамат қилиб айтинг-чи, – Санжарбек Ҳикматга яқин келди. – Ѣунча порани бизга нима сибабдан бермоқчи бўлдингиз? Сизга ҳали бирор бир айб қўйган бўлмасак...

Гумонланувчи «бир саволни неча марта так-рорлаш мумкин?» деган маънода Фахриддинга бақрайиб қаради.

– Бутунча бас! – гуруҳ раҳбари эшик томонга юрди. – Санжарбек, сиз тегишли ҳужжатларни расмийлаштиринг. Нима қилишни яхши биласиз... Мен раҳбариятга қўнфироқ қилишим лозим.

Ўша куннинг ўзида Қодир, Қобил ва Ҳикмат пора бериш ва пора беришда воситачилик қилганилиги учун қамоққа олинди. Шу орада тергов гуруҳи аъзоларидан бири Москвага хизмат сафарига юборицди. Кутилганидек, Александр Петрович Ҳикматнинг гапларини тўлиқ тасдиқлади.

Тергов гуруҳи фаолияти янада жадаллашди. Аммо Норбўта чўпоннинг қотиллиги билан боғлиқ асосий жиноят бўйича тергов яна боши берк кўчага кириб қолгандай эди...

\* \* \*

Фахриддин Каримовичнинг боши қотиб қолди. Соат тунги ўн бирга яқинлашаётган бўлса-да, турфа хил хаёллар унга тинчлик бермасди: Бу қандай иш бўлди! На учи, на қуйруғи бор! На боши, на адоги! Терговда Ѣунча ишлаб, бунақа бир қарашда оддий, бироқ чигал, мужмал ишни кўрмаган. Бир тарафда қадимий китоблар, олтинлар, иккинчи томонда Амир Темур, Мирзо Улуғбек, Али Қушчи каби буюк сиймолар, бошқа томондан Ҳикмат, Қодир, Қобил, Александр Петрович... Талъат... Садоқат... Мастура ... Буларнинг ўртасида қандай кўзга кўринмас ришта бўлса? Ёки бу шунчаки та-

содифми? Калаванинг учи қаерга яширинган бўлса? Норбўта чўпонни ўлдириш кимга керак бўлган? Ўлдиришдан мақсад нима?

Эшиқ тақиилаб, хонага Санжарбек кириб келди:

– Мумкинми? Фахриддин aka қайтмаймизми?  
Соат ўн бир бўлаяпти! Эртага ҳам иш қолсин...

– Бўлди, бўлди! Кетдик! – гуруҳ раҳбари шаҳдам ўрнидан кўзгалди.

Вилоят прокуратурасининг бўшаб қолган йўлаклари бўйлаб ўтишиб, ташқарига чиқишиди. Ҳовлида терговчиларни навбатчи машина кутуб турарди.

– Эътиrozлари бўлмаса, меҳмонхонагача тоза ҳавода маза қилиб, пиёда кетсан! – деди Фахриддин кўча томонга қадам ташлай туриб.

– Пиёда бўлса, пиёда-да! – Санжарбек устозга эргашди ва ортига қайрилиб, машинасидан бошини чиқарип «нима қиласай?» деб турган ҳайдовчига қараб «Носир aka, сиз бораверинг, биз пиёда кетамиз» деб қўйди.

Анча пайтгача ҳар ким ўз хаёли билан жим кетишиди. Университет хиёбони бўйлаб юришар экан майин эсаётган баҳор насими кўкракларига тегиб, кўнгилларида ажиб бир сархушлик уйғотди.

– Устоз, менга бир нарса тинчлик бермаяпти! – Орадаги жимликини Санжарбек бузди. – Менимча...

–Faқат ишдан гаплашмайлик! Соат ўн иккига қараб, кетаяпти... Ўзингиз айтгандай эртага ҳам қолсин! – устоз ҳазиллашайтими ёки чин гапираяптими билиб бўлмасди.

– Майли, эртага бўлса, эртага-да! – шогирд аразлагандай юзини тескари бурди.

Бир оз жим кетишгач, устоз вазиятни юмшатган бўлди:

– Баъзи-баъзида сиздан жўяли фикрлар чиқиб қолади! Хўш, гапиринг-чи! Нима демоқчи эдингиз?

– Нима учун баъзи-баъзида экан! Биздан ҳар доим ақлли фикрлар чиқсан!

Ким ўзини мақтайди?

Бу мақтаниш эмас, эътироф!

Яхши, сиз айтганча бўла қолсин! Гапиринг-чи!

- Менга негадир Ҳикмат билан Александр Петрович ўртасидаги муносабат щубҳали кўринашти-да! Бу ерда бир сир борга ўхшайди...

- Қанақа сир? Ҳикмат уни ўлимдан сақлаб қолгин! Бошига иш тушганда у ҳам ўз ёрдамини аяманпти! Бунинг нимаси сизда шубҳа уйғотмоқда.

- Устоз атайлаб шогирдини мунозарага чорлади.

- Ўлимдан кутқарган бўлса, бу унинг фуқаролик бурчи бўлган. У кутқармаса, бошқа бирор қутқариши мумкин эди. Лекин унчалик қадрдан бўлмаган, тасодифий танишнинг бир телефонга оз эмас, кўп эмас 150 минг долларни ҳадя қилиб юбориши ақлга сифадиган иш эмас! Улар ўртасида бошқачароқ муносабат борлиги аниқ! Балки танишишлари шундай кечган бўлса ажаб эмас. Кейинчалик уларни ягона мақсад бирлаштирган. Уларнинг бир ишни бошлашгани аниқ. Ахир Ҳикмат хорижда бекорга тентираб юрмаган-ку! Александр Петрович бизнесмен. Менинг тасаввуримда бундай одамлар пулни бекорга совуришмайди! – Ҳамсухбатининг лиққат билан тинглаётгани Санжарбекни илҳомлантиради.

- Хўш нимани таклиф қиласиз?

- Миямга Александр Петрович шахсини, оиласини, яқинларини ўрганиб чиқиши лозим деган фикр келганди...

- Ким сизга харакит бераяпти! Ўрганинг! Сиз тергов гуруҳи аъзоси, тажрибали терговчисиз!

- Питердаги дўстларимиз орқали айrim нарсаларни ойдинлаштирудим, – ниҳоят Санжарбек мақсадга кўчди.

- Қани, қани! Эшитайлик-чи! – Фахриддин мамчун жилмайди.

– Александр Петрович шаҳарнинг 10 та катта бизнесменидан бири экан. Компанияси асосан қурилиш билан шугулланар экан. Икки фарзанди бор. Хоббиси автомашиналар коллекцияси. Хотини Тамара Булатовна шарқшунос...

– Шарқшунос! – тилла топган одамдай Фахриддиннинг кўзлари чақнаб кетди. – Келинг, ўтириб гаплашайлик!

Йўл четидаги ўриндиқقا ўтиришди. Санжарбек оҳиста давом этди:

- Бу ҳали ҳаммаси эмас...
- Тезроқ гапирсангиз-чи! Яна нима гап!
- Тамара Булатовна Эрмитаж музейида ишларкан...

– Аниқми?

– Албатта! Юз фоиз! Бир курсдошим МУРда ишлайди. Мана у факс орқали юборган маълумотнома, **Санжарбек чўнтағидан бир варақ қоғоз чикарни**.

Фахриддин тепадан тушиб турган чироқ шуъласида қоғозга кўз югуртириди:

– Демак, Эрмитажда ишлайди... шарқшунос! Қайси тил бўйича мутахассис экан, буни аниқлагадингизми?

– Нима учун? Аниқлаганда қандоқ! – Санжарбек атайлаб гапни чўзди.

– Одамни диққи-нафас қўлмасдан гапирсангизчи! – Устознинг сабри чидамади. – Қайси тил?

– Араб тили бўйича мутахассис экан!

– Ана холос, пишди гиолос! Шарқшунос... араб тили бўйича мутахассис... яна музейда ишласа... Бу нимани англатади! Сизга калаванинг уни то-пилгандай бўлмаяптими? Ҳикматнинг жазавага тушишида гап бор экан-да! – Фахриддин шогирдига юзланди. – Нима учун буни менга олдинроқ айтмадингиз!

– Ҳаммаси боя чиқишимиздан сал олдин аниқ бўлди. Ишхонада айтсам, туни билан ишлатардингиз-да! – деди Санжарбек қувлик билан.

– Бу гапингиз ҳам тўгри! – Фахриддин ўрнидан кўзғалди. – Кетдик!

Устоз-шогирд университет хиёбонини ортда қолдириб, меҳмонхона томонга юришди.

Эртаси куни каллаи саҳарлаб туриб олган гуруҳ раҳбари Санжарбекни ҳам кутиб ўтирумасдан ишга отланди. Туни билан ўйлаб чиққан фикрларини жамлаб, қоғозга туширди. Навбатдаги қилинажак ишлар режасини тузди. Сўнг иш вақти бошланиши олдидан Тошкентга – Тоҳир Фофуро-вичга қўнғироқ қилиб, вазиятни тушунтириди.

– Энди нима қилмоқчисиз? – деди терговчининг ахборотини диққат билан тинглаган Бош прокурор ўринbosари гап охирида.

– Санжарбек бу ердаги ишларни юритиб турса, мен гуруҳ аъзоларидан бирини олиб, Питерга учсан дейман!

– Тўгри қиласиз! Сиз ишларни Санжарбекка топшириб, Тошкентга қайтинг! Мен кечки рейсга чиптага буюртма бердиртираман! Шерикликка кимни олиш ўзингизга ҳавола!

Сал ўтмай кўпроқ ухлаганиданми ёки ухломмаганиданми қовоқдари шишиб, одатдагидек қуюқ саломлар билан Санжарбек кириб келди:

– Э, бунақа эмас-да, устоз! Уйғотай ҳам демабсиз!

– Мен барвақт тургандим. Сизни безовта қилгим келмади. Қани ўтиринг, – Фахриддин шогирдига жой кўрсатди.

Санжарбек стол устидан қофоз ва қалам олди.

– Мен пешиндан сўнг Тошкентга жўнайман. Худо хоҳласа, кечки рейсда Санкт-Петербургга учаман. Бу ердаги ишлар сизга қолади. Нималар қилишни ўзингиз яхши биласиз. Сизга ўргатишга

ҳожат йўқ! Ҳозир Ҳикматни олиб келишади. Уни кечаги масалалар хусусида сўроқ қилишимиз лозим. Балки бирор нарса ойдинлашар...

Шу пайт эшик тақимлаб, икки милиционер Ҳикматни ичкарига бошлаб киришди ва одатига кўра қўлидаги кишанни ечиб, бирин-кетин хонадан чиқиб кетишиди.

– Яхши дам олдингизми? Ўтилинг! – Фахриддин жой кўрсатди.

– Раҳмат! Агар буни дам олиш деб ҳисоблаш мумкин бўлса!

Тергов олдидан таъбини тирриқ қилмаслик учун терговчилар Ҳикматнинг пичингига эътибор қилишмади.

– Тамара Булатовнани олдиндан танирмидингиз? – гуруҳ раҳбари мақсадга кўчди.

Ҳикмат бундай саволни кутмаган шекилли яшин ургандай чўчиб туцди. Ўзининг танг ҳолатини сездирмаслик учун чўнтағидан рўмолчасини олиб, юз-қўлини артган бўлди. Шу тобда унинг хаёлидан нималар кечаётганини англаш қийин эмасди. Одатда сўроқ қилинаётган шахсга кутилмаган саволга жавоб топиш учун муайян фурсат лозим бўлади. Буни яхши тушунган терговчилар ёnlарида терлаб-пишиб ўтирган бў шахсга ҳам бир, муддат мушоҳада қилиб олишига қаршилик кўрсатишмади.

– Т-а-м-а-р-а Бу-лат-ов-нани олдиндан танимаганман. Саша билан уйига борганда кўрганман, – деди ниҳоят Ҳикмат дудукланиб.

– Тамара нима иш қиласди?

– Қизиқмаганман!

– Биздаги маълумотларга қараганда у ҳам Сизга ўхшаб шарқшунос, араб тили бўйича мутахассис экан, музейда ишларкан...

– Бўлса бордир, сўрамаган эканман! – деди Ҳикмат кўзини ердан узмай. Сўнг вужудидаги хая-

жонни сездирмаслик мақсадида ўзини дўстининг хотини тақдиридан хавотирланаётган қилиб кўса-тишга уринди: нима гап, унга бирор нарса бўлибдими?

Бурчакда кузатиб ўтирган Санжарбекнинг хаёлидан «Вой шайтон-эй! Устига сув юқтиргиси келмайди-я!» деган фикр ўтди. Ўзини тутиб туролмай ўрнидан турди ва Ҳикматга ўдағайлади:

– Ҳали Тамаранинг Эрмитажда ишлашини ҳам билмайман, Эрмитажга ҳам бормаганман дерсиз?!

– Тамара менга қаерда ишлашини айтмаган! Менам сўрамаганман! Лекин Эрмитажга борганман! Питерга борган одам уни кўрмасдан қайтмас карак!

– Тамара билан Эрмитажда учрашдингизми?

– Биз Саша билан бирга бордик. Тамара бизга «гид»лик қилди.

– Сиз Тамара билан Норбўта чўпондан олган қўл-ёзмалар түгрисида гаплашмадингизми? Ҳар ҳолда у ҳам шарқшунос ёкан, – давом этди Фахриддин.

– Йук! У пайтда китоблар менда эмасди. Уларни чўпон кейин олиб келиб берган-ку!

– Китоблар сизнинг қўлингизга тушгач, Питерга неча марта боргансиз? – Санжарбек гап қотди.

– Икки марта шекилли!

– Аниқроқ гапиринг!

– Ўтган йили ёзда... шу йил бошида... қишида... тўғри икки марта!

– Питерга бунча серқатнов бўлиб қолишингизнинг сабабини билсак бўладими? – Санжарбек ўрнидан туриб кетди.

– Бир нарсани неча марта такрорлаш мумкин?

– Ҳикмат норози оҳангда бир Санжарбекка, бир Фахриддинга тикилди.

– Бу тергов! Керак бўлса юз марта такрорлай-сиз! – деди Санжарбек ҳам бўш келмасдан.

— Мен бу саволингизга жавоб берганман! Бошқа гапим йўқ!

Фахриддин ғазабга тўлиб, ўдағайланиб турган шогирдига «керак эмас» деган маънода қарашиб қилди. Санжарбек ноилож жойига ўтирди.

— Ҳикмат ака хафа бўлмайсиз энди, ишимиз шунака! Мана бу қоғозга Питерга қилган саёҳатингиз тафсилотларини обдан ўйлаб, батафсил ёзсангиз, — Фахриддин стол устидан қоғоз ва ручка олиб, Ҳикматга узатди. — Ҳеч нарса ёдингиздан чиқмасин! Қачон, қаерга боргансиз, ким билан учрашгансиз, қаерда тунагансиз, қачон қайтгансиз...

Ҳикмат бир оз ўйланиб, ёзишга кириши...

Тушга яқин Фахриддин гуруҳ аъзолари орасидаги энг тажрибали изқувар Аваз билан бирга Тошкентга йўл олди...

\* \* \*

Баҳорfasli охирлаб бораёттан бўлса-да Санкт-Петербургда қуёш тафти сезилмасди. Фахриддин меҳмонхонадан чиқиб, шаҳар кўчалари бўйлаб одимлар экан, аъзои-бадани жунжикканини ҳис қилди, қалинроқ кийиниб чиқмагани учун ўзини койиди. Такси тўхтатишга мажбур бўлди. Қорачадан келган ҳайдовчи йигит мижозни илиқ кутиб олиб, у айтган манзил томон газни босди.

— Брать вы откуда? — шаффер русчада билинчар-билинмас акцент билан гапирди.

— Из Узбекистана, из Ташкента!

— Э ака, ўзбекман дeng! Яхшимиз! Ишқилиб кўзимга иссиқ кўриндингиз-да! Питрга хуш келибсиз!

— Раҳмат укажон! Ўзингиз қаердансиз?

— Мен Самарқандликман! Уч-тўрт йилдан бери шу юртларда насибамизни териб юрибмиз-да ака! Менинг отим — Азимжон!

- Менинг исмим Фахриддин!
  - Танишганимдан хурсандман, ака! Юртдошларни кўрса одам бир бошқача бўлади-да! - Азимжоннинг қувончи ичига сифмасди.
  - Менам хурсандман! Қайда бўлсаям омон бўлинглар!
  - Фахриддин ака, ўзимизда нима дейишади, «Йўл бўлсин» дейишадими? Бу юртларда... нима юмушлар билан... саёҳатми, бизнесми?
  - Хизматчиликда, укажон! - Фахриддин жилмайди. - Мен прокуратурада ишлайман. Хизматсафарига келгандим.
  - Тушунарли! Юртлар тинчми? Тошкент таниб бўлмас даражада ўзгариб кетган дейишади.
  - Тўгри айтишади! Нафақат пойтахт, бутун Ўзбекистон кундан-кунга чирой очиб бормоқда. Ҳар қадамда қурилиш, янгиланиш, яшариш...
  - Бу ерда яшашимиз ёмон эмас. Лекин бари бир одам ўз киндик қони тўкилган жойни, Ватанини соғинар экан. Баъзида бу ерлардан учиб кетгим келади...
  - Асли касбингиз нима? - деди Фахриддин Азимжонга тикилиб.
  - Ўқитувчи! Математика муаллими эдим.
  - Шундай муборак касбни ташлаб, бу жойларда нима қилиб юрибсиз?
  - Пешана экан. Шунаقا бўлиб қолди. Оила, болам-чақам деб, одам ўзини ўтга ҳам, қирга ҳам ураркан. - Азимжон чуқур «уф» тортди.
  - Рисқингиз шу ерларга сочилган экан-да, ука! Болалар ҳам келишганми?
  - Хотиним, икки ўғлим қишлоқда қолган...
  - Ҳа, бу ёғи чатоқ экан. Оиласиз одамга қийин...
- Уларни ҳам олиб келсангиз бўлмайдими?
- Бунинг ҳам иложи йўқ! У ёқда энам ёлғиз...
  - Ҳа, оналарни ёлғизлатиб бўлмайди, - деди терковчи ойнадан кўзини узмай. - Мана бу черковми?

– Машхур Исаков сбори деганлари шу. Бу хиёбон ҳам Исаков номи билан аталади.

– Ленинградни чиройли шаҳар деганларича бор экан! – деди Фахриддин шаҳар тароватига маҳдиё бўлиб.

– Мана Почтамт кўчасига ҳам келдик! Қаерга ҳайдай! – деди Азимжон машина тезлигини пасайтириб.

– Шаҳар прокуратураси қаерда экан?

– Ҳозир сўраймиз-да! – Азимжон машинани йўл четига тўхтатиб, йўловчилардан биридан манзилни сўраб, қайтди. – Адашмапмиз, ҳов ана олдиндаги катта бино прокуратура экан.

Такси сал юриб, пештоқига «Прокуратура города Санкт-Петербурга» деган салобатли бино олдида тўхтаганда Азимжон мижозига юзланди:

– Фахриддин ака, мен нима қиласай, сизни кутиб турайми?

– Қандоқ бўларкан, мен бирор соат қолиб кетишим мумкин. Сизни куттириб қўймайманми?

– терговчига юртдошининг таклифи маъқул бўласада, ўзини хижолат чекаётгандай тутди.

– Э ака, гап бўлиши мумкин эмас, кечгача бўлсаям кутиб тураман! – деди Азимжон самимий оҳангда.

– Раҳмат Азимжон! Менга катта ёрдамингиз тегаяпти. Сизсиз бу катта шаҳарда йўлимни тополмай тентираб юрган бўлардим! Мен тезда! – терговчи қўлидаги сумкани чангallаб, ичкарига кириб кетди.

Питерлик ҳамкаслар Фахриддин Каримовични илиқ қарши олишди. Ёши элликдан ошган, новчадан келган прокурор ўринбосари Сергей Константинович меҳмонни қабул қиласар экан, Ўзбекистон, ўзбеклар ҳақида фахрланиб гапирди:

– Мен Гдлян, Ивановлар гуруҳида юртингизда борганман. Ажойиб ўлка. Одамлари меҳмондўст,

халқи содда, меҳнатсевар... Ўшандада мен бу ишларга қарши бўлганман. Бутун бошли миллатни жиноятчига чиқармоқчи бўлган ўша ярамасларга таъсир қилишга ҳаракат қилганман. Қайдада дейсиз, улар ўз айтганларидан қолишмаган. Қайтанга раҳбариятга ёмонлаб, мени терговдан четлаштирган.

– Нимасини айтасиз, уларнинг халқимизга етказган зуғуми ҳамон юраклардан чиқмайди. Ҳар ким ҳам сиздек мардлик қиолмайди. Ўша пайтларда у каллакесарларга қарши бориш осон бўлмаган...

– Ташрифингиз ҳақида Москвадан қўнфироқ қилишганди, – ниҳоят Сергей Константинович мақсадга кўчди. – Давлатларимиз ўртасида ҳукуқий ёрдам тўғрисида шартнома бор. Биздан қанақа кўмак лозим бўлса, тортина масдан айтаверасиз, муаммо бўлмайди.

– Раҳмат!

– Сизга энг тажрибали ходимларимиздан берамиз, ёрдам қилишади, – прокурор ўринбосари ички телефон гўшагини кўтарди. – Вадим Михайлович, хонамга киринг!

Бир оз ўтиб хонага 30-32 ёшлардаги кийган формаси ўзига ярашган «капитан» кириб келди:

– Рухсат этинг, ўртоқ полковник!

– Вадим таниш, меҳмон серкуюш Ўзбекистондан, – деди Сергей Константинович стол устидаги қофозга кўз қирини ташлаб, – Фахриддин Каримович!

– Вадим Михайлович! – «Капитан» меҳмонга кўл узатди. – Танишганимдан хурсандман!

– Мен ҳам!

– Вадим! Мана бу ҳужжатлар билан танишиб чиқиб, ҳамкасбимизга тегишли тергов ҳаракатларини олиб борища амалий ёрдам кўрсатилишини ташкил этасиз! – Бошлиқ қўлидаги қофозларни узатди. – Меҳмонни ёлғизлатиб қўйманг! Ахир қанча йиллар бир тизимда, бир мақсадни кўзлаб елкама-елка ишлаганмиз! Муаммо бўлса, киарсиз!

Вадим меҳмонни ўз хонасига бошлаб чиқди. Терговчилар масалани атрофлича муҳокама қилишиб, амалга ошириладиган тергов ҳаракатлари режасини тузиб олишди.

– Демак келишдик, тингувни бугун кечки пайтда, одамлар ишдан қайтадиган пайтда ўтказамиз!  
– деди Вадим прокуратура остонасида Фахриддинни кузата туриб. – Соат 17 да менинг хонамда учрашамиз!

– Келишдик! Кечгача!

Фахриддин иши осонликча ҳал бўлганидан хурсанд ҳолда машиналар тўхташ жойига шошилди.

– Азимжон, зерикмадингизми? Сизни ҳам ташвишга қўйдим-да!

– Ҳечқиси йўқ, меҳмон оти Худо! Сизга нағимиз тегмаса, бу юртларда нима қилиб юрибмиз! – Азимжон машина моторини ўт олдириди.

– Анча ишдан қолдирдим...

– Бу гапларни қўйинг, кетдик сизни бир пите́рча меҳмон қиласай! – Азимжон газни босди. – Ҳадемай тушлик ҳам бўлиб қолади.

– Яхши! Олдин меҳмонхонадан шеригимни олайлик. Кейин бизларга Эрмитажни кўрсатсангиз...

– Гап бўлиши мумкин эмас! Ленинградга келиб, Эрмитажни кўрмай кетиш – «грех»! Ўшаёққа ҳайдайми?

– Ҳозир меҳмонхонага, Авазжонни олайлик!

– Ҳа эсим қурсин! Шеригим бор дегандингиз-а!

– ҳайдовчи орқа ойнага қараб, машинани чап томонга бурди. Меҳмонхонадан Авазни олишиб, тўғри Эрмитаж музейи томонга юрдилар. Азимжон меҳмонларга «гид» топиб берди. Ўзи машинада кутиб турадиган бўлди. Авазнинг «юринг, бирга айланамиз, шериклари учун еврей ўзини осган экан!» деб ҳазиломуз қистовига Азимжон «Сизлар бемалол айланаб чиқаверинглар. Меҳмонлар билан келавериб, музей менга ёд бўлиб кетган!» деб жавоб берди.

Гарчанд Фахриддин Каримович бу даргоҳ түғрисида ўқиган, телевизорда кўрган бўлса-да, бунчалик деб тасаввур қилмаган эди. Бир-бираидан ҳашаматли бинолар, ҳайбатли устунлар, турфа хил ранглар, қадим ота-боболаримизнинг ҳаётидан далолат бериб турувчи экспонатлар, жозабали суратлар, кўзни қамаштирувчи ҳайкаллар, қурол-аслаҳалар, танглар, китоблар, қўлэзмалар одамни ўзига маҳлиё этади. Киши ўзини бошқа оламга тушиб қолгандай ҳис қиласди. Бу ажойиботдан, бу гўзаликдан кўзини ололмай сармаст бўлиб қолади гўё. Латофати ўзига ярашиб турган «гид» аёл ўз тилида тўлқинланиб гапиради:

– Музейга 1764 йилда рус подшоси Екатерина II томонидан асос солинган. У берлинлик бир савдогардан 225 та картинкани сотиб олиб, бугун сиз кўриб турган мана шу даргоҳнинг тамал тошини қўйган. Айни пайтда музей 3 миллионга яқин санъат ва бошқа маданий мерос ёдгорликларига эга. Ундаги ҳар бир коллекция давлат томонидан муҳофаза қилинади.

– Кечирасиз, Ларисахон! Ўн тўққизинчи асрнинг иккинчи ярми, йигирманчи асрнинг бошида Самарқанд ва Бухородан келтирилган бойликлар қаерда сақланади? – Аваз сал талаффуз билан бўлса-да русчада бехато гапирди.

Лариса мийифида кулиб қўйиб, тушунтиришда давом этди:

– Албатта, музей коллекциялари турли даврларда турли шахслар томонидан олиб келинган. Музейда Ўрта Осиё ҳалқарининг Россияга қўшилиши туфайли келтирилган экспонатлар ҳам талайгина...

– Қўшилиши эмиш, босиб олиниши десанг тўғри бўлармиди! – тўнфиллади Аваз ўзбекчалаб.

Фахриддин «керак эмас!» дегандай шеригига қараб қўйди. Сўнг орадаги нокулайликни барта-раф этиш учун:

— Лариса Григорьевна, Ўрта Осиёнинг қадимий халқлари маданияти ва санъатига доир экспонатларни ҳам кўрсак бўладими? — деди.

— Албатта! Улар музейнинг Ўрта Осиё маданияти ва санъати доимий экспозициясида сақланмоқда. Ҳозир айнан ўша ёққа кетаяпмиз!

Қишки саройнинг биринчи қаватига етганда Лариса меҳмонларни катта залга чорлади ва таниширишга тушди:

— Экспозиция 11 та залга жой бўлган. Экспонатларни шартли равишда иккига бўлиш мумкин: исломгача ва исломдан сўнгги даврдаги маданий ёдгорликлар...

Фахриддин ҳар бир экспонатни дикқат билан кўздан кечирар экан, кўз олдида мозий гавдалангандай бўлди. Гўё самодан туриб, она юртининг ўтмишини кузатиб тургандай эди. Хаёлида экспонатлар тилга кираётгандай, кечмишини сўзлаётгандай, мингминг йиллар танасида сақлаган сирларини ошкор этаётгандай... қора кўзли бу инсонларни таниётгандай, нажот сўраётгандай туришарди...

— Экспонатлар икки йўл билан – шахсий коллекцияларнинг топширилиши ва археологик қазишлар орқали узоқ йиллар тўпланган, – «гид» оладиган пулинин ҳалоллаш учун тер тўкарди.

Аваз Фахриддинга маъноли қараб, ўз тилида «Босқинчлик йўли билан тўпланган экспонатларни айтишмайди-я!» дея луқма ташлади. Гуруж раҳбари «қўяверинг!» дегандай мийигида кулиб қўйди.

— Лариса Григорьевна, кечирасиз, музейда Амир Темур кутубхонаси фондига кирган қўлёзмалар ҳам борми? – Фахриддин Каримович рус тилида чиройли ва бехато гапирди.

— Албатта бор! Улар турли даврларда турли хил йўллар билан музейга олиб келинган. Яқинда, – Лариса ён атрофига аланглаб, шивирлади, – яна бир

қанча құләзмаларни құлға киритдик! Бебаҳо бой-лилла, ҳа-ҳа, бебаҳо дурдонага әга бүлдик!... Нима, сиз қадимий құләзмаларга қизиқасизми?

– Ҳа, мен ҳам коллекционерман! Ўша құләзмалар музейга қандай келиб тушганligини айтоляйсизми? – терговчи касбига хос әхтиёткорлик билан савол беришда давом этди.

– Йүқ, йүқ! Хабарим йүқ! Бу бизнинг ишимиз әмас, – Лариса сергакланды.

– Сиз Амир Темур ёки Мирзо Улугбек кутубхонаси ҳақида биласизми?

– Университетда ўқиб юрган кезларимда мен қадимда йүқолиб кетган кутубхоналар тарихидан диплом иши Ѽзгандым. Ўшанда Амир Темур кутубхонасига қизиқиб қолғанман. Яқында музейга шу кутубхона фондига кируди китоблар топширилғанда «кутубхона топилдимикин?» деган ўйга бордим. Ростдан ҳам шунақами? – деди Лариса мовий күзлари жавдира.

– Ҳозирча йүқ! Лекин... Сиз у құләзмаларнинг Амир Темур кутубхонасига тааллуқли эканligини қандай билдингиз?

– Ахир уларга Темирийлар тамғаси босилған-ку!  
– Лариса «коллекционер бўла туриб шуни билмайсанми?» дегандай маъноли қарааш қилди.

– Сиз құләзмаларни ўз кўзингиз билан кўрдингизми?

– Нима, сиз мени тергов қиласпизми? – қизнинг қошлари чимирилди.

– Минг бор узр! Құләзмаларга азбаройи қизиққанимдан... Сизни хафа қилмоқчи эмасдим, – Фахриддин қўлини кўксига кўйди.

Шу билан гап узилиб қолди. Лариса межмонларни кейинги залга бошлиди. У ҳар бир экспонат олдида тўхтаб, мароқ билан гапиравар, ўз бурчини садоқат билан бажаришга ҳаракат қиласади. Фахриддин

гарчанд ўзини «гиднинг гапларини эшитаётгандек туваётган бўлса-да, аслида унинг хаёлини тамоман бошқа нарсалар банд этганди: наҳотки қўлёзмаларни Ҳикмат олиб келиб музейга топширган бўлса! Нима учун ўзимизнинг давлат музейимизга эмас, бошқа давлатнинг музейига! Кўп пул тўлашадими бу ерда? Балки ўзимизга топширса сири ошкор бўлишидан чўчигандир! Балки бошқа бирор сири бордир... Лекин давлат музейи қўлёзмалар учун унақа катта пул тўлай олмайди-ку! Коллекционерлар, шу соҳага қизикувчилар кўпроқ ҳақ тўлаши аён-ку! Нега уларга топширмаган? Бу ишларга Сашанинг, Тамаранинг алоқаси борми? Ахир Тамара шу ерда ишлайди-ку! Балки у Ҳикматни қўлёзмаларни шу ерга топширишга кўндиргандир. Раҳбарлари билан гаплашиб, каттагина пул ундириб бергандир... Бу ноёб қадимий қўлёзмалар ҳеч бир одамни бефарқ қолдирмаслиги тайин...

– Яхши йигит, сиз мени эшитмаяпсиз шекилли!  
– Ларисанинг назокатли овози терговчининг хаёлини бузди. – Бўлмаса тугата қолайлик!

– Йўқ, йўқ! Мен яхши! Давом этамиз!

Мижозларининг вақти тифиз эканлигини англаган Лариса кейинги заллардаги осори-атиқалар билан сал юзакироқ таништиришга ҳаракат қилди. Фахриддин ҳам бунга эътиroz билди. Аваз толиқцанидан йўлак четидаги ўриндиқлардан бирига ўтириб одди.

– Лариса Григорьевна қизикувчанлигим учун мени афу этгайсиз, – Фахриддин кетишга тайёрланиб турган қизни четга тортди. – Сиз чиндан ҳам ўша китобларни ўз кўзингиз билан кўрдингизми?

– Эй Худо! Яна ўша китобларми? – қиз бу барно йигитдан бошқачароқ сўзни эшитишни хоҳлаган шекилли, қовоғи уйилди.

– Эҳ Л-а-р-и-с-а, Лариса, гўзал Лариса! Ўтина-ман, менга ёрдам беринг! Бу мен учун жуда муҳим!

– Фахриддин аёлни кўнглини юмшатиш учун яли-нишга тушди.

– Айтишларича, бир олим киши қўлёзмаларни музейга қолдиришни васият қилган эмиш! Бўлди, бошқа нарса билмайман! Керак бўлса ана раҳбариятга киринг, айтиб беришади, – Лариса «бўлдими, қутудимми?» дегандай йигитга тикилиб, сўнг оҳиста одимлай бошлади. – Кўришгунча!

– Кўришгунча! – Фахриддин тилига тузукроқ сўз келмаганидан хижолат бўлиб, бир муддат жойида қотиб қолди.

Демак, васият қилган! Бу яна ким бўлди? Кекса олим бўлса, балки қўлёзмалар унга уруш йилларида келиб қолгандир. Унда Амир Темур кутубхонаси сири кимларгадир олдинроқ маълум бўлганми? У ҳолда нима сабабдан шу пайтгача бу ҳақда ҳеч ким, ҳеч нарса билмайди... Ҳар нарса бўлиши мумкин. Ёки бу Ҳикматбойнинг ишимикин?

– Фахриддин ака, кетдик! Қоринлар ҳам ногора чалиб юборди-ку! – Авазнинг овози эштилди.

Музейдан чиқишиди. Азимжон кутиб турган экан. У ҳамюрларини шинамгина қаҳвахонага олиб бориб, меҳмон қилди. Кечга яқин мезbon эртага учрашиш шарти билан меҳмонларни шаҳар прокуратураси олдида қолдириб кетди...

\* \* \*

Тинтув соат 19 да бошланди. Тамара Булатовна терговчилар ўзбекистонлик эканлиги, жиноят иши Ўзбекистон Республикаси прокуратураси томонидан қўзғатилганлигини эштириб, аввалига ҳарҳаша қилди, тергов ҳаракатларини олиб боришга халақит қилмоқчи бўлди. Аммо Вадим ўз хизмат гувоҳномасини кўрсатиб, қонун талабини тушун-

тиргач, бир оз тинчланди. Эрига қўнгироқ қилди. Сал ўтмай башанг кийинган, бўйнига аёлларга ўхшаб тилла занжир осиб олган Александр Петрович кириб келди. У нима гаплигини англаган бўлса-да, терговчилар тақдим этган ҳужжатлар билан хотиржам танишиб чиқди. Сўнг жавондаги китобларни кўздан кечираётган Фахриддиннинг олдига келди:

– Жаноб терговчи, марҳамат қилиб айтинг-чи, нима, сизларнинг қонунларингиз бўйича дўстига ёрдам бериш жиноят ҳисобланадими?

Фахриддин Каримович бир Вадимга, бир тинтуда холис сифатида иштирок этаётган икки кўшни хотинга қараб, кулиб қўйди. Бу қалтис саволга муносиб жавоб бериш учун бир муддат фикрини жамлаб олди:

– Нега унақа дейсиз? Бировларга, айниқса, дўстларга беғараз ёрдам бериш ҳеч бир қонунда жиноят саналмайди. Аксинча, бизнинг одоб-ахлоқ қоидаларимиз ўзгаларга ёрдам беришни энг олижаноб инсоний қадрият сифатида баҳолайди.

– Ундей бўлса, нега бизни безовта қиласизлар, уйимизни тинтиб, тинчимизни бузаяпсизлар. Нима, биз жиноят қилдикми? Ахир олдин юборган терговчинизга мен бор ҳақиқатни айтиб бергандим-ку! Яна нима хоҳдайсизлар биздан! – Саша ранги доқадек оқариб кетган, ўзини қўярга жой тополмай тинмай «оҳ-воҳ» чекаётган хотинини бағрига босди.

– Бўлди жоним, бўлди! Ҳаммаси жойида!

– Александр Петрович, Тамара Булатовна сизлар ахир олий маълумотли, тушунган одамсизлар-ку!

– Фахриддин қилаётган ишидан тўхтаб, хонадон соҳибларига юзланди. – Бизни тўғри тушунинглар, ўз хизмат бурчимизни бажарайпмиз! Тергов зарурити бизни шунча йўлдан келиб, сизларни, қолаверса, питрлик ҳамкасларимизни безовта қилишга мажбур қилди. Биз тергов қилаётган жиноятга

тааллукли ҳеч нарса топилмаса, янада яхши, узр сўраб қайтиб кетамиз.

– Ўзи нима қидирайпизлар? – эрининг пинжида бир оз ўзини босиб олган Тамара қизиқсинди.

– Қадимий китоблар, қўлёзмалар... тилла тангалилар, – Фахриддин Тамаранинг юз-кўзидағи ўзгаришни кўриш учун унга зимдан разм солди.

– Унақа нарсалар бизда нима қиласди! – уй соҳибаси ўрнидан турди ва стол устидан сигарета олиб, тутатди. Сўнг эрига қараб: «Бу ҳаммаси ўша йигит туфайлими?» деди.

Саша « билмадим » дегандай елкасини қисди.

Терговчи эр-хотиннинг ўзларини тутишидан берган маълумоти уларни унчалик ҳаяжонга солмаганлигини англади. «Демак, улар тинтувнинг мақсадини, бизнинг нима излаётганимизни яхши билишади. Ҳар ҳолда бу гал тўғри йўлдан кетаётганга ўхшаймиз!» хаёлдан ўтказди у.

– Нима Ҳикмат бирор музейни тунаганми? – деди хонадон соҳиби терговчига ўқрайиб.

– Биз сизга ҳали ўша қўлёзмалар Ҳикматга таалуқлилиги тўғрисида сўз очмадик шекилли. Нега ундан деяпсиз? – деди Фахриддин таажжуби ортиб.

– Тўғри, сўз очмадингиз, лекин қачондан бери мени Ҳикмат масаласида безовта қиласпизлар-ку! Бошқа бизни ўзбекистон билан боғлаб турган нарса йўқ!

– Тўғри мушоҳада қиласпиз! Бизда Ҳикматнинг Питерга қўлёзмалар олиб келганлигини тасдиқловчи далиллар бор. Агар сизларнинг унинг ёнг яқин одами эканликларингизни ҳисобга олсак, бизнинг гумонимиз бекорга эмаслигини англаш қийин эмас. Бундан ташқари Сизнинг унга қиласган саховатингиз... бизнинг ўрнимизда бўлганда сиз ҳам шундай йўл тутган бўлмасмидингиз? – Герговчи атайлаб дераза ёнида сигарет тутаётган

уй соҳибаси эшитсин деб овозини бир оз кўтариб гапирди. – Булардан ташқари Тамара Булатовнанинг Эрмитаж музейида ишлаши, шарқшунос, аниқроқ айтадиган бўлса, араб тили бўйича малақали мутахассис эканлиги ҳам бизни шундай қарорга келишга мажбур этди.

– Ўхў, мен ҳақимда ўзимдан ҳам кўра кўпроқ нарсаларни биладиганга ўхшайсизлар-ку! – Тамара сигаретини кулдонга бостириб, Фахриддин Каримовичга ўдагайланди. – Бу билан нима демоқчиз? Бизни жиноятчига чиқармоқчимисиз? Эшитганман, сизларда бўлар-бўлмас нарсага одамларни қамаб юборармиш. Бу ерни йигитча, Россия дейдилар, ҳа-ҳа Р-о-с-с – и – я!!!

– Кечирасиз, хоним! – Фахриддин аёлга еб қўйгудек тикилди. – Биринчидан, сизларни ҳеч ким жиноятчи деган эмас. Иккинчидан, сизга нотўғри айтишибди. Сиз зиёли одамсиз. Қайсиadir бир бетамизнинг гапига ишониб, бутун бошли миллатни ёмонотлиқ қилиш яхши эмас. Билмасангиз, билиб қўйинг, Ўзбекистон собиқ шўролар маконида биринчилардан бўлиб, жиноятчиликнинг, зўравонликнинг, миллатчиликнинг пойини қирқди. Қонун устуворлиги қарор топди. Уйда, кўчада, ишда бехавотир яшаш мумкин. Автомашинагизни очик қолдирсангиз ҳам бирор ёнига йўламайди... Сиз ўзи Ўзбекистонда бўлганмисиз?

Тамара «йўқ» деган маънода бош чайқади.

– Унда сизга бошқа гапим йўқ!Faқат имкони бўлганда Ўзбекистонга бир бориб, у ерда рўй беряётган ўзгаришларни ўз кўзингиз билан кўришни маслаҳат бераман.

Орага жимлик чўқди. Уй эгалари эътиroz билдириш фойда бермаслигини ҳис қилдилар чоғи, диванда ўтирганча терговчиларнинг ҳаракатини кузатиб турдилар.

– Ўртоқ бошлиқ, мана буни қаранг! – жавондаги китобларни бирма-бир күздан кечираётган Аваз қалин муқовали китоб ичидан чиққан бир варак қоғозни гурух раҳбарига узатди.

Фахриддин шоша-пиша хатни қўлига олиб, рус тилида битилган матнни ўқий бошлади:

«Мухтарама Тамара Булатовна! Йўллаган совған-гиздан бошимиз осмонга етди. Сизга ўз номимдан, арман халқи номидан чуқур миннатдорчилик изҳор этишга ижозат бергайсиз! Бу бебаҳо дурдо-налар кавказ халқари учун тарихий ҳақиқатни тиклашда тилсим бўлади деган умиддаман. Камо-ли эҳтиром ила профессор А.Р.Саркисян».

Терговчининг қўлида хатни кўриб, Тамара жон ҳолатда унга яқинлашди:

– Хатни беринг! Бунинг сизга алоқаси йўқ, шах-сий мактуб...

– Ниманинг алоқаси бор, ниманини йўқ биз ҳал қиласиз! – деди Фахриддин қатъяят билан. – Сиз марҳамат қилиб жойингизга ўтиринг!

Тамара бир оқариб, бир қўкариб, ноилож жойига чўқди. Аёлнинг бу ҳолати «хатда бир гап борга ўхшайди» дея ўйлаб турган терговчининг хавотирини баттар кучайтирди. Мактубга тикилганча ун-даги сирли сатрларни хаёлан таҳдил қила бошлади: совғангиз – бебаҳо дурдона деяпти... арман халқи номидан раҳмат айтмоқчи! Кавказ халқари учун тарихий ҳақиқатни очувчи тилсим! Бу нима бўлса! Наҳотки қўлёзмалар назарда тутилаяпти! Йўғ-э, балки бошқа нарсадир... Қўлёзмаларнинг арман халқига нима алоқаси бор? Балки бу арман халқининг тарихига оид китоблардир. Ахир Амир Темур бобомиз Кавказни ҳам босиб олган-ку! Ўшанда арман қўлёзмаларини Самарқандга олиб кетганмикин! Камолкон домла Соҳибқирон бобомиз қаерга борган бўлса, олтин олмаса-да, китоб олган демаганмиди?! Демак,

бу ўша бир пайтлар Арманистондан олиб кетилган қадимий битиклар! Ҳикмат уларни Тамарага етказган, у эса таниши Саркисянга пулмаган... Домлага телефон қилиб, аниқдик киритиш керак!

Фахриддин Аваzга «Сиз давом эттираверинг, мен беш дақиқа телефонда гаплашиб олай», дея ташқариға чиқди. Қўл телефонидан таниш рақамларни терди:

– Ассалому алайкум Камолхон ака! Яхшимисиз, уйдагилар соғ-саломатми?... Раҳмат, раҳмат! Безовта қилганим учун узр... Мен хизмат сафарида эдим... Сал узокроқда... Бир-икки кунда қайтиб қоламиз... Борганда албатта учрашамиз, сизнинг маслаҳатингиз ишимиизда жуда асқатмоқда! ... Албатта, албатта! Ака, минг бора узр, телефонда бўлса-да бир нарсани сўрамоқчи эдим... Амир Темур бобомизнинг сиз айтган ўша кутубхонасида арман манбалари ҳам бўлганми?... Шунаقا денг.... Тушунарли!... Йўқ, йўқ, ҳаммаси жойида, борганда батафсил гаплашамиз, хайр... Саломат бўлинг!

Фахриддин тилла топган одамдай мамнун хонага қайтди. Бир бурчакда қандайдир газета варақлаб ўтирган Вадим ўрнидан туриб, «нима гап, тинчликми?» деди.

– Ҳечқиси йўқ! Ҳаммаси яхши! Узр! Раҳбариятга ахборот бериб қўйдим! – терговчи ҳамкасбини тинчлантириди.

Сўнг ўзини анча сипо ва хотиржам тутишга ҳаракат қилмасин, бари бир хавотирини яшиrolмай, ер шохлаб ўтирган Тамаранинг одига борди:

– Тамара Булатовна, марҳамат қилиб, профессор Саркисяннинг сизга ёзган мактубининг маъносини бизга тушунтириб бера оласизми?

Тамара индамади. Саша, хотининг тил ютгандай туриши яхшиликка олиб келмаслигини англаб, унга танбеҳ берган бўлди:

– Тамара, сендан гап сўрайагти, гапир ахир! Саркисян сен юборган қадимий сопол идишлар

учун миннатдорчилик изҳор қылғанлигини айтиб бермайсанми?

«Демак, бу ишда Сашанинг ҳам қўли бор! У хотинига танбеҳ бериш асносида унинг биз бераётган саволларга нима деб жавоб қайтаришини ҳам шипшишмоқда!» хаёлдан ўтказди Фахриддин ва фикрини тасдиқдаш учун саволни такрорлади.

— Альберт Робертович менинг курсдошим, — Тамара ердан нигоҳини узмай гап бошлади. — Мен унга шогирдларим Ереван атрофида ўтказилган археологик тадқиқотлар пайтида топилган беш-олти чоғли ўн иккинчи-ўн учинчи асрга оид сопол идишларни совфа қилгандим. Шунга миннатдорчилик билдириб, мактуб ёзган. Унинг сизларга кераги йўқ! Текшириб кўришларингиз мумкин...

Тамара шундай ишончли гапирдики, бошқалар қатори Фахриддиннинг ҳам ишонгиси келиб кетди. Ҳатто «хатни эгасига қайтариб берсамикин?» деган ўйга борди. Лекин воқеалар занжиридаги бундай кетма-кетлик, ҳодисалар ривожидаги мантиқий боғлиқлик уни фикридан қайтишга мажбур қилди. Ҳар қанча оғир бўлмасин хаёлидан ўтгандарини текшириб кўришга аҳд қилди.

Икки соатдан кўпроқ давом этган тинтувда бошқа дикқатга сазовор ашё топилмади. Терговчилар холислар иштирокида барча расмиятчиликларни ўринлатиб, Саркисяннинг хатини далилий ашё сифатида олишди.

Зинопоядан туща туриб, Аваз хавотирда орқасига қараб қўйди:

— Фахриддин ака, энди булар Саркисянни телефонда огоҳлантириши тайин! Келишиб олишса, қийин бўлади-да!

— Мен ҳам шуни ўйлаб тургандим. Албатта огоҳлантиради. Лекин на илож, афсуски, бунинг оддини олиш имконига эга эмасмиз! — деди гурӯҳ раҳбари надомат билан.

- Балки телефон сўзлашувларини...
- Буни ўйлаб қўйганман! Аммо қўнфироқни ўз телефонидан қиласмикин бу шайтон!
- Мана ҳозир кечки тўққиздан ўттиз беш дақиқа ўтибди. Саркисяннинг телефонига шу вақтдан кейин Москвадан қилинган қўнфироқларни текшириб кўрса бўлади, – биларонлик қилди Аваз.

Фахриддин индамади. Унинг бошида турфа хил хаёлларни пишириб кетаётгани аниқ эди. Машина олдига яқинлашганларида Вадимга юзланди:

- Эрталабга уй эгаларининг телефон сўзлашувлари таҳдилини олсак бўладими?
- Но проблем! Эрталаб телефон тармоқларига сўровнома берсак бас! Фақат телефонлари ўз номида бўлса... Акс ҳолда қийин бўлади!

Вадим ҳамкасларини меҳмонхонада қолдириб, уйига шошилди.

Кейинги кунни терговчилар шаҳар прокуратурасида Александр ва Тамарани иш юзасидан гувоҳ сифатида сўроқ қилишдан бошладилар. Бахтга қарши гувоҳларнинг кўрсатмаларидан жиноят ишига ойдинлик киритиши мумкин бўлган бирор ҳолат аниқланмади. Ҳар иккаласи Ҳикмат билан баҳтсиз ҳодиса туфайли танишиб қолишганликларини, бу йигит Сашани ўлимдан сақдаб қолганлигини, шу сабабли унга ҳурматлари баландлагини, бошига иш тушганда улар ҳам баҳоли қудрат ёрдам берганликларини, Ҳикмат уларга ҳеч қанақа қўлёзма олиб келмаганлигини, қадимий китоблардан мутлақо бехабар эканликларини айтиб тураверишиди.

Пешиндан сўнг Фахриддин питерлик ҳамкаслари ҳамроҳлигида яна Эрмитажга борди. Музей раҳбариятининг рухсати билан Амир Темур кутубхонасига тегишли қўлёзмаларнинг музейга топширилиши билан боғлиқ ҳужжатларни қараб чиқди. Тушунмаса-да ўша китобларни ҳам кўздан

кечирди. Музей ходимининг тушунтиришича, қадимги араб тилида ёзилган бу ривоятлар ўн учинчи асрда дамашқлик алломалар томонидан жамланган. Дурданалар тарихчи олим, академик Б.С.Савицкий томонидан музейга тұхфа қилингандың. У ўзининг ўлыми олдидан қылған вазиятномасыда шахсий кутубхонасынан уч мингдан ортиқ китобларни Эрмитаж музейига мерос қилиб қолдириши вазият қылған.

Кечга яқын Фахриддин Вадим билан бирга академик Савицкийнинг хонадонига борди. Эшик күлфә эди. Құшнилардан сурштириб, академикнинг қизи Светлана Борисовнан топишиди. Аёл чақирилмаган меҳмонларни қўйполлиқ билан қарши олди. Уларнинг прокуратурадан эканлигини эшитиб, баттар хуноби чиқди:

– Сизларга нима керак?! – деди у беписандлик билан.

– Мухтарам Борис Саломоновичнинг кутубхонаси хусусида бир-икки оғиз саволимиз бор эди!  
– деди Фахриддин вазиятни юмшатиш учун такаллуф билан.

– Кутубхонани у музейга вазият қылған. Ҳамма китоблар Эрмитажда, – Светлана сал юмшагандай бўлди.

– Хабаримиз бор. Аммо бир нарсанни... мана сиз ҳам илмий даргоҳда ишларкансыз, отангизнинг китобларни сизга қолдирмасдан музейга тұхфа қылғанлигини қандай изоҳлайсиз?

– Жуда оддий! Бунга ичкилик сабаб! Мен отам хоҳлагандай илмий ишимни давом эттира олмадим. Катта илмий ходим бўлиб қолавердим. Бунинг устига кейинги йилларда отамнинг ҳолидан хабар ололмадим. Араққа пул зарур бўлганда бир неча китобларини арzon-гаровга сотиб юбордим... Ишончларини йўқотдим... Бир хисобга тўғри қил-

дилар. Раҳматли ўша китобларини ҳамма нарсадан яхши кўрарди. Уларни еру кўкка ишонмасди. Менга қолдирса, тез орадан китоблар йўқ бўлиб кетишини сезиб, нотариусни чақиртирди. Мени олдимда бутун кутубхонасини Эрмитажга мерос қолдиришини васият қилдилар...

– Сиз отангизнинг кутубхонасидаги китоблар билан танишмидингиз? – Фахриддин «ноўрин савол бермадимми?» дегандай Вадимга қаради.

– Ёшлигимда, илмий иш билан шуғуланиб юрган кезларимда кутубхонадаги китобларнинг кўпини ўқиб чиққанман. Кейинчалик арақ қургурга берилиб, уларга эътибор қилмай қўйдим...

– Илмий ишингиз нима ҳақда эди? – терговчи «арқонни узоқдан ташлади».

– Олтин Ўрта хонлигининг маданияти ва санъатига бағишланганди. Бундан энди нима наф? Ҳаммаси қолиб кетди...

– Қизиқарли мавзу экан, – Фахриддин зўр бериб аёлнинг кўнглига йўл топишга ҳаракат қиласади.

– Бу тўғрисида гаплашишни хоҳламайман!

– Светлана Борисовна, отангиз музейга ҳадя қилган китоблар орасида Амир Темур кутубхонасига тегишли қадимий қўлёзмалар ҳам борлигидан хабарингиз борми? – терговчи мақсадга қўчди.

– Э ҳа, ўша китобларми? Хабарим бор! Отам мен мактабда ўқиб юрган кезларимда у ҳақда гапириб берганди. Қирқинчи йилларнинг охирида у Ўрта Осиёда – Ўзбекистонда яшаб, археологик қазишималар олиб борган. Қайсиdir қишлоқقا борганиларида бир кампир писта сотиб ўтирган экан. Улар ҳам писта олишибди. Писта ўралган қофозда арабча битикларни кўриб отам ҳангуманг бўлиб қолган. Кампир қофоз тополмаганидан пистани солишга қадимий китобдан фойдаланаётган экан. Шу тариқа отам кампирнинг уйидан яна бир қанча китобларни

арзун-гаровга сотиб олибди... Уларни жуда эҳтиёт қиласардилар... Нима сизлар ўша китобларни деб...

- Света, ўша китоблар бизни қизиқтираётган қўл-ғизмалар эканлигига аминмисиз? – Фахриддин сал нобопроқ савол бериб қўйганини англаб, қўшимча қилди. – Отангизни Зинг қутубхонасида китоблар кўп бўлгани боис, сиз бошқа китобларни назарда тутмаяпсизмикин демоқчиман...

- Ўзингиз айтдингиз-ку, Темирланнинг йўқолгани қутубхонаси фондига тегишли деб, – мезбоннинг хуноби чиқди. – Ўзи сизларга нима керак?

- Демак, отангизда Амир Темур... – Фахриддин атайлаб лўнда-лўнда қилиб гапирди, – қутубхонасига тааллуқли фақат шу 10 дона китоб бўлган шундайми?

- Сизларни нима қизиқтиради билмайман-у, иммо отам ҳар бир китобни рўйхатга олиб, унинг олинган жойи, вақтини ҳам қайд этиб борарди.

- Света ўрнидан туриб, тўғридаги хона томонга юрди. – Мен ҳозир...

Сал ўтмай қўлида тўрт-бешта қалин муқовали дафтарларни кўтариб келди:

- Мана, ўзларингиз кўришларингиз мумкин. Бу ерда барча китоблар рўйхатга олинган.

Света дафтарларни стол устига кўйиб, улар ичидан бирини очиб, диққат билан кўздан кечира бошлади:

- Шу ерда бўлиши керак! 45... 46... йил... 47, 48, 49 – йил... ҳа мана, 1025 – 1034 рақамларда қайд этилган... Ўша қўлғизмалар 1949 йил 20 августда К и-т-о-б – Кеш шаҳрида Ри-со-лат Ч-о-р-и қизидан олинган экан, марҳамат! – аёл дафтарни терговчига узатди.

Фахриддин дафтарга кўз югуртириб, бир неча кундан бўён уни қийнаётган саволларга жавоб топгандай бўлди. Ён дафтарини чиқариб, нималарни-шор қайд этди ва дафтарни эгасига қайтарди:

– Отангиз жуда олижаноб, тартибли ва қобилиятли инсон, улуғ олим бўлган эканлар! Сизга минг раҳмат! Энди бизга ижозат берасиз...

Ўринларидан туришди. Света шунча йўлни бошиб келган терговчиларнинг ташрифи сабабини тушунолмай турган бўлса-да, ортиқча саволлар бериб ўтиrmади. Таассуфини сездирмасликка ҳаракат қилди. Остонада улар билан совуққина хайрлашди.

Пешиндан кейин алоқа тармоқларидан маълумотномалар олинди. Уларда терговчилар ташрифидан сўнг Саша ва Тамара ўзларига тегишли қўл телефонлардан ёки уй телефонидан Арманистонга қўнфироқ қилмаганлиги маълум бўлди.

«Наҳотки Тамара рост гапирган. Наҳотки у Саркисян домлага археологик қазилмаларда топилган осори-ақиқаларни топширган. Акс ҳолда у домлани телефонда огоҳлантирган бўларди. Эр хотин анчагина сергак одамлар. Биз уларнинг кўрсатмаларини текшириб қўриш учун Арманистонга бориб, Саркисян билан учрашишимизни яхши билишади. Унда нега огоҳлантиришмади? Балки бошқа бизга номаълум бўлган телефондан сим қоққандир. Буни қандай аниқласа бўлади... Фақат у ёққа борганда домлага тегишли бўлган телефонлардаги сўзлашувларни таҳлил қилиб, Питердан қўнфироқ бўлган ёки бўмаганлигини билиб олиш мумкин...» – Фахриддин хаёлига келган фикрдан енгил тортгандай бўлди.

Вадим билан хайрлашиб, меҳмонхонага қайтди. Бир оз дам олиш ниятида жойига чўзилди. Бўлмади. Ўрнидан туриб, қўлига қофоз ва қалам олди. Питерда қилинган ишларни сарҳисоб қилди. Қилинажак ишлар режасини тузди. Сўнг Тошкентга – Тоҳир Фофуровичга қўнфироқ қилиб, вазиятни тушунтирди.

– Энди нима қилмоқчисиз? – деди суҳбат адогида раҳбар босиқлик билан.

– Рұхсат берсанғыз Арманистонға бориб, Саркис-ін билан учрашсам? – Фахриддиннинг овозида ав-налғы қатъият сезилмади.

– Бундан бирор нарса чиқишига ўзингиз ишонасизми?

– Тоҳир ака, бу тахмин ҳам ўзини оқдамаслиги мүмкін! Аммо бошқа иложимиз йўқ. Эҳтимоллик даражаси бир фоизлик бўлса-да, ҳар бир важни текшириб кўришга мажбурмиз! Ҳеч бир ҳолатни очиқ қолдириб бўлмайди...

– Яхши, яхши! Мен йигитларга ҳозир топшириқ бераман. Тегишли ҳужжатларни расмийлаштириб, Арманистон прокуратурасига юборишади. Қачон йўлга чиқмоқчисиз?

– Эртага эрталаб Еревандга бўламан!

– Бўлади, унгача ҳужжатлар ҳам етиб боради. Фақат... Фахриддинжон ўзингизни эҳтиёт қилинг! Ҳар ҳолда у ерларни Кавказ дейишади... Сиз ҳали Ватанга кераксиз!

– Тоҳир ака, раҳмат! – Фахриддин кўнгли бўшашиб гўшакни қўйди...

Азимжон келишилган пайтда меҳмонхонага етиб келди. Машинасини пастда қолдириб ўзи тепага кўтарилиди. Фахриддин билан Аваз аллақачон но-пушта қилишиб, жомадонларини йиғиштиришиб, кутиб туришарди. Таниш эшикни оҳиста тақиллашиб, жавобини кутиб ўтирмасдан хонага мўралади:

– Эрталабки салом! Яхши дам одингизларми?

– Раҳмат Азимжон! Ўзингиз яхшимисиз? Сизни ҳам роса безовта қиладиган бўлдик-да! – Фахриддин ҳамюртини бағрига босди.

– Ўзбекистонга борсанғыз Худо хоҳласа бизам хизматингизда бўлайлик! – Аваз ҳам меҳмон билан ёки қадрдонлардай қучоқлашиб кўришди.

Бир зумда жомадонларни машинага ортишиб, аэропорт томонга йўлга тушишди.

– Ишқилиб ишларингиз битдими? – деди Азимжон йўлдан кўзини узмай.

– Битди деса ҳам бўлади! – жавоб қайтарди Аваз.

– Демак, унча яхши бўлмалти! – Азимжон мантиқан хulosса қилди. – Ўзи нимани текшириб юрибсизлар?

– Э, шу нимани текшириб юрганимизни ўзимиз ҳам билмай қолдик, Азимжон ака! – Аваз гапни ҳазилга бурди. – Китоб, Самарқанд, Питер, энди эса Ереван... билмадим яна қаерларга тумшуқ тиқамиз! Ўзи ўша қадимий китоблар ҳақиқатда бўлганими ёки йўқми буни ҳам билмаймиз!

Фахриддин шеригига ўқрайиб қараб қўйди.

– «Қадимий китоблар» денг. Кимга керак экан улар! Янги китобларни ўқишига вақт тополмаймиз-у. Хотя... – Азимжон бир нарсани эслагандай жимиб қолди.

– Бирор нарса ёдингизга тушдими? – анчадан буён жимгина кетаётган терговчи сергакланди.

– Китоб деганларингга, бир ҳангома ёдимга тушиб кетди.

– Эшитайлик-чи! – Аваз шеригига қараб қўйди.

– Бизнинг устозимиз доимо одамларни эшит, улар ҳамма нарсани билади дерди. Қани гапиринг!

– Ён қўшнимиз Муродилла ака уч боласи, хотинини олиб, Тошкентга бориб келганди. Кўпчилик бўлгани учун самолёт қимматлик қилган. Поездга чипта олибди. Қайтишда купеда уларга Самарқандлик бир йигит ҳамроҳ бўлибди. Кўринишидан, башанг кийинишидан эр-хотин уни институтда домла бўлса керак деб ўйлашибди. Беш-олти коробка зил-замбил юки ҳам бор эмиш. Ажабланаарлиси купедан бир қадам жилмай коробкадаги матоҳларини қўриблаб ўтиармиш. Муродилла ҳазиллашиб, «Ака нима бало тилла-пилла олиб кетаяпсизми?» деса, «ҳарна йўл пули чиқсин деб

магиз опкетаяпман» дермиш. Қўшним ичида «магиз ўлгурни ҳам еру кўкка ишонмайдиган одамлар бор экан-да» деб ўйласа-да, ортиқча савол бериб ўтирамапти. Болалари ҳам одам бўлиб қолишган, роса шўх-да! Ҳалиги одам ҳожатга чиққандা кунеда ҳеч ким йўқлигидан фойдаланиб, болалардан бири эшиқда пойлаб турибди. Иккинчиси татиб қўриш учун магиз олмоқчи бўлиб, коробкалардан бирини очибди. Қараса, кутида ҳеч қанақа магиз йўқ, қандайдир қорайиб кетган эски-туски китоблар билан тўлаймиш...

- Китоблар! Хўш-хўш, кейин нима бўлибди? – боядан бери «бу ҳикоянинг бизга нима таалуқли жоий бор экан!» деб ўйлаб кетаётган Фахриддиннинг вужуди қулоққа айланди.

– Бола кутини қандай очган бўлса, шундай билдиrmасдан ёпиб қўйибди. Вақтини топиб, отасига воқеани айтиб беришибди. Муродилла бунга унчалик эътибор қилмапти. «Қадимий китобларни яхши кўраркан-да» деб ўйлабди. Ҳангоманинг қизифи кейин бошланибди... Поезд Қозоғистон ҳудудидан ўтаётганда бир тўда ҳарбий кийимдаги кишилар чиқиб, йўловчиларга тегишли ҳамма юкларни текшира бошлабди. Бояги йигитнинг ранги оқарив кетибди. Чегарачилар тап тортмай коробкаларни очиб ташлашибди. Бир талай қадимий китобларни кўриб, текширувчиларнинг кўзи чиқиб кетаёзиди. Улар «Қаердан олдинг буларни?», «Нима бало террористмисан?» дея йигитга ёпишиб кетишибди. Китобларни мусодара қилмоқчи бўлишибди. Йигит бечора «китобларни музейга топширишга олиб кетаяпман» дея роса ялинибди. Шунда чегарачиларнинг каттаси сал шаштидан тушиб, холимларига «бўпти тушунган одамга ўхшайди» дея чиқиб кетибди. Йигит амаллаб текширувчиларни муросага кўндирибди. Чўнтагида пули бўлмаган-

ми ёки камроқ бўлганми, ишқилиб, Муродилладан «Питерга борганда бераман» деб қўкида уч минг қарз олиди... Йигит сўзининг устидан чиқибди. Етиб келишгач, вокзалнинг ўзида қарзини қайтарибди. Қўшним йигитнинг шу арзимас эски китоблар учун шунча пора берганига ҳайрон қолибди. «Эски китоблар ҳам роса пул туаркан-да!» деб менга бўлган воқеани сўзлаб берганди... Китоб деганларингизга ёдимга тушиб кетди... Балки...

– Ўша йигитнинг исми нима экан? – қизиқсинди терговчи.

– Билмадим! Сўрамагман!

– Қўшнингиз ҳозир қаерда?

– Ишда бўлса керак!

– Бирор жойга кетмаганми, Питердами демоқчиман...

– Кеча эрталаб кўрган эдим. Нимайди!

– Авазжон, – Фахриддин орқа ўриндиқда кетаётган шеригига юзланди. – Қолишингизга тўғри келаяпти. Мен бир ўзим учаман. Бутуноқ Муродиллани топасиз. Азимжон сизга ёрдам қилади.

– Тушунарли! – Аваз бош иргади. – Хаёлимда ўша йигит бизнинг «қаҳрамон» бўлиб чиқадигандай...

– Бўлиши мумкин! Лекин Ҳикмат анойи эмас, Муродиллага ҳақиқий исмини айтмаган бўлиши мумкин...

– Э, уни ҳар қандай одам эслаб қолади. Бошида тамғаси бор-ку, у калнинг! – Аваз тиржайди.

– Мен Вадимга қўнгироқ қиласман, бирор ёрдам керак бўлса учрашасиз! Самолёт чиптасини алмаштирасиз... Нима қилишни ўзингиз яхши биласиз! Этиқдўзга бошқаларнинг маслаҳати жоиз эмас! Агар тахминимиз тўғри чиқса, – Фахриддин Азимжонга юзланди. – Бизга катта ёрдам қилган бўлардингиз, раҳмат сизга!

– Арзимайди! – «таксист» мамнун жилмайди.

\* \* \*

Санжарбек Фахриддин Каримовичдан олган топшириқ бўйича Шаҳрисабз томонга отланди. Бу юмушни гуруҳ аъзоларидан бирига юкласа ҳам бўларди. Лекин шахсан ўзи боришини маъқул кўрди. Бари бир шу кунларда нима қиласини билмай «чивин қўриб» ўтирибди. Жиноят иши юзасидан деярли барча тахминлар кўриб чиқилди. Бошқа чўмичга илинадиган тахминнинг ўзи йўқ. Бир умиди Санкт-Петербургдан эди. Аммо гуруҳ раҳбарининг гапидан у ёқда ҳам дикқатга сазовор янгилик йўққа ўхшайди. Боз устига шунча одам қамоқда ўтирибди. Вақт эса ўтиб бормоқда! Чўпоннинг ўлеми ҳамон но-маълумлигича қолмоқда! Қотил бу ёқда қолиб, бошқа нарсаларга ўралашиб қолишмаяптими? Қандайдир қадимий қўлёзмалар, кутубхоналар, дуру гавҳарлар... Буларнинг қотилликка қанчалик алоқаси бор! Бу ҳам етмагандай Санкт-Петербург, бу томони Арманистон... Энди эса қандайдир пистачи Рисолат кампир... Яна эллигинчи йилларнинг воқеалари. Момонинг дорулбақога риҳлат қилгани аниқ. Болалари бордир. Лекин улар бирор нарсага ойдинлик кирита олармикин? Устознинг фикрича, немислар урушига қадар ёки урушдан кейин кимдир Амир Темурнинг йўқолган кутубхонаси сиридан воқиф бўлган. Шу сабабдан кутубхонага тегишли айрим ашёлар, жумладан, қадимий қўлёзмалар, тиллалар одамларнинг қўлига тушган. Рисолат кампирнинг аждодлари ҳам ана шундай кам сонли одамлар сарасига кириши мумкин. Ўттизинчи-қирқинчи йиллардаги қатағонлар халқ орасидан ўқимишли одамларнинг қирилиб кетишига сабаб бўлган. Уларнинг бир қисми жисмоний йўқ қилинган. Қолган қисми сургуналарда ўлиб кетган. Китоб қадрига етадиган зиёлиларнинг йўқ қилиниши нодир қўлёзмаларнинг пистачилар қўлига тушишига омил бўлган. Қатағон қурбонлари Амир

Темур кутубхонасининг сирини ҳам ўзлари билан ер қаърига олиб кетган...

Санжарбекнинг хаёллари чигаллашиб кетди. Ўзини чалғитиш учун довондан ошибб, шитоб билан пастга одимлаётган машина ойнасидан атрофга аланглади. Нақадар ажиб манзара... Яратганинг ўзидан буюк мусаввир бўлмаса керак. Ҳамма нарсани мукаммал қилиб яратиб қўйибди. Ер, осмон, Қуёш, ой, тоғлар, дарёлар, уммонлар, ҳайвонлар, паррандаю даррандалар, наботот олами... одамзот... бутун борлиқ узвий боғлиқда, бири бирисиз яшай олмайди. Ҳатто энг кичик ҳашаротлар ҳам ҳаёт отлиқ улкан машинанинг бир бўлагини ташкил этади. Инсон эса ўша машинанинг бошқарувчиси. У бутун борлиқни ўз измига бўйсундирмоқчи. Бу йўлда ҳеч нарсадан тоймаяпти. Юлдузларга қўл чўзмоқда, қуёшга талпинмоқда, ойни ўзлаштируммоқчи, дарёларни жиловлаб, ўрмонларни каллакламоқчи, ҳайвонларни қафасга тиқиб, ҳашаротларни қирмоқчи... Нахотки инсон ҳаёт машинасини жарлик томон бошқариб кетаётганлигини билмаса! Бу кетишида эрта-индин ер юзи бир уюм темир-терсаклар маконига айланиб қолмайдими? Эҳ одамлар, одамлар, тинчимаган одамлар...

– Ака, Китобга келдик, қайси томонга юрамиз? – деди ҳайдовчи оддиндаги чорраҳага ишора қилиб.

– Бозор томонга ҳайданг. Бир киши келиши керак.

Келишилган жойда Маҳкам Санжарбекни кутиб олди. Салом-алиқдан сўнг у қизиқишини яшиrolмади:

– Нима гап ука? Бирор янгилик борми?

Терговчи шеригини масаладан воқиф қилди.

– Ия, шунга шунчами? Мен қотиллик бўйича бирор арзигулик маълумот топилибдими деб ўйлабман! – деди Маҳкам қоши чимирилиб.

– Ҳозирча бори шу! Ишни нимадан бошлаймиз?

– Менимча, Садоқатдан!

– Ха ўлманг, фикримиз бир жойдан чиқди. Кетдик.  
Садоқат меҳмонларни совуққина қарши олди.  
Санжарбек мақсадга күчди:

– Безовта қилаётганимиздан афсусдаман. Аммо  
қотиллик фош бўлгунча на сизда, на бизда тиним  
бўлишини биласиз деган хаёлдаман. Сизга тилла-  
ларни мерос қолдирган киши онангизнинг отала-  
ри бўлади шундайми?

Садоқат «тўғри» деган маънода бош чайқади.

– Рисолат момо сизга ким бўлади?

– К-қ-а-на-қа Ри-со-лат? Тушунмадим.

– Рисолат Чориева!

– Унақа аёлни танимайман!

– Онангиз қаерда?

– Уйда бўлса керак! Нимайди...

– Бизга у кишининг уйини кўрсатсангиз, илтимос!

– Тинчликми? Нима гап ўзи! – деди аёл хавоти-  
рини яширомлай.

– Тинчлик, тинчлик! Бир масала тўғрисида  
маслаҳатлашмоқчи эдик. – Санжарбек мезбонни  
тинчлантиришга уринди. – Кетдикми?

Садоқат «мен ҳозир» дея ётоқхонасига кириб  
кетди. Бир оздан сўнг башангтина кийиниб, пар-  
доз-андозни ҳам жойига қўйиб, чиқиб келди. Сан-  
жарбек ўзининг терговчи эканлигини ҳам унутиб,  
аёлга бир-икки ўғринча қараб қўйди: «Латофатли  
жуvon экан» кўнгилдан ўтказди у. Йигитдаги ҳис-  
сиётни аёл ҳам сезмай қолмади...

Садоқатнинг қизлик уйи унчалик узоқ эмас  
ўкан, бирпастда етиб боришиди. Ёши олтмиш беш-  
дан нари-бери, истараси иссиққина кампир улар-  
ни илиқ қарши олди. Уларнинг нима мақсадда  
кевланини суриштириб ўтирмай тавозе билан ич-  
карига бошлади. Танимаса-да Санжарбек билан  
обдан сўрашди. Сўнг унинг эътиrozига қарамай  
дастурхон ёзиди, чой дамлади, нон синдириди.

– Аяжон, бу киши Санжар ака, терговчи! Сизда маслаҳатли иши бор экан! – орага чўккан жимликдан фойдаланиб, Садоқат меҳмонни таништирди.

– Майли болам, ким бўлсаям меҳмон-да! Маслаҳат бўлса қочмас, мен овқатга уннай! – кампир туришга шайланди.

– Йўқ, йўқ! Ўрнингиздан турманг! Раҳмат онахон! Мен шошиб турган эдим. Овқат бўлса қочмас. Сиздан бир-икки оғиз сўрайдиган гапим бор эди!

Каппир «кулогим сенда» дегандай терговчига тикиди.

– Рисолат момо сизга ким бўлган? – терговчи ён чўнтағидан бир варақ қофоз чиқарди. – Рисолат момо Чори қизи!

– Рисолат момо! Билмадим! Ким экан у?

– Тахминан эллигинчи-олтмишинчи йилларда яшаб ўтган. Бозорда пистафурушлик қилган. Сизларга қариндош бўлиши керак!

Онахон бир оз ўйланиб қолди. Сўнг ёдига тушди шекилли, терговчига юзланди:

– Рисолат деган қўшнимиз бўларди. Бир умр бозорда писта сотган!

– Қўшнингиз! Қачон вафот этган?

– Эҳе анча вақт бўп кетти! Мен келин бўлиб узатилганимда йўқ, эди шекилли! Анигини эслолмайман!

– Унинг отаси ким бўлган?

– Мен қайдан билай? Бир ўғли мен билан ўқиган... фамилияси ким эди-я... Чориевмиди... Ҳа-ҳа Чориев Қурбон эди.

– Адашмаяпсизми? – терговчи сергакланди.

– Эсимни ебманми! Ишонмасангиз бориб, ўзларидан сўранг!

– Улар ҳалиям ўша ерда туришадими?

– Болалари чиқиб кетишган, кенжаси турса керак... Ўзи нима гап? Бирор ишқал қилибдими?

– Сизларнинг ўша қўшниларингиз, хусусан Ри-солат момо билан муносабатларингиз қандай бўлган? – деди Санжарбек қўлидаги пиёлани дастурхонга тўнкариб.

– Ён қўшни бўлганмиз... Улар анчагина ночор кун кечиришарди. Бобом, отам уларга кўп ёрдам қилган. Кейин шўро ҳукумати отамнинг бор-будини тортиб олгач, бизлар ҳам ғариб ҳолга тушиб қолдик, – кампир чукур «уф» тортди.

– Онахон биласизми, гап бобонгизнинг хазинаси – тиллалари, китоблари хусусида бормоқда. У киши буларни қаердан олган бўлса?

– Неча марта айтиш мумкин! – онахоннинг қошлиари чимрилди. – Оддин ҳам бир прокурор роса бошимни қотирганди! Болам, мен ёш бўлганман! Бобом уларни қаердан олганини билмайман! Ҳатто мен уларни кўрмаганман! Бобом қатагон қилинишидан оддин уларни кўмиб ташлаган. Отам эса бир умр ҳукуматдан қўрқиб ўтди. «Тилла одамга кулфат келтиради» дерди раҳматлик! Бир кун кўнгли келиб, менга ўша олтинлар ҳақида гапириб берганди. Лекин уларни кўмган жойини айтмаган. Излаб-нетиб юрмасин деган-да! Ўлеми одидан бечора тилдан қолган бўлса-да, бир нарсани айтишга роса чиранди. Уйимизнинг кунчиқар томонидаги тепаликка ишора қилиб, ниманидир айтмоқчи бўлди... Лекин гапира олмади. Мен ўзимча, балки бобомнинг тиллалари кўмилган жойни айтмоқчи бўлдимикин деган ўйга бордим...

– Хўш кейинчи, кейин нима бўлди! – Санжарбек бу ҳақда билса-да, ўзини худди биринчи бор эши-таётгандай тутди.

– Нима бўларди, менгина ўлгур ёш бола деб ма-новга... – деди кампир қизига ишора қилиб. – Оғизмдан гуллаб қўйибман. Отам ҳақ экан! Олтиннинг турган-битгани ташвиш экан. Мана нима бўлди!

Бир шўрликнинг умрига зомин бўлди! Раҳматли яхши инсон эди. Бизга хизмати катта бўлган...

– Норбўтанинг ўлимига олтиналар сабаб бўлган дейсизми?

– Ҳа-да! Бошқа нимаям бўларди?

– Онахон, бобонгизда қадимий китоблар кўп бўлармиди?

– Бобом ўқимишли одам бўлган. Кўп ўқиган. Китоблари ҳам кўп бўлган. Аммо қатагон йилларида кимнинг уйидан араб алифбосида китоб топилса, ҳалқ душмани сифатида балога гирифтор бўлган. Шундан қўрқиб, китобларни уйда сақлай олмаган...

– Эллигинчи йилларда бир рус олими Кешга келиб, бир писта сотиб ўтирган кампирдан ўн дона нодир қўлёzmани арзимаган пулга сотиб олган экан. Ўша пистачи аёл қўшнингиз Рисолат Чори қизи бўлиб чиқмоқда, – Санжарбек бир кампирга, бир Садоқатга қараб олди. – Нима деб ўйлайсизлар, Рисолат момо ўша қадимий қўлёzmаларни қаердан олган бўлса?

– Қайдам! – кампир елкасини қисди. – Лекин Рисолат момо саводсиз эди... Қўл учида кун кечиришарди... Китоб ўқийдиган ҳоли йўқ эди...

– Балки бобонгиз китобларни уларникига яширгандир!

Кампир ўйланиб қолди. Сўнг бир нарсалар ёдига тушди шекилли, оҳиста ҳикоя қила бошлади:

– Мен мактабга ўқиб юрган кезларимда молҳонамиизда анча-мунча эски китоблар сақланарди. Отам уларни гоҳ у кунчакка, гоҳ бу кунчакка, гоҳ емишлар орасига, гоҳ томга яшириб юради. Ўша кезларда мен унинг бу ҳаракатларини тущунмаганман. У китоблар нима ҳақда эканлигини ҳам ўйлаб кўрмаганман. Отамдан бу ҳақда сўрасам аниқ жавоб бермаган. Фақат «ҳеч кимга айтма, билса мени қамаб қўйишади» деган. Кейинчалик ўша китоблар

молхонамиизда кўринмай қолди. Отам уларни бирор-тасига берганми ёки овлоқроқ жойга кўмиб ташланми билмайман. Ажабмас ўшанда отам китобларни сақлаш учун қўшнимизга берган бўлса. Негаки, уларники бехавотирроқ бўлган...

– Ўша китобларни очиб кўрганмисиз? Китоблар сони қанча эди?

– Чамамда ўн-ўн беш халтага жой бўларди... анчагина эди-ёв. Бир куни қизиқиб, китобларни вараклаб кўрганман. Арабча экан, ҳеч нарса тушунмаганман.

– Сизга раҳмат аяжон! Бизга анча ёрдам қилдингиз, – Санжарбек ўрнидан қўзғалди. – Энди менга жавоб. Ҳа дарвоҷе, Рисолат кампирнинг яқинларидан кимлар бор?

– Кичик қизи мендан ўн ёш катта эди. Фузорда тургучиди. Ўша бўлмаса, қолганларининг ўтиб кетганига толой вақт бўлди. Невара, чеварадари анчагина... Лекин уларнинг бу тўғрида бирор нарса билишига ишонмайман, – кампир нима учун келганини айтмасдан йўлга отланаётган терговчига тикилди. – Ўзи сенга нима керак, болам! Ўша китобларни деб кемагандирсан!

– Вой онажон-эй, сизни кўришга келгандим! Келдим, кўрдим, кетаяпман.

– Э ҳазилинг ҳам бор бўлсин! – онанинг юзига табассум югурди.

Санжарбек она-бола билан хайрлашиб, Рисолат кампирнинг болалари яшайдиган манзил томон юрди. Фузордан ақли кирди-чиқди бўлиб қолган «кичик қиз»ни топди, невараларидан бир нечтаси билан учрашди. Садоқатнинг онаси ҳақ бўлиб чиқди. Улардан тайинли гап ололмай шу куни кечки пайтда Самарқандга қайтди...

\* \* \*

Муродилла уйида йўқ экан. Кутишга тўғри келди. Фурсатдан фойдаланиб, Азимжон изқувар ҳамюртини уйига таклиф қилди. Бир пиёла чой устида чақчақлашиб ўтирдилар. Кечки пайт Муродилла икки ўғли билан уйига келганини эшишиб, уникуга ўтишди. Қисқагина танишувдан сўнг Аваз мезбонни сўроққа тутди:

– Муродилла ака, поездда Тошкентдан қайтишингизда рўй берган қадимий китоблар ҳангомаси тўғрисида батафсилоқ гапириб берсангиз?

Уй эгаси «сен айтдингми?» дегандай Азимжонга ёвқарааш қилди.

– Қўшни, бу кишилар қадимий китоблар масаласида ишни тергов қилишаётган экан. Гапдан гап чиқиб, ёдимга сизнинг ҳикоянгиз тушиб кетди. Шуни айтиб бергандим, – деди Азимжон ўзини оқлаш ниятида. – Шунга Авазжон ўзингиздан эшитмоқчи бўлиб келганди.

Уйига жиноят қидирув бўлимининг ходими бостириб келганидан бир оз ҳаяжонга тушган мезбон кўшнисининг гапидан сўнг ўзини босиб олиб, бўлиб ўтган воқеани сўзлаб берди.

– Ўша йигитнинг исми ёдингиздами? – Аваз саволга тутди.

– Раҳматжон.

– Адашмаяпсизми?

– Адашишим мумкин эмас, чунки у укам билан отдош чиқиб қолганди...

– Унинг бирор ҳужжатига кўзингиз тушмадими?

– Йўқ, эътибор қилмапман. Нима, исми бошқа эканми?

– Кўринишини тасвирлаб бера оласизми?

– Башанг кийинган... қадди – бўйи сизникича бор... ёши қирқдар атрофида бўлса керак... бошида сочи йўқ... калроқ...

– Мана бу одам эмасми? – Аваз сумкасидаги қоғозлар орасидан расм чиқариб, мезбонга узатди.

Муродилла расмни қўлига олиб, бир фурсат тикилиб қолди:

– Раҳматжонга ўхшайди... янаям Худо билади, учрашганимизга анча бўлди-да! Нима, у бирор жойни ўмарганмикин?

– Ҳозирча бирор нарса дейишга эрта, – Аваз кулимсиради. – У ўзини самарқандликман деганими?

– Шунаقا!

– Иш жойини, касби-корини айтмаганми?

– Йўқ, бу ҳақда сўрамалман... Кўринишидан домлага ўхшатдим.

– Китобларни қаердан олганлигини айтмадими? – давом этди изқувар.

– Айтмади! Аммо текширувчиларга китобларни музейга топшириш учун олиб кетаяпман деганини эшитдим.

– Сиз қўлёзмаларни ўз кўзингиз билан кўрдингизми? Қанақа эди улар?

– Текшириш пайти кўзим тушганди, муқоваси эскириб, қорайиб кетган китоблар... араб тилида...

– У йигитнинг сиздан қарз сўрагани ростми? Нима ўзида пул йўқмикан? – сўради Аваз соvuққонлик билан.

– Менимча, пули етмаган! Шунча йўлга пулсиз чиқмайди-ку! «Боргандан бераман, мени кутиб олишга чиқишиади», дегани учун ёнимда борини бердим, – деди Муродилла нотўғри иш қилиб қўйгандай одамдай хижолат бўлиб.

– Вокзалда уни ким кутиб олди?

– Бир ажнабий, инглиз бўлса керак! Ҳар ҳолда у билан инглиз тилида гаплашди.

– Пулни ўшандан олдими?

– Мен кўрмадим. Лекин ундан бошқа одам йўқ эди... Менга пулимни бериб, хайрлашиб кетди.

– Ўша чет элликнинг афти-ангори ёдингизда қолдими? Бирор хос белгиси бўлгандир...

– Йўқ, унга унчалик эътибор қилмадим. Сариқдан келган, соchlари ўсган... соқоли ҳам бор эди чамамда. Кўрсам, танишним мумкин.

– Телефон алмашмадингизларми?

– У менинг телефонимни ёзиб олди. Ўзиникини бермади...

– Сизга кейин у йигит бирор марта қўнғироқ қилдими?

– Йўқ, қўнғироқ қилмади.

– Улар вакзалдан қанақа машинага ўтирганлигини кўрмадингизми?

– Биз вакзалдан ташқарига чиққанимизда улар энди жўнаб кетаётган экан. Хотирам панд бермаса уларнинг машинаси охирги русумдаги оқ «Жип» эди.

– Давлат рақами ёдингизда қолмадими?

– Йўқ, рақамига қарамапман... Аммо, давлат рақами бошқача эди, дипломатик идораларники бўлади-ку, кўк рангли!

– Уларнинг машинаси стоянкадан чиқдими? – кутилмаганда гапга Азимжон аралашди.

– Ҳа, улар стоянкадан чиқиб, шундоқ ёнимиздан ўтиб кетди, – Муродилла бир қўшнисига, бир Авазга қараб қўйди. – Туппа-тузук одам... Сиртдан билиш қийин экан-да!

– Узр, мабодо сизда поезд чипталари сақланиб қолмаганми? – изқувар ўрнидан қўзгалди.

– Қаергадир ташлаб қўйгандим... ҳозир! – Уй эгаси ётоқхонасига кириб кетди.

Сал ўтмай қўлида З та чипта билан чиқиб келди:

– Ҳайрият жойида турган экан! Мана улар...

Аваз қофозларга диққат билан разм солиб, уй эгасига юзланди:

– Сизга керак бўлмаса, рухсатингиз билан вақтинча бизда турса!

– Майли, майли олаверинг! Шунчаки сақлаб күйгандим-да...

– Яхши, ҳозирча етарли! – Аваз сұхбатта якун ясади. – Энди ўғилларингиз билан ҳам шу мавзуда гаплашиб олсам дегандим. Уларни бу ерга таклиф қылсангиз.

Муродилла фарзандларини чақирди. Изқувар шошилмасдан улар билан алоҳида-алоҳида гаплашиб, қандайдир қофозларни қоралади. Ака-укалар отаси берган күрсатмаларни тасдиқлашса-да, баҳтта қарши терговга нафи тегиши мумкин бўлган жўялироқ маъдумот бера олишмади...

Азимжон кеч бўлиб қолганлиги боис Авазни уницида қолишга кўндириди. Ош дамланди. Алла-маҳалгача сұхбатлашиб ўтиридалар.

– Ишларнгиз бир томондан жуда қизиқарли, иккинчи томондан анча оғир экан, – хонадон соҳиби меҳмонни мунозарага чорлади.

– Мана кўриб турибсиз-ку, ҳақиқатнинг тагига етишнинг ўзи бўлмайди, жиноятчилар ҳам пухта бўлиб кетган! – деди Аваз иссиқ чойдан ҳўплай туриб. – Бир пайтлар уларни шоҳида юришади дейишарди, энди – баргига юришилти.

– Энди нима қилмоқчисиз? Муродилла aka айтган ажнабийни аниқлашнинг имкони бўладими?

– Қийин масала! Агар Ҳикматнинг ўзи унинг кимлигини айтмаса... Аммо у пихини ёрган, ҳеч қандай инглизни танимайман деб оёқ тираб турса керак!

– Биласизми, мен сизга ўргатмоқчи эмасман-у аммо калламга бир фикр келиб қолди, – мезбон хижолатомуз гап бошлади. – Аэропортларда, вокзалларда автостоянкаларга камера ўрнатилган. Мен аниқ биламан Қозон вокзалида ҳам камера бор. Муродилла аканинг келган вақти аниқ. Видеокамера ёзувлари анчагача сақланади деб эшитганман...

– Чакки эмас, баракалла! Гапингизда жон бор. Агар ўша ёзувларни топсак, зўр далилий ашёга эга бўлардик. Анави хорижликни ҳам топиб олиш осон кечарди... Шуни айтсалар керакда, бир калладан икки калла яхши деб.

– Лекин орадан анча вақт ўтган, видеокамера ёзувини қўлга киритиш ҳам осон эмас!

– Бу ёғини амаллаймиз! Вадим бор-ку!

Эрталаб прокуратурага боришидди. Аваз «Ака раҳмат, шунча ёрдам қилдингиз, энди ишингизга бораверинг!» деса ҳам Азимжон унамади. «Сизни кузатиб, кейин қайтаман, ҳечам хижолат чекманг» деб туриб олди.

Аваз прокуратурага кириб кетиб, бир соатлар ўтгач, Вадим билан чиқиб келди. Азимжоннинг машинасига ўтиришиб, тўғри Қозон вокзали томонга юришидди. Вокзалда уларни транспорт полицияси бошлифи, бақалоқдан келган полковник кутиб олди.

– Мұхандислар ҳозир видеокамера ёзувларини шу ерга олиб келишади, – деди полковник меҳмонларни хонасига бошлаб. – Шаҳар прокурори ўринbosари менга телефон қилганди.

– Видетасвирлар архиви қанчагача сақланади,  
– Авазнинг сабри чидамади.

– Ҳозирги камераларнинг хотираси жуда катта, кўп ахборотни сақлашга қодир, – деди полковник хотиржам.

– Видеоёзувлар сақланган бўлиши мумкин, аммо бизни қизиқтираётган одамлар объективга тушдимикин? – Вадим гапга қўшилди.

– Шошмасдан турсангиз бир оздан сўнг барча саволларингизга ўзингиз жавоб топасиз, – полковник Авазга қараб тиржайди. – Ўзбекларда қанақа мақол бор эди – «Шошган қиз эрга ёлчимас» дейишармиди.

Ўзга миллат вакилининг ўзбек тилида мақол айтиши Авазни таажжубга солди:

- Ўртоқ полковник, сиз Ўзбекистонда бўлганмисиз?
- Ҳа, бир пайтлар Зарафшон шаҳрида ишлаганман. Ажойиб ўлка, ажойиб одамлар...

Эшик тақиллаб, асбоб-анжомлар кўтарган бир йигит кириб келди:

- Рухсат этинг!
- Ҳа, Петя кел! Қани ўтган йили ноябр ойи архивини оч-чи!
- Ноябрнинг аниқ қайси санаси сизни қизиқтиради? – Петя техникани ишга туширишга ошиқди.
- 25 ноябр!

Мутахассис камера хотирасини кавлай-каовлай керакли маълумотларни топди шекилли, атрофдагиларни ёнига чорлади:

- Марҳамат, 25 ноябр соат 9 дан қўйдим.
- Ҳамма мониторга тикилди. Экранда тиниқ тасвирлар пайдо бўлди. Одамлар... машиналар....
- Стоянкада нечта камера ишлайди, – деди Аваз монитордан кўзини узмай.

- 4 та камера қўйилган...
  - Ҳаммаси ишлайдими?
  - Албатта!
  - Сал тезлаштирса бўладими?
- Петя тасвирни тезлаштирди.
- Объект вокзалга қачон келиб тушган, – деди Вадим Авазга қарата.

- Тошкент-Мосвка поезди соат нечида етиб келади, – Аваз полковниқдан сўради.
- Жадвал бўйича 15-00 да.
- Соат 14 дан бошлаб кўрсак бўладими? – Аваз Петяга ўтиридди.

Петя компьютерни ишга туширди. Ниҳоят, тасвирнинг пастки қисмида 14-01 деган ёзув пайдо бўлди. Бир оз кузатишгач, кимdir яна тасвирни

бир оз тезлаштиришни илтимос қилди. Экрандағи соат 14-50 га етганды, Аваз күрсатув тезлигидиң үз ҳолига келтиришни сұрады. У дикқат билан тасвирни құзатар экан, ҳар бир йүловчи, ҳар бир машинани эътибордан четда қолдирмасликка ҳаракат қиласады. Лозим бўлганда тасвирлар секинлаштирилиб кўздан кечирилди.

– Стоп! Шу ерда тўхтатинг-чи! – Аваз қичқириб юборди.

Петя тасвирни қотирди. Экранда кимдир 10-15 чоғли катта-катта қутиларни юқ ташийдиган аравага ортиб, тўхташ жойига қараб итариб кетарди. Ортида икки киши. Аваз тикилиб қараб, улардан бирини танигандай бўлди.

– Петя илтимос, сал катталаштирса бўладими?

– Марҳамат! – мутахассис кадрдаги шарпаларни яқинроққа олиб келди.

– Ҳа, бу ўша, бизнинг Ҳикмат! – Аваз ўзича тўнғиллади. – Қани кўрайлик-чи, китобларни қаерга олиб борар экан! Секинлатиб юритинг-чи!

Тасвирлар яна жонланди... Аравакаш аравасини суріб бориб, оқ рангли «Жип»нинг ёнида тўхтади. Машина камерага ён томони билан тургани боис давлат рақами кўринмади. Ажнабий қўлидаги тизгин билан машинанинг юкхонасини очди. Ҳаммол қутиларни шошмасдан ўтказа бошлади. Бир, икки... уч... ўн икки, ўн уч қути экан.

– Машинанинг давлат рақамини яқинроқдан кўрсатса бўладими?

Петя тасвирни яқинроққа олиб келишга уринди. Аммо «Жип»нинг давлат рақамини ёнидаги «Мерс»нинг олди томони тўсиб турарди... Ҳикмат билан ажнабий машинага ўтиришди. Автомобил секин жойидан қўзғалди. Чиқиш жойида машиналар тирбанд бўлгани боис машинанинг давлат рақами кўзга ташланмади. Петя зўр бериб, тасвирлар-

ни олдинга, орқага юргизиб, машинанинг олд ёки орқа рақамини кўрсатишга уринди. Бахтга қарши рақамларни илғашнинг имкони бўлмади.

– Майли овора бўлманг, асосийси анави иккови-нинг турқи-таровати яққол кўринди. Машинани топиш қийин бўлмайди. – Аваз зўр бериб камера мурватини бураётган Петяни тинчлантириди.

Изқувар тегишли расмиятчиликни ўринлатиб, далилий ашёни жиноят ишига қўшиш учун олди ва аэропортта шошилди...

\* \* \*

Тоҳир Фофурович тайинлаб қўйганлиги боис Лрманистон прокуратурасидаги ҳамкаслар уни илиқ қарши олишди. Унга ёрдам бериш учун Сусана Акоповна деган ходимни бириктиришди. Фахриддин тегишли ҳужжатларни ўриналиб, Сусанани иш ҳолатлари билан таништириди. Қилинадиган ишларни муҳокама қилишиб, кечки пайт хайрлашишди.

Кейинги кун барвақт уйғонган Фахриддин ишни профессорни излашдан бошлади. Алберт Робертовични топиш қийин кечмади. Профессор меҳмоннинг терговчи эканлигини эшитиб, одинига гаплашишга рўйхушлик бермади. Лекин унинг ўзбекистонлик эканлигини билгач, бирдан юмшади. У Ўзбекистонда ҳам бир неча шогирдлари борлигини, Тошкент, Самарқанд, Бухоро ва Хивада бўлганлигини, бу қадимий кентлар унда чексиз таасурот қолдирганлигини айтиб, меҳмоннинг кайфиятини кўтаришга уринди. Гап москвалик курсдоши Тамараага ёзган мактубга келиб тақалгандан тўсатдан домланинг юзи тундлашди:

– Яхши йигит, прокуратура идоралари қачондан бошлаб бирорларнинг шахсий мактуби билан

қизиқадиган бўлиб қолиши? Ё Узбекистонда сизларга бошқа иш топилмай қолдими?

– Домла узр! Жиноят иши тақозо қилса, бирорвларнинг шахсий мактубларини ҳам текшириб кўриш бизнинг вазифамиз. Ишимиз камлигидан ёки сизни соғинганимиздан бу ерга келганимиз йўқ! Бизни тўғри тушунасиз ва бизга ёрдам берасиз деган умиддаман...

– Яхши, яхши! Сиз терговчилар гапга уста бўласизлар! Ҳамма нарсага баҳонангиз тайёр. Сизлар билан баҳслashiш бефойда, – профессор гапни ҳазилга бурди.

– Нима қилайлик, ишимиз шунаقا! – Фахриддин ҳам гап оҳангини ўзгартирди.

– Қани гапиринг-чи, нима сизни қизиқтиради, ҳар ҳолда шунча узокдан шу хатни деб келмагандирсиз! – деди домла терговчининг қўлидаги мактубга ишора қилиб.

– Алберт Робертович, мактубингизда тилга олган ва сизни бағоят хурсанд қилган ва халқингиз тарихини тиклашга тилсим бўладиган ўша дурдоналар нима эди?

– Э ҳа, археологик топилмаларни айтаяпсизми? Биласизми, Тамара Булатовна ажойиб аёлда. Шотигирлари ўтган асрнинг 80-йилларида Ереван яқинидаги Эребуни қалъасида қазишмалар ўтказиб, бир қанча тарихий ёдгорликлар топишган экан. Совет даврида бунга ҳеч ким эътибор бермаган. Топилмалар бемалол Москвага, Питерга олиб кетилган. Шу аёлнинг шарофати билан б дона жуда қадимий уй-рўзгор буюмлари юртимизга қайтарилди. Ҳақиқатда бебаҳо дурданалар...

– Уларни кўрса бўладими?

– Албатта, институт музейида турибди! Хоҳлаган пайтда бориб кўришингиз мумкин. Ҳозир улар-

нинг ҳақиқий ёшини аниқлаш бўйича тадқиқотлар олиб борилмоқда... Кўрамизми?

– Яхши бўларди. Кўз билан кўрганга нима етсин, – терговчи ўрнидан қўзғалди.

Институтнинг кенг ва ҳашаматли биноси оралаб бир оз юришгач, пештоқига арман тилида чиройли лавҳа осилган нақшинкор эшик олдида тўхтадилар.

– Бу ерга «Арман ҳалқи тарихи музейи» деб ёзилган, – деди мезбон эшик тепасидаги ёзувга ишора қилиб.

Ичкарига киришди. Музей ходими – эллик ёшлардаги аёл уларни табассум ила қарши олди. Ўз тилида бир нималар деб кулишди. Сўнг рус тилида кучли арманча талаффуз билан меҳмонни танишитирди:

– Гаяна, бу йигит Ўзбекистондан. Анави Санкт-Петербургдан олинган экспонатларни кўрмоқчи.

– Марҳамат! Бу ёқда юринглар. – Аёл меҳмонларни кейинги хонага бошлади. – Музейимизда эрамиздан олдинги даврга оид кўплаб экспонатлар сақданади. Бунақаси ҳатто Луирда, Эрмитажда ҳам учрамайди...

– Гаяна 40 йилдан бўён шу музейда ишлайди. Ундаги ҳар бир предметни беш қўлидай билади, – қўшимча қилди профессор.

– Меҳмон ҳам археологми? – деди Гаяна ортидан келаётган Фахриддинга ўгирилиб.

– Шунга ўхшаш! Буларни қизиқтирмайдиган нарсанинг ўзи йўқ, – Алберт Робертович саволга нима деб жавоб қайтаришни билмай турган терговчининг жонига ора кирди.

Ердан тортиб деворларгача тартиб билан териб қўйилган турли-туман осори-атиқалар оралаб ўтишиб, хона тўридаги шкаф олдида тўхташди:

– Мана сизни қизиқтирган экспонатлар. – деди музей ходимаси шкафдаги ашёларга ишора қилиб. – Улар музейимиздан муносиб жой олишди.

Фахридин шикофга яқинлашиб, ҳар бир экспонатни диққат билан күздан кечира бошлади. «Буларнинг нимаси дурдона экан? Оддийгина со-пол ва темирдан ясалган рўзғор буюмлари... Қади-мийлигини инобатга олмаса... Наҳот улар олис тарихдан сўзлаётган бўлса. Чиндан ҳам шу матоҳлар профессор ёзганидек арман халқининг тарихини ўрганишда тилсим вазифасини ўтайдими? Балки уларда бизлар тушуна олмайдиган сир яширин-гандир» хаёлидан ўтказди у.

– Бу экспонатлар жўнгина кўринса-да, аслида тиллага teng. Улар қарийб минг йиллик тарихдан гувоҳлик беради, – профессор меҳмоннинг хаёлидан нималар ўтаётганини англади шекили, тушунтира бошлади. – Мисол учун мана бу илма-тешик темир қозон ўн тўртинчи асрга тааллуқли. Дарвоқе, қайсиdir маънода бу экспонатнинг сизга ҳам тегишли жойи бор. Ўтказилган тадқиқотлар бу ёғ қозони портлаш таъсирида шу ҳолга келиб қолганлигини кўрсатди. Портлашни амалга ошириш учун порохдан фойдаланилган. Ёдингизда бўлса, бобонгиз Амир Темур мустаҳкам қалъаларни забт этиш учун порохдан фойдаланган, деган гап-сўзлар юради. Аммо бу масала баҳсли ҳисобланиб, кўпчилик олимлар бундай қараашларга шубҳа билан қарарди. Биз эса буни исботладик. Тарихдан маълумки, Темурлан 1392–1396 йилларда Арманистон ва Гуржистонга бир неча бор юришлар қилган. Қалъа ҳимоячилари шу қозонда ёғ қайнатиб, қайноқ мойни тепадан туриб қалъа деворларига чирмашиб келаётган аскарларнинг устидан қувишда фойдаланилган. Шунда Темурийлар қалъа деворини қулатиш учун порохдан фойдаланишга

мажбур бўлган. Портлаш зарби шунчалик кучли бўлганки, қозонни ўқдай тешиб юборган...

– Ўша даврларда порох ишлатилганмикин? – деди Фахриддин ҳайрати ортиб. – Бизга порохни 1888 йилда Швед олимни Альфред Нобель ихтиро қилган деб ўргатишган.

– Гапингизда жон бор, – Алберт Робертович ҳам сұхбатининг дикқат билан тинглаётганидан жўшиб, давом этди. – Расман баллистик порох ихтирочиси Нобель ҳисобланади. Аммо кўриб турганингиздек буюк бобонгиз бу ишни ўн тўртинчи асрда уддалаган. Шу пайтгача бу фактга бир афсона сифатида қараб келинган. Бизнинг археолог, кимёгар, физик олимлар бу нарсани далиллар асосида тўла исботлашди. Энди гап ҳақиқатни юзага чиқаришда...

– Н-и-м-а қ-и-л-и-ш керак? – деди ҳаяжонланганидан нимага келганини ҳам унутиб қўяёзган терговчи ёш боладай мўлтираб.

– Курашиб керак! Ҳақиқатни тиклашнинг ўзи бўлмайди. Аввало, бу масалага жаҳон жамоатчилигининг дикқат-эътиборини қаратиш лозим. Сўнгра... майли бу сизнинг ишингиз эмас, сизлар жиноятчиларни қидиринглар...

– Тўгри, терговчи сифатида ишимиз жиноятни тергов қилиш, қонунбузарларни жазолаш. Аммо инсоний бурчимиз-чи? Тарихий ҳақиқатни тиклаш, ота-боболаримизнинг шарафини ҳимоя қилиш ҳар бир миллат вакилининг вазифаси эмасми?

– Қанийди ҳамма ҳам сиздай мушоҳада юритса! Мен тарихни яхши биламан. Шу сабабдан Амир Темурни қораламайман. Замон шунаقا бўлган. Сен бошиб олмассанг, сени босиб олишган. Бу томонда Усмонли турклар тиш қайраб турган. Темур ҳар ҳолда адолатли ҳукмдор бўлган. У бўлмаса, билмадим Боязид Кавказ халқлари бошига не кулфатлар соларди!

– Тўғри тушунганингиз учун раҳмат! – Фахриддин ичидан бу одамдан мамнунлик ҳиссини туйсада, унинг қўнглини кўтарадиган бирор жўяли гап тополмади. – Алберт Робертович, тадқиқотларингиз натижалари билан танишсам бўладими?

– Бемалол! Натижалар эълон қилинган. Интернетда рус тилидаги таржимаси билан танишиб чиқсангиз бўлади.

– Албатта танишаман!

Гаяна мөхмонни музейдаги бошқа экспонатлар билан таништира бошлади. Шу тобда Фахриддининг хаёли бошқа нарсада бўлса-да, куйиб-пишиб гапираётган мезбонни ранжитмаслик учун беихтиёр унга эргашди. Профессор терговчининг шошилаётганлигини фаҳмлаб, «гид»ни шошилтирди. Музейдан чиқишида Фахриддин Гаянага юзланди:

– Эрмитаждан олинган буюмларнинг ҳужжатини кўрсата оласизми?

– Йўқ, йўқ! Буни директор ҳал қиласди. Мен оддий ходимман. У киши ҳозир дарсда, сал кейинроқ келади.

– Яхши, мен тушдан кейин келаман!

Пешиндан сўнг музейга қайтиб келган Фахриддин Сусананинг кўмагида керакли ҳужжатлардан нусха олди, экспонатлар расмга туширилди. Музейдан чиқиб, Алберт Робертовичнинг уй, иш ва қўл телефони таҳдилини олиш учун шаҳар алоқа тармоқлари идорасига сўровнома топширилди. Жавоб тайёр бўлгач, Сусаннанинг ўзи уни Фахриддин Каримовичга етказишга келишиб, хайрлашиши.

Мөхмонхонага барвақтроқ қайтган Фахриддин бир оз дам олиш учун чўзилди. Кўзини юмид, ухлашга ҳаракат қилди. Бўймади... Хаёллар унга тинчлик бермади: «Тавба, бу қандоқ жумбоқ бўлди? Охири кўринмайди-я! Арманистон ҳам ҳеч нарса бермади. Тамара рост гапирганга ўхшайди. Бундан чиқди

Хикмат Аваз айтган ўша ажнабий билан иш қылган. Стоянкадаги видеотасвириңг топилгани яхши бўлди. Энди Ҳикмат тан олишга мажбур бўлади. Ёки яна бирор важ ўйлаб топармикан. «Шахсий кутубхонамга тегишли китобларни сотгандим» деб туриб олса нима бўлди? Далил-исбот йўқ... Чет элликни топиш керак! Хўп, уни ҳам топдик дейлик. У бизга кўлёзмаларни кўрсатадими? Китоблар топилмаса, уларнинг қанақалиги, нима ҳақда эканлигини билмасак уларни сотган одамни нимада айблаймиз?! Нотўғри йўлга тушиб қолдикми? Норбўта чўпоннинг ўлимини Амир Темур кутубхонасига боғлашимиз хато бўлмадими? Тамара, унинг эри Саша, Алберт Робертович... Наҳотки щунча одамни бекорга овора қилаётган бўлсак... Ҳикмат қанақа одам ўзи? Кўлга тушмас, из қолдирмас – пихини ёрган устаси франгми? Бизнинг Россияга кетганимизни эшитиб, ўзини қандай тутаётган экан? Назаримда, ҳамма нарсани олдиндан сезиб, жавобини тайёрлаб қўйгандай...»

Бир оз кўзи илингган экан, эшикнинг тақиллашидан уйғониб кетди. Эринчоқлик билан эшикни очди. Сусанна экан:

– Бугунги ишни эртага қўйма дейишади, мана жавобларни олиб келдим... халақит қилмадимми?

– Йўқ, йўқ, ҳаммаси жойида! Киринг ичкарида гаплашайлик... – йигит меҳмонни ичкарига бошлади.

– Мен қараб чиқдим, – Сусана сумкасидан қофозларни чиқарди. – Ўша куни, яъни сиз Тамаранинга борган кунингиз кечаси Москвадан Алберт Робертовичнинг уйига битта қўнфироқ бўлган. Беш дақиқа гаплашилган.

– Келинг, марҳамат ўтиринг, – деди йигит қизга илтифот кўрсатиб. – Қайси рақамдан чиқишиган экан?

– Охири 976 15-51.

– Лекин бу рақам Тамарага тегишли эмас!

– Балки эриникидир!

– Йўқ, менда эр-хотиннинг барча телефон рақами бор! – Фахриддин чўнтағидан ён дафтарчасини чиқариб, варақлай бошлади. – Мана унақа рақам йўқ!

– Буни аниқлаш қийин эмас-ку! Лозим бўлса бирпасда аниқлаб бераман! – Сусанна маъноли қараваш қилди. – Укам Москвада жиноят қидирудида ишлайди.

– Яхши бўларди! Агар сизга қийин бўлмаса!

– Бундан осон иш бормикин! – жувон телефонини олиб, тера бошлади. – Ало, ало Артур...

Фахриддин опа-уканинг мулоқотидан ҳеч нарсани тушунмаса-да, мушкули кушод бўлайтганидан хурсанд, малла соч, камон қош, қирра бурун, мурча миён бу жувонга суқланиб қараб турарди. Қиз сумкасидан ниманидир олиш учун энкайганда дуркун сийнасига нигоҳи тушган йигитнинг баданига чумоли юргургандай бўлди. Кўзлари хўжасига итоат этмай қўйганди гўё.

– Раҳмат укажон, хўп, хўп... қўнфириғингни кутаман! – қиз ҳамсұхбатига тушунарли бўлсин учун атайлаб рус тилида гапирди. Сўнг телефонини сумкасига жойлаб, ўзгача бир назокат ила қаршисидаги йигитга жилмайди:

– Бўлди! Топшириғингиз бажарилди, ўртоқ полковник!

«Кулганда янада мафтункор бўлиб кетаркан», хаёлидан ўтказди йигит:

– Раҳмат Сусанаҳон! Бидмадим сизсиз нима қиласардим...

– Раҳмат айтишга ҳали эрта. Бир оз кутиб турамиз... укамнинг қўнфириғини кутамиз... Сизга халақит қилмасам агар... – Сусана нозланди.

– Йўқ, нега халақит қиларкансиз, аксинча сиз... билан сұхбатлашиш ёқимли... Фахриддин гапи-

ришга гапириб қўйиб, қулоғигача қизариб кетди.  
Яна нимадир демоқчи бўлиб оғиз жуфтлади-ю,  
тили калимага келмади.

Бир фурсат ўртага сукунат чўкди.

– Қани гапирингчи, сизларда – Ўзбекистонда  
нима гаплар? – жимликни қиз бузди.

– Бизда ҳаммаси яхши! Мустақилликка эриш-  
ганимиздан сўнг мамлакат барча жабҳаларда тез  
ривожланиб бормоқда...

– Айтгандай тамадди қилдингизми? – бехосдан  
йигитнинг гапини бўлди қиз.

– Йўқ! Энди қимоқчийдим...

– Юринг, унда мен сизни бир меҳмон қиласай! –  
қиз ўрнидан қўзгалди. Ёнида анграйиб турган йи-  
гитнинг жавобини ҳам кутиб ўтирасдан эшик то-  
монга юрди. – Сизни фойеда кутаман.

– Мен бир зумда! – Фахриддинга жон кирди.  
Апил-тапил кийиниб, уст-бошини тартибга солди.  
Ваннадаги ойнага тикилиб, аксига қараб маъноли  
қўз қисиб қўйди... Меҳмонхонанинг қирмизи гила-  
ми тўшалган узун йўлаги бўйлаб қадам ташларкан  
хаёлидан «арман қизи самимий ва очиқ кўнгил,  
қолаверса, бинойидек танти экан. Ташаббусни  
мендан олдин ўз қўлига олди-я! Кечагина таниш-  
ган бўлсак-да, кўп йиллик қадрдондаймиз-а!» деган  
фикр ўтди...

Меҳмонхона ресторани шинамгина экан. Бир  
чеккадаги столга ўтиришди. Хўрандалар кам бўли-  
шига қарамасдан саҳнада уч-тўрт кишидан иборат  
оркестр паст товушда ёқимли қуй ижро этмоқда.  
Овқатга буюртмани Сусанна берди. Турли-туман  
миллий таомлари билан бирга оғатижон арман  
конъяги ҳам камтарона дастурхонни безади... Шу  
орада мезбоннинг телефони жиринглаб қолди. Ар-  
тур экан. Топшириқ бажарилган шекилли Сусанна  
телефонда айтилган маълумотларни қофозга ёзиб

олди. Сўнг укаси билан гоҳ арман, гоҳ рус тилида хайр-хўшлашиб, варакҳни меҳмонга узатди:

– Мана, Питердан бўлган қўнгироқ – Александр Невский кўчаси 145-й 62-хонадонда яшовчи Захаров Анатолий томонидан амалга оширилган экан. Ҳар ҳолда телефон рақами шу одамга тегишли...

– Невский кўчаси... 145-й... 60-хонадон – бу Тамараларнинг уйи-ку! Демак, қўшнисиникидан қўнгироқ қилган экан-да! Демак, профессорни нимадандир огоҳлантирмоқчи бўлган... Ўзида телефон бўлса-да, лекин қўшнининг телефонидан фойдаланган... Нега? Бу ерда бир гап бор-ов!.. – Фахриддин ўзича бир нималар деб фудурланиб, бир нуқтага тикилганча жим бўлиб қолди. Сўнг бирдан чўнтағидан телефонини чиқариб, тера бошлади. Қиздан узр сўрашни ҳам унутмади.

– Авазбек яхшимисиз! Қаердасиз?

– Раҳмат яхши, аэропортга келдим, икки соатдан сўнг учаман! – нариги томондан Авазнинг овози эштилди.

– Хайрият! Билетни топширинг! Ўша ёқда бўлиб туринг. Мен ҳам эрталаб Питерга учаман! – деди Фахриддин буйруқ оҳангига.

– Тушунарли!

Фахриддин шундай қизни безътибор қолдирганидан хижолат бўлиб, яна узр сўради.

– Бўлдими? – деди қиз мулоҳимлик билан.

– Бўлди. Мана энди телефонимни ҳам ўчириб қўяман! – йигит телефон мурватини босиб, овозсиз режимга қўйди.

– Келинг, бугун ишдан гаплашмайлик! – қиз қўлига қадаҳни олди...

\* \* \*

Одатдагидан кеч уйғонган терговчи нонушта ҳам қиммасдан нарсаларини йифиштиришга тушди. Са-

молётга ҳали олти соатча вақт бор. Арман коńя-гининг таъсири ҳали кетмаганди. Қайта ўрнига қулади. Шифтга тикилиб, кечаги воқеаларни хаёлидан ўтказди... «Бир қарашда ҳаммаси жойидага ўхшайди. Лекин Тамара нима сабабдан ўз телефонида эмас, қўшнисининг телефонидан Алберт Робертовични огоҳдантирган. Нимадан огоҳ, қилган бўлса? Ёки шунчаки менинг боришимни айтганмикин? Унда нимадан қўрқади? Ўз телефонидан қўнғироқ қилса бўлади-ку! Демак, бу ерда бир сир бор!»

Ўрнидан туриб, сумкасидан кеча музейдан олинган ҳужжатларни чиқарди. Бир томонга Алберт Робертовичнинг Тамарага ёзган мактубини қўйди: «5 июнда экспонатлар музейдан чиқим қилинган. Хат 10 июнда ёзилган. Демак, мактубда гап шу экспонатлар ҳақида кетмоқда... 5 июн... «н» ҳарфи сал бўялибдими? Ё нусха кўчиришда... йўғ-е, бу фотонусха-ку! Балки ёзишда хатоликка йўл қўйилиб, кейин тўғирланганмикин? Балки бу «июн» эмас, балки «июл»дир. Агар ҳужжат июлда ёзилган бўлса, мактубда бошқа нарса тўғрисида гап кетаётган бўладими? Ҳужжатнинг аслини кўриш керак!»

Фахриддин сапчиб ўрнидан туриб, кийинди. Сусанага телефон қилиб, тезда институт олдига етиб келишини илтимос қилди. Келишилган жойда учрашдиар.

– Тинчликми? Бугун қайтмоқчи эдингиз-ку! – деди Сусана хавотири ортиб.

– Тинчлик, тинчлик! Façat bir narсaga anиқлик киритишга тўғри келиб қолди. Ёрдам берамизми?

– деди Фахриддин қўлидаги ҳужжатга ишора қилиб. – Мана қаранг, бу ерда «июн» сўзи бўялган. Балки «июл» «июн»га алмасирилган. Ҳужжатнинг аслини яна бир бора кўриш лозим.

– Фахриддин ака, хўп сиз айтганча бўлсин ҳам дейлик, лекин бу нимани ўзгартиради? – қизнинг йўқ жойдан ўзбекча «ака» деб мурожаат қилиши йигитни таажжубга солди. Айни пайтда бу ҳақда ўйлаб ўтиришга фурсат йўқ бўлса-да, хаёлидан «кечагидан ҳам очилиб кетибди-я!» деган ўй ўтди.

– Юринг, фурсатни бой бермасдан ҳозир ҳужжатни аслини кўрайлик, – йигит қизни шошилтириди. – Кейин тушунтириб бераман!

Музей раҳбарининг эътирозига қарамай, Сусана кечаги ҳужжатларни қайта кўтартирди.

– Мана қаранг, бу ерда янада яққол кўриниб турибди – «н» ҳарфи бўяб, ўзгартирилган, – деди Фахриддин ҳужжатга лупа орқали тикилиб.

– Тўғри бўялган, лекин бу ҳали қалбакилаштирган дегани эмас-ку! Балки ёзища хатоликка йўл кўйилгандир, кейин тузатилган бўлиши ҳам мумкин, – эътиroz билдирид қиз.

– Бўлиши мумкин! Аммо...

– Нима бунча шунга ёпишиб қолдингиз? «Июн» бўлди нима-ю, «июл» бўлди нима! Фарқи не?

– Фарқи жуда катта-да! Алберт Робертовичнинг мактуби 10 июнда ёзилган. Экспонатлар музейга 5 июнда ҳадя қилинганди. Мабодо хат 5 июнда битилган бўлса, у ҳолда номада тилга олинган мавзу бошқа нарса бўлиб чиқади. Унда Тамара билан Алберт Робертович ўртасида қандайдир бошқа бир сир борлиги аён бўлади...

– Мақсадингизни тушунгандай бўляйман... – деди Сусана хаёлга чўмиб. – Ҳужжатнинг Эрмитаждаги нусхасини кўтариш лозим...

– Тўғри! Сиз мутлақо ҳақсиз хоним! – Фахриддин жилмайди.

– Укамга айтайми? – деди қиз ўзига ярашиқди ноз билан.

– Раҳмат! Артурни безоват қилманг! У ерда бизнинг ходимимиз бор, – йигит телефонда Авазнинг

рақамини терди ва унга зудлик билан Эрмитажга бориб, Арманистон археология ва этнография институтига ҳадя қилинган экспонатлар билан боғлиқ чиқим қоғозларини топишни, ҳужжатларни қўлга олгач, телефонда у билан боғланиши лозимлигини уқтириди.

– Менинг тушунишимча, – Сусана ўзича хулоса қилди. – Агар ҳужжатда «июн» бўлса учиб кетасиз, мабодо «июл» бўлса қолишингизга тўғри келади... Шундайми?

– Мулоҳазаларингиз чакки эмас... Топдингиз! Ҳозирча кутиб туришга тўғри келади...

– Ундай бўлса, кечадан буён туз тотмаган аёлни бир чашқа қаҳвага таклиф қилишга вақтингиз етарли деб ўйлайман... – деди Сусана шўхлик қилиб.

– Жоним билан!

Институтдан чиқиб, муйилишдаги шинамгина қаҳвахонага киришди.

– Кечаги тартибсизлигим учун узр сўрайман... – деди Сусана қулоқдариғача қизарип.

– Ундай деманг! Аслида мен сиздан кечирим сўрашим лозим...

– Мен тўғримда ёмон фикрга борганингиз аниқ! Лекин...

– Нега ундай деяпсиз? Ҳеч ким сизни айблаётгани йўқ... Ҳаммаси жо-йи-да... гў-зал... – Фахриддин сўз тополмай дудуқланди.

– Илтимос гапимни бўлманг! – Сусана жиддийлашди. Қўлидаги қаҳвадан симириб-симириб, оҳиста гап бошлади. – Эндиғина мактабни битириб, ўқишига қириш учун тайёргарлик кўриб юрган вақтларим эди. Қўшни уйда ижарада яшайдиган бир аспирант йигит билан танишиб қолдим...

Фахриддиннинг бутун вужуди қулоққа айланиб тинглаб турарди.

– Аста-секин муносабатларимиз оддий қўшничилик, таниш-билишчилик чегарасидан ўтиб, жиддийлаша борди. Ўзим ҳам сезмай қолдим. Кейинчалик уни бир кун кўрмасам туролмайдиган, соғинаядиган бўлиб қолдим. У ҳам шу куйга тушганди... Муҳаббат тўғрисида китобларда ўқиган, киноларда кўрган бўлсан-да, унинг шундай қудратга эга эканлигини хаёлимга ҳам келтирмаган эканман... Мирсамаднинг аспирантураси тугаб борарди...

– Нима у ўзбекистонлик... миди? – йигитнинг кўзлари катта-катта бўлиб кетди.

– Ҳа, у тошкентлик эди... Севишишдан оддин ҳаётнинг баланд-пастини, имкониятларни, келажакни, оддингда турган ғовларни ўйлаш керак экан. Севиб қолгач, кўзингга ҳеч нарса қўринмай қоларкан... Ота-оналарнинг қаршилиги, ижтимоий келиб чиқишимиздаги фарқлар, Ўзбекистон билан Арманистон ўргасидаги масофа муҳаббатимизга рахна сололмайдигандай эди. Аммо...

Қизнинг наштардай киприклари оралаб қуийлаётган маржон томчилар чироқ ёғдусида жилвалинарди. Йигит эса шу маҳалда унинг кўнглини кўтарадиган сўз тополмай қўйналарди.

– Аммо... ҳаммаси бошқача бўлиб чиқди. Мирсамад ёлғиз ўғил, ота-онасининг нури дийдаси эди. Мен ҳам ота-онамнинг бори-йўфи, эркатойи эдим. Меникилар Тошкентга кетишимни кўз олдиларига келтиролмаганликлари каби униклиар ҳам ўғилларининг Ереванда қолиб кетишини тасаввур қила олмасдилар. Болаларининг қистови билан шундоғам қўл учида кун кечирадиган ота-онаси бизникига икки марта, сизларда нима дейишиади... ҳа-ҳа, с-о-в-ч-и-л-и-к-к-а келишди. Онам уларни уйдан ҳайдади. Ўша кезларда прокурор бўлиб ишлаётган отам менга очиқдан-очиқ қарши бормаётган бўлсан-да, менинг Мирсамад билан

Тошкентга кетишимга асло рози бўлмаслигини тушуниб туардим... Бир томонда мени оқ ювибоқ тараган, мен учун жонини ҳам беришга тайёр турган ота-онам, иккинчи томонда муҳаббатим – Мирсамад туарди. Икки ўт ичида куйиб-ёнардим...

Сусана бир оз жимиб қолди. Дастрўмолчаси билан юз-кўзларини артди. Аллақачон совиб қолган қаҳвадан ҳўплаб, давом этди:

– Узр, кўнглим бўшаб кетди. Сизни ҳам дардимга шерик қилиб ўтирибман, кечиринг!

– Одам дардини одам кўтаради дейдилар! Бемалол! Чиндан қизиқарли тарих экан. – Фахриддин ўрнашиброқ ўтириб олди. – Кейин нима бўлди?

– Муҳаббат дея ота-онамдан воз кечолмасдим. Аммо беғубор севгимдан воз кечиш менга осон эмасди. Бу қилмиш именга қимматга тушишини, ҳаётим оступ-устин бўлишини тушуниб турсам-да, ота-она ризолигини устун билдим... Мирсамад билан йиғлаб-йиғлаб ажралдик... Мен бошқа ҳеч кими ни севолмадим. Тўртинчи курсда отам мени бир ўртоғининг ўғлига узатди. Муҳаббатсиз турмуш турмуш бўлармиди. Унга кўнглим йўқ эди. Битта ўғилли бўлдик. Кейин ажралишиб кетдик. Шу-шу мен йигирма олти ёшимда бева бўлиб қолдим. Ўғлим сал улғайтак, ишга кирдим. Бир оз чалғигандай бўлдим. Бор меҳримни ишга бердим... Бу гапларни нима сизга айтаяпман биласизми?

Фахриддин «қайдам» дегандай елка қисди.

– Сиз унга қуйиб-қуйигандай ўхшаркансиз!

– Мирсамадгами?

– Ҳа! «Ўзбекистонлик меҳмон келди» деганларида юрагим орзиқиб кетганди. Сизни кўриб... уни кўргандай бўлдим... очилмай хазон бўлган муҳаббатим ёдимга тушди...

– Ярангизни янгилаганим учун узр! Билмасдан... хизмат туфайли...

– Нега кечирим сўрайсиз! Сизнинг айбингиз йўқ-ку... – Сусана беғубор жилмайди. – Ё тавба, табиати ҳам ўхшаш-а буларнинг...

«Кулганда янада мафтункор бўлиб кетаркан» хаёлдан ўтказди йигит.

Қаҳвахонадан чиқиб, меҳмонхонага етай деганларида Аваз қўнгироқ қилиб қолди:

– Хўжайин, мен Вадим билан Эрмитаждаман. Аnavи айтган ҳужжатларингизни олдик!

– Ҳужжат ҳозир қўлингиздами?

– Ҳа, нима қилай?

– Ҳужжатнинг рақами қанақа экан?

– 1571/234!

– Тўғри! Санаси қанақа?

– 5 июл!

– Июнми ёки июлми? – Фахриддин саволни ойдинлаштириди.

– Июл! Охири Лоладаги «л»! Еттинчи ой! – деди Аваз дона-дона қилиб.

– Еттинчи ой денг! Ҳаммаси тушунарли! Авазбек, экспертиза учун ҳужжатнинг аслини олишга тўғри келади. Эплайсизми?

– Амаллаймиз! Сиз қачон қайтасиз?

– Бугун қайтмоқчи эдим. Энди бир оз қолишимга тўғри келмоқда! Сиз ишларни сусайтирмай туринг. Мен ҳам бориб қоламан...

– Тушунарли!

Қўл телефонини чўнтағига солар экан, Фахриддин ёнидаги қизни ҳам унутиб, бир нуқтага тикилганча ўйланиб қолди. Сусана уни чалғитиб юбормаслик учун жимгина кузатиб турарди.

– Нима деб ўйлайсиз, ҳужжатдаги санани ўзгартириш кимга керак бўлиши мумкин? – йигит тилга кирди.

– Биринчидан, бу ўзгариш ҳеч кимга, ҳеч қандай моддий манфаатдорлик бермайди, – проку-

рорларга хос мушоҗада юрита бошлади қиз. – Иккинчидан, «июл»ни «июн»га алмаштириш бошқа бир жиноятни яшириш ёхуд содир бўлган вақтни хаспўшлаш ва шу йўл билан терговни чалфитиши учун қилинган бўлиши эҳтимолга яқинроқ.

– Фикрингизга қўшилмай иложим йўқ! Бу нарса Алберт Робертовичнинг Тамарага ёзган мактубида тилга олинган «сир»ни яшириш, воқеаларни Эрмитаждан олинган экспонатларга боғлаб юбориш учун ўйлаб топилган. Демак, Тамара...

– Ҳа, ҳа! Тамара Алберт Робертовичдан илтимос қилган. Профессор музей ходимларидан бирига... Хуллас, сизларни чалфитмоқчи бўлишган... – қатъий холосага келди Сусана.

Гарчанд у тергов қилаётган жиноят иши тафсилотлари билан тўла таниш бўлмаса-да, асосли ва жўяли мантиқий холосалар чиқараётган бу прокурор аёлнинг ақду заковати, фаҳму фаросатига Фахриддин ичида тан берди. Бошига «уни иш материаллари билан тўла таништириб, фикрлашса фойдадан ҳоли бўлмас эди» деган ўй келди... Бекорга «Бир калладан икки калла яхши» дейишмаган...

Хизмат зарурияти уни бугун ҳам Ереванда олиб қолаётганидан ичида суюниб турган бўлса-да, Фахриддин афсусланган бўлди:

– Оббо, бугун ҳам қоладиган бўлдик-да!

– Арман қизларининг сехру жодуси бўлади! Осонликча қутулиб бўпсиз! – деди Сусана нозланиб.

– Сизни ташвишга қўяётганимдан хижолатдаман-да!

– Хижолат бўладиган жойи йўқ! Мени сизга биринчиришган... хизмат вазифамни бажарайпман...

– Раҳмат сизга! Келинг ўтирайлик... – йигит сухбатдошини йўлак четидаги ўриндиқча таклиф қилди.

У ёқ, бу ёқдан сўзлашиб ўтирилар. Айланиб-айланиб гап яна тергов қилинаётган қотиллик жино-

ятига бориб тақалди. Фахриддин ҳамкасбига иш юритувидаги жиноят иши тафсиолтларини түлиқ гапириб берди. Мақсади унинг фикрини олиш, мулоҳазалари билан ўртоқлашиш эди.

– Ҳа, ростдан ҳам қизиқарли иш экан? – деди Сусана йигитнинг узундан-узоқ ҳикоясини тинглаб бўлгач. – Мени, айниқса, Амир Темур кутубхонаси ҳақидаги гапларингиз ўйлантириб қўйди. Наҳотки чўпоннинг ўлими шу кутубхонага боғлиқ бўлса! Ундан тилла тангала, қадимий қўлёзмаларнинг топилгани, қадимий қўлёзмалар билан шуғулланиб юрадиган Ҳикмат билан таниш эканлиги ва ўз навбатида Ҳикматнинг кейинги пайтда чет мамлакатларга серқатнов бўлиб қолганлиги, кўхна қўлёзмалар савдоси билан машғул бўлганлиги сизларни шундай мулоҳаза юритишга мажбур этган. Тахминларингиз асосли! Аммо...

– Кўлёзмаларнинг Арманистонга қандай алоқаси бор демоқчисиз-да? – Фахриддин «тўғри топдимми?» дегандай қизга юзланди.

– Ҳақли савол туғилади!..

– Саволингизга «тўғридан-тўғри алоқаси бор» деб жавоб берган бўлардим. – Йигит муҳим сирни айтмоқчидай паст овозда гап бошлади. – Сизнинг буни билмаслигиниз табиий. Рости, мен ҳам бу ҳақда яқинда эшиздим... Амир Темур Соҳибқирон қайси мамлакатни забт этса, қўлёзмаларга, қадимий манбаларга катта эътибор берган. Уларни энг қадрли мулк сифатида Самарқандга олиб қайтган ва пойтахтда дунёда тенги йўқ кутубхона барпо этган. Бу тарихий ҳақиқат. Шу важдан Соҳибқироннинг Кавказга юришлари натижасида арман қўлёзма манбаларининг кўп сонли карвонларда Самарқандга олиб кетилганлиги ва хоқонлик кутубхонасидан муносиб жой олганлиги ҳеч кимга сир эмас...

– Наҳотки... эшитмаган эканман! – деди Сусана таажжуби ошиб. – Тўғри, Амир Темирнинг Кавказни босиб олганлигини биламан. Бу ҳақда дарсликларда ўқиганмиз... Лекин китобларнинг олиб кетилганлиги... Қандай даҳшат! Қандай...

– Амир Темур маърифатли инсон, адолатли шоҳ бўлган. Унинг мақсади дунё халқларини адолат байропи остида бирлаштириш, қўлёзмаларни сақлаб қолиш бўлган... Майли, мавзудан чекинмайлик...

– Демак, сизнинг фикрингизча, Алберт Робертович Тамара орқали Ҳикматдан ўша манбаларни сотиб олишга эришган... – деди Сусана бир нуқтага тикилганча. Унинг хаёли ҳамон Амир Темур ҳақидаги таассуротлар билан банд эди.

– Шунаقا гаплар! Лекин бу тахминимиз ҳам чиппакка чиқиб турибди...

– Унчалик эмас... Тамаранинг, Алберт Робертовичнинг ёлғон сўзлаши, ҳужжатларни қалбакилаштиromoқчи бўлгани, терговни чалғитишга ҳаракат қилгани бу ерда бирор сир-асрор борлигини англатмайдими? – деди Сусана шаҳдо кўзларини жавдиратиб.

– Бироқ... бу тахминни исботлаб бўладими? Кўлимизда ҳеч қандай далил йўқ! Профессорни қайта сўроқ қилиш бирор нарса беришига ҳам кўзим етмай қолди, – деди Фахриддин тушкун кайфиятда.

– Терговчи тушкунликка тушмаслиги лозим! – тасалли берди Сусана. – Бир қарашда икир-чикирдек туюлган майда деталлар ҳам унинг синчков нигоҳидан четда қолмаслиги зарур. Жиноятни очиш, жиноятчини топиш осон иш эмас. Биз арманларда бир мақол бор...

Қиз ўз тилида нимадир деди. Ҳамсуҳбатининг «ҳеч нарсани англамадим!» дегандай анқайиб турганини кўриб, мақолни арманчадан русчага ўгирди:

– Қочаётган ўғрида бир йўл бор, уни қуваётганда эса – мингта. Демак, биз тўғри йўлни топмоқ учун керак бўлса ўша мингта йўлнинг ҳар бирига оралаб кўришга мажбурмиз...

– Сиз ҳақсиз... Лекин...

– Ҳеч қанақа «лекин» бўлиши мумкин эмас! Эртага бир иложини қиласиз. Бугун иш вақтимиз тугади, – қиз эркаланиб йигитнинг пинжига тиқилди. – Келинг яхши гаплардан гаплашайлик!

Қиздан тараляётган муаттар бўй йигитнинг димомига урилиб, кайфиятини кўтаргандай, нозик ҳиссиётлар жиловини ечиб юборгандай эди...

\* \* \*

Чақирилмаган меҳмонларни кўриб, Алберт Робертовичнинг юзи тиришди.

– Бирор нарсани унтибдиларми дейман! – ёлғондакам тиржайди у.

Унинг гапи Сусанага «яна келдингларми?» дегандай туюлди.

– Янглишмасам, биз сиз билан бирга ухламаганмиз! Аввало салом! – деди у қувлик билан. – Иккинчидан, биз бекорга ташриф буюрмаймиз!

– Тушунаман, тушунаман! Келинг, келинг! Мен... шунчаки... бирор... нарса... – дудуқланди профессор.

Ичкарига киришди. Фахриддин Каримович чўзib ўтирасдан мақсадга кўчди:

– Бундан уч кун олдин кечки пайтда Тамара билан телефонда гаплашганмидингиз?

Профессор бир оз ўйланиб, жавоб берди:

– Йўқ, менимча гаплашмаганман!

– Аниқроқ жавоб беринг!

– Уч кун олдин йўқ! Бир ой бўлди-ёв гаплашмаганимизга...

– Балки унинг эри билан гаплашгандирсиз?

– Саша билан гаплашмаганимга анча бўлди!

– Унда буни қандай изоҳлайсиз? – деди Фахриддин телефон сўзлашувлари таҳлили қайд этилган қофозга ишора қилиб. – Мана ўша куни кечки соат 20 дан 57 дақиқа ўтганда Тамаранинг қўшниси-никидан сизнинг уйингизга қўнгироқ бўлган. Беш дақиқага яқин гаплашилган. Бунга нима дейсиз?

– Билмадим, балки бирортаси адашиб қўнгирик қилгандир! – Алберт Робертович кўзларини терговчидан олиб қочди.

– Ёлғон гапириш сизга ярашмас экан профессор!

– Ўзи сизларга мендан нима керак? – профессорнинг газаби қайнади. – Ҳа, ҳа, гаплашдим, нима бўпти! Бунинг нимаси ёмон?!

– Ким билан, нима ҳақда?

– Тамара сизларнинг уникига ташрифларингиз ҳақида огоҳлантириди. Бор гап шу...

– Нима деди? Аниқроқ гапиринг!

– «Ўзбекистондан терговчилар келиб, қандайдир қадимий китоблар ҳақида сўрашаяпти, ўша ўн учинчи асрларга тегишли қўлёзмаларни ўтказишда мендан гумонсирашаяпти, менинг кўрсатмаларимнинг тўғрилигини текшириб қўриш учун сизнинг ёнингизга ҳам бориб қолиши мумкин» деди. Сўзининг охирида «менинг телефон қилганигимни айтмай қўяқолнинг» деб тайинлаганди. Шу сабабдан...

– Майли, бунга нима дейсиз? – Терговчи сумка-сидан ҳужжат чиқарди. – Мана бу Эрмитаждан олинган экспонатларнинг кирим-чиқим ҳужжатлари. Қаранг, бу ерда «июл» ойи атайлаб «июн»га ўзгартирилган. Яъни ҳужжатнинг аслида экспонатлар июл ойида чиқим қилинганлиги қайд этилган бўлса-да, ўша ҳужжатнинг сизлардаги нусхасида «июл» «июн»га қалбакилаштирилган. Буни қандай изоҳлайсиз?

– Менинг бунга нима алоқам бор? – профессорнинг юзи тундлашди. – Йигитча сизга ўзи нима

керак! Мени ким... деб ўйлајапсиз? Мен олімман, о-л-и-м-м-а-н, тушунасизми?

– Алберт Робертович, илтимос ўзингизни босиб олинг! Биз ўз хизмат бурчимизни бажарайпмиз. Саволларимизга сиздан жүяли ва асосли жавоб олмагунимизча кетолмаймиз!

– Яна қанақа савол? Ҳамма саволларингизга жавоб бердім шекилли! – профессор ўрнидан туриб кетди.

– Сиз Тамарага ёзган мактубда нимани назарда тутгансиз? Ўтган сафар сиз ҳам, Тамара ҳам гап Эрмитаждан берилган экспонатлар хусусида дея мени лақыллатгандинглар. Энди мактуб ўша экспонатлар берилишидан қарийб бир ой олдин ёзилғанлиги маълум бўлди. Бунга нима дейсиз?

Профессор бир оз ўйланиб қолди. Сусана стол устидаги газета-журналлар орасидан бирини олиб, варақлаб ўтирарди. Профессорнинг терговчининг саволларига жавоб бермасдан «мум тишлаб» ўтириши унга ёқмади:

– Алберт Робертович, олим одамга ёлғон сўзлаш ярашмайди. Кимгадир ёрдам бериш учун ўзингизни хавф-хатарга қўйишингиз яхши эмас. Но-мингизга доф тушириб нима қиласиз! Тўгрисини айтинг қўйинг!

– Айтсан ишонмаяпсизлар! – профессор беўхшов жилмайди. – Мен мактубда ҳақиқатан ҳам Эрмитаждан олинган ашёлар хусусида ёзган эдим. Балки санани чалкаштириб юборгандирман... Бошқа нима ҳақида унга ёзишим мумкин?

Фахриддин саволни яна қайтарди. Аммо профессор аравани «куруқ олиб қочиши»дан чарчамасди. Терговчи бу одамдан бирор нарсани билиб олиш амримаҳол эканлигини англади. Шу билан бирга олим одамнинг оддий ҳақиқатни тан олишни истамасдан кўра-била туриб ёлғон сўзлаб тур-

ганлиги унинг кўнглидаги шубҳа-гумонларни баттар қучайтираётганди: «Демак, профессор ҳаммасини билади. Ҳикмат олиб келган китоблар унинг қўлига тушганлиги аниқ. Йўқса бунчаликка бориб, имонидан кечиб ёлғон гапирмаган, талмовсирамаган бўларди. Ўзини бундай қатъиятсиз тутмаган бўларди. Лекин буни қандай исботлайди? Уйида тинтув ўтказиш лозимми? Ким бунга рухсат беради? Бу ер Арманистон бўлса! Прокуратурага ҳам умид қилиб бўлмайди. Мабодо профессор Ҳикматдан китобларни сотиб олганлиги исботланган тақдирда ҳам у миллат қаҳрамони бўлиб қолмайдими? Бир пайтлар Амир Темур томонидан олиб кетилган халқнинг миллий бойлигини ватанига қайтарган олим сифатида эъзозланмайдими? Йўқ, йўқ! Агарда китоблар унинг қўлида бўлса, уларни қайтариш тўғрисида гап ҳам бўлиши мумкин эмас! Гап Ҳикматнинг жинояти хусусида...»

Сусанна гапга аралашиб:

– Профессор мана бу хабарни ўқиганмисиз? – деди у қўлидаги газетага ишора қилиб.

– Қ-а-й-с-и x-x-x-a-b-a-p? – Алберт Робертович дудуқланди.

– Мана бу ерда шахси маълум қилинмаётган коллекционер томонидан давлат музейига X-XII асрларга оид 10 дона ноёб қўлёзмалар топширилганлиги хабар қилинмоқда. Ўқиганмидингиз? – Аёл прокурорларга хос виқор билан газетани профессорнинг олдига ташлади.

– Ўқиганман! – деди Алберт Робертович газетага эътибор қилмай.

Фахриддин шоша-пиша ўрнидан туриб, газетани қўлига олди. Аммо арман тилидаги ёзувларга тикилиб, ҳеч нарсани англай олмай Сусанага юзланди:

– Ростданми? Бу ерда шунаقا деб хабар берилганми? Ким топширган бўлса? Демак...

– Менимча, ким топширганлиги ўз-ўзидан маълум! – деди Сусана ҳамشاҳридан кўз узмай.

Профессор индамади. Стол устидан сигарета олиб, тутатди. «Демак у топширган! Сукут аломати ризо!» хаёлидан ўтказди терговчи.

– Тўғри, ўша китобларни давлат музейига мен топширганман. Тамара... илтимос қилганди... – профессор чуқур тин олди.

– Қўлёзмаларни Тамарадан олганмидингиз?

– Ҳа...

– Китобларнинг сони қанча эди?

– Қанақа қўлёзмалар эди? Уларнинг рўйхати сизда борми? Қанча суммага сотиб олгансиз? – терговчилар саволларни қалаштириб ташлашди.

– Мен қўлёзмаларни кимдан олганимни айтдим. Ҳар ҳолда уларни ўғирлаб олганим йўқ! Ҳаммасини давлат музейига топширдим... Ахир улар арман халқига тегишли дурдоналар...

– Алберт Робертович гап уларнинг қайси халқقا тегишилиги ҳақида эмас! – Фахриддин Каримович чидағ туролмади. – Сиздан бир нарсани талаб қиласяпмиз! Бўлган воқеани айтиб беринг, таомом-вассалом!

– Сизларга нима кераклигини билмайман! Такрор айтаман – мен қўлёзмаларни Тамарадан олдим. Ҳаммасини давлат музейига топширдим! – профессор шкаф тортмасини титкилаб, бир варақ қоғоз чиқарди ва уни терговчига узатди. – Мана ўша китобларнинг ҳужжати!

Фахриддин қоғозга кўз югуртирди: ҳақиқатда 10 дона китоб музейга топширилгани қайд этилган. «Қолганини нима қилган бўлса? Ёки ростдан ҳам Тамара унга фақат 10 дона китоб сотдимикин?»

– Демак музейдаги ҳужжатларнинг қалбаки-лаштирилиши Сизнинг ишингиз экан-да! – Сусана профессорга еб қўйгудек тикилди. – Сиздек ҳурматли олим кишига ёлғон гапириш уят эмасми?

- Биласизми... с-и-н-г-л-и-м! – ..ан. Лекин
- Мен сизга сингил эмасман! – деди аёлғыни вүкқонлик билан.
- Биласизми прокурор хоним, ҳаётда ким-нингдир кунига яраш, бирорвга нафинг тегиши учун ўзинг бир умр амал қилиб келган, муқаддас билган инсоний тамойилларингдан чекинишига түғри келар экан. Ўрни келганда ёлғон сўзлашга ҳам мажбур бўласан киши...
- Яхшилик қилиш учун қонунни бузиш шартми? – эътиroz билдириди Фахриддин.
- Қонунбузарлик нисбий тушунча! Балки менинг хатти-ҳаракатим сизнинг давлатингиз қонулари га хилофдир. Аммо мен ўз мамлакатим қонунлари билан яшайман... Такрор айтаман – мен арман халқига тегишли қадимий дурдоналарни ўз эгасига қайтардим... Бу китобларни энди сизга ҳеч ким бериб қўймайди. Биласизми, халқимиз орасида Амир Темур ҳақида бир ривоят юради. Унинг қўшинлари Арман заминидан ўтиб кетаётганда бир монастирга дуч келишибди. Темур қўшинлари дарвозаларни очишни талаб қилибди. Монастрдагилар бунга рози бўлишмасдан ўрнига катта миқдорда олтин ваъда қилишибди. Ўша пайтларда уруш қоидаларига биноан ҳаёти сақлаб қолинган мағлуб томон ғолиб томонга омонлик солиғини тўлашган... Монастрдагиларнинг таклифи Амирга маъқул келмапти. Анча ўйланиб туриб келган элчиларга «майли, кимки омонлик истаса, ўз оғирлигига teng китоб келтирсин!» деб шарт қўйибди. Монастр аҳли бу талабни узоқ муҳокама қилиб, ўлимга рози эканликларини изҳор қилибдилар. Бундай қарордан таъсирланган хоқон «халқнинг маънавий меросини ўз жонидан афзал кўрган эл яшашга ҳақли» деган фармон берган экан... Бу ривоятда арман халқининг китобга бўлган эътиқо-

ди билан бирга тилладан китобни афзал кўрган, ўлимга маҳкум этилган душманни фақат китобсеварлиги учун ардоқлаб, омонлик берган Буюк Амир Темирнинг мардлиги мадҳ этилаётгандигини тушунгандирсиз...

– Раҳмат! Яхши ривоят экан! – деди Фахриддин ҳаяжонини яшиrolмай.

– Ҳа, бу бир ривоят, аммо ҳар қандай ривоятнинг замирида ҳақиқат ётади! – Профессор ўрнидан қўзғалди.

Сусана бу саркаш одам билан тортишиб ўтириш бефойдалигини фаҳмладими ёки унинг миллатпрастликка йўғрилган гапларидан таъсирландими бошқа гапирмади...

\* \* \*

Музей директори хонасида қўлёзмаларни қўздан кечирар экан, Фахриддиннинг юраги қинидан чиққудек хапқириб кетди. Кўнгли алланечук бўлиб, бир нарса бўғзига қадалгандай бўлди. Нима бўлаётганини унинг ўзи ҳам тушунмасди. Бу нимаси? Қандай ҳиссиёт бўлса? Нуурми, фахрми, ачинишми, қувончми, аламми? Буюк Амир Темур соҳибқирон, Мирзо Улуғбек, Али Күшчи каби алломалар нигоҳи тушган бу нодир асарларда қандайдир бир илоҳий қудрат яширинми? Ё уларнинг руҳлари шу ерларда кезиб юрибдимикин? Ахир шунча китоб ўқиб, бундай ҳолатга тушмаган эди-ку! Орадан беш юз – олти юз йил ўтган бўлса-да, қўлёзмаларнинг оҳори тўкилмасдан бус-бутун сақланганини қаранг! Улуғ аждодларимиздан бу борада ҳам ибрат олса арзиди. Қўлёзмаларни шундай беталофат, асл ҳолича сақдаш учун нима қилишган бўлса. Китобларни тия терисидан ясалган ҳаво ўтказмайдиган маҳсус қопларда сақдашган дейишарди, шу гап тўғримикан? Варақлари

бир оз сарғайған бўлса-да, жигарранг чарм муқоваси ялтираб турибди.

– Фахриддин Каримович! – Сусананинг ёқимли овози терговчининг хаёлини бузди. – Нима қиласиз? Қўлёзмаларни ҳеч ким сизга бериб қўймайди. Бунинг учун давлатларимиз ўртасида келишув бўлиши лозим...

– Мен ҳам шуни ўйлаб тургандим. Раҳбариятга ахборот бердим. Ўзлари ташқи ишлар вазирлиги орқали бир йўлинни қилишар. Агарда сиз ёрдам қилсангиз, иш осонроқ...

– Йўқ, йўқ! Мен бу масалага аралаша олмайман. Қолаверса, қўлёзмалар арман халқига тегишли...

– Тушунаман! Аммо улар жиноят иши бўйича далий ашё сифатида ўтаяпти-да! Балки вақтинча...

– Хаёлингизга ҳам келмасин! – Сусананинг тим қора қошлари чимирилди. – Бу қўлёзмалар бизнинг миллий бойлигимиз!

– Ахир давлатларимиз ўртасида ҳукуқий ёрдам тўғрисида шартнома бор! – бўш келмади Фахриддин.

– Ўша шартномада халқнинг миллий мероси бе-риб юборилсин дейилмаган. – Аёл жиддийлашди.

– Сиз мутлақо ҳақсиз! Биз буюк арман халқини, оғатижон арман гўзалларини чексиз ҳурмат қиласиз! – йигит энгашиб, таъзим бажо қилди. Қизнинг лабига табассум югурди...

\* \* \*

Шомга яқин Тошкентта етиб келган Фахриддин дастлаб ишхонасига кириб, Тоҳир Фофуровичга хизмат сафари тафсилотлари ҳақида ахборот берди:

– Нима бўлганда ҳам Россия ва Арманистонга қилинган сафарлар бесамар бўлмади. Асосийси Ҳикматнинг қадимий қўлёзмаларни яширинча жиноий йўл билан Республикамиздан ташқарига олиб чиқиб,

жуда катта суммага сотганилиги факти исботланди. Рад этиб бўлмас далилларга эга бўлдик.

– Энди нима қилмоқчисиз? – деди раҳбар уни тинглаб бўлгач босиқдик билан.

– Республикаиздан четга олиб чиқиб кетилган нодир қўлёзмаларни қайтариш масаласини ҳукуматлар миқёсида ҳал қилиш талаб этилади. Бу ҳақда Вазирлар Маҳкамасига ёки ташқи ишлар вазирлигига ахборот тайёрласамикин?

– Тўғри, бу қўлёзмаларни қайтариш муаммо бўлади. Сиз батафсил ахборот тайёрланг, мен раҳбарият билан гаплашаман. Дипломатик йўл билан қайтаришга ҳаракат қиласми. Аммо мени бошқа масала ташвишга солмоқда. Асосий ишдан чалғиб кетмадикмикин?

– Ҳикматнинг бошдан-оёқ ёлғон кўрсатмалар бериб, терговни чалғитиб келганлиги, Амир Темур кутубхонасига тегишли қадимий қўлёзмаларни чет элга сотиб, катта даромад олганлиги исботланди. Қолган гапни энди унинг ўзи айтиб берса ажаб эмас...

– Шундай деб ўйлайсизми? «Ҳа, китобларни сотганман, аммо чўпоннинг ўлимига алоқам йўқ!» деб туриб олса, нима қиласиз?

– Шундай дейиши турган гап. Аммо менинг фарзимча, Ҳикмат билан чўпоннинг манфаатлари кутубхона масаласида тўқнашган. Кутубхонани топсак, қотилга чиқишимиз...

– Шу кутубхонани топилишига ишонасизми? – Тоҳир Гофурович терговчининг гапини бўлди. – Топилганда ҳам орадан шунча вақт ўтиб кетган... қўлёзмаларнинг бут сақланишига ишониш қийин...

– Мен ҳам шунаقا фикрда эдим. Аммо Ереванда кўрганларим... Ҳикмат сотган ўша китоблар яп-янгидай турибди... Ота-боболаримиз қўлёзмаларни сақлашнинг сирини яхши билишган шекилли. Кутубхона топилса...

– Майли, нима бўлганда ҳам ўйлаб иш қилинг. Тергов муддати тугаб бораётганини ёддан чиқар-

манг! Қизиққонлигингизни қадрлайман. Лекин бошқа ишларга ўралашиб қолмаслигингизни маслаҳат бераман. Биз археолог эмасмиз. Бизнинг ишимиз қотилни топиб, ишни судга ошириш. Тушунарлыми? – бошлиқ сўзни мухтасар қилди.

– Тушунарли! – Фахриддин ўрнидан қўзғалди.  
– Ҳа, дарвоқе Питердаги тезкор ходим ҳам қайтдими?

– Йўқ, у ҳали ўша ерда. Эрта-индин ёрдамга Санжарбекни ҳам юбораман. Қолган ишларни якунлаб келишади.

– Яхши, ўзингиз қачон қайтмоқчисиз?  
– Рухсат берсангиз эрталаб йўлга чиқсам...  
– Яхши, бугун дам олинг! Бола-чақани ҳам эсдан чиқарманг! Келин аразлаб, отасиникига кетиб қолмасин тағин!  
– Кетиб қолмас... улар ҳам ўрганиб қолишиди.  
– терговчи бошлиқ билан хайрлашиб, кўтаринки кайфиятда уйига қайтди...

Иш вақти бошланмасдан Самарқандга етиб келган Фахриддин тергов гуруҳини йифди. Гуруҳ аъзолари ўзларига топширилган масалалар юзасидан амалга оширилган тадбирлар тўғрисида маълумот беришиди. Бошлиқ гарчи барча маълумотларни телефон орқали олиб турган бўлса-да, ҳар бир ходимнинг гапини диққат билан тинглади. Ҳисоботни якунлар экан, Санжарбек овозига расмий тус берди:

– Олиб борилган тергов-тезкор тадбирлар биз кутган натижаларни бермади. Барча тахминлар бўйича ишлар давом этаётганига қарамасдан қалаванинг учини топиш имкони бўлмаяпти. Шунга қарамасдан... айрим....

– Хўш, хўш! – Фахриддин сергакланди.  
– Куни кеча Шаҳрисабздаги агентимиздан тиллафурушга беш дона қадимий олтин тангалар топширилганлиги ҳақида маълумот олинди. Айтишла-

рича, биздаги тиллалар билан бир хил эмиш. Балки шундан бирор нарса...

– Натижа чиқадими-йўқми бу – иккинчи масала. Зудлик билан йигитлардан бирини олиб ўша ёққа жўнанг! – Гурӯҳ раҳбари «гапни шундан бошлиамайсизми?» дегандай Санжарбекка тикиди. – Тилла тангаларни ким топширган, қаердан олган, шахси қанақа, хуллас, ҳаммасини бир бошидан текшириб кўриш керак! Агар ўша тангалар ҳақиқатан ҳам чўпоннинг тиллалари билан айнан бир хил бўлса, бизни жиноятчининг изига олиб чиқиши мумкин.

– Биз ҳам шу фикрдамиз! Унда бизга рухсат! Заурият бўлса, қўнғироқ қиласман! – Санжарбек қўлидаги қофозларни йигиштириб, кетишга тайёrlанди.

– Яхши! Мени хабардор қилиб туринг! Дарвоқе, Ҳикматни олиб келишадими?

– Буюртма берганман, тез орада олиб келишса керак!

Фахриддин гуруҳнинг бошқа аъзоларига ҳам тегишли қўрсатмалар бериб, йифилишни яқунлади ва хонасига кириб, Ҳикмат билан учрашувга тайёргарлик кўра бошлади.

Соат ўн бирларга яқин милиция ходимлари ранги-рўйи заъфарон, юзлари сўлғин, соқол-мўйлови бетартиб ўсиб кетган Ҳикматни олиб келишди. Тавба одам ҳам қисқа муддат ичидаги шунчалик чўкиб қоладими? Аввалги шаҳдидан, виқоридан асар ҳам қолмагандай. Ҳа, тутқунлик, эрксизлик ёмон нарса! Ҳар қандай ўзига бино қўйган одамни ҳам синдириб қўяди. Шундай ақлли, олим одам шу кўйга тушиб ўтиrsa-я! Наҳотки қилаётган ишининг охири «вой» бўлишини англамаган бўлса!... Англаган! Ҳаммасини пухта ўйлаб, устамонлик билан амалга оширган!

Милиция ходимлари маҳкумнинг қўлидаги кишинини ечиб, чиқиб кетишиди. Ҳикмат терговчи

кўрсатган ўриндиқقا омонатгина ўтири.

– Ҳикмат ака, яхшимисиз? Кўришмаганимизга ҳам анча бўлди. Соғлигинги қалай? – Терговчи узоқ давом этиши кутилаётган «сұҳбат»ни ўйлаб, мулоийимлик билан гап очди.

– Раҳмат, дуруст! – деди Ҳикмат хўмрайганча.

Терговчи сўроқни бошлишдан оддин, ёнида турфа хил хаёллар оғушида таъби тирриқ бўлиб турган кишининг кайфиятини бир оз бўлса-да қутариш, кўнгил қулфини очиш, юрагига йўл топиш ва шу аснода ундан бор ҳақиқатни «сугуриб» олиш мақсадида тасалли берган киши бўлди. Илмий иши қайси мавзуда эканлиги, хорижий тилларни қандай ўзлаштирганлиги, тилни ўрганишнинг мураккаблиги ва афзалликлари, оиласи, болалари, келажакдаги режалари ҳақида майдалаб суриштирди. Бошида «ҳа», «йўқ»дан нари ўтмай турган Ҳикмат оиласи ҳақида гап кетганда сал юмшагандай бўлди:

– Икки фарзандим бор: Алишер, Бобур. Ният қилиб, икки буюк бобомизнинг номларини қўйганман. Каттаси тўртинчи, кичиги иккинчи синфда ўқииди. Ҳозирданоқ ўзбек, тожик тилларидан ташқари рус, инглиз тилини яхши билишади. Араб тилини ўрганишмоқда. Мактабда аъло баҳоларга ўқищади. Шахмат тўгарагига қатнашади...

– Ҳавас қилса арзигулик! Шу ёшида 3-4 та тилни билишнинг ўзи бўлмайди. Ҳақиқий иқтидор эгалари экан, ишқилиб кўз тегмасин! – деди терговчи пиёладаги кўк чойни узата туриб.

– Ҳа, болаларимизнинг барчаси ҳам қобилиятли! Мен кўплаб давлатларда бўлганман. Кузатганман. Айтайлик, англиялик болалар асосан инглиз, француз болалари француз, бразилиялик болалар асосан португал тилини билишар экан. Уларнинг орасида икки тилни ўзлаштирганлари жуда кам. Бизда эса деярли ҳамма болалар икки тилни, кўп-

чилик учта тилни, баъзилари эса тўртта-бештагача тилни билишади...

– Аммо кўпчилик ота-оналар фарзандларининг қобилиятларига вақтида эътибор қаратмайдилар! – терговчи атайлаб ҳамсуҳбатини баҳсга чорлади. Ўқ «нишон»га бехато теккан эди.

– Афсуски, шундай! Бу биз ота-оналарнинг энг катта қусуримиз! Ҳар бир болани Оллоҳ ўзига хос сифатлар билан сийлайди, – ҳамсуҳбатининг берилиб тинглаб турганини сезиб, Ҳикмат жўшиб кетди. – Истеъдод бирорда очиқ, бирорда яширин бўлади. Ота-онанинг асосий вазифаси эса ана шу қобилиятни ўз вақтида илғаб, рўёбга чиқариш, болага тўғри йўналиш бериш, унинг ўз имкониятларини тўлиқ намоён этиши учун шарт-шароитларни яратишдан иборат. Бола мисоли тоғдан шарқираб оқаётган жилга. Бошқарсанг, йўналтирсанг умид отлиқ уммонларга бориб қўшилади. Ўз ҳолига ташлаб қўйсанг жилга ношудлик қумига сингиб кетиши ёки «сассиқ кўл»га келиб қўшилиши ҳеч гап эмас. Биз ота-оналарнинг бепарволиги ва лоқайдлиги оқибатида қанчадан-қанча истеъдодлар очилмай қолмоқда, не-не жилғалар қумга сингиб бормоқда. Энди бу борадаги қарашларни ўзгартирадиган, янги ва ноанъанавий усулларни қўллайдиган вақт келди...

– Сиз мутлақо ҳақсиз! Бола тарбияси ҳамма замонларда ҳам, Абдулла Авлоний айтганларидек, «ё ҳаёт, ё мамот, ё нажот – ё ҳалокат, ё саодат – ё фалокат масаласидир», – терговчи «тўғрими, адашмадимми?» дегандай ҳамсуҳбатига тикилди.

– Ҳа, Авлоний жаноблари ҳақ гапни айтганлар!

Орага бир муддат жимлик чўкди. Ҳар икки тараф ҳам масаланинг расмий томонига ўтишга фурсат келганлигини фаҳмлашди. Ҳикмат «мен

тайёр, беринг саволларингизни!» дегандай терговчига жавдиради.

– Ҳикмат ака! – ниҳоят Фахриддин мақсадга кўчди. – Бизга ҳаммаси матьум... Нодир кўлёзмаларни Россияга олиб чиқиб кетганлигинги... Кимларга, қанчага ўтказганлигинги! Гапираверайнми ёки ўзингиз... – Фахриддин «ёлғон кўрсатма берган экансиз, бизни чалфитмоқчи бўлдингизми?» деб юбормоқчи бўлди-ю, «иш»ни бузиб қўйишдан чўчиб, ўзини тийди.

– Ҳаммаси Норбўта чўпон билан танишувимиздан бошланди, – чуқур хўрсиниб, сўз бошлади Ҳикмат. – Илк бор у менга ўн дона қўлёзмалар олиб келганда «китоблар бобомдан мерос қолган», деганди. Мен уларни арzonроқ баҳода олиб қолдим. «Яна бўлса олиб келинг!» дедим. Бир оз вақт ўтиб, у бир талай қўлёзмаларни кўтариб келиб қолди. Бу ҳол бир неча марта такрорлангач, менда «чўпон китобларни қаердан олаётган бўлса экан-а?» деган савол туғилди. Ўзидан сўрасам «Бобом раҳматли ўта маърифатли киши эди. Ундан анча-мунча китоблар қолганди. Тириклик деганларидай, уларнинг бир қисмини сотишга мажбур бўлдим», – дерди. Мен Темурийларнинг йўқолган кутубхонаси тўғрисида ўқигандим. Қўлёзмаларда уларнинг шу кутубхонага тегишли эканлиги ҳақида маҳсус белги бор эди. «Наҳотки чўпон йўқолган кутубхонани топган бўлса!» деган хаёл менга тинчлик бермай қўйди. Чўпоннинг бизни таништирган Раиса Халиловнага тилла буюмлар, тангалар топширганлигини эшитиб, хавотирим янада ортди. Шу пайтгacha йўқолиб кетган деб ҳисобланадиган, ўзида камида ўн беш мингдан ортиқ қўлёзмаларни бирлаштирган Амир Темур кутубхонасининг топилиши асри-мизнинг энг буюк кашфиёти бўларди. Бу ҳақиқий сенсация дегани эди. Аммо чўпон анчагина пухта

экан. Кутубхонани топғанлигини тан олгиси келмасди. Ҳеч нарса бўлмагандай ўзини бепарво тутарди. Норбўтанинг гаплари чин ёки ёлон эканлигини аниқлаш мақсадида бир неча бор Қашқадарёга боришга тўғри келди. Сўраб-суроштиурсам чўпонга на отасидан, на бобосидан китоблар мерос қолмаган. Уларнинг борлигини яқинлари ҳам билмайди. Чўпон бир умр камтарона яшаб келган, фақат сўнгги йилларда хатти-ҳаракатида ҳаволаниш, кеккайиш аломатлари кузатила бошлиган... Менга бу ноёб ва сирли кутубхонани топиши иштиёқи тинчлик бермай қўйди. Ҳаловатим буткул йўқолди... Бир келганда чўпонни қистовга олдим: «Темурийлар кутубхонасини қандай топдингиз, айтинг?» деб туриб олдим. Чўпон тан олишни истамасди. Шунда «менинг шаҳрисабзлик бир қадрдоним сизни, отангизни таниркан. Ундан сўрасам «Норбўтанинг отаси ҳам, бобоси ҳам чўпон ўтган, кутубхонаси тутул бир дона китоби ҳам бўлмаган!» деб жавоб берганини айтдим. У эса «Китобларни очарчилик йилларида кимдир бобомга ўнта қўй эвазига берган экан. Бобом ҳукуматдан қўрқиб, уларни кўздан пана жойга яшириб қўйган», дея вазиятдан чиқиб кетди...

Фахриддин ҳамсуҳбатининг овози пасайиб бораётганидан томоги қақраб бораётганини англаб, пиёлани тўлдириб, унга чой узатди.

– Раҳмат! – Ҳикмат чойдан қониб ҳўплаб, сўнг сўзида давом этди. – Хуллас, чўпон ҳаловатимни бузди. Темурийлар кутубхонаси сирини билиш учун маълумотлар тўплашга киришдим. Буни қарангки, ўқиган сарим, ўрганган сарим хаёллар мени Норбўта чўпон яшайдиган замин, Падаркуш тоғлари томонга етаклаётгандек эди... Чўпонни кузатмоқчи бўлдим. Бир неча марта Ҳазрати Башир қишлоғига бордим. Чўпоннинг қўтонини

топиб, узокдан пойлашга тушдим. Сал наридаги дарага чодир тикиб, бир неча кун яшадим. Фойда бўлмади. Чўпон моллари ортидан бир неча бор тоқقا қараб чиқсан бўлса-да, унинг хатти-ҳара-катларида ҳеч қандай шубҳали ҳолат сезилмади. Шаҳар бўлса бошқа гап. Очиқ жойда бировни кузатишнинг ўзи бўлмаскан! Бегона киши дарров кўзга ташланади. Бир неча чўпонлар билан танишишга тўғри келди. Уларга ўзимни геолог сифатида таништирдим. Норбўтанинг «хитланиб» қолишидан қўрқиб, қўнилғамни тез-тез алмаштириб турдим... Йўқ, уринишларим бесамар бўлди. Шунда калламга бир фикр келди... Самарқандга қайтиб, батареяда ишлайдиган яширин видеокузатув мосламисини топдим. Сўнг уни олиб бориб чўпоннинг қўрасидан тоқقا қараб кетувчи асосий сўқмоқдарга сездирмасдан ўрнатиб чиқдим. Видео аппарат ўн-ўн беш кун давомида узлуксиз ишлаб, атрофдаги воқеаларни хотирасига муҳрлаш имконига эга эди. Сўнг шаҳарга қайтиб, кунларни санай бошладим... Ниҳоят, ўн беш кун ўтгач, тоқقا бориб, видеотасвирларни олиб келдим. Икки кун давомида уларни диққат билан кўздан кечириб чиқдим. Тасвирлар орасида Норбўтанинг аzonда бўш хуржун билан тоғ томонга ўтиб кетиб, пешинга яқин тўла хуржунни орқалаб қўтонга қайтгани диққатимни ўзига жалб этди. Тасмани қайта-қайта, секинлаштирувчи ҳолатда айлантириб, синчковлик билан кузатиб, чўпоннинг тоғдан ниманидир олиб қайтганига амин бўлдим. «Булар шаксиз кўлёзмалар бўлса керак!» деган тўхтамга келдим. Амир Темур кутубхонасини топгандай эдим... Тасвирлар мен тахмин қилгандай Падаркуш чўққиси томонга чиқиладиган сўқмоқдан олинган эди. Энди йўналиш аниқ эди. Қидирув доираси анчагина қисқарганди. Ўзимча кутубхона жойлашти-

рилган горни бир зумда, қийинчиликсиз топсам керак деб ўйлагандим. Афсус, ундей бўлиб чиқмади. Уч кунлик уринишларим зое кетди. Падаркуш йўналишидаги шубҳали туолган ҳар бир қоя, ҳар бир харсанг, ҳар бир ковакни обдан чифириқдан ўтказдим. Горнинг оғзини ёхуд унга олиб борувчи йўлакни тополмадим... Аниқ жойини билмасдан бу поёнсиз тоғу тошлар орасидан жуда пухталик билан бекитиб ташланган горнинг оғзини излаш ўрмонда игна излаш билан баробар экан.

Ҳикмат бир муддат жимиб қолди. Пиёладаги соvuқ чойдан ҳўплаб, томогини ҳўллади. Сўнг оғир хўрсишиб, гапида давом этди:

- Вақт кетса ҳам қидирув доирасини қисқартишга мажбур эдим. Энди Падаркуш чўққиси этагидаги саккизта нуқтага видеокамералар ўрнатилди. Орадан ўн беш кун ўтиб, тасвиirlар таҳлил қилинганда объективда мени қизиқтирадиган маълумотлар мавжуд эмаслиги маълум бўлди. Яна омадсизлик. Лекин мен тушкунликка тушмадим. Мен қидираётган нарса шу атрофда эканлигини кўнглим сезиб туарди. Мақсад сари тобора яқинлашиб бораётганим аниқ эди. Норбутанинг кўнгли бир нарсани сездими, мен кутган жойга йўламай қўйди. Мен уни қизиқтириш учун қўнфироқ қилиб, «яхши мижоз чиққанлигини айтиб, китоблардан кўпроқ келтиришни тайинладим. Орадан 2 кун ўтиб, у бир талай китобларни кўтариб кириб келди. Мен уларни яхшигина нархда олиб қолдим. Кейинги кун тоққа бориб, видеотасвирларни кўздан кечирдим. Тағин омадсизлик... Нима қилишимни, қандай йўл тутишимни билмай қолдим. Бахтга қарши чўпон қўнфироқларимни олмай қўйди. Олдига боришга мажбур бўлдим. Тузуккина мижоз борлигини баҳона қилиб, қўлёзмалардан бўлса, анчагина сотиб олишим мумкинлигини билдиридим.

У эса «Йўқ, қолмади! Бобойнинг меросини сотиб тугатдим», деб туриб олди. Шунда унинг нимадандир ҳайиққанлигига иқрор бўлдим. «Ёки пул зарурияти бўлмагани учун хазинани вақтингча очмасликка қарор қилдимикин», – деб ўйладим. Хуллас, боши берк кўчага кириб қолдим. Қўлимни ювиб, қўлтиққа урмоқчи ҳам бўлдим. Балки чўпон рост гапираётгандир, ҳеч қанақа кутубхона йўқдир. Балки чиндан ҳам Соҳибқирон кутубхонасига тегишли қўлёзмалар бир пайтлар унинг бобосининг қўлига тушиб қолгандир. Ахир турли замонларда шундай китобларнинг бозорларда сотилгани маълум-ку!... Унда видеотасвирдаги воқеалар... чўпон бир хуржун китобларни қаердан олиб келаётган бўлса! Тоққа қараб кетишда хуржун бўш эди. Қайтишда хуржун тўла! Балки хуржундаги ўт-ўлан ёки гиёҳдир! Балки ўтин, тош ёки соз тупроқдир! Видеотасвирларни олиб, секинлаштириб, йириклиаштириб кўздан кечирдим. Йўқ, бу китобдан бошқа нарса эмас! Хуржундан бир қўлёзманинг учи ҳам салгина чиқиб турибди. Чўпон тоғдан китоб олиб қайтган. Нима бобосининг хазинасини тоққа яширибдими? Бу мантиққа тўғри келмайди. Демак, кутубхона бор нарса! Фақат уни топиш лозим! Сирли кутубхонани топиш умиди менга тинчлик бермай қўйди. Бу иш ҳаётимнинг мазмунига айланиб қолгандай эди. Кўнгил душман деганларидай чўпонни гапиришга мажбур қилсаммикин деган хаёлга ҳам бордим. Йўқ, йўқ! Бу номаъқул йўл! Жиноятга аралашиб қолиш кутубхонани йўқотиш билан баробар эди...

Ҳикмат бир нуқтага тикилганча ўйланиб қолди. Унинг сўзларидан ўзича холоса чиқариб ўтирган Фахриддин пичирлади:

– Қайсар чўпонни ўлдиришдан бошқа иложингиз қолмаган, шундайми?

– Бир нима дедингизми? – Ҳикматнинг хаёли бошқа ёқда эди. – Тушунмадим, нима дедингиз?

– Энди чўпонни қандай ўлдирганингизни гапириб беринг деяпман!

– Йўқ, уни мен ўлдирмаганман! – Айланувчи ярашиқсиз тиржайди. – Менга қотилликни ёпишира олмайсиз?

– Майли бу гапни қўя турайлик! – терговчи ичидагини сиртига чиқариб, нотўғри қилганини англаб, гапни бошқа томонга бурди. – Хўш, давом этинг, кейин нима бўлди?

– Хуллас, менинг барча уринишларим зое кетди. Тоғни илма-тешик қилиб юбордим. Бирор из, бирор илинж топилмади... Шаҳар билан тоғнинг ўртасида бўзчининг мокисидай қатнадим... Сўнг бу ишга геологларними, археологларними ишқилиб мутахассисларни техникаси билан жалб қилиш лозим деган хуносага келдим. Бунақа шахсни топиш ҳам осон эмас экан... Излай бошладим... Кутимагандা чўпоннинг ўлими... ҳамма режаларни чиппакка чиқарди... Бор гап шу... Яна нимани айтай?...

– Сиз Норбўтанинг ўлимини қачон, кимдан эшигдингиз? – терговчи савол-жавобни бошлади.

– Афсуски, мен ўша куни тоғда эдим. Қўтон томонда милиция машиналари... шапкали кишилар кўпайиб қолганини кўриб, дарров қишлоққа – Ҳазрати Башир зиёратгоҳига қайтдим. Одамлардан чўпонни ўлдириб кетишганини эшигдим. Кўрқиб кетдим. Шошилинч Самарқандга қайтдим...

– Сизнинг каллангизга келган ишни кимдир бажарганидан ҳайратга тушмадингизми?

– Нега унақа дейсиз! Мен... мен ... чўпонни ўлдириш хаёлимда бўлмаган. Унинг ўлими менга керак эмасди. Ахир у йўқолган кутубхона сирини биладиган ягона одам эди-ку! Аксинча қайғуга ботдим. Ачиндим...

– Қотил ким деб ўйлайсиз?

– Ўйлаб ҳеч ўйимга етолмайман. Чўпоннинг ўлими кимга керак бўлиши мумкин? Кимдир бойлик учун... яна билмадим...Балки душманлари бўлгандир...

– Сиз кутубхона тўғрисида бирор кишига гапирганмидингиз? – терговчи чуқурлаша бошлади.

– Ҳеч кимга оғиз очмаганман.

– Видеокамерани қаердан олгандингиз? Тасвирлар ҳозир қаерда?

– Камерани Питердан сотиб олгандим. Фойда бермагач, бир одамга сотиб юбордим...

– Кимга?

– Кимлигини билмайман. Кўчада танишиб қолгандик. Қўлимда аппаратни кўриб, «сот» деб туриб олди.

– Яна ёлғонни бошладингизми? – Фахриддин норозилик билдириди. – Ким ишонади шу гапингизга? Кап-катта олим одамнинг гапига қаранг!

Ҳикмат бошини хам қилиб, индамай ўтиради.

– Хўп майли! Видеотасвирлар қаерда?

– Яшириб қўйганман!

– Қаерга?

– Уйда... ертўлада.

– Уйингизда ертўла бормиди? Биз тинтув ўтказганда айтмагандингиз-ку! – терговчи ўрнидан туриб кетди.

– Сизлар мендан сўрадингизларми? – Ҳикмат тўмтайди.

– Яхши, яхши! – деди Фахриддин бир парда пастга тушиб. – Мана телефон, айтинг уйдагила-рингиз келтириб берсин... илтимос!

Ҳикмат қўнғироқ қилиб, кимгадир ертўладаги қора портфел чўнтағидаги иккита тасмани прокуратурага олиб келишни тайинлади. Орадан ярим соат ўтар-ўтмас Ҳикматнинг хотини – Гулзода тасмаларни олиб кеди. Фахриддин ишнинг

кетишини ўйлаб, эру хотиннинг гаплашиб олишларига имкон берди. Мутахассислар тезда тасмаларни томоша қилиш учун зарур бўлган ускуналарни ҳозирлашиди. Гуруҳ раҳбари тасмаларни гоҳ тезлаштириб, гоҳ секиналаштириб кўриб чиқишга киришди. Тасвирлар пайдо бўлган кадрларни диққат билан кўриб чиқар экан, хаёлидан «Ҳикмат ёлғон гапирмаган экан!» деган фикр ўтди. Норбўта хуржун кўтариб ўтган тасвирларни бир неча бор ортга қайтариб, қайта-қайта кўрди. Ҳақиқатда чўпоннинг хуржунидагилар китобга ўхшайди. Биттасининг учи тўрвадан сал чиқибам турибди. Нима бўлгандаям эксперталрга бериш лозим, яхшилаб таҳлил қилиб, хулоса беришсин.

Фахриддин гуруҳ аъзоларидан бирини чақириб, тасмалар бўйича эксперталар хулосасини олиш учун зарур ҳужжатларни тайёрлаш тўғрисида топшириқ берди. Ўзи эса аёли билан учрашиб, озгина бўлса-да баҳри-дилини ёзиб олган Ҳикмат билан суҳбатни давом эттирди:

- Демак, камерани кимга сотганингизни билмайсиз, шундайми?
- Кимлигини сўраб ўтирмапман-да! Аммо, кўрсам танисам керак... Ҳар ҳолда...
- Шунисига ҳам раҳмат! Сиз техникани ҳам яхши тушунасизми? Яъни демоқчиманки, камераларни ўзингиз ўрнатдингизми?
- Ҳар қандай усқунанинг паспортида ундан фойдаланиш қоидалари ёзиб қўйилади. Ўқиб чиқилса, бемалол... ишлатса бўлади.
- Тўғри, лекин шундай мураккаб асбобни ишлатиш ҳар кимнинг ҳам қўлидан келавермайди! – терговчи шубҳасини яширмади. – Яна ҳеч кимсазис тоғ шароитида...
- Мен борини айтдим! Ишониш, ишонмаслик ўзингизга ҳавола! – деди Ҳикмат қовоғи осилиб.

- Майли, рост гапирайпсиз деган умиддаман! Давом этамиз! Кейин нима бўлди...
- Кейин нима бўларди! Мен Самарқандга қайтдим... Бу ёғини ўзингиз биласиз!
- Темурийлар кутубхонаси нима бўлди? Топдингизми?
- Топганимда шундай ўтиармидим!
- Демак, кутубхонани тополмадингиз! Шундайми?
- Кутубхонанинг ишга нима алоқаси бор?
- Алоқаси бор! Сиз саволга жавоб беринг! – терговчи жиддийлашди.
- Мен саволларингизга жавоб бердим! Яна саволингиз бўлса...
- Яхши, агар кутубхонани топмаган бўлсангиз Россияга олиб борган шунча қўлёзмаларни қаердан олдингиз! Майли, уларнинг бир қисмини Норбўтадан сотиб олдингиз ҳам дейлик!
- Чўпондан анчагина қўлёзмаларни сотиб олгандим... Шуларни Питерга олиб кетганман.
- Халқимизнинг маънавий бойлиги бўлган бу ноёб қўлёзмаларни Республикадан четга олиб чиқиш жиноят эканлигини билармидингиз? – Фахриддин «хужум»га ўтди.
- Мен улар билан танишиб чиқдим. У китоблар бизга унчалик керак эмас... арманлар учун ҳақиқатда қимматли... – деди Ҳикмат бўшашиб.
- Ким айтади сизни олим одам деб. Соҳибқирион бобомиз у дурдоналарни не азобда юртимизга келтирган... Мирзо Улуғбек уларни жоҳиллардан ҳимоя қилиш учун... шунча йил асрраган... Сиз эса ўз манфаатингиз йўлида чет элга пуллагансиз! – Фахриддин босиқдик билан гапиришга уринса-да, овози баландроқ чиқди.
- У қўлёзмалар биз учун унчалик аҳамиятли эмас... Уларни тадқиқ этишдан наф йўқ. Лекин

арманлар учун ҳақиқий дурдона... Мен қўлёзмаларни эгасига қайтардим...

– Бу нима деганингиз?! Қадимий битиклар, дурдона асарлар ҳар қандай музей, кутубхонанинг нодир безаги бўлмайдими? Ахир бизнинг улуғ авлодларимиз қолдирган қанчадан-қанча қўлёзма асарлар Қоҳира, Лондон, Париж, Санкт-Петербург музейларида сақланмоқда! Қани уларни сўраб кўринг-чи, берармикин! Ҳатто нусхасини ҳам қўлингга ушлатмайди... Сиз эса бизга кераги йўқ дейсиз! Эгасига қайтарганмиш! Қани энди ҳамма сиздай мушоҳада юритганида... Юрт, Ватан манфаати қайда қолди?

Ҳикмат индамади. Фахриддин бир оз қизишиб кетганини, айбдор билан бефойда баҳсга киришиб кетганини фаҳмлаб, ичидаги ўзига танбеҳ берди. Ўрнидан туриб, тумба устидаги чойнакдан чой қўйиб ичди. Ҳамсуҳбатига ҳам узатди.

– Майли, давом этамиз, – Терговчи қўлини-қўлига ишқалаб, файриоддий бир шижоат билан ишга киришди. – Хўш, Питерга қанча қўлёzmани олиб боргансиз ва уларни кимларга сотгансиз? Айтиб қўяй, бизда далиллар етарли, ҳаммаси аён! Яна аравани қуруқ олиб қочишга ҳаракат қилманг!

– Ҳаммаси маълум бўлса, далиллар етарли деяпсиз... унда мендан сўраб нима қиласиз? – деди Ҳикмат бақрайиб.

– Бу менинг талабим эмас, қонун талаби шунаقا! Берилган саволларга жавоб беришингизга тўғри келади.

– Етти-саккиз коробкага жойлагандим... юзга яқин эди чамамда, – деди Ҳикмат қимтиниб.

– Қўлёзмаларнинг рўйхати борми?

– Рўйхат тузмаганман. Аммо қўлёзмаларни нусхаси бор...

– Қанақа нусха, қаерда улар?

– Ҳар эҳтимолга қарши барча қўлёзмаларни расмга тушириб, компьютер хотирасига жойлаб қўйганман.

– Қандай? Ҳар бир китобдан нусха кўчирғанман демоқчимисиз?

– Худди шундай!

– Дисклар қаерда?

– Уйда...

Фахриддин ички телефон гўшагини кўтариб, кимгадир ҳовлида кутиб турган Гулзода Жумаевани олиб киришни буюрди. Зум ўтмай бўйдор милиция ходими аёлни бошлаб келди:

– Марҳамат тайинланг! – деди терговчи Ҳикматга қараб.

– Уйдан менинг компьютерим турган столнинг тортмасида қора коробкада дисклар бор. Шуларни олиб келиш керак, – Ҳикмат хотинига тайинлади.

– Бир хил рангли янги дисклар...

Гулзода эрига бир муддат анграйиб тикилиб турди-да, сўнг «тушундим» дегандай бош иргаб, хонадан чиқди.

– Яхши, давом этамиз! – терговчи Ҳикматга юзланди. – Қўлёзмаларни кимларга сотганлигингиzinни гапираётгандингиз.

– Йигирмата китобни Тамарага берганман... қолганларини бир инглизга...

– Лекин сиз уларни Питерга...

– Том Питерда яшайди.

– Фамилияси ким, қаерда ишлайди?

– Ханкс, қанақадир компанияда... Офисига бир марта борганман. У қадимий қўлёзмалар коллекцияси билан шутулланади.

– Сизни Питер вокзалида у кутиб олганмиди?

– Ҳа... Тамара билан бирга! – Ҳикматнинг хаёлидан «ҳаммасини билар экан-да!» деган фикр ўтди.

– Демак, сизларни Тамара таништирган, шундайми?

– Шунақа...

– Қўлёзмаларни қанчага сотгансиз? – деди терговчи қоғоздан бош кўтармасдан.

Ҳикмат индамади.

– Кулогим сизда! Гапираверинг! Қанчага сотгансиз? – Фахриддин саволни такрорлади.

– 500 мингга келишган эдик...

– 500 минг сўмгами?

– Долларга...

– 500 минг Америка долларига дент! – Фахриддин ўрнидан туриб кетди. – Чакки эмас! Пулларни қаерга қўйдингиз?

– Ҳали улар билан ҳисоб-китоб қилганим йўқ... Саша билан Тамара пулларни менга егказиши лозим эди... – деди Ҳикмат хўрсиниб. – Бу ёқда бунақа ишлар бўлиб кетиб...

– Сизга ҳали бир тийин ҳам беришмадими? – деди терговчи надомат билан.

– Йигирма минг беришган! Йўл харажатлари, майда-чуйдаларга дегандай... Кейин анов 150 минг... сизлардаги...

– Жами 170 минг доллар! Демак 330 минг қолган экан-да!

Ҳикмат «тўғри» деган маънода бош иргади. Шу пайт эцик тақиллаб, хонага тезкор ходимлардан бири билан Гулзода кириб келишди.

– Мана! – деди тезкор ходим. – Тайинлаган нарсангиз!

Фахриддин кассеталардан бирини филофидан чиқариб, Ҳикматга юзланди:

– Шуларми?

– Шу...

– Яхши! Мутахассислар хуносасини олишимиз лозим. Камолхон Каттаевни таклиф этинг! – Фахриддин тезкор ходимга топшириқ берди.

- Тушунарли, – тезкор ходим хонадан чиқди.
- Сизга раҳмат! – терговчи эрига қараб, ичи-иチдан ачиниб турган Гулзодага мурожаат қилди.
- Бугунча етади, уйингизга бораверинг. Эртага да-вом эттирамиз...

\* \* \*

Санжарбек тезкор ходим – Улуғбек билан пештоқига «Заргарлик дўкони» деб ёзиб қўйилган бир қаватли шинам ва замонавий бинога кириб келганда ичкарида одам кўп эди. Сотувчи қизлардан бири қўлидаги папкасидан уларни текширувчи деб ўйлади шекилли, югуриб истиқболига чиқди ва чиройли тавозе билан ичкарига бошлади. Қўлидаги лупа билан нимагадир тикилиб ўтирган ёши олтмишлардан ошган, бақалоқ дўкон мудири эшикда меҳмонларни кўриб, ўрнидан сапчиб туриб кетди:

- Ассалому алейкум! Келинглар меҳмонжонлар, келинглар! Марҳамат, ўтириングлар!

Санжарбек хизмат гувоҳномасини кўрсатиб, ўзини ва шеригини таништиридан мезбоннинг ҳол-аҳвол сўрашларига парво ҳам қилмай мақсадга кўчди:

- Қани ўша тиллалар?

- Ҳозир, ҳозир! Савдодан олиб, яшириб қўйганман! – Мудир хона тўридаги темир шкафни очиб, ундан кичкинагина қутича чиқарди. – Мана 5 дона!

Терговчи тилла танталардан бирини қўлига олиб, диққат билан разм солди:

- Ҳа, адашмапсиз! Ҳақиқатда X–XII асрларга оид тиллалар! Ўша партиядан...

- Касбимиз шунаقا, темирни тилладан ажратадоламиз! – ишшайди бақалоқ.

- Ким топширган буларни?

- Мана квитанцияси... Ҳазрати Баширдан Норбуви Суюнова деган хотин...

– Норбуви... Суюнова... бу яна ким бўлди? – Фудурлади терговчи.

– Бунисини билмадим. Шунақа топшириқ бўлганди, мен сизларга хабар қилдим... лекин у хотинни танимайман...

– Яхши! Сизга раҳмат! Бизга катта ёрдам қилдингиз. Тиллаларни эса олишимизга тўғри келади.

– деди терговчи ва ёнидаги шеригига буюрди: – Холис сифатида иштирок этиш учун икки кишини чакирсангиз.

Тезкор ходим хонадан чиқиб, зум ўтмай икки аёлни бошлаб кирди. Изқуварлар тергов расмусмларидан оғишмай хужжатларни қоралаб, йиғилганларга имзо чектиришди, тиллаларни алоҳида пакетга жойлаб, дўкондан чиқишиди.

Ҳазрати Башир қишлоғида аёлни топиш қийин бўлмади. Қишлоқдаги бошқа уйлардан фарқ қилмайдиган оддийгина хонадан дарвозасини тақиллатишганда ичкаридан аёл кишининг «Кираверинг, эшик очик» деган товуши эшитиљди. Йигитлар «кучук йўқмикин?» деган хавотирда у ёқ бу ёқча аланглаб, ичкарига киришди. Аёл қўлидаги челакни бир чеккага кўйиб, меҳмонларга пешвуз чиқди:

– Келинглар, меҳмонлар, келинглар!

– Бизга Норбуви Суюнова керак эди! – Санжарбек аёлни хижолат қиласлик учун гап бошлади.

– Мен... Норбуви! – аввалига «газданми, электрданми текширувчилар бўлса керак» деган хаёлга бориб турган аёл ўз номини эшитиб, анқайиб қолди. – Нима гап... тинчликми?

– Тинчлик, тинчлик! Мен терговчи Раҳмоновман, бу киши тезкор ходим Улугбек...

– Холмуродов!

– И-ч-к-а-р-и-г-а к-и-и-р-и-н-г-лар... – Норбуви-нинг тили зўрга калимага келди.

– Шарт эмас! Мана шу жойда ўтирсак бўладими? – деди Санжарбек айвондаги чорпояга ишора қилиб. – Сизга бир-икки саволимиз бор.

– Шарофат, кўрпачалардан олиб чиқ! – аёл ҳовлида ивирсиб юрган бўй қизга бақирди.

Чорпояга кўрпача тўшалди. Меҳмонларнинг эътирозига қарамасдан Шарофат қишлоқ қизларига хос чаққонлик билан бир зумда хонтахта олиб чиқиб, дастурхон ёзди.

– Сиз Шаҳрисабздаги заргарлик дўконига тилла топширган экансиз? Тўғрими? – Санжарбек муддаога кўчди.

– Т-ў-ў-ғ-р-и... лекин...

– Нима лекин!

– М-у-м-к-и-н эмасми демокчийдим! Ўзи нима гап?

– Тиллаларни қаердан олгансиз?

– Қаердан олардим, хўжайин... отаси б-е-е-рганди... – дудуқланди аёл.

– Эрингиз ким, қаерда ишлайди?

– Яхшилик чўпон дейишади...

– Яхшилик чўпон! Анави Норбўта чўпоннинг қўлида ишлайдиганми? – Санжарбек ўрнидан туриб кетди.

Аёл «ҳа» деган маънода бош иргади. Норбўта чўпоннинг отини эшитиши билан унинг кўзларида қандайдир хавотир зоҳир бўлди.

– Бу қаранг, дунёни тор деганларича бор-да! Мен Хўжайнингиз билан танишмиз. Ўзлари уйдамилар?

– Йўқ, қўтонга кетган... Бутун қайтмаса керак...

– Яхшилик aka тилла тангаларни қаердан олганини сизга айтмаганмиди?

– Бунақа нарсаларни менга айтармиди... қизимизнинг сепидан ками-кўсти бор эди. «Пул беринг» десам, шуларни қўлимга тутқазди...

- Тилла тангаларнинг сони қанчайди? Кўпмиди?
- Менга беш дона берганди... Бошқасини билмадим.
- Қаердан олганини айтмаганмиди?
- Йўқ.
- Яхши, раҳмат сизга! – терговчи қофоз-қалами ни папкага жойлаб, кетишга ҳозирланди.
- Ўзи нима гап, иним! Тинчликми? Хўжайин бирор... – аёл жовдираб меҳмонларга эргашди.
- Хавотирга ўрин йўқ! Ҳаммаси яхши, – Улуғбек мезбонни тинчлантирган бўлди.

Кўтонда одатдагидай ивирсиб юрган Яхшилик чўпон меҳмонларни кўриб, «яна келдингларми?» дегандай совуқ қарши олди. Салом-алиқдан сўнг Санжарбек гапни муҳтасар қилди:

- Яхшилик ака, хотинингиз заргарлик дўконига сотиб бериш учун тилла тангалар топширган экан. Хабарингиз борми?
- Б-о-о-р... нимайди, – деди чўпон анграйиб.
- Сиз уларни қаердан олган эдингиз?
- Яхшилик бир муддат жимиб қолди. Терговчи саволни такрорлади.
- Х-ў-ж-а-й-и-н берибиди...
- Қачон, нима учун?
- Эсимда жўқ... қочон бергани... ора-орада бир-екки марта чўнтагида пули бўлмай қолса, шу тангачаларни берарди... ойлик дегандай...
- Демак, Норбўта Сизга тангаларни иш ҳақи сифатида берган, шундайми?
- Шундай.
- Неча дона берган эди?
- Беш... олтига бориди чамамда... – деди Яхшилик қизариб. – Вўзи шуларни омайман дегандим-а! Хўжайин «заргарга топширсанг пул, чўнтагингда турса белингга қувват, уйда турса бойлик-да!»

деб қўймаганди раҳматлик. Мана оқибат... Олтин одамга ташвиш келтиради деганлари ҳақ экан-да!

– Сиз ундан тиллаларни қаердан олганлигини сўраганмисиз?

– Менга нима? Сўрасам айтармиди... Вўзи бо-вомдан қолган деб айтиб журарди.

– Яхши! Унда бизга жавоб, – Санжарбек ўрнидан қўзғалди. Йўлда гуруҳ раҳбарига қўнфироқ қилиб, ахборот берди.

\* \* \*

Фахриддин Каримович хонасига кириши билан ички қўнфироқ жиринглаб, навбатчи Камолхон домла келганлигини билдириди. Изн бўлгач, домлани бошлаб келди. Қуюқ кўришдилар.

– Домла, Сизни тағин безовта қилишга мажбур бўйдик, – одатий сўрашувдан сўнг гап бошлиди терговчи.

– Бехижолат укажон, бехижолат! Қолаверса, қиласётган ишларингиз мени ҳам қизиқтириб қўйди. Ўзи бир ёнингизга келиб, Амир Темур кутубхонаси тақдири хусусида сўрамоқчи эдим. Ўзлари чақириб қолганлари маъқул бўлди.

Фахриддин тергов сири чегарасидан чиқиб кетмаган ҳолда Россия, Арманистонда кўрган-кечирганлари, Соҳибқирон кутубхонаси билан боғлиқ воқеалар ҳақида батафсил гапириб берди.

– Манов тасмаларда Ҳикмат ўша китоблардан олган нусхалар тасвиrlenган, – деди у қўлидаги пакетни домлага узатиб. – Биз қараб чиқдик... Тушуниб бўлмас қадимий битиклар. Сиз уларни ўрганиб чиқиб, номланиши, мазмуни, моддий ва маънавий қиймати ҳақида қисқача хулоса қилиб берсангиз.

– Албатта, албатта! Бу бизнинг ишимиз-ку! Қўлимиздан келганича! – деди Камолхон домла

камтарлик билан. – Аммо қутубхонанинг топилмагани чакки бўлибди-да!

– Шунаقا! Қийин бўлаяпти. Гўё чўпон уни ўзи билан бирга нариги дунёга олиб кетгандай. Домлажон, биласизми, баъзан унинг борлигига ҳам ишонгим келмай қолаяпти.

– Унақа эмас. Сиз тўғри йўлдан бораяпсиз. Кутубхонага жуда яқин турибисизлар. Иншооллоҳ яқин кунларда уни топиш баҳтига мұяссар бўласиз. Илмфан оламида мисли қўрилмаган шов-шув бўлади...

– Шундай! Иккинчи томондан кутубхона сирининг очилиши машъум қотилликнинг фош бўлишига сабаб бўладигандай...

– Ҳақ гап! Бу икки воқелик ўртасида алоқадорлик борлиги аниқ. Сизларга Яратгандан сабру жамил сўрайман.

– Раҳмат, домла! Фақат хулосани сал тезлаштириб берсангиз... вақтимиз...

– Бизга бир ҳафта берсангиз, етарли! Ҳамма ташвишни йиғишириб, қараб чиқаман...

Камолхон домла хайрлашиб чиқиб кетгач, Фахриддин тортмадаги дискни олиб, комьютерга тиқди. Ҳикматнинг тоғда ўрнатган видеокамераси тасвирларини кечадан буён такрор-такрор кўздан кечирган бўлса-да, яна бошидан диққат билан кўздан кечира бошлади. Бир хилдаги тоғ манзараси. Экранда қушларнинг у ёқдан бу ёққа чуғурашиб ўтишгани, баъзида судралиб юрувчи жонзотларнинг ғимир-ғимиридан бошқа нарса кўринмайди... Фақат бир жойда Норбўта чўпоннинг оддин тоғ томонга, кейин пастга қараб ўтгани тасвирлари... Қайтишда ёнидаги хуржун тўла. «Қўлёзмаларга ўхшайди. Уларни Соҳибқирон кутубхонасидан олиб келаётганига шубҳа йўқ. Йўналиши аниқ, Аммо Ҳикмат топа олмаган. Қизиқ! Ёки у алдаяптими? Кутубхонани топиб, қўлёзмаларни бошқа жойга яшириш-

га улгурдимикин? Йўқ, йўқ! Бу осон иш эмас. Шунча китобни ҳеч кимга сездирмасдан тоғдан тушириш, бехавотир жойга яшириш оғир юмуш... Лекин ёлғон сўзлашдан унга нима наф? Ҳаммасини бўйнига олиб турибди-ку! Ёлғон гапираётгани балки чўпоннинг ўлимини хаспўшлаш учундир».

Фахриддин видеотасмани гоҳ секинлатиб, гоҳ тезлаштириб кўриб чиқиб, яна бошидан қўйди. Камера эндиғина ўрнатилган пайт... Тоғ ён бағри манзараси... Шу пайт экрандаги тасвирда кимнингдир хирагина шарпаси тушгандай бўлди. «Ҳикматнинг сояси» хаёлдан ўtkазди терговчи. Тасмани секинлатиб яна бир оз айлантириди. Тасвирдаги соя иккитага ўхшаб кетди. Тасвир ўта сенилаштирилди. Ростдан ҳам бир жойда тасвирда икки кишининг бош қисми сояси тушган. «Ҳикмат «ускунани бир ўзим ўрнатганман, бу сирни мендан бошқа ҳеч ким билмайди» демаганмиди! Демак, ёлғон гапирган! Тасвирга Ҳикматдан ташқари яна кимнингдир сояси тушиб қолган. Ҳикматнинг ёнида шериги бўлган. Бу йигит қурғур бало чиқди-ку! Тап тортмай ёлғонни дўндиришини қаранг! Бу шарпа яна ким бўлди? Ё мутахассисмикин? Унда нега Ҳикмат уни яшираяпти? Балки уни аямоқчи бўлгандир. Балки у жиноий шеригидир. Одатда, жиноятчилар гуруҳ таркибида жиноят учун жавобгарлик қаттиқроқ эканлигидан чўчиб, шерилларини ошкор қиласликка ҳаракат қилишади, жиноятни ўз бўйинларига олиб қўя қолишади. Ҳикмат ақлли йигит. Шу йўлни танглаши турган гап...

Шу куни пешиндан сўнг сўроқ қилинган Ҳикмат тоққа бир ўзи борганлигини, ёнида ҳеч қандай шериги бўлмаганлигини айтиб, аввалги сўзида туриб олди. Фахриддин унга ўзи олган видеотасвирни кўйиб бергач, чуқур «уф» тортиб, «ёрилди»:

– Қайним Қосимни бирга олиб боргандим. Ҳар ҳолда техникани яхши тушунади. Лекин унга кутубхона түғрисида оғиз очмаганман...

– Қосим қаерда ишлайди, фамилияси нима?

– Хўжакулов, ҳарбий қисмда алоқачи бўлиб ишлайди.

– Қайси ҳарбий қисмда?

– 2511-ҳарбий қисмда. Нима, уни чақирасизларми?

Фахриддин индамади. Қоғозга нималарни дир ёзди ва ёнидаги ички телефон гўшагини кўтариб, кимни дир чақирди. Зум ўтмай дарозгина, қотмадан келган терговчи йигит кириб келди:

– Азизжон, тезкор ходимлардан бирини олиб, мана бу манзилдаги кишини топиб келасизлар!

Йигит қоғозга кўз қирини ташлаб, «есть» деб ортига бурилди.

– Фахриддин ака, Қосимнинг бу ишга алоқаси йўқ, у менинг илтимосимни қиёлмай ёрдам берганди. Илтимос... уни аралаштирманг... ҳаммасига мен айбдор! – ялинишга тушди Ҳикмат.

– Мен айбдор! Нима Сиз қотилликни бўйнингизга олмоқчимисиз? – деди терговчи қоғоздан бошини кўтариб.

– Йўғ-е! Бу нима деганингиз? Мен унақа демоқчи эмасдим... Қосимнинг бу ишларга умуман дахли йўқ, айбсиз демоқчиман-да!

– Ҳеч ким қайнингизни айбдор деяётгани йўқ. Лекин биз уни гувоҳ сифатида сўроқ қилишга мажбурмиз...

Орадан бир соат ўтар-ўтмас Азизжон ранги сомондай оқариб кетган барваста йигитни бошлаб келди:

– Қосим Хўжакулов жаноблари шу киши экан.

Фахриддин «мехмон»ни ўтиришга таклиф этди. Қосим олдин терговчига, сўнг хижолатдан ерга ки-

риб кеттүдек бўлиб ўтирган поччасига бош иргаб салом берди.

Терговчи одати бўйича бир муддат гувоҳни руҳан сухбатга тайёрлаб, сўнг мақсадга кўчди:

– Бу кишини танийсизми? – деди терговчи Ҳикматга ишора қилиб.

– Танийман.

– Сизга ким бўлади?

– Поччам... опамнинг эри.

– Поччангизга Китоб тумани ҳудудидаги тоққа видоекамера ўртанишда ёрдам берганингиз ростми?

Қосим бундай савонни кутмаган шекилли, талмовсираб қолди. «Нима деб жавоб берай» дегандай поччасига нажот қўзини тикди. Ҳикматнинг «ер чизиб» ўтирганидан ўзича холоса чиқариб, қимти-нибгина «йўқ» деди.

Терговчи савонни яна такрорлади. Ҳикмат қариндошини ноқулай аҳволдан қутқариш учун «ростини айтавер, мен ёрдам берганингни айтганман» деди қизариб-бўзариб.

Шундан сўнггина Қосим поччаси кўрсатмалирини тасдиқлаб, гувоҳлик берди. Терговчи унинг кўрсатмаларини диққат билан тинглаб, савол-жавобга ўтди:

– Аппаратни қаердан олган эдингиз? Ҳозир у қаерда?

– Ка-ме-ра... ишхонаники эди...

– Давлат мулкидан шахсий мақсадларда фойдаланиш жиноят эканлигини биласизми? – деди терговчи жиддий оҳангда.

– Биламан... поччам илтимос қилганди... йўқ дейиш... ҳалигидай...

– Майли, бу ҳақда кейин гаплашамиз! – «рақиби»га муносиб «зарба» берган терговчи «хужум»га ўтди. – Сиз камералар тоққа нима мақсадда ўрнатилаётганидан хабардормидингиз?

- Йўқ! Билмайман... Поччам илтимос қилганди.
- Поччангиздан сўрамадингизми? Тоғ жой бўлса! Камера нимага керак бўлиши мумкин? Сизда шундай савол туғилмадими?
- Сўрасам айтармиди! Мен ўзимча ҳайвонларни, ҳашаротларни кузатса керак деган хаёлга бордим... – Қосим астойдил гапирияптими ёки муғамбирлик қиляптими – англаш қийин эди.
- Демак, сиз поччангизнинг мақсадидан бехабар бўлгансиз! Шундай ҳам дейлик. Бу ҳақда бирор кишига гапирғанмисиз? – терговчи гувоҳга қаттиқ тикилди.
- Йўғ-е, ҳеч кимга оғиз очмаганман! – Қосим неғадир кўзини олиб қочди. – Нега айтаман... кимга айтардим...
- Яхши, текшириб кўрамиз. Фақат видеокамераларни бизга тақдим қилишингиз лозим, – терговчи ўрнидан қўзгалди.
- Улар ишхонаники эди-да! – деди гувоҳ шалвираб.
- Тартиб шунақа! Тергов тугаб, зарурият йўқолса, қайтарамиз! Йигитлар билан бирга бориб аппаратни олиб келасиз. Бугунча етарли. Қолган гапларни эртага гаплашамиз.– Фахриддин телефон гўшагини қўтариб, ёрдамчисини чақирди...
- Кечки пайт Фахриддин тергов гуруҳи аъзоларини йифди. Санжарбек Шаҳрисабз сафари ҳақида маълумот берди. Гуруҳ аъзоларининг ўз йўналишлари бўйича амалга оширган ишлари ҳақидаги ахбороти тингланди.
- Минг афсуски, ишимизда пичоққа илинадиган янгилик йўқ, – холоса қилди гуруҳ раҳбари. – Вақт эса ўтиб бормоқда. Раҳбариёт ишимиздан қониқмаяпти. Биз умид боғлаган таҳминлар бирин-кетин чиппакка чиқмоқда. Ҳикматнинг алибиси тўғри чиқди. Қотиллик содир бўлган пайтда у Самарқандда қариндошларининг тўйида бўлган. Буни тўй эга-

сидан олинган видеотасмалар, гувоҳларнинг кўрсатмалари тасдиқлади. Талъат ва Шодиёр эпизоди бўйича олиб борилган тергов-тезкор тадбирлар биз кутган натижани бермади. Уларнинг қотиллик қилганлигини исботловчи далиллар топилмади. Тўғри улар қотиллик содир бўлган жойда биринчи бўлиб ҳозир бўлишган. Аммо текширишлар шуни кўрсатмоқдаки, чўпоннинг ўлими кечки соат 16-17лар атрофида рўй берган. Бу пайтда Талъат ва Шодиёр Ургут-Китоб довонидан ошаётган бўлишган. Бу уларнинг давонга чиқишидаги озиқ-овқат дўконидан қилган харидлари чеки билан тасдиқланди. Хуллас, жиноят ишининг уларга оид қисмини судга оширишга мажбурмиз. Яна бир тахминимиз Қосим Хўжакулов билан боғлиқ эди. Таассуфки, бу ерда ҳам ҳозирча «жимлик». Тўғри уни кузатишда давом этаяпмиз. Лекин бирор нарса чиқишига ўзим ҳам ишонмай қолдим...

– Ҳикмат билан қаттиқроқ ишлаш керак! – Маҳкам Ҳакимович рухсат сўрамасдан гап қўшиди. – У пихини ёрганлардан. Ўзи қимаган бўлса, бирортасини қотилликка ёллаган. Пул унга муаммо эмас! Ундан бошқа итам қилмаган. Бундайлар яхши гапга тушунармиди. Бизга беринг уни. Икки кунда бўйнига қўйиб, мулла минган эшакдай қиласмиз. Пачакилашиб ўтирамизми у аҳмоқ билан...

– Маҳкам Ҳакимович, бу нима деганингиз! – Бошлиқнинг жаҳди чиқди. – Нима, уриб бўйнига қўймоқчимисиз? Сиз терговчимисиз ёки кўчада юрган зўравонми? Бўйнига қўярмиш... Унда қонун, прокуратура, суд нимага керак!

– Узр, мен индаллосини айтим-қўйдим-да! Бўлмаса икки дунёда ҳам очилмайди бу жиноят! Ёзилмаган қонунлар ҳам бор-ку! Маҳсадимиз қотилликни очиш экан...

– Бас! Маҳкам ака, унақа замонлар ўтиб кетди. Нима, яна ўша Гдлян, Ивановлар даврини қўм-

саб қолдингизми? Жиноятни очиши муҳим, аммо қонунга итоат қилиш ундан-да муҳим! Инсон ҳуқуқлари муқаддас...

– Айтдим-қўйдим-да! – отдан тушса-да, эгардан тушгиси келмасди Маҳкамнинг. – Қонуний бўлса, қонуний-да! Менам қотилликни тезроқ очишни ўйлаяпман... «Инициатива – наказуема» деганлари рост экан-да!

Фахриддин Каримович бу қайсар терговчи билан ади-бади айтишиб ўтиришни ўзига эп кўрмади шекилли, гапни бошқа ёққа бурди:

– Санжарбек сиз эртага Питерга учасиз. Том Ханкс масаласида... Сўроққа яхшилаб тайёргарлик кўриш лозим. Мен Питерлик ҳамкасларни огоҳлантириб қўйганман, ёрдам қилишади. Авазбек сизни кутиб олади. Маҳкам ака, сиз йигитларингиз билан Китоб туманидаги, Ҳазрати Башир қишлоғида олиб борилаётган ишларни давом эттирасиз. Халқ ҳамма нарсани билади. Одамлар нима деяпти? Уларнинг ичига кириб бориш керак...

– Афсуски Норбўта чўпоннинг умри қўтонда ўтган, одамларга кўп қўшилмаган! – луқма ташлашдан ўзини тиёлмади Маҳкам.

– Унда аёлларнинг қўйнига қўл солинг! – гапни ҳазилга бурди Фахриддин.

– Хотинлар нима деяпти? Улар билмаган нарса йўқ. Норбўтанинг оила аъзолари, яқинлари, қариндошлари, таниш-билишлари билан ишлашни бир дақиқа ҳам тўхтатмаслик зарур.

– Яхши! – деди Маҳкам қўлини чўнтағидан олмасдан.

– Суюнов, – раҳбар орқа қаторда нималарни дир ёзиб-чизиб ўтирган Азизжонга юзланди. – Сиз Талъат ва Шодиёрнинг қисмини якунлаб, айлов хуласасини тайёрланг.

– Фахриддин ака, шу масалада бир оз шошилмаслик керакми дейман-да! – Санжарбек ўрнидан

туриб, сўз олди. – Тўғри, қўлимизда ҳеч қандай далил йўқ. Аммо Шодиёр ва Талъат жиноят жойида ҳаммадан олдин ҳозир бўлишган. Одам ўлдириш мақсадини истисно қилганда ҳам чўпонникига фараз мақсадда – жиноят қилиш учун боришган. Шу маънода улар қотилликда гумон қилинувчилар рўйхатининг бошида туришади. Одам биз ўйлагандан ҳам пухта, мураккаб мавжудот. Балки улар ўзлари учун олдиндан алиби тайёрлаб, жиноятга жуда пухталик билан қўл уришгандир... Балки суд-тиббий экспертиза ўлимнинг пайтини аниқлашда хатоликка йўл қўйгандир.

– Хўш, нимани таклиф қиласиз! – деди раҳбар терговчининг гапини бўлиб.

– Ҳар ҳолда жаноб Маҳкам Ҳакимовичнинг «усули»ни айтмассиз!

– Йўғ-э! – деди Санжарбек жилмайиб. – Шошмаслигимиз керак демоқчиман-да... Тергов муддатини узайтириш...

– Санжарбек, бирор тузукроқ мулоҳазангиз бўлса, айтинг! Бекорга терговни чўзишдан нима наф?

– Бошқа таклиф йўқликка йўқку-я, адашмайлик демоқчиман-да!

– Таклифлар бўлмаса, ҳаммага жавоб! – Гуруҳ раҳбари мажлисни яқунлади.

Гуруҳ аъзолари ўзларига берилган топшириқни адо этишга киришдилар. Хонада ёлғиз қолган Фахриддин бундан буён қиладиган ишларни хаёлида «пишириш»га ҳаракат қилди: «Қосим Ҳўжақулов Ҳикматнинг мақсадидан воқиф бўлганми? Мабодо поччаси айтмаган тақдирда ҳам у бунда бир сир борлигини сезиши мумкинми? Албатта! Ахир кимсан Ҳикматдай қадимий битиклар, ашёлар билан қизиқиб юрувчи одам тоқقا камера ўрнатиб, ниманидир қидираётган экан, Қосим бунга қизиқмаслиги, бу сирни билишга интилмаслиги мумкин

эмасди. Бундай пайтда одамнинг хаёлига биринчи навбатда токқа кўмилган хазина келиши турган гап. Олтин, дур эса ҳар қандай инсофли кишининг ҳам ақли-хушини олиши табиий. Бу иштиёқ унга тинчлик бермай қўяди, дардини кимгадир тўкиб солишига, ўртоқлашишга, ёрдам сўрашга мажбур қиласди. Демак, ҳаловатини йўқотган Қосим ўзига шерик ахтаришга тушган. Ахир, бир ўзи бу ишни уddaлаши қийин. Шерик эса ишончли киши бўлиши даркор...»

Миясига келган фикрдан негадир кўнгли ёришган гуруҳ раҳбари Санжарбекни чақирди:

– Питерга Азизжон борақолсин. Сизга бошқа юмуш бор – Қосим билан жиддийроқ шуғуланишга тўғри келади.

– Нима, ундан гумонингиз борми? Бирор бир асос...

– Бошқа тахминлар етарлича «ишланди», – деди Фахриддин Каримович ҳамкасбига тикилиб. – Текширилмаган фақат шу тахмин қолди... Кейин Қосимнинг ўзини тутиши негадир менга ғалатироқ туюлди.

– Биласиз-ку бу идорага илк бор чақиртирилган киши ўзини ғайритабии тутиши турган гап. Балки шундан...

– Тушунаман! Ҳар қандай одам бундай ҳолатда ҳаяжонга тушади. Аммо унинг кўзларида ҳайрат, ҳаяжон билан бирга қандайдир кўркув кўргандай бўлдим...

– Энди нима қилмоқчисиз?

– «Нима қилмоқчисиз» эмас – «нима қиламиз!» десангиз ўринлироқ бўлади. Биринчидан, Қосимнинг уй, уяли телефон сўзлашувлари таҳдилини олиш лозим. Айниқса, қотиллик арафасида ва ундан кейинги даврда кимлар билан кўпроқ гаплашган бўлса, рўйхатини тузиб, ҳар бири билан шуғуланиш зарур. Иккинчидан, ҳозир у кузатув остида. Ким билан мулоқот қиласди, қаерга бора-

ди – кўздан қочирмаслик керак. Мабодо унинг танишлари, дўстлари орасида бизга керакли – кўхна битиклар билан қизиқувчи ёки қадимий ашёлар коллекцияси билан шугулланувчи ёхуд тиллапуршлар бўлса, айни муддао...

– Фахриддин ака, шулардан бирор нарса чиқишига аминмисиз? – деди Санжарбек кўзларини жавдиратиб.

– Ички ишонч деган нарсага ишонасизми? – деди раҳбар хотиржам. – Ишонмасангиз бу нарсани тушунишингиз қийин!

Санжарбек тилини тийди. У бу қайсар, айни пайтда соддадил ва олижаноб, зукко ва тиришқоқ одамни яхши билгани учун «раз шу нарсага ёпишяпти, демак етарли асослари бордир-да» деган ўйга борди...

Қосимнинг телефон сўзлашувларини чирикдан ўтказган терговчилар Норбўта чўпоннинг ўлими арафасида ва ундан кейинги даврда энг кўп қўнгироқ бўлган бешта рақамни ажратиб олишиди. Кейинги таҳдиллар улардан бири хотинига, иккинчиси онасига, яна бири бирга ишлайдиган касбдоши Баҳодир исмли йигитга тегишли эканлиги маълум бўлди. Терговчилар диққатини Қосимнинг Дилором ҳамда Шердил деган танишларига тегишли телефон рақамлари ўзига жалб этди. Тезда уларнинг шахси аниқланди. Дилором Вапаева вилоят телевидениеси муҳаррири, икки нафар фарзанди бор. Эри билан ажрашган, ота-онаси билан яшайди. Тарихий шахслар ҳаёти ва ижоди ҳақидаги кўрсатувлар муаллифи. Кейинги йилларда Амир Темур Соҳибқирон, Мирзо Улуғбек, Бобур, Али Қушчи каби тарихий сиймолар ҳақида ҳужжатли фильmlар суръатга олган... Шердил Тўраев университет катта ўқитувчиси, тарих фанлари

номзоди. Бўйдоқ. Дилоромнинг ижодий ҳамкори, у олган тарихий фильмларда маслаҳатчи бўлган...

Фахриддин ҳужжатлар билан танишар экан хаёлидан «яна Улугбек Мирзо, яна Али Қушчими? Ё тавба, бу тасодифми ёки англаб бўлмас қонуниятми? Наҳот булар ҳам шу кутубхона теграсида ўралашиб юришган бўлишса! Иккиси ҳам зиёли одам. Улар нимада гумон қилинайпти? Темурийлар кутубхонасини излаб топиб, унга ноқонуний эгалик қилишдами ёки чўпонни ўлдиришдами? Балки бу бир тасодифдир – уларнинг бу ишларга ҳеч қандай алоқаси йўқдир... » деган фикр ўтди.

Эшик тақиллаб, хонага Санжарбек кириб келди:

– Фахриддин ака, Қосимнинг телефон сўзлашувларини...

– Хўш, хўш нима бўлди?

– У эртага соат бирда Дилором билан учрашувтайинлади.

– Қаерда?

– «Боғишамол» ресторанида.

– Нима қилмоқчисиз?

– Ижозатингиз билан сұхбатини эшитишни йўлга қўйсак демоқчийдим.

– Қандай қилиб?

– Ресторан маъмурияти билан келишиб, улар ўтирадиган столга эшитиш ускунаси жойлаштирасак...

– Таниши бўлса, сотиб қўймайдими?

– Эҳтиёт бўламиз... Бундан фақат ресторан хўжайини огоҳ бўлади. Официант ўзимиздан...

– Яхши! Кўзга қаранглар!

– Тушунарли! – Санжарбек яна нимадир демоқчи бўлди-ю, раҳбарнинг гаплашишга унчалик ҳуши йўқдигини сезиб, хонадан чиқди.

«Ҳарбий хизматчи билан телевидение ходими-нинг нима гапи бўлса... Бир маҳаллада турмаса,

бир мактабда ўқимаган бўлса... Қариндошлик алоқаси ҳам йўқ. Ё жазманимикин? Унда бирор овлоқроқ жойда учрашмасмиди? Балки шунчаки танишидир...»

Фахриддин бошида чарх ураётган хаёлларни кувиш учун ўрнидан туриб, чой қуиб ичди. Дераздан ташқарига қаради. Одамлар... машиналар... Ҳамма шошмоқда. Қаёққа ошиқмоқда бу одамлар? Ташвишлар тўзони уларни қаерларга учирмоқда? Ҳар кимнинг ўз дарди, ўз юмуши бор... Қосимнинг Шердил билан қандай алоқаси бўлиши мумкин? Тарихчи олим... Балки ундан маслаҳатчи сифатида фойдалангандир. Балки қўлёзмаларни ўқиш учун уни бу ишта жалб қилгандир...

Санжарбек маҳсус автомашинада Қосим билан Дилоромнинг «ҳангома»сини тинглар экан, сўзларининг маъносини чақишига ҳаракат қиласарди:

– Тинчликми? Намунча ваҳима қилдинг? – пи-чирлади аёл.

– Э, мени прокуратурага чақиришди, – Қосимнинг ҳаяжонланаётгани сезилиб турарди.

– Нимага? Нима дейищди?! Поччанг сотиб қўйибдими?

– Поччам сотмаган... Терговчилар видеотасвирда икки кишининг сояси борлигини пайқаб қолишибди... Кейин мени айтишга мажбур бўлибди...

– Эй хомкалла! Ўзинг мутахассис бўла туриб, шундай хатога йўл қўйдингми? Тасвирларни қараб чиқмаганмидинг?

– Қарагандим, сояга эътибор қилмаган эканман-да!

– Шунаقا ҳам ландовур бўладими одам?! – деди Дилором овозини бир парда кўтариб. Сўнг яна шивирлашти тушди. – Нима дейищди?

– Нима дерди? Сўрашди... Камерани қаердан олдинг? Нега тоққа бординг? Поччангнинг мақсадидан хабардормидинг?

- Сен нима дединг?
- «Поччамни гапини икки қилолмай... унга ёрдам бергандим... лекин унинг ниятини билмасдим» дедим.
- Ишонишдими?
- Билмадим? Менга айтармиди?
- Кейин-чи, кейин нима бўлди? Нима дейишиди?
- «Керак бўлсангиз чақирамиз, ҳозирча бўшсиз» деб жавоб беришди, – деди Қосим овози титраб.
- Шунаقا де! Яна чақирамиз дейишидими? Балки бу шунчаки пўписадир...
- Билмадим... билмадим... Хитланиб қолишимаган бўлса гўргайди!
- Энди нима... қиласиз? – Диборомнинг товуши паст эшитилди.
- Ҳайронман!... Суриб юборайми дейман...
- Ақдинг жойидами? Қаёққа борасан! Бирпасда топиб келишади...
- Унда нима қил дейсан? Қараб ўтираверайми?
- Гаплашса бўлмасмикин-а!
- Нима деяпсиз, терговчилар бари Тошкентдан-ку! Анави йигит адвокати орқали пул бермоқчи бўлганда ушлаб, қамоққа тиққанини эшиитмадингизми? – деди Қосим тутақиб.
- Ҳа, қулоғимга чалингандай бўлганди... Балки сени шунчаки «пушка»га олишгандир. Улар ҳеч кимни шундоқ қўйиб юборишмайди. Ҳеч бўлмаганда «лозим бўлса, яна чақирамиз!» деб кўнглига гулгула солиб қўйишади. Балки энди безовта қилишмас...
- Ҳай билмадим-да! Бир каттаси бор экан, менга еб қўйгудай тикилди, бир нарсани сезгандай...
- Э ваҳима қиласиз! – деди Дибором бўғилиб. – Уларнинг қараши ўзи шунаقا! Ҳаммадан гумонсирашади. Муҳими сен дадил бўл! Нима бўлганда ҳам оғзингдан гуллаб қўймасанг бас... ҳеч нарсани исботлай олишмайди...

– Айтишга осон! Шу совук башараларнинг олдига қайта боришимни ўйласам, юрагим орқага тортиб кетади...

– Балки энди чақирмас... Уларнинг қўлида бизни айблаш учун ҳеч нарса йўқ-ку!

– Унда нега менга ёпишиб қолиши? – Қосим асабийлашди.

– Вой-бўй, бир марта чақирганга шунчами? Йигитмисан?! Намунча энди... мотам тутмасанг! Жонинг омон бўлсин! Аввало Худо, бир йўли топилар...

– Диля, қамаб қўйса нима қиласман? – Йигитнинг овози титраб кетди.

– Э гапингни шамол учирсин! Одамни қамаш осон бўлибдими? Бунинг учун исбот, далил керак. Агар сен оғзи бўшлиқ қилиб қўймасанг, Шерлок Холмс тирилиб келсаям исботлай олмайди... Менку бу сирни ўзим билан гўрга олиб кетсан керак...

– Ўшанда бекорга бу ишга...

– Эсинг жойидами? – деди Дибором пичирлаб.

– Деворнинг ҳам қулоғи бор... Бўлган иш бўлиб, бу ёғи сингган... Энди маломат қилишдан на фойда! Яхшиси, балонинг оғзини қандай ёпишни ўйлайлик... Менинг прокуратурада яхши танишларим бор... Бир маслаҳатлашиб кўрайлик, балки улар орқали терговчига чиқармиз...

– Диля, илтимос улар билан гаплашинг! Пулнинг бетига қарайдиган замон эмас... Мол-дунёси куриб кетсин...

– Майли мен гаплашиб кўраман. Сен ҳеч нарсани сездирмасдан ўзингни одатдагидай бепарво тут. Сени кузатишайтган бўлиши мумкин... Ҳозирча учрашмай, телефонда сўзлашмай турганимиз маъқул. Зарурият бўлса, ўзим сени топаман. Домлани ҳам безовта қилма. Мен у билан учрашиб, ҳар эҳтимолга қарши огоҳлантириб қўяман... Турдикми? Омин, биз осий бандаларини Яратганинг ўзи паноҳида асрасин!

Санжарбек эшитиши ускунасини қулогидан олар экан, «Булар нимадан ҳадиксираяпти? Қайси жиноятни содир этишган бўлса? Сирли кутубхонани топиб олишганми? Ё чўпонни ўлдиришганми? Ҳар ҳолда булар тек одамларга ўхшамайди. Қандайдир оғир жиноятга қўл уришгани аниқ. Қосим бекорга «суриб юборайми, демаяпти» деган фикр хаёлидан ўтди. Тезкор ходимларга процессуал ҳаракатларни ўринлатиб расмийлаштиришни тайинлаб, прокуратурага шошилди...

Аудиотасмани бир неча бор эшитиб кўриб, Фахриддиннинг кўнгли ёришгандай бўлди. Шогирдига қараб, кулимсиради:

- Тахминим тўғри чиқади шекилли!
- Қанақа тахмин? Менга айтмагандингиз-ку! – деди Санжарбек анқайиб.
- Ҳа, айтмагандим. Нотўғри чиқишидан кўрк-қандим! Хайрият энди ишимиз жойидан силжий-диган кўринади, мулла Санжарбек!
- Фахриддин ака, одамнинг ичини қиздирмасдан гапирсангиз-чи! – бетоқат бўлди шогирд.

– Ўзингиз ўйлаб кўринг... Ҳикмат ноиложликдан қайнисидан ёрдам сўраган. Қосим тоғда видеоаппаратларни ўрнатиб беришда поччасига ёрдамлашган. Албатта, у кимсасиз тоғ чўққисида бундай асбобларни ўрнатишга нима зарурият борлигини поччасидан сўраган. Ҳикмат бу сирни бировга айтишни хоҳлармиди? Йўқ албатта! Аммо Қосим ҳам анойилардан эмас... У бу ерда бир сир борлигини пайқамасдан қолмасди. Поччаси ундан қандайдир сирни яшираётгани унга кундай равшан эди. Нима қилиш керак? Ишончли дўстларни маслаҳатга чақирган. Дилором ҳам, Шердил домла ҳам айнан унга керакли маслаҳатчилар эди. Улар Ҳикматга сездирмасдан «Падаркуш» тоғи «сири»ни очишга келишганлар... Дастрлаб Темурийлар кутуб-

хонаси ҳақида маълумотлар тўпланган. Сўнг қидирув ишларига зўр берилган. Аммо Ҳикмат каби бу шоввозлар ҳам хазинани топишнинг уддасидан чиқа олишмаган... Аммо улар ортга қайтишни исташмасди. Хазинанинг қаерда жойлашганлигини билувчи ягона одам – Норбўта чўпон эканлиги уларга ҳам маълум эди...

– Ҳа, ҳа! Гапингизга тушунгандайман... Чўпон ҳам осонликча ўр ёғини берадиганлар тоифасидан эмасди... Жиноятчиларнинг «яхши гап»га тушунишни хоҳламаётган чўпонга куч ишлатишдан бошқа чораси қолмаган... демоқчисиз-да! – ўзича хулоса қилди Санжарбек.

– Унчалик бўлмаса-да, ҳар ҳолда шунга яқин! Лекин бу тахминнинг ҳам сал ёпишмай турган томонлари бор...

– Яъни... – шогирд устознинг оғзига тикилди.

– Улар чўпонни ўлдиришдан манфаатдор эмас эди. Кутубхона сирини очишни хоҳламаётган чўпонни олдин қийноққа солиши, шунда ҳам у «миқ» этмаса... охирги чорага ўтишлари лозим эди. Осонгина ўлдиришдан уларга нима наф? Лекин марҳумнинг жасадида уриш, қийнаш аломатлари бўлмаганлиги мени ташвишга солмоқда...

– Балки улар қийноққа солишнинг из қолдирмайдиган усулларини қўллашгандир... токка урдириш, тирноғи орасига игна тиқиши дегандай...

– Экспертлар буни сезишган бўлишарди... Тиббий экспертиза хулосасини қараб чиқдим... Азоблаш аломатлари аниқланмаган...

– Ҳа, сиз ҳаққа ўхшайсиз, – деди Санжарбек бoshини сарак-сарак қилиб.

Шу пайт телефон жиринглаб қолди. Фахриддин гўшакни кўтарди:

– Эшитаман!

– Фахриддин Каримович саломатмисиз? Бу мен Фарҳод Шириновичман... Безовта қилмадимми?

- Фарҳод ака яхшимисиз? Ишларингиз яхшими? Нима янгиликлар ака...
- Ҳаммаси жойида. Бир масалада безовта қилаётгандим. Кеча тунда Шахрисабз-Қарши йўлида автоҳалокат рўй берган...
- Хўш... Хўш! – Фахриддин сергакланди.
- Гап шундаки, ҳалокатга учраган машина кабинасидан 10 дона тилла танга топилган... Мутахассислар уларни чўпонникидан топилган тангалар билан бир хил дейишмоқда...
- Шунақами? Ҳайдовчи тирикми?
- Тирик, тирик! Аммо аҳволи оғир... оёғи, қўли бир неча жойидан синган... бошидан жиддий жароҳатланган... ҳозирча ўзига келмай реанимацияда ётибди...
- Шахси маълумми?
- Маълум. Тўрабек Жўраев, расман ҳеч қаерда ишламайди. Айтишларича кўпкари чопаркан...
- Чавандоз денг! Машинада бир ўзи бўлганми?
- Ҳа, ёнида ҳеч ким бўлмаган, ёлғиз бўлган...
- Фарҳод Ширинович, раҳмат! Бутуноқ Санжарбек Қаршига етиб боради. Унгача сиз вазиятни назорат қилиб туринг! – деди Фахриддин гўшакни жойига қўятуриб. Сўнг ёнидаги шогирдига юзланди:
  - Яна Қаршига жўнашингизга тўғри келмоқда. Бир чавандоз автоҳалокатга учрабди, машинасидан 10 дона тилла тангаларап топилибди... Ҳайдовчи реанимацияда ётган эмиш...
  - Чўпондан сотиб олган бўлса керак-да! – деди Санжарбек бамайлихотир.
  - Бўлса бордир! Аммо текшириб кўришга тўғри келади... Балки қалаванинг уни шу ерга бориб тақалар...
  - Қанийди шунақа бўлса! – тиржайди шогирд. – Үн марта бориб келишгага рози эдим!
  - Тўғри Фарҳод Шириновичга учрашинг!

– Есть! – Санжарбек фовқулотда ғайрат билан ўрнидан қўзғалди...

\* \* \*

Тўрабек чавандознинг жароҳати жиддий чиқди. Ўша куни ҳам, ундан кейинги кун ҳам у ўзига келмади. Бу вақт орасида Санжарбек бўш ўтирамасдан чавандознинг шахсини ўрганди, яқинлари доирасини аниқлади, кейинги 2-3 ой ичида нима билан машғул бўлганлиги, кимлар билан алоқа қилганлигини ипидан-игнасиғача таҳдил қилди, оила аъзолари, таниш-билишлари сўроқ қилинди. Аммо ўтказилган тергов ҳаракатлари чавандознинг Норбўта чўпоннинг ўлимига дахлдорлигидан дарак берувчи бирор бир диққатга молик маълумот бермади. Фақат Тўрабекнинг қўл телефонидан Садоқатнинг телефон рақами чиққанлигини эътиборга олмаганда...

Ниҳоят, учинчи кун чавандоз ўзига келди. Тўртинчи кун дўхтирлар терговчига у билан қисқа муддатли учрашишга рухсат беришди. Одатий савол-жавоблардан сўнг Санжарбек мақсадга кўчди:

– Тўрабек ака, машинанинг салонидан топилган қадимий тилла тангала ҳақида нима дейсиз? Сиз уларни қаердан олгансиз?

Чавандоз сергак тортди. Бир оз ўйланиб туриб жавоб берди:

– Ҳа уларними? Анча бўлди... биттасидан олгандим...

– Қачон, кимдан?

– Ҳозир ёдимда йўқ... от сотгандим-да... анов...

– Исли-шарифи, манзилини айтинг! – терговчи қистовга одди.

– О-о-т-и-ни бил-май-ман. «Вотти-вотти»лашига қараганда Тошканлик эди-ёв!

– Қаерда, қачон танишгансиз?

– Чойхонада танишиб қолдик. Менинг кўпкари улоқ чопишимни эшитиб, «от керак, яхши тўлайман» деб қолди. Дўлоб йигит экан. «Кўки»дан берайми ё тилла танга берайми?», – деди. Мен «кўки» ўзимизда ҳам бор, тилла берақол» дедим. У талашиб-тортишиб ўтирмасдан ўн танга бериб, «Қирғий»ни олиб кетди.

– Шаҳарлик бўлса, отни нима қиласкан?

– Отнинг жинниси... э кечирасиз... шинавандаси бўлса керак-да! – бемор тиржайди.

– Отни қандай олиб кетди?

– Қандай опкетарди... миниб кетди.

– Ўзими?

– Йўқ, йўқ. Бир шериги билан келди. Отга ўша минди.

– У ҳам «вотти»ладими?

– Йўғ-э, у шу атрофнинг одами эди шекилли...

– Нимада келишди? Машинаси қанақа эди?

– «Жигули»да... оқ рангли «06» да эди.

– Машинанинг рақами ёки бирор хос белгиси ёдингизда қолдими?

– Номерига қарамапман... оддий машина... тўғриси ёдимда йўқ... – деди чавандоз кўзини юмганча. Сўнг бир нарса эсига тушди чамаси, терговчига қаради. – Машинанинг орқа ойнасига «Не уверень – не обганяй!» деган ёзув бор эди-ёв...

– Ростданми? Ростдан шундай ёзув бормиди? Қандай қилиб...

– Сабаби менинг машинамда ҳам шундай ёзув бўларди бир пайтлар... шунинг учун ёдимда...

– Яхши, сиз Норбўта чўпонни танирмидингиз?

– Қанақа чўпон? Танимайман...

– Садоқатни-чи?

– Қайси Садоқат? Ўзимизнинг китоблик анави...

– Ҳа, ўша Садоқатни.

– Уни танийман, аёлимнинг синфдоши бўлади. Яқинда бечоранинг эрини ўлдириб кетишиди.

– Ким, нега ўлдирибди? – деди Санжарбек таас-суф чеккан кишидай тутиб.

– Билмадим. Қанақадир хазина топган дейиша-ди... – Тұракул хаёлига бирор нарса келди шекилли, ялт этиб, терговчига тикилди. – Шунинг учун экан-да... тиллалар ҳақида ҳалигидай суриштириб...

– Шунақа деса ҳам бўлади! Раҳмат, ҳозирча етарли. Сиз соғайиб олинг, яна учрашамиз, – Санжар-бек қоғоз-қаламини йиғиштириб, ўрнидан турди...

Шаҳрисабз ва Китоб туманларида «Не уверень – не обганяй!» деган ёзуви бор йигирмадан ортиқ оқ рангли «Жигули» аниқданди. Улар орасидан Ортиқали исмли йигит билан сұхбатлашган терговчи «мўлжал»га теккандай бўлди:

– Ҳа анов от излаб юрган Тошкентлик мәҳмонни айтаяпсизми? Унга анча бўп кетди-ку! Кўклам эди чоғи...

– Сиз у билан қандай танишдингиз? – Санжар-бек дадилланди.

– Қандай танишардим? Мадамин калникига... э кечирасиз, Мадамин аканикига келган экан... ўша ерда...

– Мадамин деганингиз ким? Қаерда туради?

– Маҳалладошим. Оддин милисада ишлаган, ҳо-зир улоқ чопади... аммо кўпкарининг пири-да!...

Зудлик билан Мадамин ҳақида маълумот тўп-ланди. Ортиқали ҳақ бўлиб чиқди. Мадамин Со-лиев муқаддам ички ишларда жиноят қидирув бўлимида хизмат қилиб юрган пайтида жиноят содир этиб, қамалиб кетган. Жазо муддатини ўтаб чиққач, тайинли ишда ишламаган. Улоқ чопган...

Мадаминни уйидан топишнинг имкони бўлма-ди. Хотини уни «Тошкентта иш билан кетган, 2-3 кунда келиб қолар» деди. Қўл телефонини топи-шиб, қўнғироқ қилишди. Аммо мижоз гўшакни кўтартмади. Кейинчалик эса телефонини батамом

үчириб қўйди. Телефон қўнғироқлари таҳлили ҳам ҳеч нарса бермади. Телефон рақам янги бўлиб, ундан фақат уйдагилар ва қариндошлар билан гаплашилган. Бу ҳам етмагандай Мадаминнинг номига бирорта телефон рақами қайд этилмаганлиги, у бошқаларнинг номига очилган телефон рақамларидан фойдаланиб келганлиги маълум бўлди. Хотини, қариндош-уруглари номига олинган рақамлар таҳлили ҳам гумондорнинг иккинчи телефон рақамини аниқдаш имконини бермади.

Орадан 4 кун вақт ўтса-да, Мадамин алоқага чиқмади. Бу ҳолатни муҳокама қилган терговчилар «прокуратурадан излаб келишганини эшитиб, Мадамин жуфтакни ростлаб қолди-ёв!» деган ўйга боришиди. Бир балоси бўлмаса... Қочиб қолдими, демак нимадандир чўчияпти, нимадир содир қилган... У билан жиддий шуғуланишга тўғри келди.

Мадаминнинг хотинини сўроқ қилган терговчилар ундан арзигулик маълумот олишолмади. Жувон ҳеч қанақанги тошкентлик меҳмонни кўрмаганлигини, эрининг дўстлари орасида терговчилар тасвирлаётган одам йўқлигини, пойтахтга унинг нима юмуш билан кетганинги билмаслигини айтиб, бир гапда туриб олди. Тошкентда ҳам унинг дараги чиқмади. Хуллас, бу йўналишдаги ишлар ҳам боши берк кўчага кириб қолди.

Мадамин қўл телефонини аллақачон ўчириб қўйган бўлса-да, Санжарбек ҳар эҳтимолга қарши унинг хотини ва бошқа яқинларига тегишли телефон сўзлашувларини эшитишга санкция олди. Кувфиндаги одам ҳар қандай вазиятда уйдагилар билан алоқага киришиб, аҳволни билишга ҳаракат қилиши терговчининг кўп йиллик тажрибасидан маълум. Аммо Мадамин ҳам анойи эмас экан. Орадан 4-5 кун ўтаётган бўлса-да, ҳеч кимга қўнғироқ қилмади. Олтинчи куни тонг саҳарда унинг укаси

Мадраҳимга қилингандык құнғироқ изқуварларнинг диққатини тортди:

- Мадраҳим, яхшимисан?
- Ассолому-алейкум! Ака сизмисиз?...
- Мен, мен... ёнингда ҳеч ким йўқми?
- Йўқ, ҳовлида эдим... Қаердасиз ака? Сизни из-лаб келишди...

– Хабарим бор... Мени диққат билан эшиш! Ҳозир зудлик билан битта телефон топ, бирортанинг номига янги «сим карта» сотиб ол. Кейин телефонни янгангга олиб бориб бер. Менга фақат ўша телефондан чиқинглар...

- Тушундим ака! Ўзиз тинчмисиз? Қачон...
- Худо хоҳласа ҳаммаси яхши бўлади. Ҳавотир олманглар... мен бироннинг телефонидан чиқаяпман... кўп гаплаша олмайман.
- Хўп ака! Тушундим...
- Мадраҳим, менинг янги рақамимни эслаб қол! Бизни эшитишаётган бўлиши мумкин... Биринчи рақам мен яхши кўрган рақам, иккинчиси сен яхши кўрган рақам. Кейин 5 0886.

– Демак...

– Англаган бўлсанг бўлди. Ҳеч кимга оғиз очма. Қўнғироқларингни кутаман... Ҳозирча хайр!

– Бўпти ака!

Санжарбек ўйланиб қолди: «Вой абраҳадар-эй! Ҳудди кинолардагидек парол билан гаплашганини қаранг! Улар яхши кўрган рақам қайси бўлиши мумкин? Нуслан 9 гача бўлган ҳар қандай сон бўлиши эҳтимоли бор. Улардан ҳеч бўлмагандан битасини билганимизда эди. Иккинчисини топиш қийин кечмасди... Ёки Мадраҳимнинг ортидан одам қўйсакмикин? У ҳозир қаердандир телефон топиб, унга пайнетдан янги рақам олади. У чиқиши билан пайнетга кириб, унга берилган рақамини билсак қандай бўларкан? Йўқ, йўқ! Шаҳрисабз

кичкина жой. Пайнет ходими унинг таниши бўлиши турган гап. Дарров Мадраҳимни огоҳлантириши мумкин. Унда иш бузилади...»

Шу орада тезкор ходимлар Мадраҳимнинг уйдан чиққани, бозорга тушиб, телефон харид қилгани ва пайнетга кириб кетганлигини, сотувчи йигит билан дўстона саломлашганини хабар қилишди. Терговчи вақтни бой бермаслик учун Мадамининг ўғли ўқийдиган мактабни, синфни аниқлаб, ўша ёққа қараб йўл олди. Мактаб директори билан келишган ҳолда вилоятдан ташриф буюрган комиссия сифатида Мадаминнинг ўғли – Муҳаммад ўқийдиган 2-синфга ўқувчилар билан сұхбатлашиш баҳонасида кирди. Беш-олти бола билан турфа хил масалаларда мулоқот қилган бўлди. Навбат Муҳаммадга келганда одатий саволлардан сўнг «мақсад»га кўчди:

– Муҳаммаджон, демак, сиз катта бўлганда доктор бўлмоқчисиз, бу жуда яхши! Рақамлардан қайси сонни яхши кўрасиз?

– Мен бешни яхши кўраман... Баҳоларим ҳам беш...

– Ўҳу жуда зўр-ку! Мен ҳам ёшлигимда шу сонни яхши кўрардим... Ойингиз қайси сонни ёқтиради?

– Ойим еттини, дадам тўққизни...

– Ростданми? Нима учун улар бу сонларни яхши кўришади? Сабабини биласизми?

– Ш-у-нинг у-ч-у-н! – деди бола ҳозиржавоблик билан.

– Қойил, жуда зийрак бола экансиз! Сиз албатта доктор бўласиз! Омад сизга!

Санжарбек ҳеч кимда шубҳа уйғотмаслик учун яна бир-икки ўқувчи билан сұхбатлашиб, ортга қайтди. Биринчи рақамнинг топилиши муаммони бир оз енгиллаштириди. Иккинчи сони 0-9 гача бўлган барча телефон рақамлари таҳдиддан ўтка-

зилганда фақат «915 08 86» ва «995 08 86» рақамли телефонлар терговчиларга шубҳали кўринди. Шу сабабли ҳар иккала телефон сўзлашувларини эши-тишга қарор қилинди...

Орадан икки кун ўтиб, 915 08 86 рақамли телефондан Шаҳрисабзга қўнгироқ бўлди:

– Ало-ало, бу менман... аяси яхшимисанлар? – Мадамин ўзини бехавотир тутишга ҳаракат қилди.

– Ў-з-и-н-г-и-з тинчмисиз, д-а-д-а-си!

– Мен яхши, болалар қалай!

– Яхши! Сизни... излаб келишганди... қаердасиз?

– Хавотир олма, ҳаммаси яхши бўлади! Энди сўзларимни дикқат билан эшилт: мен бир муддат уйга боролмайман. Сал четроқда туриб-туришимга тўғри келаяпти. Ҳаммаси жойига тушгач... қайтаман...

– Адаси, одамни... қўрқитманг! Нима бўлди... Тинчликми ўзи! Уйга к-е-л-м-а-й-с-и-з-ми? – Жувоннинг овози титраб кетди.

– Вақтинча дедим-ку! Кўп ваҳима қилаверма... ахир ўзинг... Мадамин бир оз жимиб қолди. Ҳойнаҳой хотинини тинчлантирувчи, кўнглини кўтариувчи бир сўз ахтарди-ю, тополмади шекилли, зарда қилди. – Ҳозир телефонда сенга тушунтириб ўтирайми? Борганда гаплашамиз! Сенлар алоқага чиқманглар, ўзим қўнгироқ қиласман...

– Майли дадаси, ўзингизни эҳтиёт қилинг!

Санжарбек телефон сўзлашувини дикқат билан эшишиб чиқиб, икки хulosага келди: Мадамин қандайдир жиноятга аралашиб қолганлиги аниқ ва у қўлга тушмаслик учун Республикадан чиқиб кетмоқчи. Тезда чегара қўшинлари, божхона назорати, аэропортлар, вокзалларнинг тегишли хизматларига кўрсатма берилди. Тошкент шахридаги барча меҳмонхоналар текширувдан ўтказилди. Аммо кўрилган чораларга қарамасдан Мадаминнинг дараги чиқмади. Орадан беш кун ўтиб, у хо-

тинига яна қўнгироқ қилди. Одатий сўрашишдан сўнг ўзининг эсон-омон хорижга етиб олганлигини қистириб ўтди. Суҳбат унча узоқ давом этмаганига қарамасдан мутахассислар бирпасда қўнгироқ амалга оширилган жойни аниқлашди: Бўстонлиқ тумани «Бочка» атрофи...

Маҳаллий аҳоли «Бочка» деб атайдиган гавжум бозор атрофига тезкор ходимлар юборилди. Шу атрофдаги дала-ҳовлилар, ижарага бериладиган хонадонлар кўздан кечирилди. Қайда дейсиз, тоғ ҳудуди бепоён. Бу ерда одам ахтариш, ўрмонда игна қидиришдай гап. Шу атрофда жойлашган изқуварларнинг гумондорнинг кейинги қўнгиригини кутишдан бошқа иложлари қолмади. Бироқ Мадамин ҳам анойилардан эмас экан. Навбатдаги қўнгироқ Бирлашган Араб Амирлигининг Дубай шаҳридан амалга оширилганда улар бармоқлари ни тишлаб қолишли...

Терговнинг бу сафар ҳам боши берк кўчага кириб қолиши терговчиларни тушикунликка солиб қўйди.

– Балки Мадаминни Дубайдан олиб келтириш чораларини кўрамиз? – Санжарбек қимтиниброқ таклиф киритди.

– Ҳали унинг қотилликка алоқадорлиги ҳам маълум эмас! Биз эса уни қидириш билан вақтни ўтказдик! – деди Фахриддин зарда қилиб.

– Нега алоқаси бўлмас экан? У бекорга жуфтакни ростламаган... Шундан бошқа ким... Менинг ишончим комил...

– Уни қотилликда айблашга нима асосингиз бор? Қани айтинг-чи, жаноб Шерлок Холмс! – гурӯҳ раҳбари овозини бир оз пасайтирди.

– Биринчидан, – терговчи бош бармоини тугиб, ҳисоблашга тушди, – унда айнан ўша олтинларнинг мавжуд бўлгани. Иккинчидан, бегона шахс билан от сотиб олгани. Учинчидан...

– Булар уни қотилликда айблашга асос бўлолмайди! Мадаминни топдингиз ҳам дейлик! «Ҳа, чўпон билан олди-бердимиз бор эди, у тиллада ҳақ тўлади! Отни кўпкари чопишга ёки сўйиб, қази қилиш учун олгандик» деса нима қиласиз?

– Уни топсак, анави шеригини... балки ундан бирор нарса чиқар демоқчийдим...

– Ана энди ўзингизга келяпсиз! – Фахриддин ўрнидан туриб, шогирдига яқин келди. – Ишни ана ўша шахсни аниқлашдан бошлаш лозим!

– Тўғри-ку-я... лекин қандай...

– Буниси энди сизу бизнинг маҳоратимизга боғлиқ. Миямга бир фикр келди. – Фахриддин худди бирор эшитиб кўядигандай шивирлаб гапирди. – Хойнахой Мадаминга хорижга қочиб қолишини биз излаётган шахс ўргатган, тўғрироғи талаб қилган. У бизнинг Чавандоз орқали унга чиқишимизни яхши англаган. Бундай пайтда чет элга дарбадарликка кетаётган, бошқача айтганда шериги учун ўзини қурбон қилаётган Мадамин оиласининг иссиқ-совуғидан хабар олиб туришни ундан талаб қилиши табиий. Шерик ҳам анойи эмас. Ўзи келмаслиги аниқ. Аммо бу ишга кимнидир жалб қилиши мумкин.

Шу куни Мадаминнинг хонадонини кузатувга олган изқуварлар орадан уч кун ўтиб шомга яқин уйга бир шарпа кириб кетганигини кўришди. Ўн дақиқа ўтар-ўтмай бояги кимса уйдан чиқиб, атрофга олазарак аланглади ва кўчада ҳеч ким йўқлигидан фойдаланиб, шитоб билан узоқлаша бошлади. Панада кузатиб турган изқуварлар унинг изига тушишди. Кўча муйилишида уни оқ рангли «Нексия» кутиб турарди. Йўлнинг нарғи томонида «тўй»дан «ширакайф» қайтаётган Улуғбек қайсиadir машҳур қўшиқчининг ашуласини хиргойи қилганча туртина-суртина йўлни кесиб ўтиб, ўрнидан қўзғалган машинага

яқинлашди ва «Нексия»нинг давлат рақамини хоти-расига муҳрлади. Мехмонларда ўшбуҳа уйғотмаслик учун «Ж-о-н-о-н бўламан деб ҳаммани куйдирасанми... воҳай-воҳай» деб қичқириб кўйди. Машинадагилар оёқда зўрга келаётган «алкаш»га эътибор ҳам бермай газни босишиди...

Санжарбекнинг кўрсатмаси бўйича зудлик билан Шаҳрисабздан чиқиб кетувчи йўналишдаги барча «ДАН» постларига давлат рақами 01 СА 94-40 бўлган «Нексия» автомашинасини бошқа транспорт воситалари қаторида ҳаракат хавфсизлиги баҳонасида тўхтатиб, ўта эҳтиёткорлик билан ҳайдовчи ва унинг шеритининг шахсини аниқлаш ҳақида топшириқ берилди...

\* \* \*

Кетидан одам қўйилганидан бехабар Дилором Қосимнинг олдидан чиқиб, такси тўхтатиш учун қўл кўтарди. Санжарнинг ишораси билан сал нарида турган сарик рангли «такси» унинг ёнига келиб тўхтади. Аёл ҳайдовчига эътибор ҳам қилмай, олд ўриндиқча ўтирди:

– Самдуга ҳайданг!

Улугбек газни босди. Аёл сумкасидан қўл телефонини чиқариб, паст овозда ким биландир гаплашди:

– Ассолому алейкум, домлажон яхшимисиз?... Раҳмат, яхши... Ишдамисиз? Ҳозир бораман... Йўқ-йўқ, не телефонный разговор... Хўп бўлади, сейчас поеду.

Дилором Университет хиёбонида машинадан тушиб, тарих факультети томонга илдам юриб кетди.

«Таксист» «объект» машинадан тушиб, «домла»-нинг олдига кириб кетганлиги ҳақида «марказ»ни огоҳлантириди.

Сал ўтмай Дилором факультетдан чиқиб, ишхонаси томонга юрди. Кўп куттирмасдан Шердил домла ҳам «Нексия»сига шошилинч ўтириди. Изқуварлар унинг кетига тушишди. Фараз қилинганидек, домла рулни уйи томонга бурди. «Демак, ниманидир яширишга шошилаяпти» хаёлидан ўтказди Санжарбек.

Домла машинасини кўча юзида қолдириб, у ёқбу ёққа олазарак қараб, уйига кириб кетди ва беш дақиқа ўтар-ўтмас қўлида қалингина чарм портфел билан чиқди. Атрофга аланглаб, ҳеч ким йўқлигига ишонч ҳосил қилгач, машинасига ўтириди...

Санжарбек дарров гуруҳ раҳбари билан боғлануб, вазиятни тушунтириди:

– Домлани ҳозир қўлга олмасак, бирор жойга кириб кетса, «далиллар»ни йўқ қилиши мумкин, – деди у гап охирида.

– Тўғрику-я, аммо унинг қаерга кетаётганлигини билсак ҳам ёмон бўлмасди, – деди Фахриддин босиқлик билан.

– Унда манзилга етиб боргач, тўхташи билан қўлга олсак, нима дейсиз?

– Жуда соз, фақат эҳтиёт бўлинглар... қочириб қўйманглар-да тағин...

Домланинг машинаси шаҳардан чиқиб, Чархин қишлоғи томонга қараб кета бошлади. Қишлоқнинг охирига борганда катта йўлдан чапга бурилиб, кичикроқ кўча бошидаги болохонали уй олдида тўхтади. Шу пайт изқуварлар илдамлик билан машинадан портфелини кўтариб тушиб келаётган Шердилни тўхтатиши...

Холислар иштирокида портфелни очишган терговчилар ҳангуманг бўлиб қолишли: яна қадимиий қўллўзмаларни унга Дилором ва Қосим сотганлигини тан оди:

– Мен тарихчиман. Бу китобларнинг қадрини яхши биламан. Уларни тадқиқ қилиш бизнинг бурчимиз! – деди у гапининг адогида.

– Уларнинг ноқонуний эканлигини била туриб-а! – танбеҳ берди Санжарбек.

– Мен қайдан билай? Менга «ҳаммаси тоза... биз уларни Қашқадарёнинг узоқ қишлоқларидан биридаги чўпондан сотиб олдик» дейишганди.

– У ҳолда нима учун қўлёзмаларни беркитишга ҳаракат қилдингиз?

– Э-э-э, бекитмоқчи эмасдим, кўздан нарироқда... қизимницида тура турсин... деб ўйлагандим-да!

– Дилором боя учрашганда сизга шундай қилишни тайинлаганмиди? – Санжарбек «ҳужум»га ўтди.

Домла бир оз жим қолди. Хаёлидан «булар ҳаммасидан хабардор экан-да!» деган фикр ўтди чоғи, пас овозда минғиллади:

– «Текшириб қолишилари мумкин, вақтинча яшириб туринг» дея роса ваҳима қилди-да!

– Ким текширади, нимани текширади?

– Қайдан биламан? Анов шеригини прокуратурага чақирганмишми-эй... тушунмадим!

Тезда Қосим билан Дилором олиб келинди. Энди ёлғон сўзлашдан фойда йўқдигини сезишиб, ҳар иккаласи ҳам айбларини бўйнига олишди:

– Поччамга ёрдам бериб юриб, аввалига унинг мақсадини илғай олмадим, – деди Қосим ранги оқариб. – Ундан сўрасам, тайинли жавоб бермади. Кеийин видеоёзувларни кўздан кечириб, бу ерда бир сир бор деган тўхтамга кеддим. Бошида гап олтиналар ҳақидамикин деб ўйлагандим. Тахминларимни Дилоромга айтдим. У ҳам бу ишта қизиқиб қолди. Режа туздик. Қўлимиздаги видеотасмадан фойдаланмоқчи бўлдик. Ҳазрати Башир қишлоғига бориб, чўпоннинг уйини, қўтонини топдик. Бир-икки кун кузатдик. Қишлоқда у билан учрашсак, бегона кўз-

лар назари тушишини ўйлаб, уни танҳо учратишга қарор қылдик. Нихоят, у машинасида Шаҳрисабзга тушди. Ошхонага тушлик қилиш учун тушганда, эҳтиёткорлик билан унинг ёнига бордик. Диlorом масалани кўндаланг қўйди:

– Бизда сенинг жиноятиингни фой этувчи далиллар бор, – деди у тап тортмай. – Агарда 20 минг кўкидан эртага кечгача олиб келиб бермасанг, тасмани керакли идоралар қўлига топширамиз.

Бошида чўпон бизни сўкиб берди. Ошхонани бошига кўтариб, бақириб кетди. Яхшиям атрофда одам кам эди. Мен қўрқиб кетдим. Диlorомга «қочдик» дедим. Аммо у ҳам паст кетмади:

– Давлатнинг, халқнинг мулкини талон-торож қилиб, яна бизга бақиряпсанми, сенинг қамоқда чиригинг келяпти шекилли!» дея жаҳҳ билан ўрнидан туриб кетди ва қўлидаги тасмани у томонга отди. – Ма, кирдикорларингни ўзинг ҳам қўриб қўй!

Аёлнинг важоҳатини қўрибми ёки «қамоқ» сўзи ни эшитибми чўпон бир парда пастга тушди:

– Бўпти, бўпти ўтири! Сенларга нима керак ўзи?

– Мен нима кераклигини айтдим! – деди Диlorом жойига қайта ўтира туриб.

– Сизларда қанақа тасма, далил борлигини билмайману, аммо менда унақа пул йўқ. Чўпон одам бўлсам!

– Тоғдаги хазина-чи? – деди аёл ҳамма нарсани биладигандай.

– Қанақа хазина, нималар деяпсан, ақлинг жойидами?

– Ҳар сафар хуржунингни тўлдириб, тоғдан тушаётганингда... ҳеч ким қўрмайди деб ўйлайсанми?

Диlorом нишонга теккан эди. Чўпон бир оқараб, бир қизарди. Лаблари титраб, муштлари тугилди. «Ташланиб қолмасайди» деган хаёлда тайёр турардим.

– Менда унақа пул йўқ! – деди у ниҳоят бир оз ўзига келиб.

– Бизга ўзимизники ҳам бўлаверади! Бозор курси бўйича... – деди Дибором кўзини дўқ қилиб.

– Фирт муттаҳам экансизлар-у! Куппа-кундуз одамни тунаб кетадиган...

– Ҳар ҳолда сизга қиёслагандা бизларни фаришта деса бўлади!

– Мен манови матоҳдарингни кўриб чиқаман. – Чўпон бу маҳмадона аёл билан тортишиб ўтириш бефойдалигини ҳис этди чамамда, гапни калта қилди. – Эртага шу пайтда, шу ерда учрашамиз!

– Бизда бошқа далиллар ҳам бор-а! – деди Диля менга қараб кўзини қисиб кўяркан. – Яна ўйин қилиб ўтиранг-а!

Чўпон бир ўқрайиб, индамай чиқиб кетди...

Бир кун минг кундай бўлиб кетди-ёв! Мен ўтакам ёрилиб, Диляга «қўй кета қолайлик, кунимиз ўтиб турган бўлса, шунча пул бизга нимага керак», – деб ялиндим. Аммо у «қўрқма, ўзининг орқаси бўқ, биронга ғинг этолмайди, пулни олиб келади» дея мардона турарди.

Келишилган пайтда чўпон қўлида каттагина сумка билан кириб келди:

– Мана бу беш минг, кўкидан! Мана бу ерда ўша сизлар расмга олгандаги қадимий китоблар – 10 та. Бозор баҳоси сизлар сўраган пулдан ҳам ошади. Фақат кимга сотишни билишларинг керак. Тағин кўлга тушиб менинг бошимга бало бўлмаларинг!

Диля нимадир демоқчи бўлиб оғиз жуфтлаганди, мен чаққонлик билан чўпоннинг қўлидаги пулни олиб, чўнтағимга жойладим:

– Бўлди, бўлди! Ҳаммаси жойида. Бу ёғини ўзимиз биламиз!

– Бошқа қораларингни кўрмайин! – чўпон шахд туриб, эшик томонга юрди.

Мен иш хамирдан қыл суурғандай битганидан хурсанд, тезроқ бу ердан даф бўлишни ўйлардим.

– Аралашмай турсанг бўлмасми? – деди Диля хўмрайиб.

– Шунча бўлди, хўжа бўлди! Яна нима керак? Билсанг анави китоблар тилладан қиммат туради!

– дедим мен шеригимни тинчлантириш учун.

Самарқандга қайтиб келиб, пулни бўлишиб олдик. Китобларни сотиш учун харидор қидира бошладик. Кимдир Дилкаш домлани тавсия қилди. Адашмаган эканмиз. Домла китобларни кўриб, кўзи чиқиб кетай деди. Лекин баҳосига келганда тортиша-тортиша 10 минг долларга бизни кўндириди...

Қосим «бор гап шу» дегандай Санжарбекка қарди.

– Кейинчи, кейин нима бўлди? – деди терговчи қоғозга нималарнидир ёза туриб.

– Кейин пулни тенг бўлиб... ишлатдик.

– Ундан кейин-чи?

Қосим нима деярини билмай, жавдираб турарди.

– Кейин пулларинг тугаган. – деди Санжарбек зарда билан. – Иштача тамадди пайти очилади деганларидаи, яна Норбутанинг олдига боргансизлар. У сизларни эшитишини ҳам хоҳламай қувиб солган. Ўртада жанжал чиққан. Сизлар икковлашиб, уни бўғишига тушгансизлар. Натижада чўпон ўлиб қолган. Сизлар кўзга кўринган нарсаларни олиб, жуфтакни ростлаб қолгансизлар... Шундайми?

Қосим бақа бўлиб қотиб қолди:

– Бу нима деганингиз? Б-и-з уни бошқа кўрганимиз йўқ! Р-о-с-т-и! Ишонмасангиз Дилядан ҳам сўранг. Худо ҳаққи!

– Яхши, сўраймиз ҳам, аниқдаймиз ҳам! – деди терговчи қатъий оҳангда.

Дастлаб ўзини у ёқдан бу ёққа ташлаб, чалғишига уриниб турган Дијором ҳам Қосим билан

ўтказилган юзлаштиришдан сўнг айбини бўйнига олишга мажбур бўлди. Аммо у ҳам «ўламан саттор, қотилликни биз қилмаганмиз» деб туриб олди...

\* \* \*

01 СА 94-40 рақамли «Нексия»нинг эгасини то-пиш қийин кечмади. Асрор Шаҳрисабзга ўртоғи Суҳробнинг илтимосига кўра борганигини тан олса-да, лекин ташрифнинг мақсадидан хабари йўқлигини, ўртоғи беш-олти дақиқага қаергадир кириб-чиққанини билдиради.

Сўнг Суҳроб «элак»дан ўтказилди. Бошида «ўзим шундай... томоша қилиш учун боргандим»дан на-рига ўтолмай турган йигит терговчилар унинг ҳар қадамидан огоҳ эканлигига амин бўлгач, бир оз иккиланиб гап бошлади:

– Тирикчилик-да, ука... Ижарага машина олган-дим. Кўз юмиб, очгунча ой ўтади. Қарзни тўлаш учун ҳар замонда бир соат – яrim соат кира қи-лишга тўғри келади... Ўша одам... ҳозир қаердан машинамга чиққани ҳам эсимда йўқ. Бизнинг одатимиз шунаقا – ким машинага ўтиrsa, гаплашиб, чақчақлашиб кетаверамиз. У билан ҳам суҳ-батлашиб... дегандай... анча билимли одам экан. Ўзиям тарихни роса биларкан-да! Амир Темур бо-бомиз ҳақида зап гапларни айтиб берди...

– Кейин нима бўлди? – Санжарбек «мақсадга ўт» дегандай ўқрайди. – Исми-шарифи нима экан у жанобнинг?

– Исмини Насруллоҳ деганди. Памилиясини сўрамапман... Кейин у менинг телефон рақамимни ёзиб олди. Хайрлашиш олдидан «У бу хизмат бўлса, сизга айтаверамиз-да!» деди. Мен рози бўлдим. Бир-икки кундан кейин қўнфироқ қилди. Айтган жойига етиб бордим. У менга бир тутунни тутқа-

зиб, Шахрисабзга етказиб беришимни тайинлади. Яхшигина ҳақ берди...

– Тугунда нима борлигини сўрамадингизми?

– Сўрадим. «Пул» деди. Уйга боргач, «наша-паша эмасмикин?» деган хавотирда тугунни титкилаб кўрдим. Йўқ, алдамаган экан. Ўзимнинг машинам узоқ, йўлга ярамайди. Асрор ўртоғимнинг машинасида кетдик...

– Насруллоҳ пулни кимга, нима мақсадда бераётганини айтганмиди? – терговчи савол-жавобни бошлади.

– Манзилни берди, тамом! Бизга нима қизифи бор...

– Аммо бизга қизифи бор! Сиз яхшилаб эслаб кўринг. Пулни кимга, нима мақсадда бераётганини айтган бўлиши керак! Ахир шунча пулни бекорга биронга бермайдилар-ку!

– Йўқ, у ҳеч нарса демади. Манзилни қўлимга тутиб, «шуни етказ» деди, ҳақимизни тўлади, тамом-вассалом..

Терговчилар гувоҳни узоқ вақт сўроқ қилдилар. Аммо ундан терговга нафи тегадиган бирор қимматли маълумотни олиш, «Насруллоҳ»нинг шахсига аниқлик киритиш имкони бўлмади. Суҳробга қилинган телефон рақами ҳам вафот этганига уч йил бўлган рус миллатига мансуб Саша исмли қарияга тегишли эканлиги маълум бўлди. Бу рақамнинг қандай қилиб Насруллоҳга ўтиб қолганлиги ҳам сирлигича қолиб кетди. Гумондорнинг гувоҳлар ёрдамида чизилган фотороботи ҳам, исми бўйича қилинган таҳдиллар ҳам кутилган натижани бермади.

Терговчиларнинг қайта-қайта сўроқдаридан безиб қолган Суҳроб кейинги суҳбат чоғида бир воқеани эслаб қолди:

– Насруллоҳ телефонда ким биландир гаплашиб, «кечгача қироатхонада бўламан», деганди. Эсимда

қолгани «қироатхона» деган сўзни ҳеч эшитмаган эканман. Ўзимча «пивохона бўлса керак» деб ўйладим. Уйга келиб, келинингиздан «қироатхона» нима деб сўрадим. У ўқитувчи эмасми, ўтмишда китоб ўқиладиган жой, кутубхона шундай ном билан аталган деди...

Санжарбек Суҳробнинг кўрсатмалари асосида Насруллоҳ унинг машинасига ўтирган ва тушиб қолган жойларни таҳдил қилиб, чорраҳалар Ўзбекистон Фанлар академияси бош кутубхонаси атрофида туаштаганига амин бўлди. Терговчilar зудлик билан кутубхонага боришиди. Уларни қизиқтираётган З кун ичидан кутубхона хизматидан юздан зиёд ўқувчи фойдаланган экан. Суҳроб китобхонларнинг расмларини кўздан кечириб, улар орасидан «Насруллоҳ»ни дарров таниди. Бу қўлёзмалар институти катта илмий ходими, тарих фанлари номзоди, иқтидорли олим Носир Хотамов бўлиб чиқди...

Домланинг уйида ўтказилган тинтув изқуварларнинг ташвиши бежизга эмаслигини кўрсатди. Яна ўша тилла тангалар, қадимий китоблар...

Носир виждони қийналиб юрганиданми ёки шунчалик топиб келишибди, бу ёфига қаршилик кўрсатиш бефойда эканлигини ҳис қилибми, терговчilarни кўпам қийнаб ўтирмасдан гапни узоқдан бошлади:

—Мактабни олтин, институтни имтиёзли диплом билан битирдим. Талабалик пайтларимдаёқ Турон заминда яшаб ўтган улуғ бобокалонларимизнинг бебаҳо меросига меҳр қўйиб, араб, форс, инглиз тилларини мукаммал ўрганишга киришдим. Бухоро шаҳрининг тожиклар истиқомат қиладиган маҳалласида яшаганим форс тилини, шарқшунослик институтида ўқиганим араб ва инглиз тилини пухта ўзлаштиришимга замин бўлди. Бу хорижий тилларни билишим буюк аждодларимизнинг илмий меросини ўрганишда имкон эшикларини очи-

шини яхши тушунардим. Шундай ҳам бўлди. Аммо мен қаердадир адашдим... Эзгулик йўлида бошлаган ишнинг шундай якун топиши ачинарли... Хом сут эмган бандалар эканмиз-да! Олим бўлдиг-у, одам бўломмадик... – Носир чукур хўрсинди. Терговчилар унинг фикрини бўлмаслик учун савол беришдан ўзларини тийиб туришарди.

– Талабалик давридаёқ Мирзо Улуғбек, Али Қушчи каби алломаларнинг ҳаёти ва ижоди мени ўзига ром этганди. Аммо у пайтларда бу хусусда тадқиқотлар олиб бориб бўлмасди. Шўролар давлати улуғ бобокалонларимиз қолдирган илмий меросини рўёбга чиқаришни истамасди. Мустақиллик туфайли бу борадаги тўсиқлар барҳам топди. Бундан руҳланиб, мен ўз тадқиқотларимни жадаллаштириб юбордим. Али Қушчининг илмий асарлари мени ўзига мафтун этганди. Кунлардан бир куни Душанбе шаҳридаги Фирдавсий номли кутубхонада ушбу мутафаккирнинг «Шарҳи Зижи Улуғбек» («Улуғбек «Зиж»ига шарҳ») асарининг форс тилидаги қўлёзмасининг охирги варакдари ни ўқиб туриб, дафтар ҳошиясига битилган тўрт қатор жумла диққатимни тортди. Арабча ёзилган бу аъшор негадир менга сирлидай туюлди. Шеърни такрор-такрор ўқидим:

*Лав жаро қаломуло фий лисаник,  
Фа инна лулуга Улугбек фий жайбик.  
Лавкана китобул фатхия фий захрик,  
Йа халқий, мифтах ул-тафаккур фий йадик.*

Сўнг ашъорни ўзбекчага таржима қилдим:

*Аллоҳнинг қаломи тилингда бўлса,  
Улугбек дурлари қўйнингда, элим.  
Ғалаба китоби белингда бўлса,  
Тафаккур қалити қўлингда, элим.*

Ўйланиб қолдим: Али Қушчи шоир бўлмаган. Бу тўртлик орқали нима демоқчи бўлаяпти? «Аллоҳнинг каломи тилингда бўлса...» Бу элга одамлар қалбидаги иймон, диёнат унган, тинч ва осойишта даврлар келишига ишора эмасми? «Улуғбек дурлари» деганда муаллиф мол-дунёни назарда тутяптими? Йўқ, йўқ! Бу олтину зар эмас! Унда илмий мерос, китоблармикин? Китоблар... китоблар... Балки бу ерда гап Темурийларнинг йўқолган кутубхонаси хусусида бораётгандир. Тўппа-тўғри! Эврика, эврика! Бошига олма тушган инглиз олимидай хурсанд бўлиб кетдим... Ахир ўша кутубхонани яширишни Улуғбек Мирзо суюкли шогирди, «фарзанди аржуманд» мақомидаги Али Қушчига топширмаганмиди? Устоз-шогирд юрт осмонига қора булутлар сузига келаётганини, чор тарафдан жаҳолат ва хурофтот шамоллари эсиб турганини ҳис қилишиб, бу бебаҳо кутубхонани тайнли жойга яшириш учун олдиндан тайёргарлик кўришгани аниқ. Али Қушчи бу юмузни оби-тобида, ими-жимида адо этган. Сўнгги воқеалар – Улуғбекнинг ўлдирилиши, расадхонанинг талон-торож қилиниши, ундаги қимматбаҳо илмий манбаларнинг ёндириб юборилиши бу буюк олимларнинг хавотири бежиз эмаслигини, кутубхонанинг яширилиши нақадар тўғри ва ўз вақтида кўрилган тадбир бўлганлигини исботлаган. Али Қушчи анча йиллар яширилган хазинани ўз эгасига – Туронзамин халқига қайтариш хаёли билан яшаган. Аммо Темурий амирзодалар ўртасида таҳт учун курашлар давом этаётган, юртнинг гоҳ у, гоҳ бу бурчагида уруш оловлари чақнаб турган бир даврда буюк аллома кутубхона сирини ичга ютишга мажбур бўлган. Кейинчалик юртдан кўнгил узиб, усмонийлар диёрида қўним ва ҳаловат топганида ҳам Али Қушчи бир ўй – яширилган кутубхона тақдирни ха-

ёли билан яшаган бўлса ажабмас. Кутубхонанинг ишончли ва бехавотир жойда сақданаётгани унга таскин бўлса-да, бу бебаҳо дурдонанинг абадий замин қаърида қолиб кетиши хавотири унга сира ҳам тинчлик бермаган. Ахир шунча жавоҳирнинг асл эгаси – ҳалқа қайтмасдан бир умр ер остида яширин қолиб кетиши унинг ёндириб, кули кўйка совурилиши билан баробар эмасми? Аммо кутубхона сирини бирорга билдириш, очиқчасига ёзид қолдириш ундан-да хавфли эканлигини буюк олим яхши тушунган. Нима қилмоқ керак? Мақсадга куч ва жаҳолат йўли билан эмас, балки ақл ва тафаккур йўли билан эришишга ўргангандан аллома узок йиллик бош қотиришлардан сўнг ниҳоят масаланинг ечимини топишга эришган. У бир кун келиб, урфон довонларини эгаллаган келажак авлодлар ёзган асарларини қунт билан тадқиқ қилишига, улардаги мантиқни англаб этишига умид қилган. Шу сабабли яширилган кутубхона «калити»ни асарлари қаърига шундай сингдирганки, тафаккур булоғидан сув ичган фарзандлар буни сезмасликлари мумкин эмасди... Таассуфлар бўлсинки, Али Қушчи умид қилган авлод – фарзанд, тўғрироги фарзанди оқпадар биз бўлиб чиқдик...

Носир чуқур «уф» тортиб, бир муддат жимиб қолди. Терговчилар момосидан чўпчак эшиштаётган боладай унинг оғзини пойлаб туришар, чурқ этган овоз эшитилмасди. Кимдир пиёлага чой қуйиб, ҳамон бир нуқтага тикилганча қотиб турган нотикқа узатди. У чойдан бир-икки ҳўплаб, сўзида давом этди:

– Хуллас, шеърни ўқий-ўқий учинчи қатордаги «Китоб ат-фатҳия» – «Фалаба китоби» жумласида Али Қушчи ўзининг «Рисола ат-фатҳия» асарига ишора қилмаяптимикин деган хаёлга бордим. Астрономияга бағишлиланган мазкур китобни алло-

ма умрининг охирида – 1473 йилда Истамбулда ёзган. Орадан бир йил ўтар-ўтмай бу дунё билан видолашган олим балки ўша кезда Улугбек кутубхонаси сирини келажак авлодларга етказиш учун ўзига берилган охирги имкон эканлигини сезгандир... Шундай қилиб, «Рисола ат-фатҳия»ни қидиришга тушдим. Афсуски, китобнинг нусхаси юртимизда мавжуд эмас экан. Асарнинг қўлёзмалари Истамбулдаги Айо Сўфия кутубхонасида, Машҳаддаги Имом Ризо кутубхонасида, Техрон, Кембриж, Деҳли университетлари кутубхоналарида, Британия музейида ва Германия давлат кутубхонасида сақданар экан.

Қандайдир бир ички ишонч билан Туркияга отландим. Айо Сўфия кутубхонасида бўлиб, қўлёзма билан танишиш баҳтига мусассар бўлдим. Асарнинг ҳар бир варагини синчковлик билан кўриб чиқар эканман, 49-бетдаги тўртлик диққатимни тортди. Асосий матнга уйқаш бўлмаган ва негадир ўзгача усуlda қалинроқ қилиб битилган арабча жумланинг таржимаси шундай маънони англатарди:

*Дўстим, чақа олсанг сўзим маъносини,  
Топажаксан дурларнинг дурдонасини.  
Фирдавсмонад бўйлаб солсанг Кешга йўл,  
Улкан қоя қалбига сол бир бор қўл.*

Сеҳрли жумлалар менга ҳаракат харитасини чизиб бераётгандай, қулоғимга махфий ва сирли воқеадан хабардор қилаётгандай туюлди. Ашъорни такрор-такрор ўқииман. «Сўзларим маъносини чақа олсанг... дурдона топасан! Фирдавсмонандеганда Самарқанд тушунилган. У ердан Кешга қараб юриш лозим. Ўртада довон... Тик қоялар қалбига қўл солиш зарурлигини уқтираяпти... Тоғда нима кўп – қоя кўп! Улкан қоя ҳам кам эмас-

дир. Хаританинг давоми қаерда бўлса! Тўртликнинг тагида «Рисола ал-Муҳаммадийа фи-л-ҳисоб» деган ёзув турарди. Эътибор қилмаган одам шеърни гўёки шу асардан олинган парча деб ўйлаши табиий эди. Аммо мен Али Қушчининг бу рисоласи ҳисоб ҳақида экани, унинг назмга ҳеч қандай алоқаси йўқдигини яхши билардим. Демак, ҳаракат харитасининг давомини шу китобдан излаш тавсия қилинмоқда... Қувониб кетдим.

Қайд этилган китобнинг бизгача икки нусхаси етиб келган бўлиб, баҳтимга бир нусхаси Айо Сўфия кутубхонасида сақланар экан. Дарров ўша нусхани топдим. Лекин рисоланинг такрор-такрор варақлаб, керакли жумлани топа олмадим. Ҳафсалам пир бўлди. Аммо ортга чекинмадим. Асарнинг яна бир нусхаси Голландиянинг Лейден университети кутубхонасида сақланаркан. Ана шу нусхани топиш лозим эди. Нима ҳам қилардим, Лейденга боришига тўғри келди. Европанинг энг катта билим даргоҳларидан бири бўлган Лейден университети кутубхонасида рисолани топиб, диққат билан кўздан кечира бошладим. Асар араб тилида ёзилган бўлиб, кейинчалик Али Қушчининг ўзи уни форсчага ўғирган экан. Моҳиятига уччалик ҳам тушунмаётган бўлсан-да, ҳар бир жумлани ақл чигирифидан ўтказа бошладим. Ниҳоят, қўлёzmанинг 49 бети ҳошиясидаги форсча битик мен қидираётган сирли сатрлар эканлигига шубҳам қолмади:

*Рўзу шаб он гаҳ ки шод баробар,  
Хуршид бо замин шод ҳамдаме асрор,  
Сояе тал боланд шод  
Саворе уштуре кабод,  
Рони гар, муаммо омоде гардад,  
Роҳе оммид кошоде гардад...*

Ўзбекчада аъшор бундай жаранглайди:

*Кун билан тун тенглашган дам,  
Офтоб ерла сирлашган дам,  
Баланд чўққи сояси ул –  
Кўк туяга мингашган дам.  
Сурсанг, жумбоқ ечилади,  
Умид йўлинг очилади...*

Носир негадир тўхтаб қолди. Балки юқоридаги сатрларни илк бор ўқиган чоғда қалбида балқ урган баҳтиёрик, қувонч ҳисси кўнглини бўшатиб юборгандир. Терговчилар эса араб, форс, ўзбек тиллари-даги ашъорларни бир хилда гўзал қилиб ўқиётган бу заковат эгасига қандайдир бир ҳавас билан тикилиб туришарди. Шу билан бирга уларнинг дилида шундай ноёб иқтидорини охир оқибатда қабиҳ ишларга ишлатган ва айни пайтда шу қуйга тушиб ўтирган бу буюк қобилият соҳибига нисбатан ачиниш ҳисси ҳам йўқ эмасди. Нотик ўзини сал ўнглаб олди шекилли, ҳикоясини давом эттируди:

– Ўзимча таҳдил қилишга тушдим: «кун билан тун тенглашган дам... бу ё 21 март ёки 22 сентябр кунлари... офтоб ер-ла сирлашган дам... қўёш ерга тушган пайт, кунботар пайтимикин? Баланд чўққи сояси кўк туяга мингашган дам нима дегани бўлса? Энг баланд чўққининг сояси тушадиган тараф бўлса керак. Демак, у ёқда туяга ўхшаш нимадир бўлса керак. Сурсанг, жумбоқ ечилади... ниманидир суриб, ўрнидан кўзгатиш лозимлиги уқтирилаяпти. Шунда йўл очиларкан. Ҳаммаси равшан! Али Қушчининг ақду заковатига қойил-э! Агар мушиҳадаларим тўғри чиқса, оламшумул воқеа содир бўлишини англаб турардим...

Феврал ойи охирида чет элдан қайтиб келдим. Кун билан тун тенглашадиган пайтгача йигирма

кунча вакт бор эди. Ҳеч иккиланмасдан довонга қараб йўл олдим. Аввало Самарқанд ва Шаҳри-сабз орасидаги тофнинг энг баланд чўққисини топиш зарур эди. Бу юмушни замонавий асбоб-ускуналарсиз амалга ошириб бўлмасди. Туб аҳолидан сўраб кўрса-чи? Улар энг баланд чўққини албатта билишади-ку! Китоб туманидаги тоққа туташ қишлоқдарда бўлиб, кекса отахон-онахонлар билан сұхбатлашдим. Улар бир овоздан Падаркуш чўққисини кўрсатиши. Бу мен излаётган ҳақиқатга яқин эди... Энди кун билан тун тенглашадиган пайтни кутиш қолганди. 21 март куни чоштоҳга яқин чўққига етиб бордим. Қояда узоқ ўтиредим. Ўзимча ён-атрофга аланглаб, форга кириш туйнугини ахтардим. Қайда дейсиз, ҳамма ёқ тош, турли-туман шаклдаги катта-кичик харсанглар. Аниқ жойни билмасанг, бутун бошли тоғни қўпориб ташласанг ҳам фор оғзини топиш амримаҳол. Чўққининг соясига термиламан. Қуёш оққан сари узоқлашиб бормоқда. Қаерга бориб тўхтаркан... Ниҳоят, орзиқиб кутган дам яқинлашди. Офтоб уфққа бош қўйди. Падаркушнинг сояси мен турган жойдан тахминан бир ярим минг қадам наридаги тикроқ қоянинг белига бориб тўхтади. Дарров ўша нуқтани хотирамга муҳрладим. Туянинг ўркачини эслатувчи кўкимтир бу қоя кўзимга сирилдай кўриниб кетди. Ногаҳон шеърдаги жумлалар ёдимга келди: «кўк туяга мингашганда». Ҳа, ҳа ҳаммаси тўғри келмоқда! Адашмапман... Тўрва-халтамни орқалаб, ўша ёққа шошилдим. Узоқдан ясси кўринса-да, қоя анчагина тик экан. Инқилаб-синқилаб, қош қорайганда манзилга етиб келдим. Қидиришни аzonда давом этиришни дилимга туғиб, икки «ўркач» ўртасидаги текисроқ жойга чодиримни тикладим. Сўнг гулхан ёқиб, бир оз исиниб, тамади қилиб олдим...

Кун ёришиши билан яна ишга тушдим. Атрофии синчиклаб кузатар эканман, юрагим қинидан чиққудай тез уриб, күнглим бежузур бўлаётганини сездим. Қалбим бир нарсани англаётгандай, қинидан чиқиб кетадигандай беҳаловат эди. «Хазина бор жой одамнинг қалбини тўлқинлантириб, ҳаволантириб юборади» деган гапни эшитгандим. Демак, хазина шу ерда! Шошилмасдан катта-кичик тошларни ўрнидан қўзғатиб, қавариқ жойларни кавлаб кўрдим. Ҳеч қандай из, ҳеч қандай туйнук кўринмасди. Асрлар давомида бир жойда ялпайиб ётган зил-замбил тошларни қимирилатиб бўлмасди. Гоҳ у тошни, гоҳ бу тошни итариб, атрофини чўкичда кавлаб кўрдим. Шеърда «сурсанг» деган жойи бор эди-ку! Аммо, қанча чиранмай тошларни ўрнидан қўзғатиб бўлмасди. Наҳот адашган бўлсам! Вақт ўтган сари миямда шу савол айланарди. Йўқ, бўлиши мумкин эмас! Ҳаммасини рисоладагидай адо этдим-ку! Барча маълумотлар тўғри келаяпти-ку!

Пешинга яқин кун бир оз тобга келгач, ишим жадаллашди. Туяning ўркачига ўхшаш катта харсанг тошнинг атрофини титкилашга тушдим. Тош шунчалик баҳайбат эдики, уни қўл у ёқда турсин, кўтарма кран билан ҳам жойидан силжитиб бўлмасди. «Балки атрофида бирор ёриқ бордир» деган хаёлда харсангни ён-верини тозалаб чиқдим. Аммо ҳеч қанақа туйнук, ҳеч қанақа тирқиши кўринмасди. Харсангга суюниб, бир оз тин олмоқчи бўлдим. Шу пайт баҳайбат тош билинар-билинмас ўрнидан силжигандай бўлди. Сапчиб туриб, жон ҳолатда тошни итаришга тушдим. Во ажабо! Шундай катта тош бир озгина силжиди. Бор кучим билан тошга ёпишдим. Негадир энди у бир нарсага қадалиб, қотиб қолгандай эди. Пастга энгашиб, тошнинг таг қисмини чўкич билан кавлаб, бир оз очдим.

Шунда харсангнинг остки қисми ўйилиб, унга мармар тошдан ясалган пона тиқиб қўйилганини кўрдим. Анча уриниб, понани тиқилган жойидан олдим. Энди катта харсанг худди муаллақ тургандай чайқалиб қолди. Кўрқа-писа тошни қўлим билан оҳиста итардим. Тош силжиб, горнинг оғзи кўринди...

Терговчилар худди ўзлари сирли хазинанинг устидан чиқиб қолгандай, қалтис ҳаракат қилиб юборса, горнинг оғзи ёпилиб кетадигандай бутун вужудлари қулоққа айланиб жим туришарди.

Носир пиёладаги чойдан бир ҳўплаб, синик овозда давом этди:

— Қувончим ичимга сифмасди. Бир оз нафасимни ростлаб, керакли анжомларни орқалаб, ўрага тушдим. Кириш йўли торгина бўлса-да, горнинг ички йўлаги кенгая борди. Бир оз эмаклаб, сўнг чўккалаб юрдим. Йигирма-ўттиз қадам юргач, бемалол тик туриб юришга имкон бўлди. Қўлимдаги фонар билан ёритиб, горни кузатаман. Сон-саноқсиз ўргимчак тўрлари ичига тушиб қолгандай эдим. Юрагим уюшиб кетди. «Эй Худо! Жин-пин чалиб кетмасайди!» деган ўй яшиндай хаёлимдан ўтди. Ичимда калимамни қайтардим. Қўрқув бир оз чекингандай бўлди. Фор тўрига секин одимладим. Ўн беш-йигирма қадам юргач, горнинг чап бурчагида пастқамгина, кўринишидан анчагина қалин эшик пайдо бўлди. Эшик соф гранитдан ёки тоза оқ мармардан ясалган шекилли, шунча йиллар ўтган бўлса-да ҳамон ялтираб туради. Ён-атрофини тозалаб, паст қисмидаги зулфак вазифасини ўтовчи тиқинни авайлаб олиб ташладим. Зич ёпилган эшикни куч билан итариб очдим. Пайпаслаб ичкарига кирдим. Қўлимдаги чироқни кўтариб, хонани ёритдим. Ҳужра каттагина эди. Тўрда қатор териб қўйилган хумларга кўзим тушди. Ўша томонга юр-

дим. Олдиндаги икки-уч хумнинг оғзи очиқ, ичи бўш эди. Тўрдаги хумларнинг оғзи қандайdir оғир қопқоқ билан беркитилган эди. Тиршанглаб, четдаги хумлардан бирининг қопқофини силжитдим ва чироқни хумнинг ичига қаратдим. Нимадир ялтираб кетди. Во ажабо, тилла! Бир ҳовучини қўлга олиб, олтинга маҳлиё бўлиб қолдим. Шу пайт нимадир вишиллагандай бўлди. Чироқни кўтардим. Шундоқ, тепамда одамнинг билагидай келадиган даҳшатли илон тебраниб турарди. Тилим калимага келмай, бир муддат қотиб қолдим. Бир сонияда хаёлимдан минглаб фикрлар ўтди. «Бўлди, бўлди, тегмайман, мана кетаяпман», дея шивирлаб, секин орқага тисарилди. Кўлимдаги чироқдан ҳайиқдими ёки чекинганимдан кўнгли тўлдими илон бир зумда кўздан фойиб бўлди. «Олтин бор жойда илон бўлади», дейишишарди, тўғри экан-да! Кўрқув қанча кучли бўлмасин, хазинани топишга бўлган иштиёқ ундан кам эмасди. Чироқни у ён, бу ёнга қаратиб, хужрани бошдан-оёқ кўздан кечирдим. Илон кўринмади. Демак олтинга яқин бормасант, унинг сен билан иши йўқ. Кўлёзмалар қаерда бўлса! Асосий форга қаердандир йўл бўлиши керак. Чап томондаги деворга яқинлашаман. Эшик, изи кўрингандай бўлди. Курак билан деворни қалин ўргимчак тўрларидан тозаладим. Энди туйнук изи яққол кўрина бошлади. Шошилмасдан эшикнинг зигини тозалаб, пастки қисмдаги тиқинни олиб ташладим. Эшик фирчиллаб очиди. Пастга қараб кетган узун йўлакка чиқдим. Туртина-туртина зинапоялардан пастга туша бошладим. Бу жой табиий форга ўхшамасди. Зиналарга, девордаги ишловларга қараб, бу иншоот инсон қўли билан яратилганлигига амин бўлдим. Тахминан юзта зинадан пастлаб, яна боягидаи эшикка дуч келдим. Роса толиққанимга, нафас олишга қийна-

лаёттанимга қарамасдан эшикни очиб, ишкериши талпиндим. Димоғимга қандайдир ёқимсиз ҳид урилди. Оғзи-бурнимни рўмолчам билан бескитиб, атрофга алангладим. Ертўла анчагина катта экан. Деворининг охири кўринмасди. Бу жой менга юқоридаги ҳужраларга қараганда қуруқ ва салқин туюлди. Киришга яқин жойда мис кўзалар, сопол хумлар, турли-туман катта-кичик идишлар сочилиб ётарди. Икки ён бўйлаб кетган узун токчаларда бир хил ҳажмдаги қоплар териб қўйилган. Шоша-пиша улардан бирига яқинлашиб, атрофини тозаладим. Сўнг қўлим билан пайпаслаб, қопнинг пишиқ теридан тикилганига амин бўлдим. Қопни титкилаб, бирор жойда чокини ёки тикиш ўрнини топа олмадим. (Доно боболаримиз ҳаво ўтказмасин учун шундай қилишган.) Аммо қопларда қўлёзмалар борлигига менда шубҳа қолмаганди. Сумкамдан пичноқ олиб, қопни тешишга тўғри келди. Во дариф! Қўлёзмалар шунча йиллар давомида ҳеч бир талофатсиз, ўз ҳолича яп-янгидаи сақланибди. Ҳазрат Амир Темур, Мирзо Улуғбек, Али Қушчи каби буюк алломаларнинг табарруқ дастлари теккан нодир китобларни қўлимга олиб, бағримга босиб, бир муддат хуморимдан чиқдим. Кўзимдан қувонч ёшлари селдай оқарди...

Носир бир муддат жимиб, чуқур ўйга толди. Санжарбек пиёлага чой қуиб унга узатди. Гумондор аллақачон совиб қолган чойни ҳўплар экан, жиддий тортиб, Фахриддин Каримовичга юзланди:

– Бошлиқ жаноблари! Шу пайтгача йўқолиб кетганлиги тахмин қилиб келинган Темурийлар кутубхонасини топиш бахти менга насиб этди. Бу шарафга ўз билим ва иқтидорим, меҳнатим билан эришдим. Келажак авлодлар кутубхонанинг топилишини менинг номим билан боғлаши табиий... ҳар ҳолда меҳнатим зое кетмади!

– Эзгулик йўлида қилинган ҳеч бир савобли иш авлодлар ёдидан чиқмайди! – Санжарбек гап қўшиди.

– Бу билан «сизнинг ниятингиз эзгу бўлмаган» демоқчимисиз? – Носирнинг қоши чимирилди.

– Иқтидорингизга қойил қолмай илож йўқ! Кутубхонани топишингиз илм-фан оламидаги энг буюк воқелик бўлиши табиий. Аммо...

– Менинг ниятим кутубхонани топиш, бебаҳо қўлёзмаларни халқа қайтариш эди. Мени олтинлар ҳам қизиқтирмаган. Ҳатто ўша ҳум тўла олтина зарлардан бир дона ҳам олмаганман...

– Унда нега ихтироингиз ҳақида жамоатчиликни, тегишли давлат органларини хабардор қилмадингиз! Шунда ўзгарат-шонингиз ошиши билан топилган мулкларнинг 25 фоизига ҳам қонуний эга бўлардингиз-ку!

– Биламан, мен ҳам шундай бўлишини хоҳладандим. Бироқ воқеалар ривожи ҳамма вақт ҳам сен истагандек бўлавермас экан...

Санжарбек нимадир демоқчи бўлиб оғиз жуфтлаганди, Фахриддин кўрсаткич бармоғини лабига теккизиб, билинар-билинмас «ти-ишиш!» деб уни тўхтатди.

– Ҳом сут эмган бандалар эканмиз-да! – Носир хомуш гап бошлади. – Ўшанда топилмани оммага эълон қилсанам бўларкан. Бу ишни пайсалга солганим энг катта хатойим бўлди. Ўзимча, қўлёзмаларни саноқдан ўтказиб, улардан диққатга сазоворларини тадқиқ қилмоқчи, илмий ишларимни жадалластирмоқчи эдим. Гўёки уларни давлатга топширсам, қайта кўрмайдигандай, кимлардир уларни талон-торож қилиб юборадигандай, қўлёзмалар илмни тущунмайдиган кимсалар қўлига тушиб қоладигандай, меҳнатларим бесамар кетадигандай, илмий тадқиқотларимни давом эттира олмайдигандай туюлаверди. Шуларни ўйлаб, бу

ишда қатъиятсизлик қилдим. Нихоят, бир тўх-  
тамга келиб, кутубхонани давлатга топширмоқчи  
бўлиб юрган кезларимда... қолган ишга қор ёғди...  
Ўша куни форга кириб, унинг сиридан воқиф яго-  
на мен эмаслигимни сезиб қолдим. Хумлардаги  
олтиналар чўфи бир оз камайгандай эди. Дастреб  
«балки кўзимга шунаقا кўринаётгандир», деган  
хаёлга бориб, ўзимни овутдим. Кейинги борга-  
нимда, мен илк бор форга кирган куни қўлим тек-  
кан катта хумдаги олтиналар йўқолиб қолган эди.  
Кўрқиб кетдим. Қўлёзмалар сақланадиган хона-  
га шошилдим. Оддинги қатордаги 3-4 та қоп йўқ,  
эди... Шу кетишда қисқа вакт ичидаги олтину жа-  
воҳирлар майли, бебаҳо қадимий қўлёзмалар олиб  
чиқиб кетилиши, энг даҳшатлиси, улар очкўз ва  
разил кимсалар томонидан хорижий давлатларга  
ташиб кетилиши турган гап эди. Щунда ўзлари-  
нинг жонларини хавфу хатарга қўйиб, шу нодир  
китобларни олти аср бус-бутун сақлашга эришган  
ва бизгача етказиб келган буюк боболаримизнинг  
қарғишига қолмайманми? Уларнинг табаррук  
руҳларини чирқиратган бўлмайманми? Шуларни  
ўйлаб, бошқа ишларимни йигиштириб, энди ўша  
кимсанни топишга киришдим. Панароқ жойда чо-  
дир қуриб, горнинг оғзини пойлай бошладим...  
Олти кун ўтиб, тонг пайти гор атрофида елкасига  
хуржунини ташлаб олган эллик ёшлардаги баланд  
бўйли, бакувват, чўпонларга хос кийинган киши  
пайдо бўлди. У олазарак бўлиб, теваракни кузат-  
ди-да, чаққонлик билан гор оғзини очиб, ичкарига  
тушиб кетди. Секин гор ёнига бордим ва тошни  
суриб, гор қапқоғини ёпиб қўйдим. Бир хаёл кетиб  
қолмоқчи ҳам бўлдим. Щунча олтиналарни олиб,  
кўзи тўймасдан энди қадимий дурдона асарлар-  
ни ҳам тап тортмай ташишга тушган бу фаламис-  
ни бошига топган олтиналарини кўтара олмай бир

умрғор ичида қолиб кетгән эртак қаҳрамонининг кунини солсам бўларди. Лекин савобли ишга қотилликни аралаштириб, жиноятчига айланиб қолишмдан чўчиб, фикримдан қайтдим. Балки ўша нусха билан келишиш мумкинdir. Унга бойлик керак, менга эса қўлёзмалар!

Чўпоннинг (тахминим тўғри чиққанини кейинчалик билдим) тирикликнинг қадри ҳақида мушоҳада юритиб олишига етарли фурсат бериб, асрга яқин гор оғзини очдим. Ичкаридан беш-олти соатда яшашдан умидини узиб, бир аҳволга тушиб қолган, бироқ хуржунининг бир кўзини тиллага, иккинчисини китобларга тўлдиришни ёдидан чиқармаган киши бошда дўпписи қийшайиб чиқиб келди. Бу тасодифий учрашув мени қанчалик ҳайратга солган бўлса, уни ҳам лол этгани аниқ эди. Ўша тобда ҳар иккимизнинг қалбимиздан «сир – бир киши билсагина сир, икки киши билган сир – сир эмас!» деган фикр ўтган бўлса, ажабмас. «Балки у мени қандай йўқ қилишни ўйлаётгандир», деган бемаъни хаёлга ҳам бордим. Ахир олtinga ружу қўйган шахсадан ҳар нарсани кутиш мумкин. Эҳтиёт шарт жавоб зарбасига шай бўлиб турдим... Танишдик. Мен унга шарқ ҳалқдари қўлёзмалари бўйича олим эканлигимни, илмий изланишлар туфайли шу ерларга келиб қолганини қисқача айтиб бердим. Бир оз мулоқотдан сўнг Норбўта чўпон менга сал қўпол бўлса-да, содда ва дилкаш одамдай туюлди. Одатда хазина топган ҳаволаниб, ўзидан кетиб қолиши лозим эди. Аммо бу чўпон ўзини йўқотмаган, оғир ва босиқ. Муроса-ю мадора деганиаридаи узоқни ўйлаб, уни гапга солдим. Шунча ақдли одамлар эриша олмаган шарафга, шу оддийгина чўпоннинг қандай сазовор бўлгани менга тинчлик бермасди. Ташвишими

ни тушунди шекилли, ниҳоят, у бўлган воқеани айтиб берди.

Кичик аёлининг она томондан бобоси бир пайтлар ҳукуматдан қўрқиб, бир талай тилла яширган экан. Бобо ўлими олдидан бу кўммани қизига очик айтмаса-да, ишора қилиб кетибди. Лекин шу пайтда аёл киши бу нарсага унчалик эътибор қилмаган. Қўл учida кун кўрсалар-да, тиллани олиш хаёлига келмаган. Норбўта Садоқатга уйлангач, бир куни гапдан гап чиқиб, бобосининг тиллалари ҳақидағи ҳангомасини айтиб қолган. Чўпонга негадир бу гапларда жон бордай туюлаверган. Кунлардан бир куни тиниб-тинчимас бу одам таваккал қилиб, бобо ишора қилган жойни кавлашга тушибди. Хотини иккаласи тун бўйи ҳовлиниң тахмин қилинган жойларини кавлаб чиқишибди. Кейинги кун темир изловчи аппарати билан мутахассисларни ҳам бу ишга жалб қилибди. Хуллас, бобонинг гаплари рост чиқибди. Эр-хотин анча-мунча тилла тангалар, тилла буюмлар топиб олишибди. Яна анчагина қадимий китоблар ҳам чиқибди. Тиллаларни анча-мунчасини сотиб, кам-кўстига ишлатишган. Бир кўзача қадимий тилла тақинчоқларни ургутлик тамакишуруш таниши еб кетган. Олтинлар тугаб бўлгач, навбат қўлёзмаларга келган. Шунда улардан бирининг ичидан қандайдир чизма – харита чиқиб қолган. Кўнгли бирор нарсани сезган шекилли, чизмани мактабда география ўқитувчиси бўлиб ишлайдиган синфдошига кўрсатибди. Буни қарангки, харита Темурйлар кутубхонаси яширилган жойнинг чизмаси экан. Менимча, Али Кушчи сирли горнинг қурилишида қатнашишга жалб этилган шахслардан бири ҳар эҳтимолга қарши унинг чизмасини фарзандларига қолдирган. Ўтган йиллар давомида кимдир чизмадан фойдаланиб, горни топиш ва ундаги олтину жавоҳир-

лар, құләзмаларга эгалик қилиш бахтига мұяссар бұлған. Харита мерос сиғатида авлоддан-авлодға ўтиб, ниҳоят, Садоқатнинг бобоси құлиға тушган. Шүролар ҳукуматининг қатағон даврларида биласиз, олтинлар ҳам, құләзмалар ҳам эгасининг бошиға оғир мусибатлар келтириши тайин әди. Шундан чүчиган бобо олтинларни күміб ташлашға қарор қылған. Бу бойлик нафақат ўзига, балки фарзандларига ҳам яхшилик келтирмаслигини сезған. Фақат бу фоний дүнёни тарқ этар өфіғіда қызига хазина ҳақида ишора қилишга жуրъят қылған... Норбұта бўлмаганда, балки ўша кўмма абадий ер қаърида қолиб кетган бўлармиди!

Мендан сўнг сал вақт ўтар-ўтмас чўпон ҳам синфдошининг кўмагига таяниб, форни топишга эришган... Қисқа давр ичида фордаги олтинларнинг бир қисмини ташиб кетишга ҳам ултурған. Уларни нимага ишлатганидан хабарим йўқ. Шунча бойликка қаноат қилмай кейинчалик құләзмаларни пуллашға ўтган... Менимча, у қадимий құләзмаларни тушунадиган бирор кимса билан танишиб олган. Китобларга яхшигина ҳақ тўлаб, Норбўтанинг бошини айлантириб қўйган...

Хуллас, ўша куни биз Норбўта билан келишиб олдик. Форга фақат зарурат бўлганда, иккаламиз бирга келишга, нимани олишимизни биргалиқда ҳал этишга, бошқа бирор тирик жонга бу сирни ошқор қилмасликка онт ичдик. Аммо чўпон аҳдидда турмади. Мен Тошкентда пайтим форга бир неча марта келиб, олтинларни олгани етмагандай нодир құләзмалардан бир қанчасини гумдон қилибди. Бу дурданаларни кимга сотгани, қаерга қўйганини билмайман. Шундан кейин ҳам уни бир неча бор огоҳлантиридим, инсофга чақирдим. Бир муддат у ўзини тийгандай бўлди. Хурсанд бўлдим. Кейинчалик айтишича, кимлардир унинг

тоғда тентираб юришидан, «хитлаб» қолган экан. Қандайдир суратларними ёки кассеталарними рүкач қилишиб, тамагирлик йўли билан анча-бунча пулин ҳам олишибди. Улардан амаллаб қутулиб олгандан сўнг Норбўта яна аввалги қилифини бошлади. У хазинадан ўз билганича, пала-партиш ва очкўзларча фойдаланишда давом этди. Сўнгги бор учрашганимизда у, «бойликнинг ярми меники, ярми сеники! Ўз улушимни олаяпман. Хоҳласанг, сен ҳам ўз улушингни ташиб кетавер!» дея ниятини очиқ ошкор қилди.

Форга қўриқчи ҳам қўйиб бўлмасди. Оғзини беркитиб ташлашнинг ҳам имкони йўқ эди... Шу туришда бир-икки йилда хазинанинг кули қўкка совурилиши аниқ эди. Шуларни ўйлаб, тинчим бузилди, буткул ҳаловатимни йўқотдим... Узоқ мушоҳадалардан сўнг йўл топгандай бўлдим. Бу анча оғир, қалтис ва нозик бўлса-да, ягона тўғри йўл эканлигига менда шубҳа қолмаганди. Ота-боболаримизнинг бебаҳо меросини сақлаб қолиш, уни талон-торож бўлишига йўл қўймаслик ва бу меросни асл эгасига – ҳалқقا қайтариш учун бир ғаламисни нариги дунёга равона қилиш савоб ишдай туюлди менга ўша чоғда...

Бироқ мен – шахсан ўзим бу ишни амалга ошира олмасдим. Ишончли одам топиш керак эди. Хуллас, Шаҳрисабзда от сотиб олиш баҳонасида Мадамин чавандоз билан танищдим. У муқаддам милицияда ишлаган, қамалиб чиққан, қаҳри қаттиқ ва айни пайтда улдабурон одам экан. Каттагина пул эвазига уни бу ишга кўндиридим. Чавандоз иккич уч ой тайёргарлик кўрди. Чўпоннинг телефон сўзлашувларини эшитиб борди. Мақсад, қотиллик учун қулай фурсатни топиш ва бу ишни бошқа бирорвнинг бўйнига афдариш эди...

Ўша куни Норбўтанинг кичик хотинига телефон қилиб, унинг рашкини қўзгатиб, эрининг ёнига йўллаган ҳам, усталик билан хотиннинг курткаси тугмасини узид олиб, уни чўпоннинг чайласидаги стол остига ташлаб қўйган ҳам шу Мадамин эди.

Бу ҳам етмагандай шу куни чўпонникига Самарқанддан қандайдир меҳмонлар келётганини билиб, улардан сал олдинроқ ишни битириб, қотиллик устидан чиқиб қолган меҳмонларни бу жиноятда гумондор қилиш ҳам шу Мадаминнинг фояси эди.

Унинг фикрича, терговчилар суриштириб-нетиб ўтирмасдан чўпоннинг ўлимида ё унинг иккинчи хотинини, ёки ўша самарқандлик меҳмонларни айблаб, қамаб юбориши лозим эди... Аммо сизлар ёлғон издан кетмадингизлар...

Носир, «бор гап шу, қолганлари сизларга маълум», дегандай елка қисди. Терговчилар узоқ пайт зимистондан ёруғликка чиққан одамдай енгил тин олдилар. Шу пайт тезкор ходимлардан бири бир варақ қофоз кўтариб, Фахриддинга узатди. Қофозга кўз юргутириб, унинг чеҳраси ёришди:

– Мадамин дубайлик ҳамкасларимиз томонидан қўлга олинибди!

– Хайрият-эй! – Санжарбек ўрнидан туриб кетди. Энгашиб, бошлиқнинг қулоғига шивирлади. – Бу йил «хотин ақа»нинг туғилган кунига етиб бора-диган бўлдик, ура!

– Унчалик суюнманг, йигит! – деди Фахриддин жилмайиб. – Тоҳир Гофурович, «ишни тезроқ якунланглар, Зомин туманида содир этилган қотиллик бўйича ёрдам бермасанглар, бўлмайди», деяётгандилар-а!

– Йўғ-э! Дарров-а! Ишқилиб, хотин отасиникига кетиб қолмаса бўлгани...

– Кетмайди! Аксинча, улар сиз билан фахрланишади...

Орадан бир неча кун ўтиб, матбуотда мамлакат Президентининг «Темур ийлар кутубхонасини топган бир гуруҳ ходимларни мукофотлаш ва кутубхона илмий меросини тадқиқ қилиш бўйича давлат комиссияси таркибини тасдиқлаш тўғрисида»-ги фармони эълон қилинди.

**2013 - 2015 йиллар  
Жиззах - Тошкент**

*TAMOM*

*Адабий-бадиий нашр*

КОМИЛ СИНДАРОВ

**ТЕМУРИЙЛАР  
КУТУБХОНАСИНИГ СИРИ**

*ҚИССА*

Муҳаррир  
Маъмура ҚУТЛИЕВА

Бадиий муҳаррир  
Уйғун СОЛИҲОВ

Компьютерда саҳифаловчи  
Суннат МУСАМЕДОВ

Техник муҳаррир  
Сурайё АҲМЕДОВА

Лицензия рақами: АI № 252, 2014 йил 02.10 да берилган.

Босишига 2018 йил 26 ноябрда рухсат этилди.

Бичими 84x108<sup>1\32</sup>.

Босма табоги 10,0. Шартли босма табоги 16,8.

Гарнитура «Bookman Old Style». Офсет қофоз.

Адади 10000 (II завод 3000) нусха. Буюртма № 169/40.

Баҳоси келишилган нархда.

«Янги аср авлоди» НММда тайёрланди.

«Ёшлар матбуоти» МЧЖда чоп этилди.

100113. Тошкент, Чилонзор-8, Қатортол қўчаси, 60.

***Мурожаат учун телефонлар:***

Нашр бўлими – (78) 147-00-14; (78) 129-09-72.

Маркетинг бўлими – (98) 128-78-43; (93) 397-10-87;

факс – (71) 273-00-14;

e-mail: yangiasravlodi@mail.ru









# КОМИЛ СИНДАРОВ

...Гўри Амир мақбараси ёнида тумонат одам тўпланган. Ўша ёққа юрди. Ичкаридан шоҳона либосда юз-кўзларидан нур ёғиб турган бир киши чиқди. Чехраси танишга ўхшайди. Ким бўлди экан бу муборак зот? Ҳамма таъзим бажо қилишиди. У ҳам хиёл энгашиб, қўлини кўксига қўйганча салом берди. Ҳалиги киши бир сўз демасдан атрофдагиларни кузата бошлади. Нигоҳларининг ўткирлигини қаранг! У ҳам ўғринча муборак зотга разм солди... Ҳақиқатда жуда таниш... Мирзо Улуғбекка ўхшайдими? Ҳа, ҳа ростдан ҳам Улуғбек Султоннинг ўзлари! Юраги энтикиб, негадир кўзларидан ёш қалқиди. Ахир шундай буюк олимни, 40 йил Мовароуннаҳр таҳтини адолат ва маърифат ила бошқарган шоҳни ёнгинасидан кўриб туриш баҳтига мұяссар бўлиш ҳар кимга ҳам насиб этавермайди-ку! Аммо... у 1449 йилда ўғли Абдулатиф томонидан ўлдирилмаганмиди?



[www.book.uz](http://www.book.uz)

Онлайн китоб дўкони

ISBN 978-9943-27-651-2



9 789943 276512